







四部叢刊初編集部

遺山先生文集



卷一至卷二十

上海涵芬樓借烏程
蔣氏密韻樓藏明弘
治戊午刊本景印原
書版匡高營造尺六
寸四分寬四寸六分

遺山先生文集序

唐開天間李邕李白皆以文章鳴世
邕之所至阡陌聚觀以為異人衣冠
尋訪門巷填噓白則王公趨風列岳
結軌群賢翕習如鳥趨鳳是豈懸市
相夸沽聲索價而後得之哉要必有
以漸漬其骨髓動盪其血氣藻鬯其
襟靈故天下之人為之咨嗟淫液鼓

舞踴躍景附響合而不能自己也吾
友元君遺山其二李後身乎始歎能
詩甫冠時名已大振尋登進士上第
興定正大中殆與楊趙齊驅壬辰北
還老手渾成又脫去前日畦畛矣君
嘗言人品實居才學氣識之上吾因
君言亦嘗謂天下之事皆有品繪事
圖摹技之末也或一筆之奇一著之

妙固有終身北面而不能寸進者彼
非志之不篤習之不專也直其品不
同耳如君之品今代幾人方希刷羽
天池揚光紫微不幸遘疾而沒其遺
文數百千篇藏於家雖有副墨而洛
誦者率不過得什一二其所謂大全
者曾莫見焉是以天下之大夫士歎
焉若懷宿負而未之償也東平嚴侯

第忠傑有文如淇與好善如干旄獨
能求得其全編將鋟之梓且西走書
數百里命予序引予謂遺山之文之
名有目爭睹有耳咸聳庸何序為惟
君有蓋棺之恨此其可言者得以論
述之

主上薨居藩邸挹君盛譽一見遽以
處之太史氏不數歲

神聖御天文治蛸興

稽古建官百度修舉其於西堂東觀
金華延閣之選尤所

注意者曷嘗不

設燎以待之而

側席以求之哉向使遺山不死則登
鑾坡掌

綸誥稱內相久矣柰何遇千載而心

遠際昌辰而身往此非君遺恨也耶
尚賴柳如京之賢有慰韓吏部之志
文工命拙雖抱憾於九原人亡書存
足騰芳於百世願予朴學未暇顯評
言念舊游聊為揚摧云爾中統三年
陽月封龍山人李冶序

遺山先生文集序

文之為物何物也造物者寔靳之不
輕畀人何哉蓋天地間靈明英秀之
氣萃聚之多蘊蓄之久挺而為人則
必富於才敏於學精於語言能吐天
地萬物之情極其變而歸之雅故為
詩為歌為賦為頌為傳記為誌銘為
雜言為樂府兼諸家之長成一代之

典使斯文正派如洪河大江滔滔不
斷以接夫千百世之傳為造物者可
得而輕畀之哉竊嘗評金百年以來
得文派之正而主盟一時者大定明
昌則承旨党公貞祐正大則禮部趙
公北渡則遺山先生一人而已自中
州斷喪文氣奄奄幾絕起襄棣壞時
望在遺山遺山雖無位柄亦自知天

之所以畀付者為不輕故力以斯文
為已任周流乎齊魯燕趙晉魏之間
幾三十年其迹益窮其文益富其聲
名益大以肆且性樂易好獎進後學
春風和氣隱然眉睫間未嘗以行輩
自尊故所在士子從之如市然號為
汎愛至于品題人物商訂古今則絲
毫不少貸必歸之公是而後已是以

學者知所指歸作為詩文皆有法度
可觀文體粹然為之一變大較遺山
詩祖李杜律切精深而有豪放邁往
之氣文宗韓歐正大明達而無奇纖
晦澁之語樂府則清雄頓挫閑婉瀏
亮體製最備又能用俗為雅變故作
新得前輩不傳之妙東坡稼軒而下
不論也嗚呼遺山今已矣靈明英秀

之氣散在天壤間不知幾年幾時復
聚而為斯人乎東平嚴侯弟忠傑喜
與士人游雅敬遺山求其完集刊之
以大其傳云陳郡徐世隆序

附錄儲太僕先生手簡

憲旆出巡時匆匆不克一奉

高論迄今耿耿昨揚令書至道
執事欲刻

遺山先生文集使來巵處取之
巵慕

遺山甚篤嘗以不見全集為恨
訪之十數年始得秘本于今禮

部程公錄而藏之欲托好古者
刊行而未得也承領

雅意忻喜無量遂借初本再校
一遍但其中亦有一二處訛缺
緣無它本可證柰何柰何然古
書之行於今者未必皆能完好
也

遺山文章大家著述贍富如中

州等集不行於世久矣

執事企仰鄉賢汲汲表章之甚
盛舉也全集四十卷納上外傳
誌題贈諸作乃罐於它集中輯
錄者亦請并刻之蓋遺山在當
時已為名人碩士所重不待後
世始知子雲也須得楷書有典
則者另寫潔本乃可入梓聞下

許州規措諒承委得人矣太康
吏回謹附狀秋暑唯

惠時珍攝不宣

七月十四日巵頊首復

省齋李先生行臺執事

道山先生文集總目

古賦

五言古詩

七言古詩

雜言

古樂府

五言律詩

七言律詩

五言六言絕句

碑銘表誌碣

記

序引

銘

贊

頌

七言絕句

宏詞

書

疏

雜體

上梁文

青詞

祭文

題跋

道山先生文集總目

遺山先生文集目錄

頤齋張德輝類次

卷第一

古賦

秋望賦

蒲桃酒賦

新齋賦

行齋賦

五言古詩

箕山

緱山置酒

同希顏再登箕山

光武臺

穎亭留別

潁亭

出京

元魯縣琴臺

灋水

雜著五首

古意一首

顏谷封人廟

贈荅劉御史雲卿四首

送欽叔內翰并寄劉白二君五首

飲酒五首

後飲酒五首

德禪師清涼草堂

少林

龍潭

麥藪

北邙

龍門雜詩一首

豐山懷古

乙酉六月十一日雨

示姪孫伯安

種松

虞鄉麻長官成趣園二首

雜詩四首

采杞

宿菊潭

觀浙江漲

鶴雀崖北龍潭

五松平

阻雨張主簿草堂

贈荅楊煥然

送詩人李正甫

卷第二

五言古詩

萬化如大路

曉發石門渡湍水道中

放言

李道人松陽歸隱圖

黃公廟

學東坡移居八首

歷下亭懷古

舜泉

與張仲傑郎中論文

同林能賦濟南廟中古檜

銅鑊次村道中

蕭齋詩并引

別李周卿三首

訓韓德華送歸之作

戊戌十月山陽夜雨二首

看山

九日讀書山十首

留月軒

梨花海棠二首

趙吉甫西園

臨汾李氏任運堂三首

寄英禪師

題張左丞家范寬秋山

山橫幅

宿張靖田家

曲阜紀行十首

寶嚴紀行

鴈門道中

岳祠齋宮夜宿

示程孫四首

九月初霖雨中感寒痺

同白兄賦餅中玉簪野史亭雨夜感興

哭延孫

贈鷺

讀書山月夕一首

卷第三

七言古詩

虞坂行

畫馬為邢將軍賦

秋登

南溪

送郝講師住崇福宮

范寬秦川圖

赤壁圖

寄荅溪南詩老辛愿敬之

西園

愚軒為趙宜之賦

雙峯競秀圖

西窓

二月十五日鶴

聞欽叔在華下

關商卿還山中

送李長歸關中

雪後招王子襄飲 半山亭招仲梁飲

鄧州城樓 宛丘嘆

游黃華山 巨然松吟萬壑圖

密公寶章小集 荊棘中杏花

太白獨酌圖 松上幽人圖

送張君美往南中 戲題新居

贈蕭鍊師公弼 送弋唐佐董彥寬南歸

蕭仲植長史齋 送宋省參并寄潞府諸人

覓神霄道士古銅爵 賦澤人郭唐臣所藏山谷圖

泚石研 贈休糧張鍊師

天井閑

卷第四

七言古詩

讀書山雪中

題商孟卿家明皇合曲圖

過晉陽故城書事

蟾池

贈荅張教授仲文

高門閑

甲辰秋洛陽得黃葵子種之南庵明年夏六

月作花

馬嶺

賦王君璋雲峽并序

賦張聖與雲石并序

劉遠筆

贈周良老

鴻溝全欽叔賦

雪中自洛陽還高山

祖唐臣愚庵

過井陘

北岳

天涯山

智仲可月下彈琴圖

常生姦生四十月能

作字喜為賦詩

贈利州侯神童

奚官牧馬圖

紫薇劉丈山水濟川賦

王右丞雪霽捕魚圖

跋酒門限邵和卿

醉歸圖

題張彥寶陵川西溪圖

為韓德華子阿魯制字阿平并序

世宗御書田不伐望月婆羅門引先得楚

字送夢臣北上并序 送王彥華

趙題學以酒見餉且求制名

劉時舉節制雲南 贈張潤之

許道寧寒溪古木圖 送張子益北上并引

贈別孫德謙 汾亭古意圖

太原贈彥遠

換得雲亭帖喜而賦詩

康泉新居 過劉子中新居

卷第五

雜言

去歲君遠遊

此日不足惜

送希顏赴召西臺

嵩山玉鏡

虎害

飲酒

送高信卿

寄趙宜之

段志堅畫龍為劉鄧州賦

送詩人秦簡夫歸蓟墳別業

紀子正杏園燕集

送李叅軍赴上

王黃華墨竹

汎舟大明湖

九月七日夢中作

賦邢州鵲山

送王亞夫舉家歸許昌

湧金亭示同游諸君南冠行

醉後走筆

靖南湖雪景乘驛圖并引

癸卯歲杏花

題劉紫微堯民野醉圖

贈荅趙仁甫

下黃榆嶺

駝豬行

嘯臺感遇

水簾記異

洪谷聖燈

食榆莢

李峪園亭看雨

游龍山

醉中送陳李淵

游承天鎮懸泉

送弋唐佐還平陽

游泰山

付阿耽誦

卷第六

古樂府

天門引

蛟龍引

湘夫人詠

湘中詠

孤劍詠

渚蓮怨

芳華怨

後芳華怨

結楊柳怨

秋風怨

歸舟怨

征人怨

塞上曲

西樓曲

後平湖曲

消川行

長安少年行

黃金行

隋故宮行

解劍行

征西壯士謠

望雲謠

望歸吟

梁園春五首

探花詞五首

獵城南

春風來

幽蘭

梅花

寶鏡

續小娘歌十首

卷第七

五言律詩

懷益之兄

汴禪師自斷普照瓦

為研以詩見餉為和二首

惡雨

病中

慕威卿挽辭

老樹

陽翟道中

月觀追和鄧州相公席

上韻

太室同希顏賦

送登封張令西上

方城道中懷山居

孟州夾灘飲承之御史家

送曹吉甫兼及通甫勝槩

少室南原

寄贈龐漢茂和

洛陽古城驪陽門早出

聞希顏得英府記室落魄

得姪搏信三首 阿千始生

長壽新居三首 少林雨中

十二月六日二首 癸巳除夜

得一飛姪安信 短日

送母受益自潞州歸崧山

寄程孫欽安 贈沐禪師

巳亥元日

送揚次公兼簡素彥客李天成

發濟源

倪莊中秋

荅潞人李唐佐贈詩陽興砦

懷粹中

同周帥夢鄉崔振之

遊七嵒

送崔振之迎家汴梁

聚仙臺夜雨

續陽平愛

送田益之從周帥西上二首

九月晦日王村道中 十月四日往關南

寄王丈德新二首 舊國

和仲梁

甲辰夏五月積雨遣

悶二首

陽泉棲雲道院

劉子中夢庵

丙午九日菊詠二首

感事

醉中條李隱君邦彥

送邦彥北行

同冀文明秀山行

同姚公茂徐溝道中聯句

壬子月夕

庚子三月十日作

送揚善關中之行

京兆漕司官居三首

甲寅正月二十三日故關道中三詩

送閻子實集和之北上庫城

婁生北上

遣興

八月并州鴈

示白誠甫

甲寅十二月四日出鎮陽寄宰魯伯

送文生西上

乙卯十一月往鎮州

卷第八

七言律詩

秋懷

帝城二首

僕射陂醉歸即事

春日

橫波亭

野菊座主閑閑公命作

度太白嶺往崑陽寄希顏二首

懷益之兄

昆陽二首

寄西溪相禪師

葉縣雨中

寄荅趙宜之蕪簡溪南詩老

穎亭

山中寒食

楚漢戰處同欽叔賦

懷叔能

留別仲澤

鄭州上致政黃君丞相公

寄荅景玄兄

寄辛老子

後灣別業

劉文仲通哀挽

會善寺

寄欽用

楊之美尚書挽章

李屏山挽章二首

內鄉縣齋書事

自菊潭丹水還寄山陰

故人

被檄夜赴鄧州幕府

馬鄧驛中大雨

除夜

鄧州相公命賦喜雨

光甫內鄉新居

西齋夜宴

十月

送吳子英之官東橋

張主簿草堂賦大雨

丹霞下院同仲澤賦

春日半山亭游眺

別程女

出山

謝鄧州帥免從事之辟

新野先主廟

石門

獨峯楊氏幽居

渡湍水

十日登豐山

岐陽三首

園城病中文舉相過 讀靖康僉言

雨後丹鳳門登眺 京居辛卯八月六日作

浩然師出園城賦鶴詩為送

追用座主閑閑公韻上致政馮內翰二首

懷秋林別業 壬辰十二月車駕東狩

後即事五首 永寧南原秋望

中秋雨夕 癸巳四月二十九日出京

喜李彥深過聊城 與張杜飲

秋夕 夢歸

白屋 淮右

徐威卿留二十許日將往高唐同李輔之贈別
即事

望王李歸程

秋夜

甲午除夜

乙未正月九日立春杏花落后分韻得歸字
三仙祠

送輔之仲庸還大梁

繡江汎舟有懷李郭兩君

送杜子

眼中

送杜招撫歸西山

寄欽止李兄

有寄

鎮州與文舉百一飲

別王使君文後之

寄沐禪師

衛州感事二首

望蘇門

卷第九

七言律詩

望崧少二首

懷州子城晚望少室

別覃懷幕府諸君二首

羊腸坂

高平道中望陵川二首

野谷道中懷昭禪師太原

外家南事

追賦定襄周師夢卿

家秋日牡丹

桐川與仁卿飲

過瀋鹿城與趙尚賓談山陽舊事

官園探梅同康顯之賦

十二月十六日還冠氏十八日夜雪

別康顯之

寄楊飛卿

雨夜

東平送張聖與北行

別張御史

出東平

再到新衛

別冠氏諸人

入濟源寓舍

鎮平縣齋感懷

野菊再奉座主閑閑公命作

五月十二日座主閑閑公諱日

四哀詩

李欽叔

冀京父

李長源

王仲澤

過李長源故居

己亥十一月十三日雪

晴夜半讀書山者月明日作

杏花二首

醉後

賦南中楊生玉泉墨

贈張文舉御史

寄荅飛卿

留別龍興沐禪師普照鑑禪師

赤石谷

贈楊君美之子新甫

廳亭同麻知幾賦

荅公茂

過應州

應州宮寶寺大殿

懷安道中寄曹徵君子玉

五月十一日樛軒忌辰追懷

感事

玉溪

華不住山

岳解元生日

感興

晨起

送周帥夢卿之閔中二首

感事

十月二十日雪中過石嶺

閔將上書萃國幕府感懷

春寒

即事

示懷祖

示崔雷詩社諸人

弘州贈曹文子玉

和仁卿演太白詩二首

燕府白兔

梁都運亂後得故家所藏無盡藏詩卷

出都二首

癸卯望宿中霍道院

甲辰三月旦日以後雜詩三首

熱牡丹三首

與同年敬昌臣宿順天天安僧舍

贈荅樂丈舜咨

都運李丈哀挽

贈荅郝經伯常

呂國材家醉飯

洛陽

過三鄉望女凡邨追懷溪南詩老辛敬之二首

為鄧人作詩

贈張主簿偉

望盧氏西南熊耳嶺

寄劉繼先

寄揚弟正卿

為鮮于彥魯賦十月菊

贈荅同年敬鼎臣

寄英上人

寄荅仰山謙書記

九日登平定湧雲樓望

平定鵲山神應主廟

寄荅商孟卿

荅石子章因送其行留別仲經

別周卿弟

寄叔能兄

賀威卿徐第得雄

卷第十

七言律詩

追錄洛中舊作

東園晚眺

十一月五日覽往西張石嶺閣書所見

陀羅峯二首

追懷曹徵君

春日書懷呈劉濟川晉溪

弔岳家千里駒

七月十二日行狼牙嶺

十三日度嶽嶺

玉泉二首

玄都觀桃花

贈張致遠

夜宿秋香亭有懷木菴英上人

汴梁除夜

與馮呂飲秋香亭

哀武子告

贈李春卿

甲辰秋留別丹陽

龍興寺閣

別緯文兄

甯掾端甫北上

答定齋李兄

空山何巨川虛白庵二首

聽姨女喬夫人鼓風入松

哭樊帥

寒食

送樊順之

蜀昭烈廟

宿翠屏口

王敦夫祥止庵

過森照庵別陳文

梁移忠詩卷

喬千石挽詩

贈王仙翁道成

常仲明教授挽辭

追錄舊詩二首

丁未寒食歸自三泉

即事呈邦瑞

和白樞判

慶高評事八十之壽

超然王翁哀輓

大名贈荅張簡之

燕都送馬郎中北上

馬雲漢方鏡背有飛魚

贈荅鴈門劉仲修

餘慶堂

寄荅劉生

別董德卿

送端甫西行

讀李狀元朝宗禪林記

同嚴公子大用東賞梅

中庸先生垂示先大夫教子詩及裴內翰

擇之所述家傳 賀中庸老再被恩綸

趙汲古南園

柳亭雨夕

玉峯魏丈哀挽

清明日改葬阿辛

寄謝常君卿

送武成之往漢陂

送劉子東游

甲寅九日龍泉二首

十日作

贈荅普安師

孝純完丘遷奉

曹壽之平水之行

追懷趙介叔

追懷友生石裕卿

挽鴈門劉克明

贈荅平陽仇舜臣

賈漕東城中隱堂

約嚴侯汎舟

送李同年德之歸洛西

贈蕭漢傑

送曹幹臣

國醫王澤民詩卷

慶工部趙丈八秩之壽

唐祖臣挽章

丙辰九月二十六日絮家游龍泉

感寓

存歿

人日有懷愚齋張兄緯文

趙元德御史兄七秩之壽

張村杏花

卷第十一

五言絕句

洛陽高少府

陽後庵五首

內鄉詩

薛明府去思口號七首

山居雜詩六首

梁父吟扇頭

南樓月夕有懷

辛亥寒食

山中晚春

得綿文兄書

乙巳九月二十八日作

六言

定齋兄寫真

巨然秋山圖

德和尚墨竹扇頭

曹得一扇頭

唐子達扇頭

七言絕句

論詩三十首丁丑歲三鄉作

文湖州草虫

京都元夕

西園

藍采和像

鴛鴦扇頭

杏花雜詩十三首

出京

惠崇芦鴈三首

早起

書生

銅雀臺瓦硯

步虛詞三首

拙庵為溫甫賦

風雨停舟圖

納涼張氏莊二首

送窮

楊柳

梁縣道中

自題寫真二絕

再題

吳子英家靈照二圖二絕

劉鄧州家聚鴨圖

戊子正月晦日內鄉西

城遊眺

長壽山居元夕

聞仲澤丁內艱

贈眼醫武濟川

賦粹中師竹拂子

題醫陽楊氏戲虎圖

王子端內翰山水同屏山賦二首

右司正之家渭川千畝圖二絕

同希顏欽叔玉華谷分韻得筆華二字

同希顏欽叔玉華谷還會善寺即事二絕

從鄧帥覓酒 鎮平寄孫伯安筆

黃筌龜藏六圖為左丞賦

鎮平書事

自鎮平暫往秋林道中寄家

超化 山居二首

寄女嚴三首 自鄧州幕府暫歸秋林

無題二首

題省後劉德潤家駱駝圖

希顏挽詩五首

出鄧州

過希顏故居四首

雜著九首

戚夫人

題山谷小艷詩

家山歸夢圖三首

四皓圖

雜著

卷第十二

七言絕句

俳體雪香亭雜詠十五首

春夕

梅花

溪上

息軒楊秘監雪行圖

楊煥然生子四首

記夢

啓母石

雜著四首

內鄉詩

眉二首

送窮

三鄉時作

出都

癸丑五月三日北渡三首

登珂山寺三首

夢中作

奉酬子京禪師見贈之什三首

杏花

聊城寒食

姨母隴西君諱日作

宿神霄北麓夢中作

夜雪

寇氏趙庄賦杏花四首

自趙在歸冠氏二首

戲贈白髮二首

戲題醉仙人圖

濟南雜詩十首

題解飛鄉山水卷

趙士表山林暮雪圖二首

倫鎮道中見槐花

題劉才卿湖石扇頭

聞歌懷京師舊遊

鄭先覺幽禽照水扇頭

龍泉寺四首

李進之迂軒二首

出鎮州

過邯鄲四絕句

楊秘監馬圖

竹溪夢遊圖

藥正卿餉酒

王都尉山水

贈絕藝杜生

趙大年秋溪戲鴨二首

自題二首

北歸經朝歌感寓二首

內黃道中楚王廟

題蘇氏寶章

劉氏明遠庵三首

題李庭訓所藏雅集圖

南閔二首

馬坊冷大師清真道院二首

惠崇獐獐圖

寄史同年二首

宋周臣生子三首

乞酒示皇甫季貞

李白騎馱圖

許由擲瓢圖

九月晦

雜著

送窮

即事

過侯相公雲溪

陳德元竹石二首

同漕司諸人紅梨花二首

吳子賢擇庵二首太乙蓮舟圖三首

遊天玄雜詩十三首

初發潞州

雜詩六首道中作

卷第十三

七言絕句

初挈家還讀書山雜詩四首

賦餅中雜花七首 贈友卿三首

解朝二首

為衍聖公題張公佐湘江春早圖二首并引
渾源望湖川見百葉杏花二首

代州門外南樓二首杜生絕藝

以玉連環為呂仲賢壽

德華小女五歲能誦子詩數首以詩為贈
壽之賈南中山水并畫序

跋紫微劉尊師山水橫披四首

東山四章

曉起

追錄乙未八月十七日莘縣夢中所得

春歸

感興四章

從孫顯卿覓平定小山

發南樓度鴈門關二章

墨竹扇頭

王希古乞言

龍門公墨竹風烟夕翠二首

從希顏覓篤耨香二章

戲贈柳花

喬大夫人墨竹

醉猫圖二章

自題中州集後五章

講武城

藥山道中二章

善應寺五首

摘瓜圖二首

黃華峪十絕句

七賢堂

峽口食鯿魚有感

大簡畫松風圖二首

秋江待渡橫披

贈蒼要襄叔二首

贈脩端卿張去華韓君傑三人六首

秋江曉發圖

題山亭會飲圖二首

洛陽衛良臣以星圖見餉謾成三詩爲謝

題鷺鷥敗荷扇頭

西山樓爲王仲理賦二詩

樂天不能忘情圖二章

燕省掾屬張彥通舉釋菜之廢仁卿以詩

美之亦賦二首

采菊圖為北京侯潛賦二詩

無塵亭二章

李廣道寫真二章

錢過庭烟溪獨酌圖二章

蒼崖遠渚圖二章 三士醉樂圖

鄉郡雜詩五章 宗人明道老師澹軒二章

題商孟卿家晦道堂圖二章

題商正叔隴山後行圖二章

息軒秋江捕魚圖三章

東平李漢卿草虫卷二章

郭熙溪山秋晚圖二章

七賢寒林圖

右丞文獻公著色簾圖

李仲華湍流高樹圖二詩

益都宣撫田侯器之燕子圖三詩

前高山雜詩七章 楚山清曉圖

題石裕卿郎中所居四詠

贈子范家兒子

跋文獻公張果老圖

三鄉雜詩三首

釣州道中

卷第十四

七言絕句

榆社峽口村早發 十月二十日雪

同兒輩賦未開海棠二章

哭徵君子玉二章 早發安生道中雨水冰

書貽第三女珎 隱秀君山水

送子微二章 楊秘監馬圖

岳山道中 雪行圖

寄杜莘老三章 己酉四月十七日度石嶺

劉君用可庵二首 耀卿西山歸隱三首

雪岸鳴鶴 東丹射騎

虛名 投書圖二章

題劉威卿小字難素冊後二章

廡都運山水

歸義僧山水卷

武善夫桃溪圖二章

巢雲曙雪圖

書扇贈李湛然

普照范鍊師寫真三章

祖唐臣所藏樛軒畫冊二題

客意

走筆題十老會請疏

七夕

避兵陽曲北山之羊谷題石龕

壬子寒食

馬雲卿畫紙衣道者像

過威州鎬厲王故居 真味齋

歸義興侍者谿山蕭寺橫軸

喬夫人綵綉仙人圖出山像

胡壽之侍月軒三章 論詩三首

起禪師晦迹庵 自題寫真

贈寫真田生三章 贈高君用

周才卿拙庵 郭大方自適軒

風柳鳴蟬 晴景圖

僧寺阻雨 金山

王子文琴齋 賈彥清飛雨亭橫披

讀漢書

內相楊文獻公袁挽三章

石勒問道圖

花光梅

舊與趙景溫

夏山風雨

春雲澹冶

雪谷早行圖二首

胡叟楚山清曉

辛亥九月末見菊

荅俊書記學詩

夜宿山中

臺山雜詠十六首

跨牛圖

贈湛澄之四章

乙卯二月歸自汴梁久旱而雨偶記內鄉一詩

三門集津圖

乙卯端四日感懷

山村風雨扇圖

跋蕭帥鷺鷥敗荷扇頭

袁顯之扇頭

贈司天王子正二首

工部趙侍郎下世日作

跋耶律浩然山水卷

貞燕二首

楊秘監雪谷早行圖

杜莘老夏日汾亭橫軸

武元直秋江罷釣 張彥遠江行八詠圖

題馮潛緩之碩人在牕橫軸

題邢公達寒梅凍雀圖

秀隱君山水

同梅溪賦秋日海棠章

梁氏先人手書

題杜國寶祖考行狀後三絕句

詩贈訾子野三章 戲相師

留贈丹陽王鍊師三章

卷第十五

宏詞

章宗皇帝鈇券行引

秦王擒寶建德降王世充露布

擬賀登寶位表

擬立東宮詔

擬除樞密使制

擬御史大夫讓樞密使表

擬除司農卿制

卷第十六

碑銘表誌碣

評章政事壽國張公神道碑

王黃華墓碑

沁州刺史李君神道碑

卷第十七

碑銘表誌碣

閑閑公墓銘

朝散大夫胡公神道碑

寄庵先生墓碑

朝列大夫張公墓表

卷第十八

碑銘表誌碣

內相文獻楊公神道碑銘

轉運使剛敏王公神道碑銘

禮部尚書趙公神道碑

卷第十九

碑銘表誌碣

內翰王公墓表

內翰馮公神道碑

國子祭酒權刑部尚書馮君神道碑銘

卷第二十

碑銘表誌碣

順安縣令趙公墓碑 吏部尚書張公神道碑

通奉大夫鈞州刺史張君神道碑銘

資善大夫集慶軍節度使蒲察公神道碑銘

資善大夫武寧軍節度使夾谷公神道碑銘

卷第二十一

碑銘表誌碣

御史張君墓表

御史程君墓表

平叔墓銘

希顏墓銘

太司農丞康君墓表 再元吉墓誌銘

卷第二十二

碑銘表誌碣

大中大夫劉公墓碑

中順大夫張公墓碑

陽曲令周君墓表

奉直趙君墓碣銘

史邦直墓表

御史孫公墓表

卷第二十三

碑銘表誌碣

廉訪使楊君神道碑

景玄墓銘

文儒武君墓銘

郝先生墓銘

曹徵君墓表

卷第二十四

碑銘表誌碣

真定教授常君墓銘

善人白公墓表

南峯先生墓表

臨海弋公阡表

遽然子墓碣銘

蘇彥遠墓銘

盧太醫墓誌銘

張遵古墓碣銘

張君墓誌銘

卷第二十五

碑銘表誌碣

族祖蒙士墓銘

承奉河南元公墓銘

敏之兄墓銘

贊皇郡太君墓銘

南陽縣太君墓誌銘

聶孝女墓銘

孝女阿秀墓銘

卷第二十六

碑銘表誌碣

東平行臺嚴公神道碑

東平行臺嚴公祠堂碑

順天萬戶張公勲德第二碑

龍虎衛上將軍耶律公墓誌銘

卷第二十七

碑銘表誌碣

龍虎衛上將軍木虎公神道碑

桓州刺史馬君神道碑

贈鎮南軍節度使良佐碑

輔國上將軍京北府推官康公神道碑銘

奉國上將軍武廟署令耶律公墓誌銘

卷第二十八

墓碣表誌銘

大丞相劉氏先塋神道碑

歸德府總管范陽張公先德碑

臨淄縣令完顏公神道碑

貴縣令郭明府墓碑

廣威將軍郭君墓表

潞州錄事毛君墓表

卷第二十九

碑銘表誌碣

顯武將軍吳君阡表

忠武任君墓碣銘

信武曹君阡表

千戶喬公道碑銘

千戶趙侯神道碑銘

故帥嚴侯墓表

卷第三十

碑銘

濮州刺史畢侯神道碑銘

宣武將軍孫君墓碑 龍山趙氏新塋之碑
冠氏趙侯先塋碑 西寧同知張公之碑
兗州同知五翼總領王公墓銘
五翼都總領豪士信公之碑

卷第三十一

墓銘碑表

清涼相禪師墓銘 華嚴寂大士墓銘
墳雲墓銘 孫伯英墓銘

紫虛大師于公墓碑 天慶王尊師阡表
冲虛大師李君墓銘 通真子墓碣銘

圓明李先生墓表
通玄太師李君墓碑
藏雲先生袁君墓表
告山贊禪師塔銘

卷第三十二

記

令旨重修真定廟學記

東平府新學記

博州重修學記

趙州學記

壽陽縣學記

代冠氏修廟學記

葉縣中嶽廟記

長慶泉新廟記

三皇堂記

崔府君廟記

卷第三十三

記

鄧州新倉記

南陽縣令題名記

吏部掾屬題名記

警巡院廨署記

創開濬水渠堰記

市隱齋記

惠遠廟新建外門記

順天府營建記

邢州新石橋記

臨錦堂記

馬侯孝思堂記

致樂堂記

友山亭記

卷第三十四

記

王無競題名記

東平貢氏千秋錄後記

校笠澤叢書後記

畫記

濟南行記

東游畧記

兩山行記

毛氏宗支石記

尚藥吳辨夫壽塚記

樊侯壽塚記

卷第三十五

威德院功德記

竹林禪院記

少林藥局記

壽聖禪寺功德記

興福禪院功德記 龍門川大清安禪寺碑

忻州天慶觀重修功德記

太古觀記 長庵記

紫微觀記 朝元觀記

清真觀記 通仙觀記

卷第三十六

序引

陸氏通鑑詳節序 杜詩學引

東坡詩雅引 東坡樂府集選引

錦機引 集諸家通鑑節要引

十七史蒙求序

拙軒銘引

如庵詩文序

琴辨引

雙溪集叙

鳩水集引

楊叔能

亭集引

新軒樂府引

逃空絲竹集引

卷第三十七

序引

張仲經詩集序

陶然集序

木庵集序

南冠錄引

興定庚辰太原貢士南京狀元樓宴集題名引

送蔡中諸人引

送李輔之之官濟南序

送高雄飛序

寒食靈泉宴集序

太原昭禪師語錄引

嵩和尚頌序

寒食會要引

元氏集驗方序

周氏衛生方序

卷第三十八

銘

孔道輔擊蛇笏銘

良佐鏡銘

默庵銘

布衾銘
無絃琴銘
最樂堂銘

超然堂銘

太古堂銘

皇極道院銘

天硯銘

小紫玉池硯銘

贊

手植檜聖像贊

老人星贊

范文正公真贊

趙開開真贊二首

范鍊師真贊

馮真自贊

讀經圖贊

張幾道鍊師真贊

頌

登封令薛侯去思頌

卷第三十九

書

與已獻寄中書耶律公書

與樞判白兄書 荅中書今成仲書

荅聰上人書 荅嚴大用萬戶書

疏

忻州脩學疏代郝侯作

清真道院營建疏

請太一宮提點李太師住天封疏

興國院改律為禪請住持疏

曹子歸墓誌

雜體

麻社張諸人詩評 射說

酒裏五言說

靖德昭兒子高戶字說

商氏家世錄

故物譜

卷第四十

上梁文

南宮廟學大成殿上梁文

南陽廨署上梁文 外家別業上梁文

青詞

中令耶律公追悼先妣國夫人青詞

太夫人五七青詞 劉宣撫設醮青詞

張喜千戶青詞 樊守謝土詞

郡守天池祈雨詞

祭文

祭飛蝗文 為第四女配婿祭家廟

題跋

跋國朝名公書 題樗軒九歌遺音太字後

跋開闢公自書樂堂詩

跋張二相帖 跋蘇黃帖

跋松庵馮文書

跋蘇叔黨帖

跋東坡和淵明詩後

題蘇氏父子墨帖

題許汾陽詩後

毛氏家訓後跋語

跋張仲可東阿鄉賢記

跋紫微劉尊師山水

題學易先生劉斯立詩帖後

跋龍鼎書柳子厚獨覺詩

題閑閑書赤壁賦後

遺山先生文集目錄

道山先生文集卷第一

顧齋張德輝類次

古賦

秋望賦

步裴回而徙倚放吾目乎高明極天宇之空曠閱
歲律之崢嶸于時積雨收霖景氣肅清秋風蕭條
萬籟俱鳴菊鮮鮮而散花鴈杳杳而遺聲下木葉
於庭阜動砧杵於蕪城穹林早寒陰崖晝冥濃淡
霏拂繞白紵青紛叢薄之相依浩霜露之已盈送
蒼蒼之落日山川鬱其不平瞻彼輾轉西走漢京

虎路龍蟠王伯所憑雲烟慘其動色草木起而爲
兵望崧少之霞景渺浮丘之獨征汗漫之不可與
期竟老我而何成挹清風於箕顙高巢由之遺名
悟出處之有道非一理之能并繫南山之石田維
景略之所耕老螭盤盤空谷淪精非雲雷之一舉
將草木之偕零太行截天大河東傾邈神州于西
北悅風景於新亭念世故之方殷心寂寞而潛驚
激商聲于寥廓慨涕泗之緣纓吁咄哉事變於已
窮氣生乎所激豫州之土復於慷慨擊節之誓西
域之侯起于窮悴傭書之筆諒生世之有爲寧白

首而坐食且夫飛鳥而戀故鄉嫠婦而憂公室豈
有夷墳墓而剪桑梓視若越肥而秦瘠天人不可
以偏廢日月不可以坐失然則時之所感也非無
候蟲之悲至於整六翮而睨層霄亦庶幾乎驚禽
之一擊

蒲桃酒賦并序

劉鄧州光甫爲予言吾安邑多蒲桃而人不知有
釀酒法少日嘗與故人許仲祥摘其實并米炊之
釀雖成而古人所謂甘而不飴冷而不寒者固已
失之矣貞祐中鄰里一民家避寇自山中歸見竹

器所貯蒲桃在空盎上者枝蒂已乾而汁流盎中
薰然有酒氣飲之良酒也蓋久而腐敗自然成酒
耳不傳之秘一朝而發之文士多有所述今以屬
予子寧有意乎予曰世無此酒久矣予亦嘗見還
自西域者云大石人絞蒲桃漿封而埋之未幾成
酒愈久者愈佳有藏至千斛者其說正與此合物
無大小顯晦自有時決非偶然者夫得之數百年
之後而證數萬里之遠是可賦也於是乎賦之
其辭曰

西域開漢節迴得蒲桃之奇種與天馬并俱來枝

蔓十年鬱其無涯音嶺歛清秋以春煦發至美乎胚
胎意天以美釀而飽予出遺法于湮埋索罔象之
玄珠薦清明於玉杯露初零而未結雲已薄而仍
裁挹幽氣之薰然釋煩悵于中懷覺松津之孤峭
蓋柱醕之塵埃我觀酒經必麴蘖之中媒水泉資
香潔之助秫稻取精良之材效衆技之畢前敢一
物之不階艱難而出美好徒耽毒之貽哀繫工儻
之物化與粹慶之心齋既以天而合天故無桎乎
靈臺吾然後知珪璋玉毀青黃木災音哀而鼓鍾
味薄而鹽梅惟揮殘天下之聖法可以復嬰兒之

未孩安得純白之士而與之同此味哉

新齋賦

予既罷內鄉出居縣東南白鹿原結茅菊水之上
聚書而讀之其久也優柔厭飫若有所得以爲平
生未嘗學而學於是乎始乃名所居爲新齋且爲
賦以自警其辭曰

新之爲說也在金曰從革在木曰從斤丘陵爲山
而惡乎晝夜霜堅冰而致于馴猶之於人則齊魯
有一再之漸狂聖由念否之分唯夫守一而不變
者不足以語化化之爲神附陳迹以自觀悼吾事

之良勤夫壯歲於俯仰竟四十而無聞聖謨洋洋
善誨循循出處語默之所依性命道德之所存有
三年之至穀有一日之歸仁動可以周萬物而濟
天下靜可以樂高節而抗浮雲曾出此之不知乃
角逐乎空文張北轅以適楚將疇問而知津揜虛
名以自夸適以增頑而益囂我卜我居於浙之濱
方處陰以休影思沐浴德而澡身蓋嘗論之生而知
困而學固等級之不躡憤則啓悱則發亦愚智之
所均齋戒沐浴惡人可以祀上帝絮已以進童子
可以遊聖門顧年歲之未暮豈終老乎九民已焉

貳孰糟粕之弗醇孰土苴之弗真孰昧爽之弗旦
孰悴稿之弗春又安知溫故知新與夫去故之新
他日不爲日新又新日日新之新乎

行齋賦

戊子冬十月長壽新居成仲經張君從予卜鄰得
王氏之敗屋焉環堵蕭然不蔽風日君爲之補罅
漏治蕪穢蓋十日而後可居華門圭竇故事畢舉
取君子素其位而行之義名曰行齋而乞文於予
予以爲士之貧至於君極矣無祿以爲養無田以
爲食無僮僕爲之負販無子弟爲之奔走無好事

著爲之謀緩急而功薄少率貴無旬日計泰然以
閉戶讀書爲業不以爲失次而以爲當然不以爲
怨不以爲憂而又且以爲樂也然則不謂之無媿
其名也而可乎廼爲賦云

賦分在人如物有常反鶴與鳧無益短長力有可
求勝天不祥福不盈睫一敗莫償莫難養心操存
舍亡出入無時兮莫知其鄉飽飢有時而激兮怒
殆豢虎之貽殃我思古人動靜有方靜以養虛剛
以作彊辱以處汙愚以退藏屹中立而不倚邈橫
潰而獨障直釣磻溪之魚禿節單于之羊有漆身

以爲厲有被髮而爲狂仕汙世而執翽狗殊俗而
解裳太阿存兼善之達緼袍有不求之臧唯夫長
劍大冠以揖讓人主之前者若固有故木食澗飲
雖至於勞筋骨而卧體膚者爲無傷古有之居不
隱者志不廣身不抑者志不揚士固有遯世而不
復見然愈拚而愈彰南山蒼蒼北風雨霜有蘭不
彫俟春而芳偉哉造物又將發吾子之幽光耶阿

即阿衡
見文選

五言古詩

箕山

幽林轉陰崖爲道人迹絕許君棲隱地唯有太古
雪人間黃屋貴物外祇自潔尚厭一瓢喧重負寧
所屑降衷均義稟汨利忘智決得隴又望蜀有齊
安用薛干戈幾蠻觸宇宙日流血膏連蹈東海夷
叔采薇蕨至今陽城山衡華兩立埤古人不可作
百念肝肺熱浩歌北風前悠悠送孤月

緱山置酒

同內翰馮丈叔獻書兄希顏賦詩分韵得賓字

靈宮肅清曉細栢含古春人言王子喬鶴馭此上
賓白雲山蒼蒼平田木欣欣登高覽元化浩蕩融
心神西望洛陽城大路通平津行人細如蟻擾擾

爭紅塵蓬萊風濤深髮毛日夜新殷勤一杯酒媿
爾雲間人

同希顏再登箕山

千年箕山祠蘿逕深以悄桂樹不復見禿藪餘秋
篠簞盤盡絕頂石冢平木杪長風萬里來筋骸覺
輕矯側身望岩竇解衣憇林表是時夏春交野色
亂青縹川光乍明滅地脉互縈繞罔鬱蟻垤出井
邑蜂衙擾紅塵洛陽昏白雲太行曉元功信冥漠
一覽疑可了悟彼東山人胸中魯宜小

光武臺

東南地上遊荆楚，共四衝。游子十月來登高，送長
鴻。當年赤帝孫提劍起，蒿蓬一顧強水斷。再顧新
都空雷霆，萬萬古青天。看飛龍巋然此遺臺，落日
荒烟重。誰見經綸初指揮，走群雄。白水日夜東石
麟幾，秋風空餘廣武歎，無復雲臺功。

穎亭留別

同李冶仁知張肅子敬王
元亮子正分韵得畫字

故人重分携，臨流駐歸駕。乾坤展清眺，萬景若相
借。北風三日雪，太素素元化。九山鬱峥嵘，了不受
陵跨。寒波淡淡起，白鳥悠悠下。懷歸人自急，物態
本閑暇。壺觴負吟嘯，塵土足悲咤。迴首亭中人，平

林澹如畫

憑亭

春物已清美客懷自幽獨危亭一徘徊條然若新
冰宿雲淡野川元氣浮草木微茫盡楚尾平遠疑
杜曲生平遠游賦吟諷心自足竭來著世網抑抑
就邊幅人生要適情無榮復何辱乾坤入望眼容
我謝羈束一笑白鷗前春波動新綠

出京

史院得告歸
嵩山侍

從官非所堪長告欣得請驅馬出國門白日觸隆
景半生無根著飄轉如斷梗一昨隨牒來六月阻

歸省城居苦湫隘群動日蛙黷漸媿山中人團茅
遂幽屏塵泥免相浼夢寐見清顏矯首孤飛雲西
南路何求

元魯縣琴臺

萊城草木合破屋風雨侵千年一琴臺曉焉涕盈
襟遺愛食縣社公寧不堪任此臺即甘棠忍使無
餘陰旁舍高以華大豪日捐金蒼雲玄武暮鬼物
憑陰岑尚德抑玄虛隆興誰當尋我興薦寒泉百
拜公來臨公來不能知落日下飢禽懷哉空山裏
鶴飛猿與吟當年于蒹歌補袞一何深承平示得

意獨能正哇淫君相此一時又復悟良箴諛臣坐
廢黜盡亦起幽沉蒲輪竟顧轂香艸空深林寂寞
授書室孤甥舉遺衆生平諒已然薄俗矧來今千
山爲公臺萬籟爲公琴夔曠不竝世月露爲知音
人間蹄涔耳已矣非公心

武祠故
之

元道州文編以元魯山
爲元魯縣又臺今爲主

瀝水

聞郾城張伯
玉詩音作伯

瀝水復瀝水東望隅行役殷勤一杯酒遙酌隱亭
月來懷紫髯郎冠佩見突兀岩岩石青峙鬱鬱松
秀發裴回功名會脫落豪俠窟中州有士論指與

雷李屈掛弓須扶桑洗劍必滇渤皇天靳美器一
世惜英物神交付冥漠生氣凜毛髮古來天下馬
萬里入起忽良樂不並世燕市空駿骨狂歌叫秋
雲北風撼林撼

雜著五首

稟氣寡所諧衣食固無端所業在農桑甘以辭華
軒田家豈不若歲功聊可觀帶月荷鋤歸裴回丘
隴間曖曖遠人村紛紛飛鳥還養真衡茅下庶無
異患干遙謝荷蓀翁躬耕非所嘆

守拙歸田園淹留自無成長吟掩柴門遂與塵事

冥素月出東嶺夜景湛虛明揮杯勸孤影杯盡壺
自傾遙遙望白雲千載有深情

榮叟老帶索原生納決履邈哉此前脩久而道彌
著人生少至百每每多憂慮量力守故轍餘榮何
足顧棲遲固多娛幾人得其趣

桃李羅堂前霜露榮悴之咄咄俗中惡人道每如
茲冬嶺秀孤松卓然見高枝提壺撫寒柯懷此貞
秀姿願留就君住終身與世辭

世短意恒多時駛不可追感彼陌下人泫然沾我
衣運生會歸盡彼此更共之理也可奈何一觴聊

可揮酒中有深味情隨萬化遺西南望見墟靈人
侍丹池我無騰化術帝鄉不可期且極今朝樂千
載非所知

古意一首

七歲入小學十五學時文二十學業成隨計入咸
秦秦中多貴游幾與書生親年年抱關吏空笑西
來頻在昔學語初父兄已卜鄰跛驚不量力強欲
緣青雲四十有牧豕五十有負薪寂寥抱玉獻賤
薄倡優陳青衫亦區區何時畫麒麟遇合僅一二
飢寒幾何人誰留章甫冠萬古徒悲辛

桃李弄嬌嬌梨花澹丰容盈盈兩無語纖纖爭春
風春風何許來此木誰青紅天公亦老矣何意夸
兒童昨夜花正開今朝花已空川流不肯駐併與
繁華東捩橈千歲姿翫驪空谷中陽和不擇地亦
復難爲功本無兒女心安用尤天公

潁谷封人廟

洩洩潁谷雲融融潁川水封君去我久水雲自清
美人言君善諫微意得鄭子特於悔悟時一語發
天理夫孝動天地土直及頑鄙反身而未誠善諫
且敗矣如何千載下乃與茅蕉比我行潁川道求

念負甘旨願作頽尾魴因之日千里

贈荅劉御史雲卿四首

舊聞劉君公學經發源深驂騑萬里氣聖途已駸
駸太袞語三日副我夙所歆瀛溪無比流此道日
西沈百年牛山木不復秀穹林南風雖寥寥聞絃
猶賞音獨憐粵昆子一我無古今共學君所貪適
道我豈任相酌無別物徒有好賢心

阿京吾所畏早生號能文初無王家聲聲光自流
聞此行不虛來得接大小君信知珠玉淵足當羔
鴈群君家有箕裘聖學待冊熟但使本根在枝葉

復何云殷勤五色筆未用摧千軍

學道有通蔽今人乃其尤溫柔與敦厚掃滅不復
留高蹇當父師排擊刺冠簪真是未可必自私有
足羞古人相異同寧復操戈矛春風入萬物枯枿
將和柔克已未有加歸仁亦何由先儒骨已腐百
罵不汝醉胡爲文字間刮垢搜瘢死吾道非申韓
袁執涉其流大儒不知道此論信以不我觀唐以
還斯文有伊周開雲揭日月不獨程張傳聖途同
一歸論功果誰優戶牖徒自開膠漆本易投九原
如可作吾欲起韓歐

老鶴何許來，澹與孤雲同。相值太虛室，悠然復西東。
聖學要深談，惜君別匆匆。何時沂水上，同詠舞雩風。

送欽叔內翰并寄劉達卿中白文舉編脩五首

忽忽歲云暮，烈烈風霜威。舉頭望長安，游子從此歸。
我有平生懷，愛君如連枝。半年姜肱被，所樂良不貴。
尚恨人事異，離合無定時。送君酒一杯，侑以裨鉞辭。
上言行路難，下言長相思。

六月渡盟津，十月行汜水。風濤脫沉舟，冰雪危墮

指孝子在中野求念負甘旨家貧親已老形瘵心
欲死古稱季路孝負米曾百里顧作鯁與魴寧當
怨頰尾君歸不可緩獻壽迫歲始遙知慈母心已
爲烏鵲喜

一年不製衣春服犯霜風一日僅兩食腸胃不得
充生平萬里氣頓入低回中田夫怒攘臂縮首甘
盲聾老兵賜顏色歡喜無所容求索厭朋友勞苦
慚僕僮無聊復無聊又復招灾凶我有一樽酒澆
君塊磊胸君年始三十白髮成一翁顧以寸心微
受此百慮攻君窮復何辭不見閑閑公文章二百

年不冰四壁空

君性我所請我心君所知凡我之所短君亦時有
之謀事恨太銳臨斷恨太遲持論恨太高徇俗恨
太卑人道自近始貧富理不齊君自不得飽欲療
何人饑乞醯乞諸鄰聖哲有明譏被髮拯鄉人智
者所不爲且如與人交交有非所宜白黑不復擇
豁豁傾心脾泛愛豈不可後悔終自貽又如與人
言寧復無失辭刺口論成敗白眼談歌詩世故數
黃閒能不發其機聞君作損齋似覺豪華非懲忿
與窒慾百年有良規與子各努力歲晚以爲期

古人遙相望每恨不同時同時得古人歡樂良在茲君歸豈不佳矣將滿京師門前車馬來笑言慰所思細話洛陽事高詠嵩山詩宮壺發新筍宮梅耿幽姿故應劉與白亦復念微之

飲酒五首

懷城

西郊一畝宅閉門秋艸深床頭有新釀意愜成孤斟舉杯謝明月蓬蓽肯相臨願將萬古色照我萬古心

去古日已遠百偽無一真獨餘醉鄉地中有羲皇淳聖教難爲功乃見酒力神誰能釀滄海盡醉區

中民

利端始萌芽忽復成禍根名虛實實禍將相安足
論驅驢上即郵逐免出東門離官寸亦樂里社有

拙言

離官寸亦樂
晉陸詩云然

萬事有定分聖智不能移而於定分中亦有不測
機人生桐葉露見日忽已晞唯當飲美酒儻來非
所期

此飲又復醉此醉更酣適徘徊雲間月相對澹以
默三更風露下巾袖警微濕浩歌天壤間今夕知
何夕

後飲酒五首 陽翟

少日不能觴少許便有餘比得酒中趣日與杯杓
俱一日不自洗肝肺如欲枯當其得意時萬物寄
一壺作病知奈何妾婦良區區但媿生理廢飢寒
到妻孥吾貧蓋有命此酒不可無

金丹換凡骨誕幻若無實如何杯杓間乃有此樂
國天生至神物與世作酣適豈曰無妙理滉漾莫
容詰康衢吾自樂何者爲帝力大笑白與劉區區
頌功德

客從崧少來貽我招隱詩爲言學仙好人間竟何

爲一笑顧客言神仙非所期山中如有酒吾與爾
同歸

酒中有勝地名流所同歸人若不鮮飲俗病從何
醫此語誰所云吾友田紫芝紫芝雖吾友痛飲真
吾師一飲三百杯談笑成歌詩九原不可作想見
當年時

飲人不飲酒正自可飲泉飲酒不飲人暑沾從擊
鮮酒如以人廢美祿何負焉我愛靖節翁於酒得
其天龐通何物人亦復爲陶然兼忘物與我更覺
此翁賢

德禪師清涼草堂

舊隱伊陸巷把茅入宴息
新居蘭若峯老屋補漏
圻鍾魚有勝氣餅錫無滯迹
回頭仙人隊談笑初
未隔結草幾成壞逆旅誰主客
道人那許許一笑
山月白多生負詩債
秋物苦催索遙知得新句崧
少爲動色

上人舊隱伊陽伊陽有伊陸巷仙人隊者女几山諸峯名

少林

雲林入清深
禪房坐蕭爽
澄泉絮餘習
高鳥喚長
往我無玄豹
姿漫有紫霞
想回首山中
雲靈芝日
應長

龍潭

層冰積浩蕩陵谷互吞吐窈窕轉幽壑突兀開淨
宇回頭山水縣亦復墮塵土孤雲鉄梁北宇宙一
仰俯風景初不殊川塗忽脩阻寒潭海眼淨默黑
自太古蟄龍何年卧萬國待霖雨誰能裂蒼崖雷
風看掀舉

山中人病旱則轉大石入潭
以駭龍瞬息致雨故云

麥歎

惜地乞麥種微倖今年秋乞種尚云可無丁復無
牛田主好事人百色副所求盼盼三百斛寬我飢
寒憂我夢溱南川平雲綠油油起來望河漢旱火

連東州四月州不青吾種良謾按田間一太息此
歲何時周向見田父言此田本良疇三歲發不治
種則當倍收何如落吾手羊年變鵝侯身自是旱
毋咄咄將誰尤人滿天地間天豈獨我讐正以賦
分薄所向困拙謀不稼且不穡取未亦何由辦作
高敬通惡雨將漂流吾貧有溢觴賢達未始羞單
衣適至胥一劍又蒯緱焉知寄食餓不取丞相侯
作詩以自廣時用商聲謳

北邙

驅馬北邙原踟躕重踟躕千年富貴人零落此山

隅萬塚不復識榛莽餘龜趺賢愚同一盡感極增
悲歎粵人惟物靈生也與道俱一爲物所眩遂爾
迷厥初斃骨幾山丘百年不須史歸盡固其理交
喪亦已愚陳迹有足悲奈此萬化途焉知原上塚
不有當年吾

龍門雜詩二首

石樓繞清伊塵土天所恨人言無僧久草滿不復
刻灘聲激悲壯山意出高寒當年香山老掛冠遂
忘返高情留詩軸清話入禪版誰言海山去蕭散
仍在眼溪寒不可涉倚杖西林晚

不見木庵師胸中滿泥塵西窓一捩手大笑傾冠
巾青山有佳招一游負因循老筇動高興萬景森
前陳乾元先有期清伊亦知津細看潛溪樹高卧
香山雲學詩二十年鈍筆死不神乞靈白少傳佳
句儻能新邇邇洛陽城梅花千樹春山中有忙事
寄謝城中人

豐山懷古

豐山一何高古屋蒼烟重開門望吳楚鳥去天無
窮連山橫巨鰲白水亘長虹川原鬱佳氣自古南
都雄炎精昔李興卧龍起隆中落落出奇策言言

揭孤忠時事有可論生晚恨不逢漢賊不兩立大
義皎日同吳人操等耳忍與分河潼奪操而與權
何以示至公一民漢遺黎足地漢故封守民及守
土天地與相終不能禦寇讎顧以寇自攻既異鴻
溝初又非列國從一券損半產二祖寧汝客端本
一已失孤唱誰當從至今有遺恨廟柏踈陰風舊
聞清冷洲天籟如撞鐘山經野人語誕幻欺孩童
開元有亂階鹿飲溫泉宮黃掖何爲者乃爾能嘯
兇乾坤之大音久鬱理當通清霜旦夕落佇爾驚

群聾

乙酉六月十一日雨

一早近兩月河洛東連淮驕陽佐大火南風捲黃埃
草樹青欲乾四望令人哀時時恠事發雨雹如李梅
我夢天河翻崩騰走雲雷今日復何日缺雨東南來
元氣淋漓中焦卷意已回良苗與新穎驚無邊涯
音崖書生如老農苦樂與之偕聞聞吉語一笑心顏開
酉年酒如漿乾溢安能裁唯當作高廩多具尊與壘
家人笑問我君田安在哉快雨與快

同音見
魏志

示姪孫伯安

伯安入小學穎悟非凡兒屬句有風性說字驚老
師見汝校書歸憶我青衿時青衿昨日耳齒髮忽
如茲讀書誤人多濶疎亦天資元無倚天劍可斷
扶桑枝倚梯望青冥愚者知笑之壯事已無取老
謀欲何施幸此掌中孫未染如素絲就令好紙筆
門戶誰當支我有商餘田汝壯可耘耔便當學種
樹未用城南詩

伯安方讀錦集
符讀書城南

種松

百錢買松蒸植之我東牆汲井澆塵土插籬護牛
羊一日三摩挲愛比添丁郎昨宵入我夢忽然變

昂藏昂藏上雲雨慘澹含風霜起來月中看細鬣
錯針芒惘然一太息何年起明堂鄰叟向我言種
木本易長不見河畔柳顧盼百尺強君自作遠計
今日何所望

虞卿蘇長官成趣園二首

鑿池水交流築羣山四繞衡門在人境三逕深以
悄中庭八九樹晨坐聽百鳥人生信多慮長竊客
未了虛舟有天游哉定物自擾豈不與世竝自是
萬物表達觀無不可言外當意曉

蹉跎匡山游爛漫彭澤酒慨然千載上懷我平生

友夫君負奇節劍氣鬱星斗爲吏非所堪徑去如
避走王官唐以還寂寞蓋已久柴車君來隱清風
動林藪至今溪上詩往往在人口淵明不可作此
士寧復有

雜詩四首

相士如相馬減淺深天機區區銅馬法徒識牝與
驪人言當塗公惡人知其微如何許邵語受之不
復疑知人固不易人亦未易知姪妍在水鏡鉉粉
徒自欺孰爲仁義人未假已不歸伯樂不可作思
與曹瞞期

世事如大弩人若材官然乘勢易發機非時勞控
弦又如大水中置彼萬斛舡雖有帆與槳亦須風
動天不見周公瑾弱齡已飛騫不見師尚父鷹揚
在華顛彼非生而材此豈晚乃賢鑑基喻智慧要
必有待焉嘆息狂馳子嘗爲愚者憐

崑山有璞玉外質而內美唯其不自銜故與頑石
齒和也速於售再獻甘減趾在玉膏何傷惜君兩
足耳

堂堂明堂柱根節幾歲寒使與蒲柳同扶屢良莠
難我衣敝緼抱我飯首藉盤天公方試我劍缺勿

亥彈

朱杞

仙苗不擇地榛莽散秋實微霜綠未隕濃露紅欲
滴方書尚服餌僮僕課米拾花葉久已厭功實從
此得苦茶薦奇味凡醞化靈液人傳東坡事世驗
西河術誑口亦自佳輕骨況可必維物多似是致
用相萬一向非觀玉篇誰爲分杞棘

宿菊潭

田父立馬前來赴長官期父老且勿往問汝我所
疑民事古所難令才又非宜到官已三月惠利無

毫釐汝鄉之單貧寧爲豪右欺聚訟幾何人健聞
後是誰官人一耳目百里安能知東州長官清白
直下村稀我雖禁吏出將無夜叩扉教汝子若孫
努力逃寒飢軍租星火急期會切莫違期會不可
違鞭朴傷汝肌傷飢尚云可夫闕令人悲

觀浙江漲

一旱千里赤一雨垣屋敗浙故以江名暴與衆壑
會初驚沙石捲稍覺川谷隘雷風入先驅火塊供
一噫千帆鼓前浪萬馬接後沘崩崖不暇顧拔木
無留碍憑陵如藉勢洄狀各有態平分乍舒徐怒

觸忽碎埃雲蒸楚樹杪雪映商嶺背髣髴千丈潮
悅與海門對伏飛聞蛟鯢燃犀出鱗介陽侯富陰
族萬首露光恠翠蕤澹偃蹇鉦鼓亂碇礪求懷䟽
鑿力重歎神禹大乾坤海爲壑未礙變橫潰納汙
非無處流惡聊自快投詩與龍盟懽懽煩一再拜
大赦五日矣

鵲雀崖北龍潭

層崖闕頑陰水木深以阻湍聲半空落洶洶如怒
虎風生木葉脫魄動不敢語何年潭池竅靈物此
接處初從一綫溜開鑿到神禹雲雨鼓飛浪噴薄

齊萬智藏珠驪龍領百斛快一吐油油入無底細
散不濡綾歸藏海有穴汎溢愁下土南峯天一柱
萬古鎮幽府江山有奇探落景迫行旅多勉茹芝
人終年看飛雨

五松平

竹港晨露白石門秋氣寒滿流落澗壑細路深茅
管江平白石出竟日泓清灣四顧不見人山鳥時
間閑蒼崖入地底烟靄青漫漫力盡不能過却坐
空長歎青天白雲閑可望不可攀虛名竟何得行
路乃爾難

阻雨張主簿草堂

濕暑雲氣鬱漫淫去聲成積雨南風竊陰機萬籟困
祇舉飛濤限江岸懸流迫茅宇塊坐百慮滋歸興
生烏羽兒童十日約竹馬候門蕪曾是百里程川
途忽邂逅少將去我久念子平生語款段劣可乘
羸餘果何取河汾敝廬在坐滯西南楚世事不可
期客心徒自苦

贈荅楊煥然

詩亡又已久雅道不復陳人人握和璧鼎石誰當
分閨中揚夫子高誨世所聞十年玄尚白蒸崖甘

長貧有來河太篇四海付斯文斯文有定在桓生
知子雲古來知已難萬里猶比鄰千人國中和要
非心所親東楚西南秦望君勞我神相逢不得語
別去徒殷勤白雲不可贈相思秋復春

送詩人李正甫

陽和入枯株靄靄含芳津山頭太古石不與萬物
春朝從水客游暮將山鬼隣紫芝僅盈匊幽蘭不
充紉青雲入長吁肝膽空輪困我嘗讀君詩天趣
觸眼新秦將得豪宕晉產餘真淳怒虎不受嚙駭
鹿未易馴安坐誰不如半生走逡巡蒼蒼不可問

藐藐誰當親青山碾爲塵白日無閑人空歌東野
曲不掄西州貧

遺山先生文集卷第一



遺山先生文集卷第二

五言古詩

萬化如大路

萬化如大路物我適相遭往來限隣屋夢寐阻同袍
斷金幾何人年運劇銷膏相歡顧不足爾戈奚暇操
古來太山名達觀等秋毫蠻觸徒能國螺贏竟誰豪
曠蕩覽八紘美惡自爲曹造物無巧擇大塊有并包
暴公今在亡轉燐起蓬蒿孤心旣悄悄衆口益敎教
同塵寧當悔枉已乃爲勞鹿門有高躅世網儻能逃



曉發石門渡湍水道中水經湍音專

踈星澹秋明陰霞絢朝映積雨成坐愁晨光動幽
興石門歸馭引湍浦漁刀竝曠蕩萬景新歸藏四
山靜平湖風漪綠遠岸秋沙淨洋洋遊脩逝汎汎
輕鷗泳隱顯乖夙心感寓見真性倦遊徒自悼遠
已將安竟憂端從中來茫茫發孤詠

放言

韓非死孤憤虞卿著窮愁長沙一湘累郊島兩詩
囚人生定能幾肺肝日相讎并蛙奚足論禪虱良
足羞正有一朝樂不償百年憂古來帝王師或從

赤松游大笑人間世起滅真浮漚曾是萬戶封不
恃一棹頭有來且當避未至吾何求悠悠復悠悠
大川日東流紅顏不暇惜素髮忽已稠我欲升嵩
高揮杯勸浮丘因之兩黃鵠浩蕩觀齊州

李道人松陽歸隱圖

北山范寬筆老硬無妍姿南山小平遠澹若常郎
詩松陽古僊村佳處我所知長林連王華細路入
清微連延百餘家柴門水之湄桑麻蔽朝日鷄犬
通垣籬媿我出山來京塵湍山衣春風四十日夢
與孤雲飛可笑李山人嗜好世所稀逢人覓詩句

不恤怒與譏道人本無事何苦塵中爲京師不易
居我癡君更癡山中酒應熟幾日是歸期

黃公廟

羈客無恒居六月走長路清風黃公祠地古欣所
遇翺飛素靈哭龍躍雲雨赴堂堂文成君談笑取
帝傳功名要有命陰相果何預誰謂圯上人異事
驚竹素河清不可俟筋力疲世故袖間一編書塵
埃嘆遲暮

學東坡移居八首

廢地三畝餘十年長蒿萊瓦礫雜糞壤白骨深蒼

苦孤客無所投即此營茅竊壑斷豈不苦寢處亦
可懷辱身賤者事寧當惜筋骸伐木荒林中運甓
古城隈辛勤八十日吾事乃得諧買宅必萬錢一
錢不天來今晨見此屋一笑心頗開

誰謂我屋寬寢處無復餘誰謂我屋小十口得安
居南榮坐諸郎課誦所依於西除著僮僕休休得
自如若我於其間兀兀窮朝晡起立足欠伸偃卧
可展舒牕明火焙煖似欲忘囚拘屋前有隙地客
舍不可無花欄及菜圃次第當耘鋤東野載家具
家具少於車我貧不全貧尚有百本書

故書堆滿床故物貯滿箱
渾渾商寶萬累疊漢銅
章杖飾昭敬恭嚴卯訶痺剛雷文統杖節獸面出
佩瑛私印刻王尊玉斗蛟龍翔逸少留半紙魚網
非硬黃亦有曇首帖不辦作鴈行雪景睿思物宣
政舊所藏晉公古漁父浩歌濯滄浪因觀宮騎圖
卧馳識提囊谿石含餘潤奚墨疑幽香南榮挂風
閣雲裾珮鐙鐙鏡背先秦書八字環中央讀之三
嘆息此日何時光

壬辰困重圍金粟論升勺明年出青城瞑目就東
縛毫釐脫鬼手攘臂留空橐聊城千里外狼狽何

所託諸公頗相念餘粒分鳬鶴得損不相償抔土
填巨壑一冬不製衣繒纈如紙薄一日僅兩食強
半糲藜藿不羞蓬累行粗識瓢飲樂敵貧如敵寇
自信頗亦慙兒啼飯籩空堅陣爲屢却滄溟浮一
葉耿不見止泊五窮果何神爲戲乃爾雪

舊隱嵩山陽筭蕨豐餽餉新齋浙江曲山水窮放
浪乾坤兩茅舍氣壓華屋上一從陵谷變歸顧無
復望樵漁憶還往風土夢閒曠恍如悟前身姓改
心不忘去年住佛屋盡室寄尋丈今年就民居卧
塌礙盆盎靜言尋禍本正坐一出妄青山不能隱

俛首入羈鞅，巢傾外隨覆。身在顏亦強，空悲龍鬣絕。永負魚腹葬，置雖良有餘。終身志懲創。

國史經喪亂，天幸有所歸。但恨後十年，時事無人知。廢興屬之天，事豈盡乖違。傳聞入讎敵，祇以興罵譏。老臣與存亡，高賢死兵饑。身死名亦滅，義士爲傷悲。哀哀淮西城，萬夫甘伏尸。田橫巨擘耳，猶爲談者資。我作南冠錄，一語不敢私。裨官雜家流，國風賤婦詩。成書有作者，起本良在茲。朝我何所營，暮我何所思。胸中有茹噎，欲得快吐之。濕薪烟滿眼，破硯冰生髭。造物留此筆，吾貧復何辭。

東坡謫黃州符藥行江湖荒田拾瓦礫賤役分僮
奴我讀移居篇感極爲悲歎九原如可作從公把
犁鋤我貧公亦貧賦分無賢愚論人雖甚媿詩亦
豈不如

此州多寓士論年悉有隨風波同一舟奚必骨肉
爲倪家蓮華白每釀必見貽李昌妙琴事足以相
娛嬉郭侯家多書篇帙得徧窺趙子篤於學間以
問所疑王生舊隣舍窮達心不移千里訪存歿十
口分寒饑獨有仲通甫天馬不可羈直以論詩文
稍稍窺藩籬永懷王與李朝漢行當歸書來聞吉

語報我脫繫維慚非一狐腋不直五穀皮我作野
史亭日與諸君期相從一笑樂來事無庸知

歷下亭懷古分韻得南字

東秦富佳境北渚擅名談茲游亦已久纔得了二
三南山壓城頭十里奎與函狀流出地底城隅滿
泓潭金絲弄晴光玉玦響空嵌清漣通畫舫秀水
深雲龕華峯水中央鬱鬱堆烟嵐荷華望不極綠
淨紛紅酣毒熱非山陽早濕無江南承平十萬戶
他州隔仙凡劫火土一丘樹老草不芟巧盡露天
質到眼皆奇探千年歷下亭規摹見覃覃懷賢成

獨詠勝賞何由來

舜泉效遠祖道州府君體

重華初側陋嘗耕歷山田至今歷下城有此東西
泉喪亂二十載祠宇爲灰煙兩泉廢不治平漸著
瓦礫填蛙跳平聚浮沫羊飲留餘鹽我行歷荒基
涕下何漣漣舜不一井庇下者何有焉帝功福萬
世帝澤潤八埏要與天地並寧待一水傳甘棠思
邵伯自是古所然我欲操畚鍤浚水及其原再令
泥濁地一變清冷淵青石壘四周千祀牢且堅石
渠漱清溜日聽薰風絃便爲泉上雙杯飲終殘年

與張仲傑郎中論文

文章出苦心誰以苦心爲正有苦心人舉世幾人
知工文與工詩大似國手碁國手雖漫應一着存
一機不從着着看平何異管中窺文湏字字作亦
要字字讀咀嚼有餘味百過良未足功夫到方圓
言語通眷屬只許曠與變聞絃知雅曲今人誦文
字十行誇一目開顛失香臭瞽視紛紅綠毫釐不
相照靚面楚與蜀莫訝荆山前時聞別人哭

濟南廟中古檜同叔能賦

亭亭祠宮檜鬱鬱上雲雨扶持幾來年造物心獨

苦青餘玉川閭根入鐵岸古雖含棟梁姿介斧安
得取流狀地中久駭浪思一鼓天柱屹不移水國
真平土乾坤此神物甲乙存世譜瀨鄉留耳孫關
里傳鼻祖秦松徒自汙蜀柏聊共數會待十抱成
茲馬重摩拊

銅鞮次村道中

山逕一何惡一澗復一嶺昂頭一握天放脚百丈
井武鄉有便道故繞銅鞮境涉險良獨難又復觸
隆景羸驂蹄已穴怨僕氣將癭與世恒背馳用力
何自省河汾紹絕業疑信紛莫整銘石出壙中昧

者宜少警少時曾一讀過眼不再省南北二十年
憂寐猶耿耿喻如萬里別燈火得對影行役豈不
勞聊當忍俄頃

蕭齋并引

故民部長陵蕭公泰和大安之間名德雅望朝
臣無出其右其爲太原道漕使時不肖方廁諸
生間碩嘗一望眉宇以爲甚幸然亦以齒少且
賤不得與橫經之末而爲恨也北渡後居陽平
見關中人邢公達談公平生徃徃色揚而神躍
問之知其爲公夫人之猶子也蓋公達之先人

於公恩義良厚而公所以報之者爲甚力公達
初仕部掾年甫三十遂爲州上佐出入臺閣者
二十年雖其材致然亦藉公爲之司命耳予推
知公達之敬公也凡欲聞公之故則就訪之公
達所居之屋乞名於予因以蕭齋目之且爲之
說云士之生世有一鄉之士有天下之士有一
人之所私慕有天下之所共稱分限所在不能
以強人而人亦不得而強之也惟公承王公餘
烈奔葉台鼎世譜完具與常陽杜氏相上下故
言氏族者推其貴出入經史優柔饜飫發適秘

奧不減前輩蔡無可故言討論者服其博奏議
疑獄致力忠愛一言之仁利及永久故言斷獄
者歸其平疆禦不奪其操公相不易其介幅巾
鄉杜坐鎮頽俗故言進退者推其高蓋天下所
共稱非一人之私慕高山仰止其誰曰不然古
人有愛蕭子雲筆札者得蕭之一字遂以名所
居況於其所天乎因爲詩以貽公達有好賢如
緇衣者請爲同賦焉

十年金門客一日蓬蒿人煙煤兩椽屋因公名字
新昔公無恙時四海望經綸敦龐一古儒風來自

名臣人亡典刑在百世留清塵師尊世共然况予
夙所親愛公人夢想逶迤見垂紳教兒多讀書公
言諒諄諄他時門戶改亦唯公所姻我嘗望公顏
道左避朱輪至今誦其詩喜色爲津津歸秦如未
老會買東家隣

別李周卿三首

行路遊於棘單車望千山歌君歸雲曲清涕留餘
潛六年河朔州動輒得謗訕唯君篤高義日來款
柴關古文松柏心今交桃李顏古人去不返古道
挽不還相思一樽酒幽恨寄山間

風雅久不作日覺元氣死詩中柱天手功自斷鰲
始古詩十九首建安六七子中間陶與謝下逮常
柳止詩人玉爲骨往往墮塵滓衣冠語俳優正可
作婢使望君清廟瑟一洗箏笛耳

城居日蛙黽局促撥局促去作山中客放浪誰檢
束溪光淡於冰山骨淨如玉懷我同心人園茅住
深竹垂綸鮮可食種秫酒亦足石壇三萬丈醉眼
天一粟安得萬里風相從兩黃鶴

周卿學有淵源
東州詩人未見

其此與予約西
勝如詩中所說

訓韓德華送歸之作

良朋滿東州歲月見忠悃
韓侯晚相值意氣尤懇
懇我嘗相斯人趣向識
端本立節柏有心樹德
蘭在畹官榮睨不顧寄
興浮雲獻今世走名場
旗旆幾仆偃賤子本無
取玉趾渠徃返昨聞遂
歸養見謂竹林阮暑涂
三百里追送不憚遠觀
君未訥姿百念爲日損
顧方慙衣綢又被以華
衮桑榆儻可收歲事在
撫藪里門眼中見歸袖
勞重挽鷄黍先有期什
堂未言晚渠猶頻然

戊戌十月山陽雨夜二首

朔吹作還止雲意鬱以周
十月雷收聲陽和自油

油此雨非舊雨春旱歷夏秋道路土三尺今朝見
浮漚三城信樂土凶年未消憂一蝗食禾盡半菽
不易求流民四方來斷港魚蝦稠忍死待一麥秋
種且未授乾溢誰所司寧壇備九州醉飽到狐鬼
巫覡自懷羞帝命制江湖野語良悠悠龍公爲汝
賀桑榆定可收

霏霏散浮煙霽霽集微全出門望白塔但覺襟袖
潤繁聲忽赴節細點復成陣久渴宜未歇平已作
寧小靳山陽冬候煖麥脚易滋分去土膏入滲漉
破粒容可趁此邦信可樂風土同一晉單車我東

來塵土滿歸鬢最
糧失先具閑羅
固餘客今朝人
事改一兩開百
順僧窓晚色淨
喜極憂爲盡枕
上一詩成燈花
落紅燼

看山

惻惻悲去國
鬱鬱賦卜居
不采西山薇
即當葬江魚
今日忽有得
蕩如脫囚拘
青山坐終日
忘讀案上書
皐壤與山林
使我欣然歎
我身天地間
託宿真蓬廬
無窮閱有限
萬期亦須臾
坎止及流行
何計疾與徐
百年險與夷
又似萬里途
良馭馳康莊
九折亦摧車
必惟易之就
遇險當何如
化化復生

生體異理不殊驚非浴而白鳥豈燕而烏誰續長
經鶴誰截短足鳬孔墨不煖席盜跖華堂居公車
困方朔木倉飽侏儒杜子露雙肘朝衆出無驢軟
裘與快馬照耀與臺軀天隨隱笠澤杞菊供盤盂
擊鮮日爲具大嚼皆屠沽乖逢自乖逢賦分無賢愚
作計窮一我造物良區區嚮也憂不足乃今樂有餘
九日讀書山用陶詩露淒暄風息氣清

天曠明爲韻賦十詩

行帳適南下居人踣庭戶城中望青山一水不易
渡今朝川涂靜偶得展衰步蕩如脫囚拘廣莫閑

四顧半生無根著筋力疲世故大似丁令威歸來
歎墟墓鄉閭喪亂久觸目異平素粉榆雖尚存歲
晏多霜露

今日復何日霜氣倏已凜登高有佳招山中古招
提翩翩劉公子王田重相携乾坤動詩興澗壑忘
攀躋霍侯家甚貧劣有酒與鷄城居敗壁鼓移家
此幽棲世網不易逃所向皆塵泥何以濯我纓林
間有清溪

山腰抱佛剎十里望家園亦有野人居層崖映紫
門昔我東岩君曾此避塵喧林泉留杖履歲月歸

琴樽翁今爲飛仙過眼幾寒暄蒼蒼池上柳青杉
見諸孫踈燈照茅屋新月入顏垣

二句先
人詩也

依依覽陳

迹惻愴不能言

霜氣一區薄杳杳秋山空臨高望煙樹黃落雜青
紅造物故豪縱窮秋變春容錦障三百里不盡瑩
山東粲粲黃金華羅生蒿艾叢野人不知貴幽香
散秋風秋物自橫陳碩揖苦不供誰能搗醉筆吐
句凌清雄

宇宙有此山閱世過鳥疾何人不此遊名姓寧復
識茲長世所重前代多盛集紫桑有故事二謝留

俊筆併數孟與桓此外誰記憶人生百年內踏地
皆種迹獨惟我輩人興懷念今昔山林與臯壤自
古長太息

賞心古難并暮景日易費故人成此游尊酒重相
慰新詩互騎唱清談見滋味鱣鯢方偃蹇龜鼃共
騰沸懸險劇褒斜清渾雜涇渭爭教十圍腹滿貯
憂與畏情親到真率寧復轉喉諱鄭重伯雅生籍
汝聊吐氣

往年在南都閭閻主文衡九日登吹臺追隨盡名
卿酒酣公賦詩揮灑筆不停蛟龍起庭戶破壁春

雷轟堂堂髯御史痛飲益精明亦有李與王玉樹
含秋清我時最後來四座頗爲傾今朝念存歿壯
心徒自驚

我在正大初作吏浙江邊山城官事少日放浙江
船菊潭秋華滿紫稻釀寒泉甘腴入小苦幽光出
清妍歸路踏明月醉袖風翩翩父老遽我留謂我
欲登僊一別半山亭回頭餘十年江山不可越目
斷西南天

吾山一何高清凉屹相望龍頭出白塔佛屋壓青
嶂雲光見秋半旭日發臺相峩峩寶樓閣金界儼

龍象鄉曲二十年香火闕瞻向金花香綿草夢想
雲雨上福田行欲近重爲詩酒障終當陟層巔放
眼天宇曠

紫微老仙伯少日見承平甲子五百餘雙瞳益清
明披莊不盈尺脩然澹無營庭柯挂秋蔬老樹風
泠泠我有年德尊公深鄉曲情思得菊潭酒為公
制顏齡作詩語同游明年復尋盟看翁九節杖翩
翩上崢嶸

留月軒

文室何所有琴一書數冊花竹結四隣繁陰散芳

澤開門無車馬明月即佳客三人成邂逅又復得
驩伯驩伯爲我歌蟾兔爲動色商聲隱金石挂樹
風索索乾坤月與我光滅即生魄元精貫當中寧
有天壤隔邪君尚奚待言論累數百多談令人厭
坐睡驚墮情一笑鷄未鳴虛窓自生白

梨花海棠二首

梨花如靜女寂寞出春暮春工惜天真玉頰洗風
露素月澹相映蕭然見風度恨無塵外人爲續雪
香句孤芳忌太繁莫遣凡卉妬

妍花紅粉粧意態工媚嫵窈窕春風前霞衣欲輕

舉金槃漱華屋國艷徒自許依依如有意脉脉不
得語詩人太冷落愁絕殘春雨

趙吉甫西園

園名
種德

王城北民居近市無開田開田八九畝乃在城西
偏久矣瓦礫場莽爲狐兔阡高人一留頌老木生
雲烟築屋臨清流開窓見西山人境偶相值遂無
城市喧趙侯嗜讀書兀坐守遺編性情入吟詠古
澹無妖妍酸醎與世殊至味久乃全我作別墅詩
請爲子孫傳耕耘有定業歉豐屬之天寧作園莽
兒袖手待逢年汲古先有齋種德今有園期君在

晚歲無庸計目前

臨分李氏任運堂二首

并序

彥仁從軍久厭於事物之累念欲脫去
之而不可得也故嘗鬱鬱不自聊求予
發藥之予名其居曰任運堂且爲賦詩
官職有何好凜凜蹈危機車塵及馬足捧手仍佞
眉棄去何足道無從脫繫維不如聽其然歲晚僅
可期此心未馴初養虎時飽飢一爲金石止坐閱
萬物馳汨泥揚其波哺糟醖其醕漁父我所學靈
均竟奚爲上堂壽慈親兄弟如埴甓菽水足致樂

況有甘與肥人生天地間長路有險夷遇險即欲
避安得皆通達君家北山翁百世留清規樂天而

知命行矣君何疑

北山翁彦仁之伯祖泰和間以高道提點天長習華公贈詩有百世清規之語故及之

履危恨無機避禍欣有策後慮徒自密前路寧汝
測七戰殲虜下坐談得刺客周身容孔智伐樹不
宋厄九折怯乘險瘴海悲遠謫就令家長安獨不
死休責人生多憂畏年壽幾至百惴惴首尾間天
宇坐成窄重泉青雲梯平地黃土陌車逢有定在
拙計徒巧擇行樂當及時莫待頭雪白

黃土陌見初學記如僕門

題張左丞家范寬秋山橫幅

層崖閼長陰細逕緣絕巘梯雲欄干峻廓廓清眺
展斜陽半天亦飛鳥大江速清霜張秋氣草樹生
意剪風雷斫堅敵旗旆紛仆偃崢嶸峯巒出莽蒼
林薄晚盤盤范家筆老懷寄高蹇經營入慘澹得
處乃蕭散嵩丘動歸興突兀青在眼何時卧雲身
團茅遂踈嬾

宿張靖田家

地屬
壽陽

川涂盡坡陀嶺路入荒梗微茫望煙火向昔得廬
井戩民安朴陋倦客喜幽屏兒童聞叩扉租吏有
餘警兩崖紛蘂薄砂石立頑獷湍流落空嵌百折

不容騁山深饒風露夜氣淒以耿園花澹相望邊
月空照影深居苦不早素髮忽垂領誰謂林野人
茲焉惜清景

曲阜紀行十首

荒城卧魯國寒日澹平蕪十年素王宮突兀此城
隅我昔入小學首讀仲尼居百讀百不曉但有嚙
成珠少長授魯論稍與義理俱攝齊念升堂壞壁
想藏書翩翩七十子佩服見舒徐慨然望闕里日
思膏吾車五原東北晉因循追桑榆今日復何日
南冠預庭趨隱隱金石聲帆如夢清都憶哉神明

觀欣幸當何如

殿屋劫火餘瓦礫埋荒基入門拜壇下儼然想光
儀憶當講授初佩服何遙迤登降幾何人鸞鳳相
追隨千年仰堦級天險不可躋文杏誰此栽世世
傳清規植根得所託在木將何知

堂堂魯三掄培植出天巧規摹欲十抱奇秀供百
繞誰言甲戌亂煨燼入炎燎青煙干雲上群鶴空
自矯哀哀嶧陽人腸肺痛如攪魯郊木何限名取
唯一少神明信扶持厄運豈易曉雲臺滿荒榛連
宮餘曲沼紛紛閱成壞何異晏與早道存有汙隆

物齊無壽夭霜皮眼中見鬱鬱自塵表君看太山石萬古青未了

陋巷陋復陋老屋在人境門前軒蓋多閉戶自幽
屏近郊無百畝負郭纔半頃饘粥聊自供取足唯
一井此井閱千歲清節傳箕穎尚想瓢飲初至味
久益永德鄰與周旋聖域容造請貧中有此樂日
暮獨何炳泓然窺古甃一勺試甘冷上池果能神
轉盼得深省塵埃竟何有素髮忽垂領共學誰我
容從之抱脩綆

泮宮何所有舞雩但荒臺泮水涸已久北風捲黃

埃碩瞻魯公宮感祕令人哀獻賦亦盛事規摹到
平淮作計萬萬古而今安在哉獨愛鼓瑟翁不與
三子偕宗周方訖錄聖師猶卷懷但欲春服成風
乎詠歸來我亦淡蕩人涉世寡所諧浴沂行有日
一笑心顏開

大姦何所如楔掄雄且猛雖然弭耳伏擇內會一
騁卯也不敗露各與聖師並天刑竟莫逃不待七
日頃曹瞞盜漢璽僅得保腰領與卯均小人脫網
乃差幸小偷學不至適足污鍤鼎不從市朝肆必
就遠方屏兩觀餘坡陀萬世示頑獷神兵懍可怖

過者宜少傲

不見講堂處指似存世譜遺基洙泗間荒惡餘十
畝聖師旣已老自衛歸在魯正樂脩六經卒業此
其所當時季路室完整逮建武太僕忠且壯持用
方禦侮如何唐盛日一廢不重舉中和天地位寧
復俟庭廡所嗟世道衰師授日莽鹵空餘千歲井
黥黑照終古

白塔表佛屋萬瓦青粼粼何年勝果寺西與姬公
鄰塔廟恣汝爲豈合魯城閭魯人惑異教吾道宜
湮淪許行學神農耒耜手自親當時子孟子直以

爲匪民況彼桑門家冀壞待其身一朝斷生化萬
國隨荆榛孟氏非所期安得楊與荀丹青贊神化
舊染爲一新坐令鍾魚地再睹邊豆陳吾謀未及
用勿謂秦無人

天地有至文六籍留聖謨聖師極善誘小智祇自
愚文章何物技不直咳唾餘操戈競虛名望塵拜
高車所得不毫髮咎責滿八區公論懸日星豈直
小人儒喻彼失相者悵不知所如指南一授轡聖
門有脩途陽光照薄暮尚堪補東隅悠哉發深省
洒掃今其初

林墓連魯城方廣十里間林間百草具棘刺死不
蕃拮槐作橫理青青閱千年懷人成一慨何止召
公賢博陵石翁媼名字無留鐫兩獸墓前物歲久
乃訛傳聊我游魯門規作孔林篇聖人與天大聖
道難爲言所見不一記來者何述焉詩成私自媿
小子良斐然

寶嚴紀行

陰崖轉清深秋老木堅瘦城居望已遠步覺脫氛
垢寶嚴夙所愛犬室方再叩曉黑繞入門徑就石
泉漱遙進金門寺寶焰出岩竇我豈無盡公昔見

今乃又同來二三子餐飯故相就況有杜紫微琴
筑終雅奏矐矐上初日深樾燭穿漏遠迤陟兩巘
萬里若迎候絕壁三面開仰看勞引胆兩山老突
兀屹立柱圓覆諸峯出頭角隨起隨偃仆不可無
煙霞朝暮爲先後橫亘連巨鰲飛墮集靈鷲九華
與奇巧五老失渾厚想當位置初遂欲雄宇宙太
行有砮谷勝絕無出右大似塵外人眉宇見高秀
哀湍下絕壑電擊龍怒鬪崩奔翻雪窖登滑瀉瓊
甃窮源得懸流偉觀駭初進僊人寶樓閣白雨散
簷溜天孫拂機絲素錦絢清畫永懷登高賦意正

困馳驟窘於游暴秦百說不一售林間太古石稍
復杯飲舊已約銘窪尊細鑿留篆籀茲山緣未了
僧夏容宿留終當丐餘年奇探盡雲岫

鴈門道中書所見

金城留旬浹兀兀醉歌舞出門覽民風慘慘愁肺
腑去年夏秋旱七月黍穠吐一昔營幕來天明但
平土調度急星火連負迫播楚網羅方高懸樂國
果何所食未有百勝擇肉非一虎呼天天不聞感
諷復何補單衣者誰子販糴就南府傾身營一飽
豈樂速服賈盤盤鴈門道雪澗深以阻半嶺逢驅

車人牛一何苦

岳祠齋宮夜宿

煌煌德寧宮望秩年祀永唐來幾焚蕩規制仍峻
整龍旂嚴黼座金罍散光炯嶽拜行且周常觀竊
欣幸青紅留壞壁兵衛自馳騁木杪見龜趺雄筆
映鍾鼎中和昔喪亂已溺寧再拯有來鴈門公赤
手探虎鯁經營入慘澹灑落出鋒穎凶豎竟自擢
神鑒益彪炳青山閱人代今古一炊頃摩挲盤根
槐甲子誰記省竭來石門道煙岫接雲嶺霄漢瞻
上階濃碧插秋影青林雨聲集懸瀑激奔猛森然

心魄動冰雪，淒以耿飄飄。想僊袂飛下玉蓮井，昨
夢知是非復此造真境。妙香淨餘習，灝氣發新警。
鴈書來何遲，素髮迫垂領。玄壇展裘步，似欲逐幽
舞。高柯月紛紛，裴回惜清景。

示程孫四首

并州望南宮，東南千里餘。六年念兒女，鬱鬱心不
舒。程孫問安否，一月兩寄書。老我倦出門，况是涉
畏途。鞍馬二十日，面色爲焦枯。白凡應見矣，此行
亦區區。

吾女在吾家，先以安卑弱。雖然適貴門，一味甘儉

薄財廉出仁讓語省見端慈婦道化一州母女皆
願學州人聞我至相與喜且愕謂我六十翁齒髮
未衰落擊鮮日爲具和氣動城郭爲說婿女賢宅
相知有託乃公私有賀一月醉杯杓生女四十年
今有爲父樂

直孫年志學玉立無纖瑕簡孫甫勝衣芳蘭茁其
芽粲粲彩翠翔鵲雛映朝霞諸孫獻公壽喜極優
長嗟吾母河南君閨門靜無譁殷勤教女孫乃今
成汝家老我何足道外舍儘得誇

會聚樂不貴言別懷以惻風雲動老懷車馬見行

色明年吾六十家事斷關白唯當近酒醉亦復拋
書冊提携兩童子款段或下澤玉雪念吾孫未覺
千里隔乘興徑一來髯婿當速客

九月初霖雨中感寒痺作

留飲工作崇臂股半風滛風滛喜陽景旬浹坐秋
霖兒寒益跳梁衰暮苦難任病枕怯遙夜破窓風
露深兩年魏大名千門嚮霜碓客行足繒纈家居
但踈衾絢綵不易得候蟲徒自吟無衣思南州傷
哉非獨今

同白兄賦餅中玉簪

畏景衆芳歇仙葩此夷猶水姿出新沐娟娟倚清
秋昨夢今見之風鬟玉搔頭誰言閨房秀高情渺
林立碧蓮古銅臺一室香四周懷人成獨詠遠思
徒悠悠

野史亭雨夜感興

秋錄關赴告求野或有取秋免一寸毫盡力不易
舉衰逢秋自惜憂畏當誰語展轉天未明幽窓響
疎雨

哭延孫

兒生去年冬間里日相慶今年迫周晬疹痘俱已

竟爛班綴錦衫未與玉雪稱宅相望此孫惜愛均
氣命一宵誰奪去遽有亡辜橫情鍾未難忘力挽
將安勝憶昔點粧初季女抱臨鏡灼灼芙蓉花澹
與清波映霜風入芳渚瘦綠餘荷柄嬌紅耿在眼
百喚不一應寂寞空鏡前老眼淚如迸

贈鶯

鄰牆擁高樹深樾蔭衡宇山禽千百種晨夕所棲
處獨愛黃栗留姪姪如稚女笑啼啼又笑宛轉工
媚嫵佞窺疑欲下轉盼忽驚舉花暗柳陰陰尚記
兒時語詩家此尤物名字喧樂府天真累絲竹客

服仍楚楚宮額畫眉濶黛黑抹金縷恨不掌上看
毛羽得細數山城無與樂好鳥亦求侶時將貫珠
來有唱當和汝

讀書山月夕二首

層崖多古木細路深萼苔柴門開曉日雲際青山
來靜中有真趣孤賞何悠哉

久旱雨亦好旣雨晴亦佳胡床對明月樹影含清
華牆東有洿池欹枕聽鳴蛙

遺山先生文集卷第二

通山先生文集卷第三

七言古詩

虞坂行

丙子夏五月將南渡河
道出虞坂有感而作

虞坂盤盤上青石石上車蹤深一尺當時騏驥知
奈何千古英雄淚橫臆龍蟠於泥易所歎麟非其
時聖爲泣玄龜竟墮余且綱老鳳常飢竹花實天
生神物似有意驗以乖逢知未必若論美好是不
祥正使不逢何足惜孫陽騏驥不並世百萬億中
時有一乃知此物非不逢轅下一鳴人已識我行
坂路多閱馬敢謂群空如冀北孫陽已矣誰汝知

努力鹽車莫稱屈

畫馬爲邢將軍賦

大宛城下戰骨滿驚駘入漢龍種藏將軍此紙何處得便覺房駟無光芒人中馬中兩勍敵天門鴈門皆戰場并州父老應相望早晚旌旗上太行

秋蚕

室人篋中無寸縷一箔秋蚕課諸女朝來飼却上馬桑隔簇仍聞竹間雨阿容阿璋墨滿面畫徹灰城前致語上無蒼蠅下無鼠作實直須如瓮許東家追胥守機杼有桑有稅吾猶汝官家恰少一絢

緣未到打門先自舉

南溪

南溪酒熟清而醇北溪梅花發興新
前年去年花下醉今年冷落花應
嗔梅花娟娟如靜女寂寞甘與荒
山隣詩人愛花山亦好幽林穹谷
生陽春風襲我我一尺雲芳香幽
卧如相親山堂夜半北風惡一點
相思愁殺人

送郝講師住崇福宮

郝平晉人

大方之家幾知津郝君七十老斲輪
書文五車喙三尺劇談混沌今猶神
太玄博士爲絕倒君言夸

矣天公嗔長安冠蓋羅青雲洛陽車馬爭紅塵恠
君掉頭不肯住寂寞來作由東隣崧高維岳古所
秩三十六帝有外臣玄都石壇待颺馭宮殿突兀
松輪囷上界僊人鄧雲山洞天治所名司真蓬萊
方丈去不遠明星玉女時相親瑤華可擷蘭可紉
煙霞永隔塵中人黃鵠一去不復返白鷗萬里誰
能馴爲我殷勤謝鄧君玉華歲晚當平分

范寬秦川圖

張伯玉致後同
麻徵君知幾賦

亂山如馬爭欲前細路起伏蛇蜿蜒秦川之圖范
寬筆來從米家書盡船變化開闔天機全濃澹覆

露清而妍雲興霞蔚幾千里着我如在我岬巔西
山盤盤天與連九點盡得齊州煙浮雲未清白日
晚矯首四顧心茫然全秦天地一大物雷雨瀕洞
龍頭軒因山分勢合水力眼底廓廓無齊燕我知
寬也不辦此渠寧有筆如脩楊紫髯落落西溪君
長劍倚天冠切雲望之見之不可覩元龍未除湖
海氣李白豈是蓬蒿人愛君恨不識君早乃今得
子胥中秦作詩一笑君應聞

子七年前過郾城伯玉知子來而郡無賓主意子亦徑寢

而去爾後雖願交而羣歟矣未嘗不以爲恨也今日子思兄弟出此圖求子賦詩酒惡無聊中地爲賦此畫本米元章家物有韓子蒼題名元章以爲中立而元卿以爲中正以子觀之此特張翥胥中物耳知者當不以吾言爲過云

赤壁圖

馬蹄一蹴荆門空鼓聲怒與江流東曹瞞老去不
解事悞認孫郎作阿瞞孫郎矯矯人中龍顧盼叱
咤生雲風疾雷破山出大火旗幟北捲天爲紅至
今圖畫見赤壁髣髴燒虜留餘燄令人長憶眉山
公載酒夜俯馮夷宮事殊興極憂思集天澹雲閒
今古同得意江山在眼中凡今誰是出群雄可憐
當日周公瑾憔悴黃州一禿翁

寄荅溪南詩老辛愿敬之

五年不喚溪南渡日夕心馳洛西路山中今日見

君詩惆悵良辰又相悞龍蛇大澤變風景虎豹天
門鬱煙霧丈夫不合把鉏犁青鬢無情忽衰素平
泉漫作窮愁志笠澤休題自憐賦長安正有五侯
鯖骭麟誰能作樓護青燈老屋深蓬蒿蝙蝠掠面
莎鷄蹠劒歌夜半激悲壯松風萬壑翻雲濤區區
墓上曹征西我知嬾媿王東臯人生只有一杯酒
螟蛉蜾蠃安能豪

西園

興定庚辰
八月
中作

西園老樹搖清秋畫船載酒芳華遊登山臨水祛
煩憂物色無端生暮愁百年此地旃車發易水迢

迢鴈行沒梁門回望繡成堆滿面黃沙哭燕月
榮一炬殊可憐膏血再變爲灰煙富貴已經春夢
後典刑猶見靖康前當時三山初奏功三山宮闕
雲錦重壁月瓊枝春色裏盡欄桂樹雨聲中秋山
秋水今猶昔漠漠荒煙送斜日銅人攜出露盤來
人生無情淚沾臆塵川亭上看年芳更爲清歌盡
此觴千古是非同一笑不須作賦擬阿房

愚軒爲趙宜之賦

心生化誰搏控舉世倏倏皆大夢百年只辦作
朝三爭識群狙先汝弄人人具此清淨眼妄瞽無

根嗟自種天機嗜欲涇渭雜道念紛華鄒魯關令
人却澹愚軒愚一蹴藩籬開廓空去聲愚軒虛室久
生白掌上精真元自洞氣筵神火俱長物豈有古
方傳魯宋人言此眼本無負死恨冥行人所共智
愚何預阿堵中或者桔槔賢抱瓮病瘖能指跛能
履眉睫雖存寧復動我云俗士蔽一曲全笑不全
從古衆渠懷六鑿日相攘內不錙銖徒外重守官
緣壁夸覆射懸虱如輪規命中天和一洩不知止
膏火自焚良可痛從教自此方相多纔與警師論
伯仲先生真是有道者老境一愚聊自送五官止

廢而神行就今有眼將無用寄謝諸方五味樺葛
藤莫作金饒頌

雙峯競秀圖爲叅政楊侍郎賦

江烟霏霏雲拂石山木蕭蕭山鬼泣江岸人家失
南北兩峯突兀何許來元氣淋漓洗秋碧畫家晴
景費經營共愛移山入杳冥安得北風吹雨去倚
天長劍看崢嶸

西窓

西窓鳥聲千種好樹陰離離動微風青山滿前掩
書坐欲話懷抱無人同花枝不笑綠鬟改尊酒自

與黃金空少年樂事揔消歇落日澹澹天無窮

二十五日鶴

九龍崗上玄元祠人言尊像神所遺年年二月降
靈鶴來無定數有定期城頭曉露生新警萬首望
穿雲際影不知濁世誰下臨只許霜毛見脩整石
壇花落松風冷憂然長鳴人語定百年鰲老誇見
聞萬里黃冠赴靈應只從游騎突重圍城郭併與
人民非可憐侈殿荒墟裏無復當年丁令威

聞欽叔在華下

翰林僊人詩酒豪平生稽阮參遊遨山中草棘滿

霜雪可惜渠家宮錦袍
聞君忍飢讀離騷
思之不見心爲勞
舉頭西望忽大笑
太華落落長庚高

閩商卿還山中

阿卿去月從我來
今日西山成獨徃
野人不是城中物
澗飲巖棲夢餘想
翰林濕新爆竹聲
待詔履穿沾雪行
蘭臺從事更閑冷
文書如山白髮生
孤燈靜照寒窓宿
北風夜半歌黃鵠
田家閉門風雪深
梅花開時酒應熟
半世虛名不療貧
棲遲零落百酸辛
憑君莫向山中說
白石清泉笑殺人

女几山避兵送李長源歸關中

山骨稜稜雪花白北風不貸單衣客與君此別欲
何言若箇男兒不湮阨相濡相啗尚可活轢釜何
曾厭求索從知鮫鱷無隱鱗芥視三山需一擘自
古飢腸出奇策漢廷諸公必勦色見君軒蓋長安陌
雪後招隣舍王贊子襄飲

去年春旱百日強小麥半熟雨作霜青山無情不
留客單衣北風官路長遺山山人伎倆拙食貧口
衆留他鄉五車載書不堪糞兩都覓官自取忙無
端學術與時背如瞽失相徒悵悵今年得田昆水
陽積年勞苦似欲償隣牆有竹山更好下田且秣

稻亦良已開長塋掩烏芋稍學老圃分紅薑宋公
能詩雅好客勸我移家來水旁一閑入手豈易得
夢中我馬猶玄黃君不見并州少年作軒昂鷄鳴
起舞望八荒夜如何其夜未央賣刀買犢未厭早
腰金騎鶴非所望河南冬來已三白土膏墳起如
蜂房崧山東頭玉旆出父老知是豐年祥南溪酒
熟梅花香高聲爲喚墻東王便當過我取一醉聽
歌長安金鳳凰

都舍來可字予之隱君子也并州少年謂李汾長
源長安金鳳凰者齊梁間四舍兒所歌

半山亭招仲梁飲

孤城鬱鬱山四周外人不到如繫囚半山亭前漸

江水只可與君消百憂江山百年有此客雲樹六
月生涼秋世上紅塵爭白日一丘一壑去來休

鄧州城樓

鄧州城下湍音水流鄧州城隅多古丘隆中布衣
不復見浮雲西北空悠悠長鯨駕空海波立老鶴
叫月蒼煙愁自古江山感游子今人誰解賦登樓

宛丘嘆

秦陽陂頭人迹絕荻花茫茫白於雪當年萬家河
湖來盡出牛頭入粗帖蒼髯長官錯料事下考大
笑陽城拙至今三老背腫青死爲逋懸出膏血君

不見劉君宰葉海內稱饑摩寒拊哀孤惻碑前千
人萬人泣父老夢見如平生冰霜統縹渠有策如
我碌碌當何成荒田滿眼人得耕詔書已復三年
征早晚林間見鷄犬一犁春雨麥青青髯手令南陽
配死民以牛
頭担迫而逝者餘萬家劉雲卿御史宰葉除迹力稅三萬斛百挺為之
立碑頌德賢不肖用心相遠如此李之後十年予為此誌大為通縣所
困辛卯七月農司檄予按秦陽陝田感而
賦詩李與劉皆家宛丘故以宛丘嘆命篇

游黃華山

黃華水簾天下絕我初聞之雪溪翁丹霞翠壁高
歡宮銀河下濯青芙蓉昨朝一游亦偶爾更覺基
偏難為功是時氣節已三月山水赤立無春容端

聲洶洶轉絕壑雪氣凜凜隨陰風懸流千丈忽當
眼芥蒂一洗平生胃雷公怒擊散飛雹日脚倒射
垂長虹驪珠百斛供一瀉海藏翻倒愁龍公輕明
圓轉不相礙變見融結誰爲雄歸來心魄爲動蕩
曉夢月落春山空手中仙人九節杖每恨勝景不
得窮携壺重來岩下宿道人已約山櫻紅

巨然松吟萬壑圖

胃中刺鯁無九澤畫裏風煙繞一漚阿師定有維
摩手斷取江山着筆頭石林蒼蒼崖寺古銀河浩
浩松聲秋方外賞音誰具眼莫將輕比李營丘

密公寶章小集

天東長白大寶幢天河發源導三江有木蔽映山
朝陽云誰巢者雛鳳鳳雲間吐氣日五色百鳥不
敢言文章名都盤盤魏大梁黃金甲第羅康莊王
家書絕盡亦絕欲與中秘論低昂密公書院無絲
簧窓明几絮凝幽香元光以後門鑰廢文士稍得
連壺觴客來喜色浮清揚典衣置酒餘空箱生平
俊氣不易降眼中俗物都茫茫淵明素琴稽阮酒
妙意所寄誰能量在昔武元握乾綱扶桑爲弓射
八荒獵取大國如驅羊取民風朴魯資贊彊文洽

未及武尅剛興陵之孫越王子天以人瑞歸明昌
十三執經侍帝傍十八健筆陵阿房撐腸文字五
千卷靈臺架構森鋪張高陽苗裔襲衆芳胡不置
之貢玉堂袖中正有活國手地下纔得脩文郎悲
風蕭蕭吹白楊丘山零落可憐傷承平故態耻猶
在拂拭寶墨生輝光恰似如庵連榻坐一甌春露

澹相忘

明昌寶玩群玉中秘內府圖書印也越卿有柳公權紫綠鞋
歐率更海上揚舲式乞花等帖然獨推元章筆他爲古今

筆宋畫譜山水以李成爲第一國朝張太師浩然王內翰子端奉旨品
第畫畫謂成筆意繁疎有畫史氣象次之別開莊許之下客公議實起
諸亦以此論爲公郭乾輝畫棟公以爲當在太古無上啓以來諸人筆
屢筆實皆非其此故予詩及之獨軒公自號也又所居有如庵詩集既
如庵小築越王諸子惟博軒貧甚與去沽酒之句益寶錄云甲子三月二
十有一日爲輔之書于聊城至覺寺之寓居

荆棘中杏花

墻東荒蹊抱村斜荆棘狼藉盤根芽何年丹杏此
留種小紅減減爭春華野人慣見謾不省獨有詩
客來咨嗟天真不到鉛粉筆富艷自是宮闌花曲
池芳逕非宿昔蒼苔濁酒同天涯京師惜花如惜
玉晚檐賣徹東西家杏花看紅不看白十日忙殺
遊春車誰家園亭有此樹鄭重已着重帟遮阿嬌
新寵貯金屋明妃遠嫁愁清茄落花紫簾拂床席
亦有飄泊沾泥沙天公無心物自物得意未用相
陵誇黃昏人歸花不語唯有落月啼栖鴉

太白獨酌圖

宣和所藏
李伯時筆

謫仙去世三百年海中鯨魚渺翩翩豈知龍眠天
馬筆忽有玉樹秋風前金鑾歸來身散僊世事悠
悠白髮邊會稽賀老何處在千里名山入酒船清
景已隨詩句盡風流合向畫圖傳往時長安酒家
眠焦遂不狂張不顛想得三更風露下醉和江月
弄江煙

松上幽人圖

宋宗婦曹夫人仲婉所
畫上有曹道冲題詩

秋風謾謾松樹枝仙人骨輕雲一絲不飲不食玉
雪姿竹宮月夕頻望祠竟不下視齋房芝人間女

手乃得之眼中擾擾昨暮兒畫圖獨在羲皇時予
懷渺兮幽林思

送張君美往南中

南朝辭臣北朝客棲遲零落無顏色陽平城邊握
君手不似銅駝洛陽陌去年春風吹鴈迴今年鴈
逐秋風來春風秋風鴈聲裏行人日暮心悠哉長
江大浪金山下吳兒舟舩疾於馬西湖十月賞風
煙想得新詩更瀟灑

戲題新居二十韻

去冬作舍誰資助縣侯雅以平原故賢郎檢視日

復日規制從頭盡牢固南風一夕怪事發突兀
垣殘半柱乞漿得酒過初望曲突徙薪忘後慮長
淮千里燕巢林明月一枝烏遶樹東家老屋西北
走衆木拔撐留少住由來馬隊非講肄況與晁牢
通過路聚廬託處何暇擇重爲主人推排俟夏秋
之交十日陰抱被倚門愁旦暮君問新居在何許
只去火餘纔數步學宮分地與閑冷使館有牆遮
離汙就中此宅尤費手官給工材半傭顧十寒一
暴半載強纔得安床置鐺釜紛紛暗被兒女笑老
虎般彪今幾度曾中廣厦千萬間天地一身無着

處北來衣冠日枯槁十九桃符傍門戶乾坤血肉
得此身剩有把茅能勿懼上方下比良易見好惡
且當隨所遇仰看片瓦聊自賀疾過岩墻寧反顧
合歡明日召諸隣狼籍盃盤從飽吐

贈蕭鍊師公弼

吾家阿京愛公弼吾家澤元敬公弼半生夢與公
弼游豈意相逢在今日春風和氣在眉宇玉壺冰
鑑藏骨髓人間萬事君自知未必君材人盡識蘇
門水木無纖埃聞君家近公和臺仙家近日多官
府黃帽青鞋歸去來

時太佛老家
甚急欲云

送弋唐佐董孝寬南歸

且爲潞府諸公一笑

河汾續經名自重附會人嫌迫周孔史臣補傳久
已出浮議至今猶洶洶薛收文志誰所傳貴甚竹
書開汲冢沁州破後石故在爲礎爲砭吾亦忍暑
涂十日來一觀面色爲鰲足爲腫淡公淡癖何所
笑但笑弋卿堅又勇自言浪走固無益遠勝閉門
親細冗摩挲石刻喜不勝忘却崎嶇在岡隴路人
本淡新有杜淡事重重非一種有人六月訪琴村
不爲留難仍從吏懸如蠟本入渠手四座色揚神
爲竦他時記籍社中人流外更須增一董

蕭仲植長史齋

作武

張顛飲豪傾四座脫帽狂呼誰敢和南宗北宗知
幾人醉眼紛紛飛鳥過是公技進不名技元氣淋
漓隨咳唾偶然捉筆本無意自有龍騫并虎卧當
時誰有戰國策

長史帖云惜戰國策可付之凡七字

門外雷車忽驚墮天

星無數不知名色正芒寒繞七箇蕭郎家世陵谷
後爭信空囊蓄奇貨蕭齋故事今復舉未怕秋風
吹屋破護持有物世共喜不獨一時爲子賀藏舟
夜壑未厭深隄脩有人來倚拖

送宋省參并寄潞府諸人

茅齋團團蝸殼大苦被傍人朝塞破官豪眼孔十
萬緒未與書生供一唾長衫只辦包瘦骨故紙何
緣變奇貨不因三致大耳兒老雪屯門甘凍卧國
中腐鼠凡幾嚇玉上青蠅非一箇荆人美璞則之
招君足幸存仍可賀雲間太行青在眼上客歸來
傾四座因君寄問社中人前日淡公行復過

覓神霄道士古銅爵

雷章著土紛朱碧秋茵春蒲人不識若非儀狄墓
中來應自杜康祠下得古人我得酒之傳摸索飲
器流饒涎巧偷豪奪吾何敢他日酬君九府錢

賦澤人郭唐臣所藏山谷洮石研

研有銘云王將

軍爲國開臨洮有司歲餽可會者六百鉅萬其於中國得用者此研材也研作壁水樣

舊聞鸚鵡曾化石不數鵬鵠能瑩刀縣官歲費六
百萬纔得此研來臨洮玄雲膚寸天下徧壁水直
上文星高辭翰今誰江夏筆三錢無用試鷄毛

贈休糧張鍊師

金砂霧散風雨疾一點黃金鑄秋橘中林宴坐人
不知野鹿銜花蜂課蜜富兒盤饌羅羶葷擾擾飛
蠅復聚蚊見說西山好薇蕨一枝青竹願隨君

天井關

石磴盤盤積如鐵牛領成創馬蹄穴老天與世不
相關玄聖栖栖此迴轍二十年前走去大梁當時
塵土困名場山頭千尺枯松樹又見單車下太行
自笑道淪頭白了依然直北有羊腸

遺山先生文集卷第三

遺山先生文集卷第四

七言古詩

讀書山雪中

前年望歸歸不得去年中途脚無力殘生何意有
今年突兀家山墮眼前東家西家百壺酒主人捧
觴客長壽先生醉袖挽春迴萬落千村滿花柳山
靈爲渠也放顛世界幻入兜羅綿似嫌衣錦太寒
乞別作玉屑粧山川人言少微照鄉井准備黃雲
三萬頃何人辦作陳堊中來與先生共炊餅

官後答京師人書云南州有何
事今年好雪明年炊餅大耳

陳先生

題商孟卿家明皇合曲圖

海棠一株春一國燕燕鶯鶯作寒食千古萬古開
元日三郎搦管仰面吹天公大笑嗔不得寧王天
人玉不如昔綽樂句不可無宮腰不按羽衣譜疾
舞底用牧豬奴風聲水聲闕清都夢中令人羨華
胥何時却竝官牆聽不恨將身作李蕃

過晉陽故城書事

惠遠祠前晉溪水翠葉銀花清見底水上西山如
卧屏鬱鬱蒼蒼三百里中原北門形勢雄想見城
闕雲煙中望川亭上闕今古但有麥浪搖春風君

不見繫舟山頭龍角禿白塔一摧城覆沒薛王出
降民不降屋瓦亂飛如箭鏃汾流決入大夏門府
治移着唐明村只從匡弭失光彩河洛幾度風煙
昏東闕蒼龍西玉虎金雀觚稜上雲雨不論民居
與官府仙佛所廬餘百所鬼役天財千萬古爭教
一炬成焦土至今父老哭向天死恨河南往來苦
南人鬼巫好機祥萬夫畚鍤開連岡官街十字改
丁字釘鼓破并州渠亦亡幾時却到承平了重看
官家築晉陽

蟾池

老菱食月飽復吐天公一目頻年瞽下界新增養
蟾戶玉斧誰憐脩月苦郡國蟾池知幾所碧玉清
流水仙府小蟾徐行腹如鼓大蟾張頤怒於虎渠
家眉間有黃乳膏梁大丁正湏汝何人敢與月復
讎疾過池頭不容語向來屬私今屬官從今見菱
當好看廼沙郎上青雲端

贈荅張教授仲文

秋燈搖搖風拂席夜聞嘆聲無處覓疑作金荃怨
曲欄晚辭元是寒蟄月中泣世間刺綉多絕巧石
竹放紅土花碧窮愁入骨死不銷誰與渠儂洗寒

乞東坡宵次丹青國天孫縹緲天女織倒鳳顛鸞
金粟尺裁斷瓊綃三萬疋辛郎偷發金錦箱飛浸
海東星斗濕醉中握手一長嗟樂府數來今幾家
剩借春風染華髮筆頭留看五雲花

言章郎有此例
長吉亦有此例

高門閨

高門閨頭霜樹老細路千山萬山繞亂餘村落不
見人霰雪霏霏暗清曉華川百里如掌平開田滿
眼人得耕山中樹藝亦不惡誰遣多田知姓名許
李申揚竟何得只今唯有石灘聲

許致忠楊湯臣
中伯騰李仲常

名宦四家隱廬氏時以多田
推之亂後俱不知所在矣

甲辰秋洛陽得黃葵子種之南庵明年
夏六月作花佛經所謂閻浮檀金明靜
柔軟令人愛樂者此花可以當之因爲
賦長韻予方以病止酒故卒章及之

芳蕤浥露嬌黃濕五疊湘裙輕襪積長粧午醉一
日間白白紅紅摠狼籍上陽宮女要頭冠摹寫雖
工破的難看來明淨復柔軟花中乃有閻浮檀千
里移根洛陽陌主人不飲誰看客乞與金盃自傾
側明年爲渠當舉白

馬嶺

仙人臺高鶴飛度錦綉堂傾去無路人言馬嶺差
可行此似黃榆猶坦步石門木落風颼颼僕夫衣
單望南州皋落東南三百里鬣毛衰颼兩年秋
歲往河南遷秦亦取黃榆嶺路

雲峽并序

君璋啓事西涼占對稱旨其還也行臺
公以宣和寶石爲貺奇秀溫潤信天壤
間之尤物君璋因之曰雲峽邀詞客賦
詩予亦同作

石盆清冷貯秋水水面蒼煙飛不起一堆寒碧几
研間寶氣崢嶸插箕尾中山雪浪空影像長安鸚
鵡猶紉綺狂着奇章甲乙中稿項總堪把耕耒知
天壤此尤物鬼刻神剏通有幾薰蒸似欲出泉脉
瑩滑定應凝石髓剏裂雯華漬月秋辛苦詩僊費
摹擬車箱箭筈連西東仇池百穴牕玲瓏飛墮不
嫌靈鷲小奇探已覺太湖空故都喬木今如此夢
想熙春百花裏膏血網船枯九州亡國愁顏爲誰
洗主人天質粹以溫天然與山作知聞退食從容
北窓臥今古起滅真浮雲

仙人王子可賦石淙有
石裂雯華漬月秋之句

雲巖井序

觀州倅武伯英崞縣人少日舉進士有
詩名其賦剪燭刀有啼殘瘦王蘭心吐
蹴落春紅燕尾香之句甚爲時輩所稱
家故饒財第宅園亭爲河東之冠貯書
有萬卷樓嘉花珍果悉自他州移植爲
人多伎巧山水雜畫斷琴和墨皆極其
工嘗得宣和湖石一竅竅穿漏殆若神
刻鬼鑿炷香其下則煙氣四起散布簾
水上濃澹霏拂有煙江疊嶂之韻吾鄉

衣冠家法書名畫及藏書之多亦有伯
英相上下者伯英獨恃寶石以擅奇汾
晉間耳興定末伯英歿於關中揚戶部
叔玉購石得之壬辰園城中以示予且
命作詩危急存亡之際不暇及也乙巳
冬十一月來東平過聖與張君之新軒
而此石在焉聖與名之曰雲巖予問石
所從來聖與言夏津王帥得之汴梁泥
塗中而以見貽予因歎一物之微經歷
世變遷徙南北乃復爲好事者之所寶

玩似不偶然乃爲詩道其故聖與三世
相家以文章名海內其才情風調不減
前世賀東山晏叔原故卒章以蕭閑明
秀峰故事屬之

壺中九華玉孌顏紫煙著水徃復還小窓虛明澹
相對不教漢宮銅博山會稽禹穴深無底寶石偷
來定山鬼一堆寒碧殊不凡滿谷春雲更堪喜阿
欣秀發見眉宇小杜才情淪骨髓摩挲不作几上
看縑白紵青便千里渾沌日鑿餘空嵌漏天蒸濕
饒風嵐世外元無種香國海南真有楠陀巖觀州

愛玩頻游核民部平生幾薰沐藏舟夜壑未厭深
竟作新軒坐中物一天星月入金尊翠射娉婷自
有人只欠宜和鄭先覺爲君留寫五湖真

劉遠筆

老饒力能舉玉杵文陣挽強猶百鈞惜哉變化太
狡獪嚮也褐衣今虎文宜城諸葛寂無聞前後兩
劉新冊勲謝郎神鋒恨太雋雖然豈不超人群三
錢鷄毛吐皇墳尖奴定能張吾軍何時酌我百壺
酒爲汝醉草垂天雲

後唐變化事
見唐姑傳

贈周良老

于公斷獄多平反高門大車在乃孫我居聊城欽
二載喜見周叟醇而溫十年大理書上考宜有陽
報如于門大兒書來問安否兵饑不死天所存鄭
孫毛骨殊秀發寶氣鬱鬱含朝暎機聲嘔啞聒朝
昏種瓠五石當酒尊是翁福祿知未艾昆弟和樂
連株根白髮阿兄應念我南雲寂寞賦招魂

鴻溝全欽叔賦

劉郎著手乾坤了未害與渠分九州夸兒衣綉自
楚楚作計豈復西鴻溝雌雄自決已無策尺寸必
爭唯上沅湘生已死言猶在千載令人笑沐猴

雪中自洛陽還嵩山

道人薄有塵外緣，迫人塵埃私自憐。
三十六峯一茅屋，夢裏西家掠社錢。
津津喜色見眉宇，戔戔青城當眼前。
蹇驢徑入風煙去，恰是梅花欲雪天。

祖唐臣愚庵

小智怯盜盜所羞，大智移國鬼與讎。
浮生匹婦兩孟粥，心計擾擾知何求。
青州荊州免三窟，古人令人貉一丘。
喚起羅池柳夫子，與君同醉訾家洲。

過井陘

北山亭亭如驛埃，南山眈眈虎翹首。
土門東頭望

井陘漢家風雲自奔走市人豈識英雄材金鼓一
朝天上來此山行人萬萬古幾不磨滅隨蒿萊白
鹿祠前一杯水蒼顏聊爲洗塵埃

北岳

太茂離嶽古帝孫大朴未散真巧存乾坤自有靈
境在地位豈合他山尊中原旌旗白日暗上階樓
觀蒼煙屯誰能借我兩黃鵠長袖一拂玄都門

天涯山

九州上游推大鹵獨恨山形頗推魯天涯一峯今
日看快似昂頭出環堵何年氣母此融結鬼鑿神

鏡未奇古八窓玲瓏透朝日洞穴慘澹巖雷雨苔
花錦石槃可喜乞與雲烟相媚嫵半空擲下金芙
蕖想得飛來自玄圃傳聞絕頂更靈異云是清都
群玉府五雲飛步吾未能風袂泠泠已輕舉東州
死愛華不注向在陋邦何足數敬亭不著謝宣城
斷岸何緣北天姥酒船何時朝復暮倒卷溇沱浣
塵土喚起山靈拋石鼓漢女湘妃出歌舞詩狂他
日笑遺山飯顆不妨嘲杜甫

山川石鼓神祠

智仲可月下彈琴圖

莫春舞雩鼓瑟希琴語解吐胃中奇誰言手揮七

絃易大笑虎頭真絕癢北風瀟瀟路何永沅波湯
湯君自知三尺絲桐儘堪老兒童休訝鶴書遲

常山妖生四十月能搦管作字筆意開
靡有成人之量喜爲賦詩使洛誦之

大兒小兒舞商羊東家西家捉迷藏牙牙作群鴈
鴈行是中乃有常山郎常山嬌嬌可憐虫四歲未
有三歲強黑鷹破殼自神駿黃犢放脚須跳梁只
知見紙郎塗抹誰謂轉腕能低昂渠家兩公破天
荒劉煒夢靈果專場榮鄉亭中詩版在岐山名字
香山香此郎晚出西樞房虎穴虎子不可當天驚

地怪見落筆便合抱送中書堂文星煌煌照燕南
青青子衿滿恒陽教官連被鳳尾諸瑞物多生金
粟岡兒曹變化不作難何必二十始垂張明年作
字一丈大當有稜角垂光芒迴頭却看元叔綱鼻
涕過口尺許長

常山白高齋第三子叔綱遷山之李子也

贈利州侯神童

生十四月識字予見時生二十一月識字無算

牙牙點粧杏蕾紅阿兄抱之來學宮今春學語語
未正已能見書識姓名隨指隨讀無數重多生想
曾文字中極知之無不足訝更恐洛誦難爲功土
中松粒龍瓜脫萬牛丘山起豪末君不見黃金寶

鼎翡翠青未要春官許衣鉢人聞失却麻神童明
星煌煌出蒼龍只知江陵圖籍盡一火誰謂死草
生華風遺山老子未老在見汝吐焰如長虹兒字金鼎
真官牧馬圖息軒畫

曹韓畫樣出中秘燕市死骨空千金息軒筆底真
龍出凡馬一空無古今安閑自與人意熟蕭洒更
覺天機深奚官有知應解笑世無坡仙誰賞音

紫微劉文山水爲濟川賦

畫家李范真勅敵方外只今誰第一自非劉宗蔡
酒阜昌孫未信僊翁輕落筆長洲遠浦各清冷萬

項風煙一草亭千章古木散巖谷鶴髮松姿餘興
刑紙尾不須題姓字人人知是老人星

生右丞雪霽捕魚圖

江雲澗澗陰晴半沙雪離離點江岬畫中不信有
天機細向樹林枯處看漁浦移家媿未能扁舟蕭
散亦何曾白頭歲月黃塵底笑殺高人王右丞

跋酒門限邵和卿醉歸圖邵伯祿之父

邵翁頭白甫三十高吟大醉無虛日風流若似靖
南湖每恨聞名不相識太平村落自由身童稚扶
携意更真醉歸圖上見顏色喜溢眉宇猶津津好

著蹇驢馱我去與君同醉杏園春

題張彥寶陵川西溪圖

松林蕭蕭映靈宇
爍石流金不知暑
太平散人江表來
自訝清涼造仙府
不到西溪四十年
溪光林影想依然
當時膝上王文度
五字詩成衆口傳
忽

見畫圖疑是夢而今塵土浣華顛

本送字今改作浣字陵川在大行之

類蓋天壤間清涼境界也江准太平散人題詩東廟自
已造仙府恨居民不知其樂耳此縣先君子舊治宴游
西溪僕以童子侍焉彥寶出此圖求賦詩感今懷
昔爲之愴然故篇中有及葵五十一月三日題

汝州倅韓君德華其十祖二世相遼封

魯公故名其伯男子曰魯王父命氏古

蓋有之子過其家命魯出拜謂予言魯
名矣而未有字敢以爲請予字之世公
德華曰願終教之乃申之以辭

昌黎諸韓散廬龍魯公相遼關邑封鴈行先後六
侍中大參高文紀神功龜石穹窿與天終百年故
宰餘素風汝州有子今成童攷古制名龜筮從貴
以道義飭汝躬良璞不治凡石同貞而絕俗孰子
容濟質以文介而通碩雖宗起其起宗魯也不慚
袁氏公

壬子冬至新軒張兄聖與求爲兒子阿

平制名予名之曰璉以仲耽字之小字
明復有善構之義焉詩不工當令阿耽
灑落誦之

阿平玉雪絕可憐皎如鶴雛下青田呼來拜客執
不前啼聲如聞過秦篇陳王人門漢常賢新軒文
筆九翩翩大弔掛壁誰使然我知一經會有傳玄
默之冬客須城問平之年纔五齡適公爲兒求制
名兒名從虎玉與并仲耽爲字以字行佛書舊說
無空青豈知空青今有形紫公紫公還我明看兒
着脚青雲平

世宗御書田不伐望月婆羅門引先得
楚字韻

瑤光樓前按歌舞桂樹秋香月三五白頭誰解記
開元四海歡聲沸簫鼓兩都秋色皆喬木三月阿
房已焦土天上亦有別離情可是田郎心獨苦承
平舊物霓裳譜寶氣暉暉映千古銀橋望極竟不
歸滅沒燕鴻下平楚

送崔慶臣北上

子真抱關買臣負薪朝奏暮召名動縉
紳此有志之士所以自奮於昌辰者耶

夢臣崔卿玉樹清姿土門華胄咸童授
學與雞俱興肆筆成書倚馬可待雖泌
水之洋洋堪樂舜門之穆穆方開惜歲
月之虛捐欲雲霄之坐致遇順風而縱
大壑其執轡之登金馬而上玉堂在此
行矣詩以勸駕序寧闕乎癸丑二月望
日新興元某序

并州書郎年少客細馬金鞭日三百生平意氣凌
青雲未怕天山雪花白西園此日盛徐陳鳳閣鸞
臺氣象新由來草創資潤色况復天造須經綸他

日南歸吾未老與君同醉晉溪春

送王彥華

中朝名勝龍山異喜色門闌得佳婿一朝天府効
驅馳萬里青雲在平地金粟岡頭俊造多莫從人
品問如何迂齋受學青衿日殷重遺山爲拊摩東
國人倫吾豈敢只憑月旦決巍科

李成之王彥華趙孝先以提學命見餉
佳酒且求制名輒以詩記

予雲寂寞將誰親延之麤豪意自真君家公婿兩
冰玉酒味自合清而醇雲腹俗士無風神紅珠女

兒茜裙新一杯香絕韻亦絕只今唯有醅醖春

劉時舉節制雲南

雲南山高去天尺漢家弦聲雷破壁九州之外更
九州海色澄清映南極幽并豪俠意功名咄嗟碩
眊風雲生今年肘後印如斗過眼已覺烏蠻平諭
蜀相如今老矣不妨銅柱有新名

贈張潤之

許年不唱龍津第人物尤難到衰世明堂他日要
梗楠造物也須論蚤計晉人稟賦例真淳兒能讀
書知養親遺山門客富儒雅綠髮張郎名姓新莫

道羣工有師法海山深絕解移人潤之資甚美故其可致者而

勉之他日學業有成老夫當以風鑒自負矣

許道寧寒溪古木圖

道人醉袖蟠蛟龍掃出古木牙須雄開卷飄飄來
陰風翟卿論畫凡馬空能知畫與詩同宗解衣盤
礴非衆工遺山筆頭有關全意匠已在風雲中留
待他日不忽忽

送張書記子益從嚴相北上并序

子益省郎觀國之光從公于邁揚雄詞賦良惜力於吹噓鄧禹功名本無心於

祿仕詩以送別亦以趣其歸云

故家人物饒奇俊
聳壑昂霄今已信
康侯晝接拜
寵光百里自應沾
海潤六月貂裘風
雪深天河天
駟日駸駸莫把聲
華動臺閣東方書
檄要陳琳

贈別孫德謙

津橋垂楊雪花白
挽斷春衫苦留客
西湖一雨春意濃
絕似銅駝洛陽陌
湖亭羈醉卧春風
到手金盃不放空
鷗山一帶傷心碧
羨殺孫郎馬首東

汾亭古意圖

堯民羲皇去未遠
日作日息天機全
杜侯袖裏姑

汾筆辨與南華談，
冒然廢興知經幾。
今昔淳朴別，
有一山川白雲亭。
上秋風客不比僊翁甲子年。
以宋郭熙明昌森和間張公佐皆年過八十而以山水擅名今雲中杜大萃老與張郭年相若而畫品不下古人爲侯廣道作汾亭古意橫披灑然有塵外意爲題四讀其後神仙張果生帝堯甲子年詩家亦傳習用之故末句有及

太原贈張彥遠

并州城邊十月末，
清霜稜稜風入骨。
因君夜話吳江春，
酒光瀲灩金杯滑。
開閑騎鯨去，
城沒當年愛君俊。
於鵬平生我亦識，
翁人惆悵流年如電抹。
官家新築文昌臺，
蒼生不憂墮巔崖。
眼看東閣奇士滿，
如君豈得歲蒿萊。
晨鷄未鳴子當發，
明星煌煌

大於月野夫一笑冠纓絕

換得雲臺帖喜而賦詩

周官武臣奉朝請劔佩束縛非天真世間曾有華
陀帖神物已化延平津米狂雄筆照萬古北宗華
書終九人今日雲臺見遺墨黃金牢鎖王麒麟

鹿泉新居二十四韻

土門西邊井陘渡野日荒荒下汀樹榆關石嶺都
幾程客夢往往迷歸路塵埃風雨半生過儘著筋
骸支世故寧州假館又兩年未保東來不西去山
城百家家有山觀面呈山誰一顧賣書買得呂氏

園不謂金山舉相付北崖老作土灰色擁腫形模
一夸父娟娟正有小娥媚却立不容親杖履就中
抱攢尤峭拔望見韓山即攀附韓王砦頭四望闊
全趙米如終數聚眼中麾蓋天上來泝水鼓旗紛
偃仆漢家威靈萬萬古石子連岡猶虎距夏秋衆
壑會鹿泉浩浩湍聲瀉餘怒西南諸峯不知數滂
海鯢鱷兀背露霏煙空翠有無中百態陰晴變朝
暮靈巖龍泉曾一到獨欠封龍展衰步學僊不愛
徐童花李相書龕心所慕生平懷抱向山盡老氣
崔嵬如有助巖居枯寂朝市喧喧奔兩間差有趣

得行固願留不惡沉坎且當隨所遇何曾萬錢何
用許方丈有山容下筋骨城初無食肉相黃帽非
供折腰具明年高築野史亭天已安排看山處多
慙不及謝宣城標出敬亭天一柱一本尚慙不及
亭天一柱在方杖
有山容下筋骨之下

過劉子中新居

鄆州城隅兩茅屋市聲喧喧自幽獨春風吹盡山
杏花只有青青一叢竹先生愛畫如惜玉練鵲翔
鸞餘百軸大兒踉蹌挾書歸止銍疎烟繞一粥微
官枉負半生閑也着區區簿領間何時却與溪南

老紫蓋山前共往還

于中舊與溪南詩老
幸敬之游故有下句

道山先生文集卷第四



蓮山先生文集卷第五

雜言

去歲君遠游送仲梁出山

去歲君遠游今年客它州青天萬古一明月只與
行人生暮愁問君游何許情多地遐芳偏處處金
鞭斷折騏驎死萬里長鴻思一舉憶初識子梁王
臺清風入座無纖埃華嶽峯尖見秋隼金眸玉爪
不凡材西園日晴花滿烟五雲樓閣三山巔玉樹
瑤林照春色青錢白璧買芳年三年一夢南陽道
汴水迢迢入秋草擎雲心事人不知千首新詩怨



枯槁破屋仰見星疎
余風露清匣中有長劍爲君
鳴不平泥途久辱思一濯去
去舉足皆清冷邨州
大師材望雄愛客不減奇章
公軍中宴酣茄鼓競
銀燭吐焰如長虹幕中多士
君又往談笑已覺南
夷空東州春迴十月後梅華
分香入春酒平生得意欽與
京青眼高歌望君久浙江南
下青沄石
門細路蒼烟屯五松平頭白
日靜千山萬山如亂
雲菊源不逐時事改芝嶺自
與商顏鄰他日想思
一迴首漁舟時問武陵人

欽謂欽叔京即京父也
樂天書以微之爲微

此日不足惜

此日不足惜此酒不可無頗怪昌黎公亦復爲世
儒天生至神物與人作華胥一酌舌本彊二酌燥
吻濡三酌動高興四酌色敷腹連綿五六酌枯腸
潤如酥眼花耳熱後萬物寄一壺十酌未渠央百
觴亦奚拘人生一世間忽若過隙駒有酒不解飲
問君誰與娛君不見東家騎鯨李膽滿六尺軀萬
言黃石策八陣夔州圖酒酣起舞不稱意長吁青
雲指夷吾又不見西家紫髯郎老氣雄萬夫狂歌
飲燕市擊筑聲嗚嗚倚天長劍挿少室頗欲四海
皆東湖鷹揚虎視今焉如河山水隔黃公鑪聊盃

直待秋并塌青苔白骨憐君愚少年覓計生白須
捫參歷井無危途策不滿睫良區區就令一朝便
得八州督爭似高吟大醉窮朝晡餘名安得潤枯
骨四十豈不知頭顱此日不足惜此酒不可無太
虛爲室月爲燭醉到不用春風扶

送希顏赴召西臺兼簡李汾長源

昨日游崧丘今日西臺行勞生好夢亦大少枕中
馬嘶車鐸鳴山林之樂無虧成胡爲解蘭縛塵纓
蒼生望君須一起我知無地處功名閤中得君作
金城氣象已覺西山平諸人誰出仲卿右一座想

爲相如傾風華浩蕩春冥冥馬頭仙掌遙相迎長
安市上見李白爲我一醉秦東亭

嵩山玉鏡

玉鏡見何許今旦東山隄積雨洗昏霾旭日發光
輝光輝奪人目艷艷如動移初如秋月圓漸如曙
星微曙星不能久併與晨露晞此鏡何從來造化
秘莫窺山精或寶氣恍惚令人疑誰爲問岳祗山
川英秀會有歸不能生申與甫瑞王國萬文光芒
徒爾爲

虎害

北山虎有穴南山虎爲群目光如電聲如雷倚蕩
起伏山之根百人一飽不留骨敗衣墜絮徒紛紛
空谷絕樵聲長路無行塵呀呀垂涎口耽耽闕城
闔天地豈不仁社公豈不神哀哀太山婦叫斷秋
空雲可憐封使君生不治民死食民世上無復裴
將軍北平太守今何人

飲酒

江南秋泉雲液濃遼東抹利玉汁鎔柳瓢朝傾荔
支綠螺盃暮捲玳珠紅此酒誰所留今日乃汝逢
仙人一九藥洗我芥蒂胃金沙一散風雨疾世事

盡與浮雲空東家劉伯倫西家王無功醉鄉日月
萬萬古眼中擾擾誰爲雄人會有歸盡飲不飲所
同所恨獨醒人百年枯槁中獨醒恨未通獨醉恨
未公安得清江變醇酎盡迴天地入春風

送高信卿

高卿去歲山中居椽朝栗暮分猿狙今年移家入
城市甑中生塵釜生魚文窮智亦窮五鬼更嘯呼
迺翁延客著上座兩兒已復遭椰掄三冬瓦園冊
牧豎叫語鹿濕薪烟滿眼破硯冰生須賣符與行
藥不養堂堂軀無衣思南州千里走單車我嘗相

夫君不是山澤臞十八學擊劍二十了陰符平生
結交王與李神中頗有魚麋圖文武志膽誰不如
不能拔劍斫蛟經亦當赤手降於菟胡爲堅坐守
寒饑坐令兒女悲窮途萬事糊塗酒一壺別時聊
爲鼓龍胡中原麟鳳今如此莫道皇家結網疎

寄趙且之

趙時在
盧氏

大城滿豺虎小城空雀鼠可憐河朔州人掘草根
官煮弩北人南來向何處共說莘川今樂土莘川
三月春事忙布穀勸耕鳩喚雨舊聞抱犢山摩雲
出蒼稜長林絕壑人迹所不到可以避世如武陵

黃稼當果穀煎术甘飴錫此物足以度荒歲况有
麋鹿可射魚可罾自我來嵩前旱乾歲相仍耕田
食不足又復遺親朋三年西去心籠禽念飛騰一
瓶一鉢百無累恨我不如雲水僧崧山幾來層不
畏登不得但畏不得登洛陽一昔秋風起羨煞吳
中張李鷹

段志堅畫龍爲劉鄴州賦

猶龍可豢亦可屠世人畫蛇復畫魚天飛忽入阿
堅筆始覺衆史欺庸愚腥風萬里來白浪橫江湖
一麾走海若再顧失天吳浩蕩明河翻尾鬣慘不

濡尺愁紙上出雷火搏控大千如此珠天生神物
與化俱滅沒變見何所無逆鱗自古不受觸乃今
縮頭隨卷舒怪得堂堂髯御史平生長有雨隨車

送詩人秦略簡夫歸蘇墳別業

三月不見君渴心欲生塵論文一樽酒雅道誰當
陳昨朝見君臨水句乃知抽青配白非詩人南山
明月北山雲恨君不作由東隣擊鮮爲具非無好
事者天隨杞菊年年新石田茅屋連蘇墳兩兒力
耕足養親君詩或者昌晚節不應道路長途遠白
髮刀騷一幅巾豈年鄉杜樂閑身塞驢馳入醉鄉

去袖中知有眉山春

紀子正杏園燕集

甲午歲

紀翁種杏城西垠千株萬株紅艷新今年寒食好
天色曉氣鬱鬱含芳津天公自愛此花好朝薰暮
染煩花神融霞暈雪一傾倒非烟非霧非卿雲未
開何所似乳兒粉粹深絳唇能啼能笑癡復駭盡
出百子元非真半開何所似里中處女東家隣陽
和入骨春思動欲語不語時輕顰就中爛熳尤更
好五家合隊號與秦曲江江頭看車馬十里羅綺
爭紅塵陽平一邑多詩家主人買酒邀衆賓花時

有成約恨少楊子張吾軍落花著衣紅繽紛四坐
慘澹傷精魂花開花落十日耳對花不飲花應真
愛花常苦得花晚爭教行樂無關身芳苞一破不
更合且看錦樹烘殘春

送李參軍北上

五日過居庸十日渡桑乾受降城北幾千里出塞
入塞沙漫漫古來丈夫淚不灑別離間今朝送君
行清涕留餘潛生女莫作王明君一去紫臺空珮
環生男莫作班定遠萬里馳書望玉關我知驥子
墮地無齊燕我知鴻鵠意氣青雲端草間尺鷃亦

自樂扶搖直上何勞搏一衣敝緼袍一飯苜蓿盤
歲時壽翁媪團樂有餘歡就令一朝便得八州督
爭似絲衣起舞春欄班去年雒陽人今年指天山
地遠馬羈破霜重貂裘寒朔風浩浩來客子慘在
顏扼胡嶺上一迴首未必君心如石頑君不見桓
山烏乳哺不得須臾閑衆鷄一朝散孤雌回顧聲
悲酸寒鴈來時八九月白頭阿母望君還

王黃華墨竹

為郭輔之賦

古來畫竹尊右丞東坡歛袂不敢評開元石本出
摹寫燕市駿骨留空名亦有文湖州畫意不盡形

一為坡所賞四海知有簞簞亭深衣幅巾老明經
老死不敢言縱橫豈知遼江一派最後出運斤成
風刀發硎雪溪仙人詩骨清畫筆尚餘詩與刑月
中有竹寫秋影清鏡平明白髮生娟娟略似萱草
詠落落不減叢臺行千枝萬葉何許來但見醉帖
字欹傾君不見忠恕大篆草書法超生怒虎噴墨
成至人技進不名技游戲亦復通真靈百年文章
公主盟屏山見之踞且擎聲光舊塞天壤破議論
今着兒曹輕有物於此鳴不平悲耶嘯耶誰汝令
只恐破窓風雨夜怒隨雷電上青冥

汎舟大明湖

待杜子不至

長白山前繡江水，展放荷花三十里。
看山水底山更佳，一堆蒼烟收不起。
山從陽丘西來青一灣，天公擲下半玉環。
大明湖上一盃酒，昨日繡江眉睫間。
晚涼一棹東城渡，水暗荷深若無路。
江妃不惜水芝香，狼籍秋風與秋露。
蘭橈鬱鬱散芳澤，羅襪盈盈見微步。
晚晴一賦畫不成，枉著風標誇白鷺。
我時驂鶴追散仙，但見金支翠蕤相後先。
眼花耳熱不稱意，高唱吳歌叩兩舷。
喚取樊川搖醉筆，風流聊與付他年。

九月七日夢中作詩續以末後一句

桃花紅深李花白昨日成團今日折歌聲滿耳何
處來楊柳青旗洛陽陌拊君背握君手朝鍾暮鼓
無了期世事於人竟何有青青鏡中髮忽忽成白
首六國印何如負郭二頃田千載名不及耶時一
盃酒

賦邢州鵲山

去時唐山道望望鵲山背今朝西北看
艸秀益可愛蒼茫失層疊解駁見縈帶浮雲自來去盡巧
寧變壞吳粧入小筆隱隱拂殘黛城隅靜女人不

知擁髮佗顰如有待太行橫截九州半一掩一重
俱有態只知天平六峯天下稀此山東來亦關在
烟埋雨沒今幾時殆天所藏予發之郭熙未足語
平遠摹寫誰有常郎詩

送王亞夫舉家歸許昌

一日兩食蒸藿葵三冬一褐飭與齊監河貧粟困
欲死望望江水滿塵泥故書一束手自携汴兒跳
梁翠女啼出門疾走勿反顧正恐五鬼從之西馬
中豈是無龍媒世人徒如牝牡黃與驪只如黃金
絡頭亦不惡誰謂茅索能相羈天公醉著百不問

汝偶而偶奇而奇前途兀兀黑於漆昨日把芻今
扶犁乃知世間倚伏不可料井底容有青雲梯春
風兩淮多鼓鼙軍中少年舞荒鷄因君南望一大
嘆落日澹澹青山低

湧金亭示同游諸君

太行元氣老不死上與左界分山河有如巨鰲昂
頭西入海突兀已過餘坡隨我從汾晉來山之面
目腹背皆經過濟源盤谷非不佳烟景獨覺蘇門
多湧金亭下百泉水海眼萬古留山阿甯沸灤水
源濟淪晉溪波雲雷涵鬼物窰宅深蛟鼉水妃簇

弄明月、幾地截發泄天不訶。平湖油油碧於酒雲。
錦十里、翻風荷我來適與風雨會。世界三日湯飴。
羅山行不得。山北望空長哦。今朝一掃衆峯出千
鬟萬髻高哉。我空青斷石壁微茫散烟蘿。山陽十
月未搖落。翠蕤雲旂相盪摩。雲烟故爲出濃淡。魚
鳥似欲留婆娑。巖石間仙人迹。石爛迹不磨。仙人去
不返。六龍忽嗟蛇。江山如此。不一醉拊掌笑煞孫
公和。長安城頭烏尾訛。并州少年夜枕戈。舉杯爲
問謝安石。蒼生今亦如卿何。元子樂矣君其歌。

南冠行

南冠累累渡河關畢逋頭白乃得還荒城雨多秋
氣重頽垣敗屋深茅管漫漫長夜浩歌起清涕曉
梳留餘潯曹侯少年出紉綺高門大屋垂楊裏諸
房三十侍中郎獨守殘編北窓底王孫上客生光
輝竹花不實鵲鵲飢絲桐切切解人語海雲喚得
青鸞飛樂園三月花如霧臨錦芳華朝復暮阿京
風調阿欽才暈碧裁紅須小杜長安張敞號眉嫵
吳中周郎知曲悞香生春動一詩成瑞露靈芝滿
窓戶魚龍吹浪三山沒萬里西風入華髮無人重
典鵬鷖表展轉空床卧秋月寶鏡埋寒灰鬱鬱萬

古不可開龍劍出地底青天白日駭雲雷層冰千里不可留離魂楚些招歸來生不願朝入省暮入臺願與竹林秘阮同舉杯郎食猩猩唇妾食鯉魚尾不如孟光案頭一杯水黃河之水天上流何物可煮人間愁撐霆裂月不稱意更與倒翻鸚鵡洲安得酒船三萬斛與君轟醉太湖秋

醉後走筆

建茶三盞冰雪香離騷九歌日月光腰金更騎揚州鶴雉永不羨大官羊短燈檠千移近床秋風吹簾月轉廊一歌再歌魂魄動入眼渺渺橫沅湘

妃漸遠望不及金支翠黼澹飛颺漁父話獨醒孺
子歌滄浪山鬼獨一脚拊掌笑我旁湘纍歸來弔
故國遺臺老樹山蒼蒼掩書一太息夜如何其夜
未央東家女兒綉羅裳銀瓶瀉酒勸客嘗一酌均
距顏再酌齊彭殤宇宙不今古氣節無陰陽少年
避酒不肯喫畦步乃有無何鄉愛茶愛書死不徹
乃以冰炭貯我腸世間唯有麴生風味不可忘

南湖先生雪景乘驪圖

并引

南湖先生原武人年二十許時曾以鄉
賦兩魁鄭州然其資調儻所以自望者

甚高終不樂爲舉子計即棄去學擊刺
當正隆征南頗欲馳逐戎行間既而大
定詔書下兵各罷歸先生抱利器而無
所試乃浮湛里社以詩酒自娛買田南
湖之上築亭種樹徜徉乎其間盡置家
事日與賓客酣飲歌管慕輟窮日夕不
少休家故饒財又好施予其赴人之急
猶疾痛之在已故人尤以此歸之所與
游如歸洛王逸賓游宗之大定劉之昂
其人皆天下名士至論人物必曰靖遠

邨今日之奇男子也先生生於天會初
歷大定明昌泰和優游於太平和樂之
世者五十年大安兵興乃下世平生喜
作詩樂府尤有蘊藉觀西子棄瓢詩可

見也

曼卿蕭娘學羅秋千古香溪水自泥
吳越兵爭竟何得風流輸與五湖舟

嘗雪中

騎青驪行京水道中作長詩卒章有安
得西都畫史吮筆出新意寫作南湖老
子雪景乘驪圖之句其子文煇北渡後
來東平始以先生之意追畫此圖求僕
賦詩文煇質直好義讀書作文有聲時

輩中觀其子可以想見先生之爲人故
爲道其事并以致懷賢之思

大河茫茫白連空寒雲迢迢度南鴻汴梁高樓管
絃裏成臯行人西北風北風吹雪來飄瞥捲孤蓬
異色變慘澹元氣開洪濛襄陽潮陽詩境在撥拾
物色真難工青驪誰此游望見知是南湖翁南湖
翁少日骀駼今龍鍾猶能吐氣萬丈如長虹閑門
兀坐意不愜要看銀海翻魚龍寶華世界瓊瑤宮
江山隨翁入清雄詩成仰天一大笑飛花落絮春
濛濛營營梁宋郊翁家出強宗許與必豪右收入

等侯封爵翁年十八九弄筆學彫蟲疊取兩解魁
隱隱何隆隆一旦拂衣去學劍事猿公正隆適南
征疋馬走從戎墨瓦磨楮鼻意與江流東紫微出
東方淮海亦來同都將書與劔田間就春農仕宦
不作邵舅容醉鄉自愛王無功鷄鵠從渠致鍾鼓
野鶴豈合棲樊籠南湖煙景多魚鳥亦從容亦有
兩小船綸竿挿舡蓬高亭出秀樾窓戶連青紅清
飈隨睡興瞋色赴吟筇門前車馬來日釀日不供
但苦佳客少焉知清興終看翁棄瓢詩調戲鴟夷
老子如兒童雄吞已覺雲夢小寒縮寧作書生窮

當年我得奉談咲晝夜肯放清樽空東家西家不相從南海北海不相逢風流耆舊今誰似惆悵相看是畫中

癸卯歲杏花

南州景氣煖杏花見紅梅讀書山前二月尾向陽杏花全未開待開竟不開怕寒貪睡嗔人催愛花被花惱不徹一日遶樹空千回牙牙嬌語山櫻破稠開成團稀作顆小蕾從教絳蠅封繁枝未要晴雲裏兩月不舉酒半歲不作詩更教古銅瓶子無一枝綠陰青子長相思今年閨年好寒節花開不

妨遲一月

方船買魚作寒節宋
方船先生李知幾語

題劉紫微堯民野醉圖

蒼苔濁酒同歌呼白鬢紅頰醉相扶堯時皇貨未
全散不論朝野皆歡虞望雲雲非雲就日日非日
先秦迂儒強解事極口譽堯初未識堯民與酒同
一天此外更誰爲帝力仙老曾經甲子年歲將陳
迹畫中傳山川淳朴忽當眼迴望康衢一慨然不
見只今汾水上田翁鞭背出租錢

堯甲子年仙
人張果事

贈荅趙仁甫

仁甫名後雲夢
人江表奇士也

我友高御史愛君曠以真昨朝識君面所見勝所

聞江國辭客多王骨無泥塵軒昂見野鶴過眼無
鷄群想君夜醉潯陽時明月對影成三人散著紫
綺裘草屨烏紗巾浩歌魚龍舞水伯不敢嗔何意
醉夢間失脚墮燕秦萬世一旦暮萬里猶比隣世
無曾連子黑頭萬蟻徒紛紛君居南海我北海握
手一盃情更親老來詩筆不復神因君兩詩發興
新都門迴首一大笑袖中知有江南春

下黃榆嶺

北屋玄武暮黯黑如積鐵東屋初火餘絢爛開錦
額就中嶺頭一峯凸樸舟剝費寒雲幾千疊摩圍

可望不可到青壁無梯猿叫絕林煙日射彩翠新
畦步疑有黃金闕畫工曾次墨汁滿那得冰壺貯
秋月直須潮陽老筆迴萬牛露頂張顛揮醉帖石
門細路無澗泉行人飢渴挽不前辛苦黃榆三十
里豈知却有看山緣

駟豬行

黃臺張氏作

汾山蒔苗多費力辦與豪豬作糧食草菴架空尋
丈高擊板搖鈴開終夕孤犬無猛噬長箭不暗射
田夫睡中時叫號不似駟豬似稱屈放教田鼠大
於兔任使飛蝗半天黑害田爭合到渠邊可是山

中無橡米長牙短喙食不休過處一抹無禾頭天
明壠畝見狼藉婦子相看空淚流旱乾水溢年年
日會計收成總什一資身百備粟豆中倍石都能
幾錢直兒童食藥須愛惜此物群豬口中得縣吏
即來銷稅籍

嘯臺感遇

裴回五岩上浩歌弥漱烈望望蟾房翁倒影乍明
滅池古足靈異祠廢餘像設子規夜啼山竹裂老
鶴亂踏枯松折嘯臺音響杳不聞蕩蕩青天一明
月荒山破瓦色十步九窪壘水泉出沮洳一綫僅

不絕翁乎何意留此居可是他山無地穴太道既
下衰日鑒聰明開玉從珪璋毀木以青黃災天和
散不啻去浪無東迴咄咄此老蒼骭髀仰怪魁克
年生甲子含德如未孩標枝野鹿致足樂火倉屋
居良所哀史筆亦厚誣何曾校計識與村纏身正
有一文髮直以何物觀形骸大笑黃冠師金丹羽
化之說何從來豈知大人先生獨立萬物表太古
元氣同胚胎不見今日孫公和橫絕四海隘九垓
松康養生安在哉

水簾記異

同安鄭九月四日
仲保賦

黃華絕境探未窮道人曾約山櫻紅鏡臺懸流不
易得世俗名取香爐峯七年長路今一到刺鯁欲
滿平生曾豈知早久泉脉絕快意一濯無由供神
明自足還舊觀湧浪爭敢激靈通何因蛟獠出變
化勝駢轉時增清雄天孫機絲拂夜月佛界珠網
搖秋風稱奇叫絕喜欲舞恨不百繞青芙蓉銀橋
清涼巔玉鏡崧丘東世外果無物邂逅乃一逢書
生眼孔塞易破勺水已復誇神功東坡拊掌應大
笑不見蟄窟鞭魚龍

硤谷聖燈

九月五日作

金門寺前山突起井底寶巖三十里舊聞聖燈在
山上紫微侍郎宜不妄山空月黑無人聲林間宿
鳥時一鳴游人燒香仰天立不覺紫烟峯頭一燈
出一燈一燈續一燈山僧失喜見未曾金繩脫串
珠散迸玉丸走拌光不定飛行起伏誰控搏華麗
清圓自殊勝北荒燭龍開晦冥南極入地多異星
豈知心光毫相有真遇物外恍惚終難憑腐儒心
魄爲動蕩拜中庭謝靈貺何曾辦作劉更生下
照乃辱青藜杖昨朝黃華瀑沅神所憐今朝金門
佛燈佛作緣紛紛世議何足道盡付馬耳春風前

食榆莢

露葵滑寒羊蕨醢春榆作莢絕可憐榆令人瞑何
暇計田舍年例須濃煎簫聲吹暖賣餚天家人鑽
火分青烟長鈎矮籃走童稚頃刻綠萍堆滿前炊
飯雲子白剪韭青玉圓一杯香美薦新味何必烹
龍炮鳳誇肥鮮罍肝蟲臂萬化途神奇腐朽相推
遷夢中鸛鶴亦大樂隨意飲啄真飛僊先生捫腹
一莞然此日何功食萬錢

李峪園亭看雨

龍山右脇松十里細路蜿蜒繞龍尾松林迫塞悶

熱渠北望玉泉疑井底玉泉元自別一天眼界廓
廓無神川金城百里綫一俯半尖浮圖挿蒼烟行
行下絕巘招提忽當眼未到倦不勝小憩遂忘返
玉泉一杯甘以冽未須張陸誇冰雪主人不在客
不留烈風崖下風颼颼石頭路滑馬路怯山雨未
落雲先愁將軍林園永安下秋露村墟絕蒲酒濃
雲壓屋風打頭僅得羈御脫疲馬只知龍山之神
神更神永安亦能撼詩人晦暝變化千萬態盡出
風雨元非真山靈亦愁歸後夜半面時時見雲罇
天瓢細洒供晚涼不似草堂迴俗駕層陰一掃群

峯出一洗深青徹山骨夕陽展放紫翠屏只欠松
梢一輪月山中一石迴萬牛况是一壑復一丘不
如一詩招將入南州先生興來時卽游

游龍山

曩予魏大梁得交北州雷與劉自聞兩公誇南山
每恨南海北海風馬牛老龍面目今日始一見更
信造物工雕鏤是時山雨晴平田綠油油並山涼
氣多况得通深幽山泉谷口出迎客石罅戛擊琳
琅球蜿蜒入微行漸覺藤蘿胷衣樹打頭惡木拉
颺棲直幹比指鰲石門無風白日靜自是林響寒

颼颼一峯忽當眼仰看看不休一峯一峯千百峯
雖欲一一顧揖知無由金城偃蹇不得上瑤臺回
合如相留苔花萬錦石丹碧欄不收天關守虎豹
武庫開戈矛小山隨起隨偃仆獨立千仞絕頂縹
緲之飛樓百花崗頭藉草坐瀟洒正值金蓮秋亭
亭妙高臺玉斧何年修燈高攬元化快如鷹脫鞵
山靈故爲作開闢巧與詩境供冥搜白雲何許來
織絲弄輕柔蓬蓬作霧湧飄飄與烟浮玉衣仙人
鞭素蚪翕忽變化令人愁須臾視六合浩蕩不可
求初疑陶輪北運甃今悟夜磬真藏舟劫石拂未

窮祀國浪自憂斷鰲立極萬萬古爭遣起滅如浮
漚快哉萬里風一掃天四周誰言太始再開闢日
馭本自無停轡舉手謝山靈就無清涼毫相非神
羞賤子貪名山客刺已屢投黃華挂鏡臺天壇避
秦溝太山神明觀二室汗漫游胷中隱然復有此
大物便可揮斥八極隘九州玉峯有佳招絕唱須
一酬爲君探囊擲下珊瑚鈎白雲相望空悠悠異
時華表見老鶴姓字莫忘元丹丘

醉中送陳季洲

寒食不數日天氣殊未佳翩翩金門客行行指龍

沙朝發忻城暮隴隴頭頭地寒無草茅拂雲堆邊
春更晚雪花茫茫楊白雪紇千山高寒煞雀榆葉
離離小蓼薄愛君只欲苦死留不道南飛何所樂
書生弓馬能幾何乃今寶校金盤陀孔璋文筆妙
天下敕勒不數陰山歌向年賦奇雨擁海駟雲筆
頭注快如懷素書布障狂笑劉義寫冰柱李汾王
鬱俱灰塵天意乃在潞陽陳舌吐萬里唾一世眼
高四海空無人殘民假息仍瘡痍誰作東山謝安
起恨我不比長桑君一月觴君上池水眼中之人
不易忘誰作冰炭置我腸衰頽明鏡兩寂寞別意

春江誰短長但願年年見顏色與君連日醉壺觴
送弋唐佐還平陽

我從商餘之山過罨羅聞君六經百家富研摩會
最上指冠巍哉豈肯俯首春官科輩懷變生十載
後我時避兵方北走通家弋宋共有無行輩許之
爲老友晉州一書君肯來握手大笑心顏開春風
着人不覺醉快卷更須三百杯鶴骨騫飛法當壽
況是丹房藥饒留心久崑崙神泉漢求芝乞與餘
膏潤養朽天府學士登瀛洲松頂仙人垂直鈎愛
君直欲抵死留自言世事非所求千古黃金鑛中

淚不獨虛全并馬異蘇州常郎文分深香山白傅
金玉音借渠兩詩寫我心相知非不多但苦心不
同同心一人去坐覺長安空離愁何從生生從情
愛中不見行路人拂袖自西東汾流滔滔兮日千
里青眼高歌吾老矣

實豐山中有菴羅寺唐佐嘗
從程內翰天益問學於此

游泰山

泰山天壤間屹如鬱蕭臺厥初造化手辨此何雄
哉天門一何高天險若可階積蘇與累塊分明見
九垓扶搖九萬里未可誣齊諧秦皇憺威靈茂陵
亦堆材翠華行不歸石壇滿蒼苔古今一俯仰感

極令人哀是時夏春交紅綠無邊涯奇探志去聲登
頓意愜自遲回惜無賞心人惓然盡餘杯夜宿王
女祠崩奔湧雲雷山靈見光怪似喜詩人來鷄鳴
登日觀四望無氛霾六龍出扶桑翻動青霞堆平
生華嵩遊茲山未忘懷十年望齊魯登臨負吟鞵
孤雲拂層崖青壁落落雲間開眼前有句道不得
但覺胃次高崔嵬徂徠山頭喚李白吾欲從此觀
蓬萊

付阿耽誦

昨得商子書知有阿耽名今朝見阿耽驚喜喜復

驚迺翁雅望傾漢庭仕才千石埋九京我知渠孫
不虛生虎穴生虎子墮地骨骼成舉頭爲城尾爲
旌幾人雄猛得寧馨繡衣青春佳御史路人望見
行且止老夫從旁當說似前日晦道堂前小兒子
雷動風行自應耳藜藿不來今其始

遺山先生文集卷第五

遺山先生文集卷第六

樂府

天門引

秦王深居不得近從破衛成欲誰信白頭游客困
咸陽憔悴黃金百斤盡海中仙人黃鵠舉大咲人
間爭腐鼠丈夫何意作蘇秦六印才堪警兒女古
來多為虛名老不見阿房淨如掃千年虎豹守天
門一日牛羊卧秋草

蛟龍引

古劍咸陽墓中得抉開青雲見白日蛟龍地底氣

如虹土花千年不敢蝕洪鑪烈燄初騰精橫海已
覺無長鯨世上元無倚夫手匣中誰解不平鳴割
城恨不逢相如佐酒恨不逢朱虛尚方未入朱雲
請盟槃合與毛生俱誰念田文坐中客只將彈缺
嘆無魚

湘夫人詠

木蘭芙蓉滿芳洲白雲飛來北渚遊千秋萬歲帝
鄉遠雲來雲去空悠悠秋風秋月沅江渡波上寒
烟引輕素九疑山高猿夜啼竹枝無聲墮殘露

湘中詠

楚山鶴鳴風雨秋
楚岸猿啼送客舟
江山萬古騷人國
猿鳥無情也解愁
西北長安遠於日
憑君休上岳陽樓

孤劬詠

鬱鬱重鬱鬱
夜半長太息
吟成孤劬詠
門外山鬼泣
清霜稜稜風
入骨殘月耿耿
燈映壁君不見
一飢縛壯士
僵卧時自惜
黃鵠一舉摩蒼天
誰念樊籠束脩翼

渚蓮怨

阿溪何許來
素面浣風雨
寂寞烟中魂
依依欲誰語

芳華怨

娃兒十八嬌可憐
亭亭裊裊春風前
天上仙人玉爲骨
人間畫工畫不出
小小油壁車
軋軋出東華
金縷盤雙帶
雲裾踏鴈沙
一片朝雲不成雨
披風吹去落誰家
少年豈無思
澤候金鞍綉帽亦風流
不然典取鸛鵒裘
四壁相如堪白頭
金谷樓臺悄無主
燕子不來花着雨
只知環珮作離聲
誰向琵琶得私語
無情雞肋翡翠兒
有情蜂雄蛺蝶
勸君滿酌金屈卮
明日無花空折枝

後芳華怨

江南破鏡飛上天三五二八清光圓豈知汴水破
來一千日寂寞菱花仍半邊白沙漫漫車輪轉
鷓鴣絃中杜鵑哭塞門憔悴人不知枉爲珠娘怨金
谷樂府初唱娃兒行彈碁局平心不平只今雄蜂
雌蝶兩不死老眼天公如有情白玉搔頭綠雲髮
玫瑰面脂透肉滑春風着人無氣力不必相思解
銷骨落花絕品姚家黃揚州銀紅一國香十國萬
統看不足雨打風吹空斷腸丹砂萬年藥金印八
州督不及秦宮一生花裏活長門曉夕壽相如儘
著千金買病渴

結楊柳怨

長樂坡前一盃酒，鄭重行人結楊柳。可憐楊柳千萬枝，看看盡入行人手。輕烟細雨綠相和，惱亂春風態度多。路人愛是風流樹，無奈朝攀暮折何。朝攀暮折何時了，不道行人暗中老。素衣今日洛陽塵，白髮明朝塞城草。柳色年年歲歲青，關人何事管離情。春風誰向丁寧道，折斷柔條莫再生。

秋風怨

碧瓦高梧響疎雨，坐倚薰籠時獨語。守宮一著死生休，拘走鷄飛莫爲文。雲間簫鼓夜厭厭，厭厭漏誰

將海水添一春門外羊車過又見秋風拂翠簾
揔把丹青愁逗壽不知猶有竹枝鹽

歸舟愁

渡頭楊柳青復青閨中少婦動離情只從問得狂
夫處夜夜夢到洛陽城南風吹槽聲北鴈鳴嚶嚶
江流望不極相思春草生

征人怨

瀚海風烟掃易空玉關歸路幾時東塞垣可是秋
寒早一夜清霜滿鏡中

塞上曲

平沙細草散羊牛一簇征人在戍樓忽見龍頭新
鴈過一時迴首望南州

西樓曲

游絲落絮春漫漫西樓曉晴花作團樓中少婦弄
瑤瑟一曲未終坐長嘆去年與郎西入關春風浩
蕩隨金鞍今年疋馬妾東還零落芙蓉秋水寒并
刀不剪東流水湘竹年年露痕紫海枯石爛兩鶯
鶯只合雙飛便雙死重城車馬紅塵起乾鵲無端
爲誰喜鏡中獨語人不知欲揮花枝淚如洗

後平湖曲

越女顏如花，吳兒繁於王。天教並牆居，不着同被宿。
美人一笑，千金連城不博。百年心，樓上牆頭無一物。
暮爨朝春，一生足。秋風拂羅裳，秋水照紅粧。舉頭見郎，
至低頭承蓮房。郎心只如菱刺短，妾意未覺藕絲長。
與郎期，何許眠。碾同舟，女春波澹澹。無盡情，雙星盈盈。
不得語，十里平湖。艇子遲岸花汀草，伴人歸。鶯鶯驚起，
東西去。唯有蜻蛚接翅飛。

涓川行

涓川道遠，日欲西。誰家少婦掩面啼，漫漫長路行不徹。
粉綿鏡衣，手自携。自言娼家女，家在梁門東。

夫婿輕薄兒新人不相容
憶初在家時只辦放嬌
慵爺娘惜女如惜玉
近前細看面發紅無端嫁作
蕩子婦流落棄擲風埃中
可憐桃李花顏色嬌紫
茸朝看花枝好暮看花枝空
安得明珠三百斛重
簾複幕圍春風

長安少年行

黃衫少年如玉筆生長
侯門人不識道逢豪客問
姓名袖把金鞭側身揖
卧馳行素錦帕蒙石榴壓
漿銀作筒八月蒼鷹一片雪
五花驕馬四蹄風日暮
新豐原上獵三更歌舞霸橋東

黃金行

王郎少年詩境新氣象慘澹含古春筆頭仙語復
鬼語只有溫李無他人天公着詩貧子身子曾不
知乃自神人間不買詩名用一片青衫衡霍重兒
貧女富母兩心何論同袍不同夢入門喚婦不下
機淚子垢面兒啼飢君詩只有貧女謠何曾夢見
金縷衣外家翁媼日有語嫁女書生徒爾爲昆陽
城下三更酒醉膽輪困掉星斗一昔詩腸老蛟吼
十尺長人墮車走斫頭不屈三萬言欲向何門復
低首何人壽我黃金千使君破鏡飛上天

隋故宮行

渭川揚柳先得春二月鶯啼百轉新
長春宮中千樹錦綵日晴雲思煞人
君王半醉唱吳歌絳仙起舞頭翠蛾
吳兒謾說曾行樂三十六宮能幾多
千秋萬古金銀闕海沒三山一毫髮
繁華夢覺人不
知留得寒蟄泣秋月

解劍行

古劍黑於漆鬱鬱動星文摩挲二十年今日持贈
君長鯨鼓浪三山沒知君不是泥中物袖間一卷
白猿書未分持刀買黃犢壯懷風雲鬱沉沉嫵媚

漂母無千金長安侏儒飽欲死萬古不解天公心
北風浩浩吹行客隴水無聲雪花白荆鄉墓頭秋
草乾擊筑行歌欲誰識君不見秦相五刑皮去時
烹雞炊戾戾又不見敝裘蘇季子合從歸來印累累
繫丈夫墮地自有萬里氣翕忽變化安能知大冠
如箕望吾子富貴同生亦同死

征西壯士謠

三十未有二十強手內地矛戈八長摠爲官家金
印大不怕百死向沙場捉却賀蘭山下賊金鞍綉
帽好還鄉

望雲謠

涉江采芙蓉芙蓉待秋風登山采蘭若蘭若霜早
彫美人亭亭在雲霄薜蘿行歌不可招相絃沉沉
寫幽悠愁心歷亂如曳蠶金支翠蕤紛在眼看草
過迤春波遠

望歸吟

塞雲一抹平如截塞草離離卧榆葉長城窟深戰
骨寒萬古牛羊飲冤血少年錦帶佩吳鉤獨騎疋
馬覓封侯去時只道從軍樂不道關山空白頭北
風吹沙雜飛雪弓絃有聲凍欲折寒衣昨夜洛陽

未腸斷空闌搖秋月年年歲歲望還家此日歸期
轉未涯誰與南州問消息幾時重拜李輕車

梁園春五首

車駕遷汴
京後作

軍從南去三迴勝雪自冬來二尺強今歲長春多
樂事內家應舉萬年觴

長春德陵
誕節名

暖入金溝細浪添津橋楊柳綠纖纖賣花聲動天
街遠幾處春風揭綉簾

上苑春濃晝景閑綠雲紅雪擁三山官牆不隔東
風斷偷送天香到世間

樓觀沉沉細雨中出牆花木亂青紅朱門不解藏

春色燕宿鶯喧處處通

雙鳳簫聲隔綵霞宮鶯催賞玉谿花誰憐麗澤門

邊柳瘦倚東風望翠華

龍德宮有玉谿館麗澤燕都西門名

探花詞五首

禁裏蒼龍啓九開殿前鸚鵡喚新班沉沉綠樹鞭聲遠嫋嫋薰風扇影閒

浩蕩春風入綉鞍可憐東野一生寒皇州花好無人管不用新郎走馬看

六十人中數少年風流誰占探花筵阿欽正使才情盡猶欠張郎白玉鞭

李欽用二十七張夢祥少一歲人未婚云

美酒清歌結勝游
紅衣先爲渚蓮愁
曲江共說櫻桃宴
不見西園風露秋

人物風流見藹然
逼人佳筆已翩翩
龍津春色年年好
莫著新衙惱必先

獵城南

翩翩游俠兒
白馬如天練
朝出城南獵
暮赴軍中宴
北平有真虎
愛惜腰間箭

春風來

春風來時瑤草芳
綠池珠樹宿鴛鴦
春風去後瑤草歇
來鴻去燕遞相望
鴛鴦不得雙
燕鴻天一方

娟娟愁眉色靜與遙山長錦衾復羅薦夢語相思
怨月明烏夜啼空閨淚如霰

幽蘭

仙人來從舜九疑辛夷爲車挂作旂旒導前杜
若隨披猖芙蓉散江籬南山之陽草木腴澗崗重
複人迹希蒼崖出泉懸素霓倏然獨立風吹衣問
何爲來有所期歲云暮矣胡不歸釣天帝居清且
夷瑤林玉樹生光輝自棄中野誰當知霰雪慘慘
清入肌寸報如山不可移雙屨不返夷叔飢歆芳
食菲尚庶幾西山高高空蕨薇露繁無人薦湘纍

山鬼切切雲間悲空山月出夜景微時有彩鳳來
雙棲

梅華

去歲梅華晚今歲梅華早和羹要佳實春風莫草草

寶鏡

寶鏡掛秋水青娥紅粉粧春風不相識白地斷肝腸

續小娘歌十首

吳兒沿路唱歌行十五五和歌聲唱得小娘相
見曲不解離鄉去國情

北來游騎日紛紛斷岸長堤是陣雲萬落千村藉

不得城池留着護官軍

山無洞穴水無船
軍騎駐人動數千
直使今年留得在
更教何處過明年

青山高處望南州
漫漫江水遶城流
願得一身隨水去
直到海底不迴頭

風沙昨日又今朝
踏碎鴟頭路更遙
不似南橋騎馬日
生紅七尺繫卽腰

鴈鴈相送過河來
人歌人哭鴈聲哀
鴈到秋來却南去
南人北渡幾時迴

竹溪梅塢靜無塵
二月江南烟雨春
傷心此日河

平路千里荆榛不見人

太平婚嫁不離鄉楚楚兒郎小小娘三百年來活
養出却將沙漠換牛羊

飢鳥坐守草間人青布猶存舊領巾六月南風一
萬里若爲白骨便成塵

黃河千里扼兵衝虞虢分明在眼中爲向淮西諸
將道不須誇說蔡州功

遺山先生文集卷第六

遺山先生文集卷第七

五言律詩

懷益之兄

世故伊川嘆鄉情越客青天宜他日定陸已向來
沉冉冉愁看老源源事益侵誰言易排遣自分不
勝任鞭影驚疲馬鍾聲急暮禽跼中無曠迹喧外
有幾尋夢失名家筆書存遺子金山田和石殯茅
屋過雲深春雨疏成圃秋霜柿滿林樹陰涼拂席
花氣澹盈襟宿鷺窺晨汲孤猿伴暝吟溪僧時問
字野客或知琴抱璞休奇售臨觴得緩斟阿兄圖

聚目曾話百年心

汴禪師自斷普照瓦爲研以詩見餉爲

和二首

寺廢瓦不毀研奇功亦多已知良斲少更柰苦心
何挺挺剛無敵津津潤可呵羽陽陵谷變水井字
書訛贈比黃金璞辭慙紫石歌遙知玉音在洗耳
俟研磨

長吉有紫
硯歌

點化鉛仍見堅凝鐵易穿何年埋朽壤此日睹青
天古色秋烟重哀音夜雨懸有刀堪切玉是鏡不
名埽佛塵淪空劫書林結後緣禪河一勺水更擬

就師傳

惡雨

惡雨惡復惡龍公何遽然霆轟水塔碎電掣玉繩
連高岸皆深谷層霄一漏泉黑來疑擁海白散忽
成烟市響千門合潮頭萬弩穿天瓢休盡逮上枯
旱有他年

癸巳除夜

昂定周元重薪安漢已然不隨南渡馬虛泛北歸
船身並枯蠋化心爭脫兔先塵埃嗟落薄光景強
留連往事青燈裏浮心白髮前更殘鐘未動猶屬

出京年

病中

病因食猪動氣而作癸卯四月二十一日晨起書

戰勝頗自恃寧知徒外腴文章工作崇時運迫摧
枯止酒嗟何及燒猪本不圖膏粱無急爽山澤有
真臞詩信藤條戲方遭鐵彈証鹽去聲紅忘後碩冀
黑見先驅眩入投床仆晨淹伏枕呼萬錢誰嘔泄
一醫爾乘除靜伏心仍悸深調息亦鹿跼嫌囚宇
宙渴憶捲江湖風柳留蟬蛻霜松映鶴孤養和懲
往失凡名養和事扶老念時須杯杓歸神誓垣墻
任佛踰回谿且垂翅望或在桑榆

蔡威卿毅挽辭

東海于門舊同鄉邑墓遷

蔡東海人威卿之祖特制公知竹州固家焉

芝蘭宜有種珠玉自成淵
慈母依隣切名郎獲譽
先豪華非日損信厚出天然
詣理言猶訥持心靜
益專咲談千里到咳垂
百金捐論齒推予長垂髫
得子賢通家仍孔李知已
與玉田刻責誰斯切推
扶最所偏孤嫠平日託昆
李再生綠摧割詩寧寫
精微夢或傳都將百年淚
一慟夜臺前

老樹

老樹高留葉寒藤細作花
沙平時泊鴈野迥已攢

鴉旅食秋看盡行吟日又斜
干戈正飄忽不用若回家

陽翟道中

長路伶俜裹羈懷莽蒼中
千山分落照萬籟入秋風
頗見參旗縮虛傳朔幕空
故園歸未得細問北來鴻

月觀追和鄧州相公席上韻

月觀知名舊池亭發興偏
露涼驚夜鶴風細咽秋蟬
綠泛兵厨酒紅依幕府蓮
無緣逐清景空羨飲中僊

太室同希顏賦

壯矣崧維岳盤盤上竊冥中天瞻巨鎮元氣有遺
形雨入秦川黑雲開楚岫青鰲掀一柱在萬古壓
坤靈

送登封張令西上

罷縣人稱屈悠悠復此行渭城秋鴈到秦嶺暮雲
平道路衣從典風塵劍已鳴山西多俠客莫說是
書生

方城道中懷山中幽居

技拙遠時用年饑與食謀江山貧士嘆日月賈胡

留楚客頗招隱文園故倦游衡門有幽事還我北
窓秋

孟州夾灘飲承之御史家

同飲叔作

美酒禁愁得芳梅發興饒紛紜聊且置硯磊故須
澆鷄黍成前約干戈有此宵平生揚大理惜不預

佳招

雲卿赴召五日矣

送曹吉甫兼及通甫

意氣羨君豪憐君屈騎曹安能事筆硯且復混弓
刀風雪貂裘暗關山馬骨高南飛見鴻鴈應爲惜
哀勞

勝槩

三卿作

勝槩烟塵外新詩挾履間偶隨流水去澹與暮雲
還吾道三緘口時情一斛顏從今便高卧已負半
生閑

少室南原

地僻人烟斷山深鳥語譁清溪鳴石齒暖日長藤
芽綠映高伍樹紅迷遠近花林間見鷄犬直疑是
仙家

寄贈龐漢茂弘

之子貧居久詩文日有功夫心唯我見高詎許誰

同萬里虎食肉一鳴鷄長雄皇天老眼在且莫愁
丘中

洛陽古城曦陽門早出

乘月出曦陽黎明轉北岡荒村自鷄犬長路足豺
狼天地憐飄泊風霜憶閉藏微吟許行役凄斷不
成章

聞希顏得英府記室

近得髯叅信知從兔苑游文星映朱邱勝槩減黃
樓進退存中道功名接上流徒懷貢公喜塵土隔
瀛洲

落魄

落魄宜多病，艱危更百憂。
雨聲孤館夜，草色故園秋。
行役魚鰕尾，歸期烏白頭。
中州遂南北，殘息付悠悠。

得姪搏信二首

今日鄜州姪，知從虎穴還。
百年陰德在，幾日鬢毛斑。
隔關家仍遠，羈縻食更艱。
誰憐西北夢，依舊遶秦關。

號驛傳家信，坤牛玩吉占。
團圓知有望，悲喜亦相兼。
過眼書重展，伸眉酒屢添。
閨河動高興，百遶望

清澹

阿千始生

四十舉兒子提孩聊自誇
夢驚松出笋兆應竹生
花田不求千畝書先備
五車野夫詩有學他日看
傳家

長壽新居三首

同仲經賦

地古村墟迴川迴縣郭斜
蒲池餘老節蕝水引去
新茅卜築欣成趣歸耕覺有涯
迎門顧兒女今日
是山家

隱去初心在親朋復此借荒田
歸別業高樹表新

齋泉石深三迳風塵限兩崖青山坐終日無物寄
幽懷

昔有姜夫子來家寂寞濱墓田耕已熟碑石字猶
新詩酒娛中歲山林有外臣三生可信否吾亦記

前身

宣和中姜夢得處士常隱于此墓碣在馬夢得曾上書
仁宗既老以詩酒自娛碣文說地名白鹿原長壽村也

少林雨中

西堂三日雨氣節變蕭森偃卧復欹卧長吟時短
吟鍾魚四山靜松竹一燈深熏莸裨穠客都無塵
慮侵

十二月六日二首

偃鬼跳梁久群雄結構牢天機不可料世網若爲
逃白骨丁男盡黃金甲地高閭門隔九虎休續楚
臣騷

海內兵猶滿天涯歲又新龍移失魚鱉日食闕麒
麟草棘荒山雪烟花故國春聊城今夜月愁絕未
歸人

得一飛姪安信

音問他鄉隔存亡此日知夢中憂凍餒意外脫艱
危避地何嗟及還家敢恨遲衰年吾事了似有鹿
門期

短日

短日碁聲急重雲鴈影深風霜侵晚節天地入歸
心零落溝中斷酸嘶爨下音五年朝與夕清血幾
沾襟

送母受益自潞府歸崧山

薄俗科名賤狐生志願遠正須謀獨往何暇計群
飛泌水真堪樂荊州况可依青山吾舊隱此日美
君歸

寄程孫鐵安

御史陰功在孫兒玉不如已能騎竹馬想亦愛銀

魚異縣關山闊衡門骨肉疎幾時隨何舅盡讀外
家書

贈汴禪師

道重疑高譽禪枯耐寂寥蓋頭茅一把繞腹篋三
條趙子曾相問馮公每見招風波門外客無事且
相饒

己亥元日

五十未全老衰容新又新漸稀頭上髮別換鏡中
人野史總張本山堂未買隣不成騎瘦馬還更入
紅塵

送楊次公兼簡秦彦容李天成

海國山如朶雲堆草易荒時危頻虎穴路絕更羊腸
吊影雙蓬鬢携家一藥囊殷勤秦與李無惜借餘光

發濟源

早嘆今年劇他鄉底處歸羸糧失先具涉世本無機
棄擲烏皮几裴回白版扉殷勤雙語燕媿汝遠相依

倪庄中秋

巳亥

強飯日逾瘦袂衣秋已寒兒童謾相憶行路豈知

難露氣入茅屋溪聲喧石灘山中夜來月到曉不曾看

荅潞人李唐佐贈詩

聞道嗟予晚求師愧子賢泥途終自拔璞玉豈虛捐書破三千牘詩論二百年文章有聖處正脉要人傳

陽興砦

亂石通樵逕重崗擁戍城山川帶淳朴鷄犬見外平雨爛沙仍軟秋偏氣自清年年避營馬幾向此中行

由州入府避騎兵李馬者多由此路

懷粹中

醉解不復寐吟君田舍詩從知石門老未比木庵
師日月淹書尺江山入鬢絲何因重談笑却似少
林時

同周帥夢卿崔振之遊七岩

七岩

客路頻年別僧居半日閑同遊盡親舊舉目是家
山世事風塵外詩情水石間悠然一尊酒落景未
知還

送崔振之迎家汴梁

老伴不易得殘年唯有閑桑麻一村落鷄犬兩柴

關樊守能供酒周侯許買山從今釣溪上日日望
君還

聚僊臺夜飲

求夜留懽席高懷遠市塵月涼衣有露風細酒生
鱗鄉社情親舊僊臺姓字新殷勤詩卷在長記坐
中人

續陽平十愛

我愛陽平酒兵厨釀法新百金難着價一琰即醺
人色笑榴華重香兼竹葉醇爲君留故事喚作杏

園春

杏園指紀子
正求圖爲言

送田益之從周帥西上二首

市近厨無肉書香蠹有蟲深居誰不樂

去聲

兀坐竟

何功天日伸眉後江山洗眼中蓬萊如可到剡借

玉川風

有所

一室盆歌後供樵只短僮求凰可無日牧犢未成
翁桂樹春風近楊萸煖律通明年孟德耀應與伯
鸞東

九月晦日玉村道中

水涸沙仍濕霜餘草更幽烟光藏落景山骨露清
秋坐食知何益行吟只自愁隨陽見鴻鴈三嘆惜

淹留

十月四日往關南二首

短日晨光澹高風宿鶻登山寒渾欲雪水涸劣能
冰振厲時何有躋華倦不勝我詩聊自遣松液已

香凝

予方破松脂當以
今日熟煑及之

行路見新月獨行還獨語勞生塵袞袞晚色鬢蕭
蕭野曠無遺穗林疎有墮樵迴頭麥山嶺更覺馬
蹄遙

寄王文德新二首

德新時
在汝州

沙際春還去雲頭雨不成興來誰共醉事往獨含

情紫邏留行客黃泥隔戍城岸花何處在空憶擢

歌聲

孟津時事

清汝風華地平生記此游酒能千日醉春必萬金
酬攬鏡非遲暮逢花儘滯留只應歌笑處偏欠李

鄜州

欽叔河赴鄜州幕官

舊國

舊國分崩久孤兒展省初客衣留手綠驛傳失有
興夢拜悲兼喜心飛疾亦徐殷勤南去鴈先爲到
商於

和仲梁

林影兼秋薄雲陰帶晚涼石潭魚近藻沙渚鴈留
霜咲語無長路登臨豈異鄉一尊堪共醉惜不是

重陽

爲留霜
作金霜

甲辰夏五月積雨十餘日不止遣悶二首

甲子霖霖雨巡簷悶不禁幻泡成實相水樂激哀
音瘴海聞天漏堯年見陸沉鸞飛想雲表癡坐若

爲心

南宋王景文傳人居
貴要但問心若爲耳

甲子霖霖雨農郊搏手空排牆宇有禮爲壑竟何
功戰蟻侯王上鳴蛙意氣中掃晴應晚夕少忍待

秋風

排牆事見王衍論云
排牆之壓猶有禮也

陽泉樓雲道院

方外復方外，脩然心迹清。
開窓納山影，推枕得溪聲。
川路遠誰到，石田平可耕。
霜林不嫌客，留看錦淨嶸。

劉子中夢菴

寤寐生與死，幻歟為是真。
如何夢中境，不屬覺時人。
朝徹從渠夜，形開亦此神。
殷勤花上蝶，分我漆園春。

丙午九日詠菊二首

秋菊有何好，祇緣風露清。
花中誰比數，霜後獨鮮。

明九日惜虛過一尊還自傾今年病居士吟繞更
關情

几案得新供小窻幽更宜風霜寧小怯根撥要深
移黃素金行正芳甘藥品奇三薰復三沐歲晏與
君期

感事

壯事本無取老謀何所成人皆傳已死吾亦厭餘
生潦倒封侯骨淹留混俗情百年堪一嘆辛苦惜
虛名

酬中條李隱居邦彥

州路限南北相逢今白頭蟲沙非故國人物自名
流學道慙高步留詩惜暗投歸秦如有便終伴竹
林游

邦彦自關中徙黃省其季父於集寧故有竹林之句

送邦彥北行

此數推前輩陪從結後緣川涂即睽隔詩酒重留
連白鶴歸華表青牛得老僊秦山好行腳倚杖待
明年

紫微劉大雅有游秦之興故篇中有及

同冀丈明秀山行

暮景披橫幅山閒二老同雲如愁戍苦雪亦笑詩
窮古木凍欲折斷崖行復通從今胡谷夢時到水

聲中

同姚公茂徐溝道中聯句

路轉川塗闊天低雨氣昏
綿山連漢壘汾水入并門
來往頻鞍馬登臨負酒樽
聯詩強一吹淒絕恐銷魂

壬子月夕

明月復明月今年還遠游
關河動歸興特節重離憂
老眼耿無寐病身偏覺秋
遙憐小兒女把酒望東州

庚子三月十日作

殘夢忘書帙餘寒殢酒杯青銅元懶照白紵更寬
裁水際時獨往花邊知幾迴殷勤雙語燕應自謝
家來

七月十六日送馮楊善提領關中三教
爲愛秦中好西遊日苦遲青雲動高興白首得新
知道在貧何病官閑老更宜相思詩酒社無計與
追隨

京兆漕司官居三首

符節推通貴江山入勝游名園隨地改高棟與雲
浮簿領歸閑暇鶯花接獻酬不知秋夜月何似庾

公樓

複嶺雲橫野孤峯玉柱天遙知開館日別破見山
錢豪出紛華外詩來寂寞邊亭中誰舉酒高興相
悠然

間說梅軒好長吟有所思入簷看瘦影桂月見橫
枝東閣今千載風流彼一時西游曾有約到日更
題詩

甲寅正月二十三日故關道中三首

雪礪不得過陽坡如見留林烟常暗澹木葉自飄
颻齒髮悲行役鶯花惜舊游塵埃與風雨看待幾

時休

千里不易到三冬須少留
君情猶晉產去意已雕
丘遠出每爲苦雄夸還自羞
君心未肯在應待肯
時休

六十復半十年年添白頭
祇知詩遣興未覺酒忘
憂人七因循過元宵塊坐休
殷勤行記上今日是
東州

送閻子實焦和之北上

秦府賢初聚瀛州路不通
謀謨在廊廟物色到漁
樵布褐豈終隱旌車匪見
招春風兩黃鵠老眼看

雲霄

庫城

浩浩庫城水岸高知幾尋疎林護懸險絕壁入清
深跼步無曠迹勞歌惟苦音年年一米此老我亦
何心

婁生北上

并府虛荒久大城如廢村草茅知世故泉壤隔天
閭六月甘霖浹一言陰理存明年佩符節知有奉
春孫

遣興

几案滿書史欣然忘百憂一篇詩遣興三酸酒扶
頭千載陶元亮平生馬少游但留強健在老矣復
何求

八月并州鴈

三卿
時作

八月并州鴈清汾照旅群一聲驚晚笛數點入秋
雲滅沒樓中見哀勞枕畔聞南來還北去無計得
隨君

示白誠甫

之子吟爆竹過公欣樹蓋崑山多美玉江水發初
源名教有樂地詩書皆雅言通家吾未老倚杖望

高軒

甲寅十二月四日出鎮陽寄宰魯伯

潭水曉光動霸橋詩境同
衝寒騎瘦馬認影識衰翁
長路風聲裏孤城雪意中
迴頭歌笑處淒絕意何窮

送文生西行

今夜東山月隨人知幾程
從軍少年事分守故鄉情
渭水風露早秦川烟樹平
相招有仙掌無計與君行

乙卯十一月往鎮州

村靜鳥聲樂山低鴈影遙野陰時澗朗吟雨只飄
蕭涉遠心先倦衝寒酒易消紅塵忘南北渺渺見
長橋

遺山先生文集卷第七



遺山先生文集卷第八

七言律詩

秋懷

崧山
中作

涼葉蕭蕭散雨聲，虛堂淅淅掩霜清。
黃華自與西風約，白髮先從遠客生。
吟似候蟲秋更苦，夢和寒鵲夜頻驚。
何時石嶺關頭路，一望家山眼暫明。

帝城二首

史院夜
直作

帝城西下望孤雲，半廢晨昏媿此身。
世俗但知從仕樂，書生只合在家貧。
悠悠未了三千牘，碌碌翻隨十九人。
預遣兒書報歸日，安排鷄黍約比隣。



羈懷鬱鬱歲駸駸擁褐南窓坐晚陰日月難淹京
國久雲山唯覺玉華深隣村爛熳鷄黍局野寺荒
涼松竹林半夜商聲入寥廓北風黃鵠起歸心

僕射改醉歸即事

多生曾得江湖樂每見陂塘覺眼明詩酒共尋前
日約風陰新自夜來晴春波澹澹沙鳥沒野色荒
荒煙樹平醉踏扁舟浩歌起不須紅袖出重城

是日招樂
府不至

春日

里社春盤巧欲爭裁紅暈碧助春情忽驚此日仍
為客却想當年似隔生貧裏齏鹽憐節物亂來歌

吹失歡聲南舟刺有還鄉伴戎馬何時道路清

陽政

唐春盤賦裁紅暈
碧巧助春情為韻

橫波亭

為青口
帥賦

孤亭突兀挿飛流氣壓元龍百尺樓萬里風濤接
瀛海千年豪傑壯山丘疎星澹月魚龍夜老木清
霜鴻鴈秋倚劒長歌一盃酒浮雲西北是神州

野菊座主閑閑公命作

柴桑人去已千年細菊斑斑也自圓共愛鮮明照
秋色爭教狼籍卧疎烟荒畦斷壠新霜後瘦蝶寒
蛩晚景前只恐春衰笑遲暮題詩端為發幽妍

度太白嶺往昆陽

斷崖絕壁裂蒼頑，竟日長林窈窕間。
舊許煙霞歸白髮，悔隨塵土出青山。
飢蚕滅滅催人老，野鶴昂昂羨汝閑。
畏景方隆路方永，南風迴首暮雲還。

寄希顏二首

後一首希顏在徐州幕時作

僵卧崧丘七見春，商餘歸計一塵新。
悠悠華屋高賢意，兀兀田夫野老身。
動色雲山如有喜，忘機鷗鳥亦相親。
龕踈潦倒今如此，樓上元龍莫笑人。
湖海故人仍騎曹，彭門千里入憑高。
山頭杜甫長年瘦，樓上元龍先日豪。
水落魚龍失歸宿，天長鴻

鴈獨哀勞酒船早晚東行辨共舉一杯持兩螯

懷益之兄

時在
關鄉

牢落閑河鴈一聲干戈滿眼若爲情三年浪走空
皮骨四海相望只弟兄黃耳定從秋後到白頭新
自夜來生西樓日日西州道欲賦窮愁竟不成

昆陽二首

古木荒煙集暮鴉高城落日隱悲茄并州倦客初
投迹楚澤寒梅又過花滿眼旌旗驚世路閉門風
雪羨山家忘憂只有清樽在暫爲紅塵拂鬢華
去日黃花半未開南來忽復見寒梅淹留歲月無

餘物料理塵埃有此杯老馬長途良憊矣白鷗春
水亦悠哉商餘說有滄州趣早晚乾坤入釣臺

寄西溪相禪師

青鏡流年易擲按壯懷從此即蹉跎門堪羅雀仍
未害釜欲生魚當奈何萬事自知因懶廢一官元
不校貧多拂衣明日西溪去且放雲山入浩歌

葉縣雨中

時崧前
旱尤甚

春旱連延入麥秋今朝一雨散千憂龍公有力迴
枯槁客子何心歎滯留多稼即看連楚澤歸雲應
亦到崧丘兵塵浩蕩乾坤滿未厭明河拂地流

寄荅趙宜之兼簡溪南詩老

窓影朧朧納暝陰風聲浩浩急霜砧秋鴻社燕飄
零夢潁水崧山去住心黃菊有情留小飲青燈無
語伴微吟故人憔悴蓬茅晚料得老懷如我今

潁亭

潁上風煙天地迴潁亭孤賞亦悠哉春風碧水雙
鷗靜落日青山萬馬來勝槩消沈幾今昔中年登
覽足悲哀遠游擬續騷人賦所惜忽忽無酒杯

山中寒食

小雨班班浥曙煙平林簇簇點晴川清明寒食連

三月頽水崧山又一年樂事漸隨花共減歸心長
與鴈相先平生最有登臨興百感中來只慨然

楚漢戰處

同賦

虎擲龍拏不兩存當年曾此賭乾坤一時豪傑皆
行陣萬古河山自壓門原野猶應厭膏血風雲長
遺動心魂成名豎子知誰謂擬喚狂生與細論

懷叔能

別却楊侯又一年西風每至輒淒然酒官未得高
安上詩印空從吏部傳三沐三薰知有待一鳴一
息定誰先黃塵憔悴無人識今在長安若箇邊

留別仲澤

避俗無機日見侵
逐貪不去巧相尋
半生與世未嘗合
前日入山唯不深
綠水紅蓮慚大府
清泉白石識初心
相思命駕非君事
能寄詩來或賞音

鄭州上致政賈右丞相公

特被命就公訪先朝逸事

黃閣歸來履舄輕
天將五福畀康寧
四朝人物推耆舊
萬古清風在典刑
鄭圃亦能知有道
漢庭久欲訪遺經
帝城此後瞻依近
長傍孤南候極星

寄荅景玄兄

故人相念不相忘
頻着書來約對床
甚喜樵夫與

爭席所憂薄吏復登堂春風和氣隨詩到洛水秦
山引興長奮袖高談夜窓白幾時危坐聽琅琅

復登堂李長吉語景玄
去歲大為催科所困

寄辛老子

草堂西望渺煙霞夢寐西南一逕斜爲羨鳬鴈安
枳棘悔將猿鶴入京華百錢卜肆成都市萬古詩
壇子美家後日從翁問奇字可能逋客持侯已

後灣別業

薄雲晴日爛烘春高柳清風便可人一飽本無華
屋念百年今見老農身童童翠蓋桑初合灩灩蒼

波麥已勻便與溪塘作盟約不應重遣濯纓塵

劉丈仲通哀挽

拙宦深辜遠業期無兒更結下泉悲溫純如此豈
復見報施言之尤可疑四葉名家今日盡百年潛
德幾人知元劉交分平生重才薄猶堪第二碑

會善寺

白塔沉沉挿翠微魏家宮闕此餘基人生富貴有
遺恨世事廢興無了期勝槩只今歸鶯嶺煙花從
昔繞龍墀長松想是前朝物及見諸孫賦黍離

寄欽用

顧顧京華首藉槃南山歸興夜漫漫長門有賦人
誰買坐榻無檀客亦寒蟲臂偶然煩造物驢頭何
者亦求官故人東望應相笑世路羊腸乃爾難

楊之美尚書挽章

冠蓋龍門此日空人知麟出道將窮景星明月歸
天上和氣春風在眼中千古孫劉有餘責一時燕
許更誰同受恩知己無從報獨爲斯文泣至公

李屏山挽章二首

世法拘人虱處禪忽驚龍跳九天門牧之宏放見
文筆白也風流餘酒尊落落久知難合在堂堂元

有不亡存中州豪傑今誰望擬喚巫陽起醉魂
談塵風流二十年空門名理孔門禪諸儒久已同
堅白博士真堪補太玄孫況小疵良未害莊周陰
助恐當然遺編自有名山在第一諸孤莫浪傳

內鄉縣齋書事

吏散公庭夜已分寸心牢落百憂薰催科無政堪
書考出粟何人與佐軍飢鼠達床如欲語驚鳥啼
月不堪聞扁舟未得滄浪去慚愧春陵老使君

達祖

次山春陵行云思欲要符節引筆自刺紅故子吳有與含滄浪清之句

自蒔潭州水還寄松前故人

臘雪春泥晚未乾馬迎殘照入荒寒初無危鳥將
安往正有牛刀恐亦難倦客不知歸路遠孤城唯
覺暮山攢黃金鍊出相思句寄與同聲別後看

被檄夜赴鄧州幕府

幕府文書鳥羽輕敝裘羸馬月三更未能免俗私
自笑豈不懷歸官有程十里陂塘春鴨鬧一川桑
柘晚煙平此生只合田間老誰遣春官識姓名

馬鄧驛中大雨

萬壑千岩一雨齊先聲噴薄捲湍湍溪投林鳥雀不
暇顧移穴蛟龍應自迷便恐他山藏翠夜豈知高

樹有晴霓兩江合向西南閑坐想風雲入鼓鼙馬
西雨雨漸水
相合處也

除夜

一燈明暗夜如何夢寐衡門在澗阿物外煙霞玉
華遠花時車馬洛陽多折腰真有陶潛興扣角空
傳竊戚歌三十七年今日過可憐出處兩蹉跎

鄧州相公命賦喜雨

輕陰十日暮春前和氣朝來已沛然河澗定應連上
國雲來端合自中天陽從洛陽峰雲帶濕閑幽障麥壠
分青入廢田共識使君霖雨手調元消息在今年

劉光甫內鄉新居

芻冠平日凜秋霜老去聲名只閉關
父老新來同保杜兒童久已愛文章
蔬隨隙地皆成圃竹放新梢欲過墻
爲向長安舊遊道世間元有北窓涼

西齋夜宴

飄零無物慰天涯酒伴相逢飲倍加
悵謬君當略彭澤迴旋我亦笑長沙
金釵醉舞迎春髻銀燭光搖半夜花
只欠東山游錄事不來堅坐看紛譁

信之張杜諸人皆在而麟之獨不至

十月

十月長年見早梅今年二月未全開春寒春暖花
如故年去年來老漸催大藥誰傳軒后鼎習仙虛
築漢宮臺憑君撥置人間事不負浮生只此杯

送吳子英之官東橋且爲解朝

柴車歷鹿送君東萬古書生蹭蹬中良醞暫留王
績醉新詩無補玉川窮駒陰去我如決驪蟻垤與
誰爭長雄快築糟丘便歸老世間馬耳過春風

張主簿草堂賦大雨

浙樹蛙鳴告雨期忽驚銀箭四山飛長江大浪欲
橫潰厚地高天如合圍萬里風雲開偉觀百年毛

髮凜餘威長虹一出林光動寂歷村墟空落暉聲去

丹霞下院同仲澤鼎玉賦

時從南陽軍至南陽

鞍馬忽忽去復還霜鍾今得見豐山千年香火丹
霞老滿眼興亡白水閑壯志自憐消客路深居誰
得似禪關只應頻有西來夢夜夜青林杳靄間

春日半山亭游眺

日照春山花滿煙獨携尊酒此江邊江流衮衮望
不極世事悠悠私自憐小草不妨懷遠志芳蘭誰
爲發幽妍千年石壁留詩在會有騷人一慨然

別程文

芸齋浙浙掩霜寒別酒青燈語夜闌生女便知聊
寄託中年尤覺感悲歡松間小草栽培穩掌上明
珠棄擲難明日緱山東畔路野夫懷抱若爲寬

出山

松門石路靜無閑布襪青鞋幾往還少日漫思爲
世用中年直欲伴僧閑塵埃長路仍回首升斗微
官亦強顏休道西山不留客數峯如畫暮雲間

謝鄧州帥免從事之辟

憂端擾擾力難任世事駸駸日見臨三載素冠容
有媿一時墨經果何心首丘自擬終殘喘陟屺誰

當辨苦音遙望朱門涕橫落相公恩德九泉深

新野先主廟

次鄧
仲謙

一軍南北幾扶傷長坂安行氣已王豪傑盡思爲
漢用江山初不假吳強兩朝元老心雖壯再世中
興事可常寂寞未安宮畔土爭教安樂似山陽

石門

兩崖橫絕倚山垠草徑低迷劣可分潭影乍從明
處見竹香偏向靜中聞石林萬古不知暑茅屋四
隣唯有雲曳杖行歌羨樵叟此生何計得隨君

獨峰楊氏幽居

村墟瀟灑帶新晴落日千山一片青世外衣冠存
大朴雲間鷄犬亦長生清江兩岸多古木平地數
峯如畫屏惆悵朝陽一茅屋酒缸茶竈負生平

渡湍水

湍作專叫
見水經

悠悠人事眼中新悄悄孤懷百慮紛伎倆本宜閑
處著姓名誰遣世間聞秋江澹沲如素練沙浦空
明行暮雲早晚扁舟載煙雨移家來就野鷗群

十日登豐山

十日登高發興新豐山孤秀出塵氛村墟帶晚鴉
噪合林壑得霜煙景分芳臭百年隨變滅短長千

古只紛紜詩成一嘆無人會白水悠悠入暮雲

岐陽三首

突騎連營鳥不飛北風浩浩發陰機三秦形勝無
今古千里傳聞果是非偃蹇鯨鯢人海涸分明蛇
犬鐵山圍窮途老阮無奇策空望岐陽淚滿衣
百二關河草不橫十年戎馬暗秦京岐陽西望無
來信隴水東流聞哭聲野蔓有情縈戰骨殘陽何
意照空城從誰細向蒼蒼問爭遣蚩尤作五兵
耽耽九虎護秦關懦楚孱齊机上看禹貢土田椎
陸海漢家封徼盡天山北風獵獵悲笳發渭水瀟

瀟戰骨寒三十六峯長劍在倚天僊掌惜空閑

園城病中文舉相過

擾擾長衢日往回病中聊得避喧埃愁多頓覺無
詩思計拙唯思近酒盃潘岳鏡中渾白髮江淹門
外即蒼苔生涯若被傍人問但說經年鼠不來

讀靖康僉言

浚郊沙海浩茫茫河廣纔堪一葉航顛沛且當懲
景德規模何必罪朱梁滄溟不掩蛟龍窟大地同
歸雀鼠鄉三百年間幾降虜長星無用出光芒

雨後丹鳳門登眺

絳闕遙天霽景開
金明高樹晚風迴
長虹下飲海
欲竭老鴈叫群秋
更哀劫火有時歸
變滅神嵩何計得
飛來窮途自覺無
多淚莫倚殘陽望
吹臺

京居辛卯八月六日作

四壁秋蟲夜語低
南窓孤客枕頻移
野情自與軒裳隔
旅食難堪日月遲
平子歸田元有約
魏舒襮被恐無期
一莖白髮愁多少
慚愧家人賦廢彥

浩然師出園城賦鵲詩爲送

夢寐西山飲鶴泉
羨君歸興渺翩翩
昂藏自有林壑態
欽啄暫隨塵土緣
遼海故家人幾在
華亭清

淚世空憐明年也作江鷗去水宿雲飛共一天

追用座主閑閑公韻上致政馮內翰二首

峻坂平生幾疾驅歸休甫及引年初東門太傅多
祖道北闕詩人休上書卑樞老歸千里驪白雲閑
釣五溪魚非熊有兆公無恙會近君王六尺輿
草堂人物列仙臞萬壑松風酒一壺少日打門無
俗客老年爭席有樵夫巨源不入竹林選元亮偶
成蓮社圖野史他年傳耆舊風流一一似公無

懷秋林別業

茅屋蕭蕭浙水濱豈知身屬洛陽塵一家風雪何

年盡二頃田園入夢頻高樹有巢鳩突拙空墻無
穴鼠嫌貧西南遙望腸堪斷自古虛名只誤人

壬辰十二月車駕東狩後即事五首

翠被蔥蔥見執鞭戴盆鬱鬱夢瞻天只知河朔歸
銅馬又說臺城墮紙爲血肉正應皇極數衣冠不
及廣明年何時真得勢家去萬里秋風一釣缸
慘澹龍蛇日鬪爭干戈直欲盡生靈高原水出山
河改戰地風來草木腥精衛有冤填瀚海包胥無
淚哭秦庭并州豪傑今誰在莫擬分軍下井陘
鬱鬱園城度兩年愁腸飢火日相煎焦頭無客知

移突曳足何人與共舡白骨又多兵死鬼青山元
有地行仙西南三月音書絕落日孤雲望眼穿
萬里荆襄入戰塵汴州門外即荆榛蛟龍豈是池
中物蠟虱空悲地上臣喬木他年懷故國野煙何
處望行人秋風不用吹華髮滄海橫流要此身
五雲宮闕露盤秋銀漢無聲桂樹稠複道漸看連
上苑戈船仍擬下揚州曲中青冢傳新怨夢裏華
胥失舊遊去去江南庾開府鳳凰樓畔莫迴頭

求寧南原秋望

浩浩西風入敝衣茫茫野色動清悲洗開塵漲雨

繞定老盡物華秋不知烽火苦教鄉信斷砧聲偏
與客心期百年人事登臨地落日飛鴻一線遲

中秋雨夕

趙師國書
建十作

南樓高興在胡床十日秋陰負一觴庾老未應妨
嘯詠素娥多自恁昏黃此生此夜不長好行雨行
雲有底忙却恐哦詩太愁絕且燒銀燭看紅粧

癸巳四月二十九日出京

塞外初捐宴賜金當時南牧已驕驤只知灞上真
兒戲誰謂神州遂陸沉華表鶴來應有語銅鞮人
去亦何心興亡誰識天公意留著青城閣古今

國初

取來於青
城食陳

喜李彥深過聊城

園城十月鬼爲隣異縣相逢白髮新恨我不如南
去鴈羨君獨是北歸人言詩匡鼎功名薄去國虞
翻骨相屯老眼天公只如此窮途無用說悲辛

與張杜飲

故人寥落曉天星異縣相逢覺眼明世事且休論
向日酒尊聊喜侶承平山公倒載群兒笑焦遂高
談四座驚轟醉春風一千日愁城從此不能兵

秋夕

小簾涼多睡思清一牕風雨送秋聲頻年但覺韶
裘敝萬古何曾馬角生寄食且依嚴尹幕附書誰
往鄧州城澆愁欲問東家酒恨教寒鷄不肯鳴

夢歸

額領南冠一楚囚歸心江漢日東流青山歷歷鄉
國夢黃葉蕭蕭風雨秋貧囊有詩工作祟亂來無
淚可供愁殘年兄弟相逢在隨分蕭蕭萬事休

白屋

白屋寒多愛夕曛靜中歸思益紛紛長門誰買千
金賦祖道虛陳五鬼文地盡更無誰可置竈閤唯

覺井長勤明年准擬萊蕪住寄謝東陸范史雲

淮右

淮右城池幾處存宋州新事不堪論輔車謾欲通
吳會突騎誰當擣荊門細水浮花歸別澗斷雲含
雨入孤村空餘韓渥傷時語留與纍臣一斷魂

徐威卿相過留二十許日將往高唐同
李輔之贈別二首

衣冠八座文昌府樸被三年同舍郎蕩蕩青天非
向日蕭蕭春色是他鄉傷時賈誼頻流涕卧病王
章自激昂保社追隨有成約不應關塞永相望

東南人物未彫零和氣春風四座傾但喜詩章多
俊語豈知談笑得新名二年阻絕干戈地百死相
逢骨肉情別後相思重回首杏花尊酒記聊城

即事

逆豎終當鱗縷分揮刀今得快三軍燃臍易盡嗟
何及遺臭無窮古未聞京觀豈當誣羅義衰衣自
合從高勲秋風一掬孤臣淚叫斷蒼梧日暮雲

望王李歸程

一榻霜寒晚思孤眼中行李見歸途虞卿仲子死
不朽石父晏嬰今豈無義士龍沙元咫尺累臣駒

隙自舒徐何時斗酒歡相勞驚看燕家頭白鳥

秋夜

九死餘生氣息存蕭條門巷似荒村春雷謾說驚
垓戶皎日何曾入覆盆濟水有情添別淚吳雲無
夢寄歸魂百年世事兼身事尊酒何人與細論

甲午除夜

暗中人事忽推遷坐守寒灰望復燃已恨太官餘
麴餅爭教漢水入膠船神功聖德三千續大定明
昌五十年甲子兩周今日盡空將衰淚洒吳天

乙未正月九日立春

十度新正九處家今年癡坐轉堪嗟一冬殘雪不肯盡連日苦寒殊未涯重碧總誇燕市酒小紅誰記上林花殘魂零落今無幾乞與春風惱鬢華

杏花落後分韻得歸字

顚能醫病頰肥膏膠無那片紅飛殘陽淡淡不肯下流水溶溶何處歸煮酒清林寒食過明粧高燭賞心遠寫生正有徐熙在漢苑招魂果是非

三僊祠

三僊祠下往來頻憔悴征衫滿路塵簫鼓未休寒食酒蕉蘇時見舊都人吹殘芳樹紅仍在屐破平

田綠已勻西北井州隔千里幾時還我故鄉春

送輔之仲庸還大梁

驂駒爭道渺翩翩誰遣風塵失壯年四壁舊聞懸
聲宅一囊今有賣書錢淋浪別酒青燈夜滅沒孤
帆落照邊想得還家過春半故山喬木滿蒼煙

繡江汎舟有懷李郭二公

荷花如錦水如天狼籍秋香擁畫船長白風煙最
瀟灑外臺賓主重留連勝遊每恨隔千里樂事便
當論百年咫尺西州兩詩客不來同作飲中仙

送杜子

洛陽塵土化緇衣又見孤雲着處飛北渚曉晴山
入座東原春好妓成圍來鴻去燕三年別深谷高
陵萬事非轟醉春風有成約可能容易話東歸

眼中

眼中時事益紛然擁被寒窓夜不眠骨肉他鄉各
異縣衣冠今日是何年枯槐聚蟻無多地秋水鳴
蛙自一天何處青山隔塵土一菴吾欲選華顛

送杜招撫歸西山

杜亂後為
黃冠師

少日先聲懾虎貔只今騎馬欲雞棲邯鄲枕上人
初覺秋水篇中物已齊父老樵漁知有杜將軍桃

李自成蹊因君喚起思鄉意君在西山我更西

寄欽止李兄

征車南北轉秋蓬
關塞相望兩禿翁
衮衮便當隨世路
悠悠難復倚天公
銅駝荊棘千年後
金馬衣冠一夢中
尊酒雲州古城下
幾時携手哭春風

有寄

飛鴻來處是營平
喜向斜封見姓名
千里呂安思叔夜
五更殘月伴長庚
閑河秋興風景暮
長路渴心塵土生
南渡詩人吾未老
幾時同醉鳳凰城

鎮州興文舉百一飲

翁仲遺墟草棘秋蒼龍雙闕記神州只知終老歸
唐土忽漫相看是楚囚日月盡隨天北轉古今誰
見海西流眼中二老風流在一醉從教萬事休

別王使君丈從之

謝公每見皆名語白傳相看只故情尊酒風流有
今夕玉堂人物記升平太山北斗千年在和氣春
風四座傾別後殷勤更誰接只應偏憶老門生

寄示禪師

師舊隱
濟源

白頭歲月坐詩窮止有相逢一笑同齋粥空疎想
君瘦冠巾收斂定誰公夢魂歷歷山間路世事悠

悠耳外風見說懸泉好薇蕨草堂知我是隣翁

時

趣釋老來甚急故
有巾履投飲之句

衡州感事二首

神龍失水困蜉蝣一舸倉皇入宋州紫氣已沉牛
斗夜白雲空望帝鄉秋劫前實地三千界夢裏瓊
枝十二樓欲就長河問遺事悠悠東注不還流

白塔亭亭古佛祠往年曾此走京師不知江令還
家日何似湘纍去國時離合興亡遽如此棲遲零
落竟安之太行千里青如染落日攔干有所思落

日一作獨凭

望蘇門

諸父當年此往還客衣塵土淚斑斑太行秀發眉
字見老阮亡來尊俎閑出岫暮雲歸有處接林孤
鶴杳難攀湧金亭上秋如畫興在青林杳靄間

遺山先生文集卷第九

七言律詩

望崧少二首

崧少飛來崑閭山山家茅屋翠微間
鷄豚鄉社相勞苦花木禪房時往還
結習尚餘三宿戀殘年多負半生閑
長河一葦入千里望斷西城碧玉環

飲鶴池邊萬木稠養龍崖上五峯秋
藤垂絕壁雲添潤澗落哀湍雪共流
田父占年驚玉旆詩僊留迹歎崑丘
西風落日山陽道空對紅塵憶舊遊

池在崑山養龍崖在五乳峯下

懷州子城晚望少室

河外青山展卧屏并州孤客倚高城十年舊隱拋
何處一片傷心盡不成谷口暮雲知鄭重林梢殘
照故分明洛陽見說兵猶滿半夜悲歌意未平

別覃懷幕府諸君二首

王後盧前舊往還江東渭北此追攀百年人物存
公論四海虛名只汗顏詩酒聊堪慰華髮衡茅終
擬共青山相思後日并州夢常在瑤林照映間
太行釀秀在山陽嵇阮經行舊有鄉林影池烟設
清供物華天寶借餘光承平故事嗟猶在雅詠風

流豈易忘稍待秋風入涼冷百壺吾欲醉籌堂

河東賈

羊腸坂

浩蕩雲山直北看凌競羸馬不勝鞍老來行路先
愁遠貧裏辭家更覺難衣上風沙歎憔悴夢中燈
火憶團圓憑誰爲報東州信今在羊腸百八盤

高平道中望陵川二首

此縣先隴城府
君太和中舊治

列宿澄明墨綬尊中臺良選到名門來時珥筆誇
健訟去日攀車餘淚痕一片青山幾今昔百年華
屋記生存泰和遺老今誰在向道甘棠有子孫
鈴閣文書到酒卮諸曹小吏亦抄詩座中佳客無

虛日簾下歌童盡雅辭棠棣有花移舊巧櫻桃和
露彈繁枝書郎零落頭今白腸斷荷衣出拜時棠
棣櫻桃皆當時事

野谷道中懷昭禪師

行行汾沁欲分疆漸喜人聲挾兩鄉野谷青山空
自繞金城白塔已相望湯翻豆餅銀絲滑油點茶
心雪藥香說向阿師應被笑人生生處果難忘

太原

夢裏鄉關春復秋眼明今得見并州古來全晉非
無策亂後清汾空自流南渡衣冠幾人在西山薇

旂此生休十年弄筆文昌府爭信中朝有楚四

外家南寺

在至孝社子兒時讀書處也

鬱鬱秋梧動晚烟一庭風露覺秋偏眼中高岸移
深谷愁裏殘陽更亂蟬去國衣冠有今日外家梨
栗記當年白頭來往人間徧依舊僧窓借榻眠

追賦定襄周帥夢卿家秋日牡丹

千古吳中富貴家秋風吹送洛陽花真妃鏡裏春
難老玉女車邊日易斜紀瑞定誰增舊譜換根元
自有靈砂來遲不及西堂宴猶想分香入棣華

周有叔華堂

桐川與仁卿飲

瀟瀟茅屋繞清灣四面雲開碧玉環已分故人成
死別寧知尊酒對生還風流豈落正始後詩卷長
留天地間海內斯文君未老不須辛苦賦囚山

過濁鹿城與趙尚賓談山陽舊事

廢邑蕭條落照邊山陽遺迹世空傳肺腸未漬猶
可活灰土已寒寧復然負鼎運來元有力考槃人
去更堪憐因君憶得曹瞞事銅雀臺荒又幾年

官園探梅同康顯之賦

柳夢榆椒寂寞邊儘饒梅事得春偏留殘瘦骨猶
堪賁未展幽香已可憐千里移根自何許數枝臨

水記當年開時重約花前醉試手東風第一篇

十二月十六日還冠氏十八日夜雪

少日鵞飛掣臂鷹只今癡鈍似秋蠅
耽書業力貧猶在涉世筋骸老不勝
千里關河高骨馬四更風雪短檠燈
一餅一鉢平生了慚愧南窓打睡僧

別康顯之

玉川文字五千卷鄭監才名四十年
誰謂華高吾豈敢耻居王後子當然
河亭笑語歸陳迹里杜追隨失後緣
後夜并州月千里南窓尊酒且留連

寄楊飛卿

客夢悠悠信轉蓬
禁床殷殷動晨鐘
西風白髮三千丈
故國青山一萬重
沙水有情留過鴈
乾坤多事泣秋蟲
三間老屋知何處
慚愧雲間陸士龍

雨夜

夢裏孤蓬雨打秋
茅齋元更小於舟
無錢正坐詩作祟
識字重爲時所讐
千里謾思黃鵠舉
六年真作賈胡留
并州北望山無數
一夜砧聲人白頭

東平送張聖與北行

天山曾望使車還
官柳青青此重攀
去國衣冠元易感
中年親友更相關
簫雲自可無千里
隱霧難

教見一班海內文章在公等不應空老道途間

別張御史

特字
文舉

晚學天教及老成翰林詩裏羨鴻冥

馮內翰父瞻御史詩
有鴻冥雖嫌之句

算勲此日歸顏巷銅墨當時動漢庭華袞謾勞紆

直筆

御史見貽之
行通有褒拂

絳帷無復與橫經祇應千里并州

道常並虛危候德星

出東平

老馬凌兢引席車高城回首一長嗟市聲浩浩如
欲沸世路悠悠殊未涯潦倒本無明日計徃來空
置六年家東園花柳西湖水剩着新詩到處誇

再到新衛

蝗旱相仍歲已荒，伶俜十口值還鄉。
空令姓字喧時輦，不救飢寒趁路傍。
行帳馬嘶塵漠漠，洞空村人去兩淋。
浪河平千里筋骸盡，更欲驅車上太行。

別寇氏諸人

戊戌秋八月初二日

東舍茶渾酒味新，西城紅艷杏園春。
衣冠會集今爲盛，里社追隨分更親。
分手共傷千里別，低眉常愧六年貧。
他時細數平原客，看到還鄉第幾人。

入濟源寓舍

戊戌八月二日

未辦驅車上太行，主人留此避風霜。
遺編墜簡文

章爛糲食羸衣歲月長奮迅舊嫌扶老杖龍鍾今
屬員喧牆壁中刺刺聞人語季子金多過洛陽

鎮平縣齋感懷

四十頭顱半白生靜中身世兩閑情書空咄咄知
誰解擊缶鳴鳴却自驚老計漸思乘款段壯懷空
擬漫崢嶸西窓一夕無人語挑盡寒燈坐不明

野菊再奉座主開閣公命作

晚景蕭疎畫不成晚花作意出繁英鮮明獨向霜
露見爛熳却隨蒿艾生南國騷人知有待西風胡
蝶更多情南山正在悠然處安得芳樽與細傾

五月十二日座主關閑公諱日作

厝火誰能抹已然直教憂疾送華顛贈官不暇如
平日草詔空傳似奉天故壘至今埋恨骨遺宗何
力起新阡門生白首渾無補陸氏莊荒又一年

四哀詩

李欽叔

赤縣神州坐陸沉金湯非粟禍侵尋當官避事平
生耻視死如歸社稷心文采是人知子重交朋無
我與君深悲來不待山陽笛一憶同衾淚滿襟

冀京父

先公薄銚識終童曾拔崑山玉一峯不見連城沽
白璧蚤聞烈火燎黃琮重圍急變紛紛口九地忠
魂耿耿胸欲吊南雲無覓處士林能不泣相逢

李長源

冀都事死東州禍李翰林亡陝府兵方爲騷人竄
楚北更禁書客墮秦坑石苞本不容孫楚黃祖安
能貸桐衡同甲四人三橫實此身雖在亦堪驚

王仲澤

太學聲華弱冠馳青雲岐路九霄飛上前論事龍
顏喜幕下籌邊犬吠稀壯志相如頭碎柱赤心嵇

組血沾衣從來聖蹟褒忠義誰爲幽魂一發輝

過詩人李長源故居

楚些招魂自往年明珠真見抵深淵巨鰲有餌雖
堪釣怒虎無情可重編千丈氣豪天也妬七言詩
好世空傳傷心鸚鵡洲邊淚却望西山一泫然

己亥十一月十三日雪晴夜半讀書山

東龕看月

四山寒雪夜深明未恨崔嵬失舊青青女有功加
粉澤素娥無意惜姝姝微雲河漢非人世太古鴻
荒見典刑剎着新詩記今夕年年來醉半山亭

明日作

晴光見滌入危闌萬象都歸一色看搖筆尚堪凌
浩蕩舉盃誰與慰荒寒化成銀界清涼近散盡冰
花碧海乾後夜霜空月輪滿可無秦女共懸鸞

杏花二首

庚子歲
兩庵賦

芳樹春融絳蠟凝春風寂寞掩柴荆盡眉蘆女嬌
無奈鵲齒孫娘笑不成已怕宿粧添紫粉更堪煖
藥闌蜂聲一般踈影黃昏月獨愛寒梅恐未平

一穗蘆鞭一穗塵西園紅艷眼中新帽簷分去家
家喜酒面飛來片片春梅柳幾曾同故事櫻桃纔

得綴芳辰荒城此日腸堪斷老却探花筵上人

醉後

蚤歲披書手不停中年所得是忘形天公不禁人間酒崔瑗虛留座右銘身後山丘幾春草醉來日月兩秋螢柴門老雨青苔滿一醉狂歌且自聽

賦南中楊生玉泉墨

墨不用松烟而用燈煤

萬寵玄珠一唾輕客卿新以玉泉名御團更覺香爲累冷劑休誇漆點成浣袖秦郎無藉在畫眉張遇可憐生晴窓弄筆人今老孤負松風入硯聲

中宮

以張遇麝香小團爲畫眉墨

贈張文舉御史

安穩蓆床坐欲穿合教絕學到真傳清貧自苦知
何負神理無憑恐未然康乳尚憐孤竹餓龍頭誰
識管寧賢無窮白日青天在會有先生引鏡年

先露
光前

寄荅飛卿

一首新詩一紙書喜於滄海得遺珠古來獻玉猶
難售此日聞韶本不圖白雪任教春事晚青天終
放月輪孤并州命駕纔千里稽呂風流未可無

留別龍興汴禪師普照鑑禪師

十年不見木庵師二老相從又一時俚曲只知無

白雪遺音誰謂有朱絲書難盡信何如默人各爲
家枉自私三月春風滿桃李青青留看歲寒枝

赤石谷

林罅陰崖霧杳冥石根寒溜玉玎玲雲來朔漠疑
秋早山近清涼覺地靈靜愛鳥聲存野調閒嫌人
跡帶塵腥南臺說有金銀氣可是并汾處士星

繫舟

山僧徒謂之小五臺九月
中時有景星如佛光云

贈楊君美之子新甫

書林頭白坐吟呻青佩橫經更幾人絲角未逢韓
吏部伏膺先就楚靈均岳蓮盡發三峯秀玉樹初

開三月春看取揚家伯
男子今年天壤姓名新

灑亭同麻知幾賦

零落棲遲復此遊
一尊聊得散羈愁
天圓平野莽

無際水遶孤城間不流

元是源字知幾
請予改作閑字

柳意漸迴淮浦

煖鴈聲仍帶塞門秋
登高望遠令人起
欲買烟波無釣舟

荅公茂

文昌除目入驚者
似覺規摹到漢官
冀北已空天下馬
江東全倚謝家安
黃圖赤縣風流在
碧落銀河病眼寬
林下升平有他日
草堂應許駐金鞍

過應州

平野風埃接戍樓邊城三月似窮秋人家土屋繞
容膝驛路旄車不斷頭隨俗未甘嘗馬逐敵寒重
欲御羊裘十年紫禁煙花繞此日雲山是應州

應州寶宮寺大殿

縹渺層簷鳳翼張南山相望鬱蒼蒼七重寶樹圍
金界十色雲華擁畫梁竭國想從遼盛日閔人真
是魯靈光請看孔釋誰消長林廟而今草又荒

懷安道中寄懷曹徵君子玉

楮水歡游事已非褰山回首重依依義熙留在陶

元亮華表來歸丁令威袖裏短書懷老筆夢中鱗
腹見褰衣祝君飽喫殘年飯會有隣牆白版扉

五月十一日楞軒老忌辰追懷

遺後交情老更傷每逢此日倍難忘神光何處埋
泉壤落月無言滿屋梁祕閣圖書疑外府謝家蘭
玉記諸郎靈均謾倚騷經在宗國河山半夕陽

今爲亂家所
迷改有上句

感事

富貴何曾潤髑髏直須淅米向矛頭血讐此日逢
三怨風鑒生平備九沅瓢飲不甘顏巷樂市鉶真

有楚人憂世間安得如川酒力士鰐頭醉死休

玉溪端氏

邂逅詩翁得勝遊煙霞真欲盡崧丘玉溪如此不
一到今日曠然消百憂林影蒼茫開霽曉岸容瀟
灑帶新秋酒材已辦須君釀要及西風入釣舟

華不注山

清南作

元氣遺形老更頑孤峯直上玉孱顏龍頭突出海
波沸鰲足斷來天宇開齊國伯圖殘照裏謫仙詩
興冷雲間乾坤一劍無人識夜夜光芒北斗寒

岳解元生日

邦彥

天日晴明見岳時只君消得謫仙詩鶯花到處供
杯酒霜雪何緣點鬢絲已辦紫雲新活計又添驥
子好男兒扶風里社他年看開簇靈椿桂五枝

感興

夜宿讀書山作

倚梯從昔望烟霄七葉何人竟珥貂道路常教車
歷鹿功名唯有鬢飄蕭勤如韓子初無補晚似馮
公豈見招五十三年等閑裏一窓風葉雨瀟瀟

晨起

壬寅正月九日

燈火青熒語夜闌柴荆寂寞掩春寒歡悵已向杯
中減老態何堪鏡裏看多病所須唯藥物一錢不

直是儒冠掣鯨莫倚平生手只有東溪把釣竿
經營神山
別業故云

送周帥夢卿之閩中二首

狼藉麻衣見酒痕憶君醉別柳邊村離愁擾擾理
還亂來事悠悠誰與論瘴海漸添春浪闊冰崖唯
覺暮烟屯人間底似三峯好箭筈通天有一門

風華漠漠水迢迢長記金鞍入灞橋鬚鬢而今滿
霜雪羽毛此日是雲霄火餘西谷青猶峙春動長
陵紫未消射虎南山付公等可能仙掌不相招

感事

舐痔歸來位望尊駸駸雷李入平吞飢蛇不計撐
腸裂老虎爭教有齒存神理定須償宿業債家猶
足褫驚魂且看含血曾誰嘆徕甯關頭是鬼門

十月二十日雪中過石嶺閑

老天點慘入平蕪朔吹崩奔萬竅呼雪意旋粧行
路景詩家新有入關圖地爐圍坐慚田父絮帽衝
寒怨僕夫故國煙花重迴首蜀橙山窮記金壺

將上書莘國幕府感懷呈賈明府

兵家世不乏小杜風鑒今誰如老龐自許奇謀傾
幕府不防幽夢落蓬窓驚鳥繞月枝難穩羸驥嘶

風氣未降愛惜平生請纓手一策休憶弄秋江

春寒

草木荒城屋數椽春寒閭巷益蕭然
僮奴樵爨頭如葆推女跳梁屐又穿
白石鯉魚空尺半朱門食客自三千
松枝麈尾山中滿去去南華有內篇

即事

商帥園器
允從平

逋客而今不屬官住山盟在未應寒書生本自無
燕頤造物何嘗戲鼠肝會最指天容我懶鳴夷盛
酒盡君歡到家慈母應相問為說將軍禮數寬

示懷祖

憔悴經年卧澗阿囊中無物只詩多自驚白鬢先
潘岳人笑藍衫似采和狗盜鷄鳴皆有用鶴長鳬
短果如何乘閒便作歸田賦付與牛童扣角歌

示崔雷詩杜諸人

一寸名場心已灰十年長路夢初回江山似許供
詩筆糜粥猶能到酒杯賣劍買牛真得計腰金騎
鶴恐非才游從肯結鷄豚杜便約歲時相徃來

弘州贈曹文子玉

丘園舊憶詢幽及裘褐今聞識姓名故國衣冠有
遺老歲寒松栢見交情寄書千里空頭白極手一

五俱眼明來往裏陰從此始剩將歌笑慰生平

和仁卿演太白詩意二首

蕭蕭窓竹動秋聲紫極深居稱野情靜坐且留觀
衆妙還丹無用說長生風流五鳳樓前客寂寞千
秋身後名解道田家酒應熟詩中只合愛淵明

蕭蕭窓竹動秋聲簷間白雲澹以成白雲朝飛本
無意白雲暮歸如有情淵明太白醉復醉季主唐
生鳴自鳴四十九年堪一笑昨非今是可憐生

燕府白兔

仙頰迷離望莫攀爭教失脚下高寒
吸殘灝露瑤

窓曉搗畫玄霜玉杵閑顧影乍疑雲外見寫生何
似鏡中看楊柳擾擾皆三窟幾在祥經咳唾間

梁都運亂後得故家所藏無盡藏詩卷
見約題詩同諸公賦

飛亭四望水雲寬亭上高人杳莫攀已就湖山攢
奇秀更教鄉社得安閑風流豈落正始後詩卷常
留天地間勝賞休言隔今昔肩吾新自會稽還

出都二首

漢宮曾動伯鸞歌事去英雄不奈何但見祿稜上
金爵豈知荊棘卧銅駝神仙不到秋風客富貴空

悲春夢婆行過蘆溝重迴首鳳城平日五雲多

歷歷興亡敗局茶登臨疑夢復疑非斷霞落日天
無盡老樹遺臺秋更悲滄海忽驚龍穴露竇寒猶
想鳳笙歸從教盡刻瓊華了留在西山儘淚垂

宮有瓊華山絕頂度寒
殿近烏黃冠章所據

癸卯望宿中霍道院

壺嶽沉沉轉素蟾長松栩栩擁高簷湖山已爲新
晴好風露還疑此夜添身外作緣良自苦世間除
睡更無甜溪堂借宿從今始便約兒童具米鹽

甲辰三月旦日以後雜詩三首

應接紛紛又決句枉教虛負杏園春尋芳自分無
開日載酒寧知有故人花柳得時俱作態川原經
雨更無塵憑君莫惜尊前醉看即青梅入座新
減嫩猩紅開曉晴攢頭真似與春爭舒開楊柳聊
相映瘦殺寒梅枉自清粉艷依回工作態絳唇寂
寞獨含情盡圖只愛殘粧好未信徐郎解寫生
霧霧輕塵細洒勻綠雲紅雪一番新風光爛熳供
歡席酒味清醇似主人落落湖山如有喜欣欣魚
鳥亦相親新詩寫入奚奴錦從此他鄉不算春

紫牡丹三首

金粉輕粘蝶翅勻丹砂濃抹鶴翎新儘饒姚魏知
名早未放黃徐下筆親映日定應珠有淚凌波長
恐穠生塵如何借得司花手偏與人間作好春
夢裏華胥失玉京小闌春事自昇平只緣造物偏
留意須信九花浪得名蜀錦浪淘添色重御爐風
細覺香清金刀一剪腸堪斷綠鬢劉郎半白生
天上真妃玉鏡臺醉中遺下紫霞盃已從香國偏
薰染更惜花神巧剪裁微度麝薰時約略驚移鬢
影却低回洗粧正要春風句寄謝詩人莫漫來

與同年敬鼎臣宿順天天寧僧舍

蕭蕭風雨打僧窓耿耿青燈對客床每恨相望隔
閑塞豈知連日醉壺觴蒹葭味薄堪長久茅屋寒
多且閉藏三十餘年老兄弟此回情話獨難忘

贈荅樂大舜客

中末到
留字

舟車何地得通津書疏相忘意更親但愛栢臺推
峭直豈知梅賦更清新兩都秋色皆喬木耆舊風
流有幾人詩酒陪從約他日鷄川已許濯纓塵

都運李文哀挽

有之

平日剛稜觸禍機老年天遣故鄉歸登車攬轡名
空在濯足臨流事已非白鶴會須尋舊約青蠅猶

解避餘威

李文段於壬寅夏太月
吳會滿堂三日地不近

西州正有花千樹淚

盡羊曇醉後衣

贈荅郝經伯常伯常之大父予少日從

之學科舉

故家珠玉自成淵重覺英靈賦予偏
文陣自憐吾已老名場誰與子爭先
撐腸正有五千卷下筆須論二百年
莫把青春等閑了蔡邕書籍待渠傳

呂國材家醉飲

世事悠悠殊未涯七年回首一長嗟
虛傳庾信凌雲筆無復張騫犯斗槎
去國衣冠有今日春風桃李

李是誰家螺髻剝有如川酒釐為紅塵拂鬢華

洛陽

千年何岳控喉襟一日神州見陸沉已為撫琴感
衰涕更須同草夢秋衾城頭大匠論蒸土地底中
郎待摸金擬就天公問翻復蒿萊丹碧果何心

過三鄉望女几邨追懷溪南詩老辛敬
之二首

雲際虛瞻處士星紫頭多負讀書螢筆端有口傳
三篋石上無禾養百齡從昔葛陂終變滅祗今韓
嶽謾英靈因君重為前朝惜枉破青衫買一經

凡

山人
之雜錄

萬山青繞一川斜，好句真堪字字誇。
棄擲泥塗豈天意，折除時命是才華。
百錢卜肆成都市，萬古詩壇子美家。
欲就溪南問遺事，不禁衰涕落烟霞。

為鄧人作詩

再見州人本不期，相留相挽恐相違。
携盤渭水堪流涕，種柳金陵已合圍。
事去恍疑春夢過，眼明還作故鄉歸。
題詩未要題名字，今是中原一布衣。

贈張主簿偉

江岸墳荒草棘秋，朱陽南下重君憂。
弓刀近塞人

烟少林壑經霜虎迹稠
究竟畏途知有漸
激昂高義報無由
從今弟妹通家了
莫向瓜田認故侯
戒爲

究竟伴能
過險惡道

望廬氏西南熊耳嶺

不到中鄉十五年
忽驚行色是廬川
已占介福歸

王母未信羈魂似粵阡

柳

時為顧存慙吏報

先夫人墓亂後

故吏車歲
時致祭

偶成期會殆天憐

馬苑二師遠在千里外
子往廬氏曾得會面

荒林

破屋江聲裏坐想孤城一泫然

寄劉繼先

清霜茅屋耿無眠
坐憶分携一慨然
楚客登臨動

歸興謝公哀樂感中年
淩涼古驛人煙外
迤邐荒山雪意邊
千樹春風水楊柳待君同繫晉溪船

寄楊弟正卿

馬迹車塵漫白頭
蒼生初不持君憂
且從少傅論中隱
儘要元規擁上流
東閣官梅動詩興
洞庭春色入新筩
歸程未覺西菴遠
夜夜清伊繞石樓

正卿

西菴以名酒甲落中嘗賦觀濤詩有枉瀾竟逐西風落後舊清溪繞石樓之句故兼及之

為鮮于彥魯賦十月菊

正卿

清霜淅淅散銀沙
驚見芳叢閱歲華
借煖定誰留翠被
鍊顏應自有丹砂
秋香舊入騷人賦
晚節今

傳好事家不是西風苦留客衰遲久已避梅花

贈荅同年敬鼎臣

四海屏山放一頭爭教塵土走東州長身奉米侏
儒飽束髮從軍去尉侯千首新詩工作祟百壺清
酒未消憂悠悠世事今如此付與烟波著釣舟

寄英上人

世事都銷酒半醺已將度外置紛紜乍賢乍佞誰
爲我同病同憂只有君白首供傷千里別青山真
得幾時分相思後夜并州月却爲湯休賦碧雲

寄荅仰山謙長老

孫性相隱

木菴推出謙書記乞與雲林百自由想得驅驢入
招隱勝於騎鶴上楊州衆租皆喜芋初熟一鳥不
鳴山更幽日暮王城市聲合松風亭上莫迴頭

九日登平定湯雲樓故基樓即閑閑公
所建

詩翁曾此宴重陽老樹遺臺認醉鄉流水浮生幾
今昔高秋雲物自淩涼飛來野鶴聊堪喜望隔長
鯨又可傷賴是風流未全減白頭門客有王揚

王時

無谷楊子昭在坐
公在郡時學生也

平定鵲山神應王廟

古柳輪囷欲十圍，鵲山祠廟此遺基。
萬金良藥移造化，老眼天公誰耦時。
已爲養生誣單豹，不應遭網廢元龜。
半生磊砢沈仍在，擬問靈君乞上池。

寄荅商孟卿

竊渺朱絃寂寞心，得詩何啻得南金。
冷猿挂夢山月暝，老鴈叫群江渚深。
異縣五年仍隔濶，荒城連日想登臨。
書來且只平安了，撥觸離愁恐不禁。

荅石子章因送其行

石梁詩好先知名，尊酒相逢意自傾。
寶劍沈埋惜元振，鐵檠豪宕見胡鉦。
藍田月出多重暈，豐嶺霜

餘即大鳴後日天山望征騎燕鴻歸處是雲程

留別仲經

來時兒女拜燈前此日臺觴是別筵聚散共知陰
有數笑談爭遣病相先秋風古道將誰語殘月長
庚更可憐鷄柵魚梁一村落若為還似浙江邊

仲經
方病

中說有
上句

別周卿弟

晚歲論詩辱見收相從許久重相留苦心亦有孟
東野真賞誰如高蜀州萬疊寒雲度歸鴈孤洲春
水澹沙鷗荒城後日思君處風色蕭蕭人白頭

寄叔能兄

星斗龍門姓字新，豈知書劍老風塵。
郎君未省曾開閣，王翰何緣得買隣。
銀燭對談辭館夜，雪梅同醉浙江春。
祇應千里東州月，處處相逢即故人。

賀威卿徐弟得雄

利市金錢四座俱，阿卿新喜到充闈。
跨牛楊朴空顛酒，秣驥王良已間途。
桂出孫枝知秀發，鳳離丹嶠亦舒徐。
明年別作飛黃句，來賀君家第二雛。

遺山先生文集卷第九

遺山先生文集卷第十

七言律詩

追錄洛中舊作

樂府新聲綠綺裘
梁州舊曲錦纏頭
酒兵易壓愁城破
花影長隨日脚流
萬里青雲休自負
一莖白髮儘堪羞
人間只怨天公了
未便天公得自由

東園晚眺

東平

霜鬢蕭蕭試鐻看
怪來歌酒百無歡
舊家人物今誰在
清鏡功名幾又殘
楊柳撓春出新意
小梅留雪弄餘寒
一詩不盡登臨興
落日東園獨倚欄

十一月五日暨往西張

城隈細路入沙汀絮帽衝風日再經
歎歲村墟更荒惡窮冬人影亦伶俜
林煙漠漠鴉邊暗山骨稜稜雪外青
四十年來此寒苦凍吟猶記隴閑亭

石嶺閑書所見

軋軋旃車轉石槽故閑猶復戍弓刀
連營突騎紅塵暗微服行人細路高
已化蟲沙休自歎厭逢豹虎欲安逃
青雲玉立三千丈元只東山意氣豪

陀羅峯二首

念念靈峯四十年一來真欲斷凡緣
鑿開混沌露

元氣散布梵羅彌梵天雲卧無時不閑在樓居何處得超然殊祥莫訖清凉傳會與茲山續後篇

每恨奇探負盛年松崖今喜入攀緣初驚靈鷲多飛石更信金牛有漏天鄉國登臨乃如此名揚馳逐亦徒然留詩便與香泉約起本西游第一篇

平陽僧
慧太泉

追懷曹徵君

生死論交不易忘一回言別淚千行空勞結伴歸蓮社無復題詩寄草堂楚國先賢宜有傳粵阡羈鬼謾思鄉因君錯怨天公了且道今誰晚節昌

春日書懷呈劉濟川

鄉社荒殘住不成，無端蓬蓽掩柴荆。
流年又見東風菜，樂土空懷北斗城。
父老只供留我醉，兒童也喜從君行。
周侯見說應相笑，共隱三泉先有盟。

東風

菜見本草部

晉溪

石磴雲松着色屏，岸花汀草展江亭。
青瑤疊甃通懸甕，白玉雙龍掣迅霆。
地脉何嘗問，今昔尾問真鮮泄。
滄溟乾坤一雨兵，塵了好就川妃問。
乞靈

弔岳家千里駒

蜀客淒涼土一立身後還有化身愁靈椿丹桂偶
相值蕙草清霜寧久留掌中玉雪恩憐在筆底雲
烟取次休過眼空華只如此不如無子却無憂

七月十二日行狼牙嶺

狼牙路滑馬伶俜老鶴超超欲上征一曲松風寫
幽致九秋雲物愴離情天開員嶠方壺境澗落銀
河月窟聲觀面青山入渠手定誰胸次玉崢嶸

十三日度岳嶺

神岳規模亦壯哉上階絕境重裴回丹青萬木秋
風老金翠千峯落照開川路漸分猶暗澹湍聲已

遠更淒哀石門剩北靈丘遠正坐登臨欠一來

玉泉二首

神岳提封入寺基上公官秩見僧碑雲藏佛屋晴
猶暗樹近禪窓老更奇竹杖只供行險易藥床偏
與望川宜同時不及髯中令猶得泉名北鳳池
玉水泓澄古殿隅又新名第不閑渠每因天日流
金際更憶風雷裂石初百里官壺分韻勝千人齋
粥薦甘餘八功德具休誇好玩景臺荒有破除

寺東北有玩景臺深得神川之勝
導者誤引之龍山一失故有二句

玄都觀桃花

前度劉郎復阮郎玄都觀裏醉紅芳非開小雨能
留客自是桃花要洗粧人世難逢開口笑老夫聊
發少年狂一盃盡吸東風了明日新詩滿晉陽

贈張致遠

茅屋蕭蕭潁水濱兩山相望即比隣禪房道院留
連夜酒榼詩囊浩蕩春老鶴千年見城郭徵君晚
節旁風塵相逢不盡平生意蒼蒼風流有幾人

夜宿秋香亭有懷本菴英上人

兄弟論文四十年相從旬日却無緣去程冰雪詩
仍在晚節風塵私自憐蓮社舊客元亮酒藤溪多

負子猷紅第齋一夕愁多少窓竹蕭蕭耿不眠

汴梁除夜追錄

六街歌鼓待晨鍾四壁寒齋只病翁
鬢雪得年應更白燈花何喜也能紅
養生有論人空老祖道無詩鬼亦窮

上声

日西園看車馬一番桃李又春風

與馮呂欽秋香亭

三子皆吾友之純庵生

麗眉書客感秋蓬更在京塵頌洞中
莫對青山談世事且將遠目送歸鴻
龍江文采今誰似純庵鳳翼

永平地名

年光夢已空剩看新詩記今夕尊前四客一

衰翁

袁武子告

生氣曾思作九原迷塗爭得背南轅梁鴻故事要
離墓衛國孤兒祇樹園子全舊說布衣甘絕脰今傳
史筆記歸元知君祿仕無心在旌孝終當到李源

贈李春卿

寶十郎家指顧間因君我亦愛西山丹房藥鏡平
生了禪榻茶煙歲月閑春甕有情供白墮秋風無
力損紅顏重來已有明年約刺破都城幾往還

甲辰秋留別丹陽

踈踈衰柳映金溝祖道都門復此留千里關河動

歸興九秋雲物發詩愁嚴城鍾鼓月清曉老馬風沙人白頭後夜相思渺何許西山西畔是并州

龍興寺閣

全趙堂堂入望寬九層飛觀儘高寒空聞赤幟疑軍壘真見金人泣露禁桑海幾經塵劫壞江山獨恨酒腸乾詩家揔道登臨好試就遺臺老樹看

別綿文兄

玉壘浮雲變古今燕城名酒足浮沉眼中誰復承平舊言外驚聞正始音異縣他鄉千里夢連枝同氣百年心行期幾日休相問觸撥羈愁恐不禁

寄據端甫北上

馬頭風雪遠相迎，
颯沓弓刀四十程。
自是青雲動高興，
未甘白髮老諸生。
書來沙漠燈花喜，
夢到秦川煙樹平。
長句送君還自媿，
半山已有鴈飛行。

答定齋李兄

小山藂桂姓名香，
舉世何人得厲行。
滄海揚塵幾今昔，
長庚配月獨淒涼。
虛勞裴相求白傳，
正倚源明識漫郎。
十載相從未言晚，
城南泉石有雲厓。

空山何巨川虛白菴二首

舊向韋編悟括囊，
肯随文本被青黃。
吉祥止處無

餘物知見薰來有底香空谷自能生地籟浮雲爭
得翳天光只愁八月風濤壯夢裏江聲撼客床何人
露菊霜葉薦枕囊石泉崖蜜破松黃只綠山遠無
來客更覺心清聞妙香碁局儘堪消日畧吟毫真
合染溪光剝談不盡江湖景重與青燈約對床

聽姨女喬夫人鼓風入松

白雪朱絃一再行春風纖指十三星雲窓霧閣有
今夕寶靨羅裙無此聲蕭洒寒松度虛籟悠颺飛
絮攬青冥胎僊不比湘靈瑟五字錢郎莫漫驚

哭樊帥

自倚沉寃有舌存，爭教無路叩天閭。
裝囊已竭千金賜，絕幕誰招萬里魂。
東道漫悲梁苑客，南園多負壽張孫。
春風花落歌聲在，夢裏能來共酒尊。

寒食

主于清
明後作

上苑春風盛物華，天津雲錦赤城霞。
輕舟矮馬追隨遠，翠幙青旗笑語譁。
化國樓臺馮瀛海，吳兒洲渚記仙家。
山齋此日腸堪斷，寂寞銅鉶對杏花。

送樊順之

弓刀十驛岳蓮州，渭水秦山得意秋。
王粲從軍正年少，庾郎入幕更風流。
寒鄉况味真鷄肋，清鏡功

名屬虎頭寄謝溪風亭上月老夫乘興欲西游

蜀昭烈廟

合散扶傷老益堅荒祠重過爲悽然君臣洒落知
無恨庸蜀崎嶇亦可憐一縣山陽禋故事三年章
武魏長編錦宮羽葆今何處半夜樓桑叫杜鵑

宿翠屏口

鬢鬢蒼白葛衣寬事外閑身也屬官授簡如聞數
枚叔乘車初不少馮驩沙城雨蜀名空在石峽風
來夏亦寒兩飽三飢已旬日虛勞兒女勸加餐

王敦夫祥止庵

三樂人推二樂全有親可事子能傳舊時詩禮聞
家學此日丹砂見地僊蕩蕩天光虛室外融融和
氣彩衣前情知不羨燕山桂一樹靈椿歲八千

過寂通庵別陳丈

甲辰秋

陳丈未識某而愛其詩曾對高御史士
美言我他日見道山當快飲百醉後見
之而公已病乃相約易百醉爲百杯每
見以酒籌計之至七八十杯後有此別
故詩中及之

心遠由來地自偏不離城市得林泉從教上界多

官府且放閒身作地仙三月有期何敢負百杯未
滿會須填遠離更覺從公晚却望都門一慨然

梁移忠詩卷

一箭功成塞上歸
迺翁垂白藉扶持
燕雲義俠風流遠
里社陰功父老知
龍種作駒元自異
虎頭食肉未應遲
高門更與增華表
丁令還家先有期

時

運丈已下世
故詩中及之

喬千戶挽詩

高塚驚看石表新
空將事業望麒麟
燕遼都曲千夫長
楚漢風雲百戰身
赤羽有神留絕藝
素旗無

誅記連姻陰功未報天心在累將重侯又幾人

諸安仁楊

使君誅有表之素懷之句喬與子皆毛氏之婿

贈王仙翁道成

覽照休驚白髮新
弈棋翻覆見來頻
燕南趙北留詩卷
王後盧前盡故人
平地青雲一煖藥
蒲都喬木百年身
憑君剩醉浮香酒

名籍

梁苑而今不第春

常仲明教授挽辭

雲際虛瞻處士星
豈知談笑已忘形
鎮州肥膩無毫髮
晉堽真淳有典刑
白帽枉教淹晚節
綠囊元擬濟含靈
汝南後日先賢傳
猶欠知幾爲勒銘

常代州傳

願人客卿職與和義游
從如雲臨終殊明了

追錄舊詩二首

短褐單衣長路塵十年回首一吟呻
孤居無着竟安往宿債未償今更新
相馬自甘齊客瘦食鮭誰

顧庾郎貧聞君話我才名在不道儒冠已悞身

自用疏
荅聖託

潦倒聊爲隴畝民一犁分得雨聲春
功名何物堪人老天地無心誰我貧
穎上雲烟隨處好洛陽桃

李幾番新悠悠世事休相問
年麥今年晚得辛

用舊
韻

丁未寒食歸自三泉

春山晴煖紫生煙山下分流百汨泉
未放小桃裝

野景已看茅屋映秋千
飢鳥得食爭相喚
醉叟行歌只自顛
寒食明年定何許
故人尊酒且留連

即事呈邦瑞

鄭莊父子重相留
似爲良辰散客愁
陋巷新成一茅屋
今年連醉兩中秋
開尊便覺賢人近
汗足寧論力士羞
明日燕臺傳盛事
坐中賓客盡名流

和白樞判李定齋有詩寄白以因風何
惜數行書爲落句
白酬荅云欲搜春草
池塘句藥裹閑心夢不成
余平解之

金粟崗頭有髮僧
遙知默坐對龕燈
書郵但覺浮

兄久詩卷何緣唱和曾白日放歌須縱酒清朝有
味是無能相逢定有池塘句藥裏關心恐未應

慶高評事八十之壽

圖畫克民大朴存衣冠薰得見高門種松千歲如
種德教子一經今教孫化日舒長留暮景秋風搖
落變春溫聘君羔鴈休疑晚正及新年薦壽尊

超然王翁哀挽

直擬期頤薦壽尊却從圖畫記生存百年喬木衣
冠古一夕西庵笑語溫故事未霑通德里素風多
負讀書孫吳陳諸老今誰在滅沒歸鴻是薊門

大名贈荅張簡之

營平豪名變溫文所見今知勝所聞只道生涯無
長物爭教詩墨策奇勲伐薪未敢頌名士載酒能
來過子雲後日山陽養衰疾藥籠僊品正須君

燕都送馬郎中北上

功曹此日漢蕭何家世當年老伏波但愛紅蓮映
芳渚豈知寒谷變陽和珠囊不載模糊錦銀管先
書茂異科太史占天應有喜一星朝處五雲多

馬雲漢方鏡背有飛魚

劫火依然百鍊初護持元自有神魚影寒似覺雲

屏透光落應分玉斗餘開朗休嫌露圭角圓通寧
復滯方隅衣冠正了澤閑在一片靈臺欲付渠

贈荅鴈門劉仲脩

仲脩省郎來傳過新興有詩見及推激
過稱甚非褻謬所宜得者媿汗之餘輒
用韻爲謝仲脩詩律深密得於尊公鳳
山老人過庭之訓且其類壯絕類吾友
李從事長源故篇中有及

車騎雍容一坐傾并州人物未凋零共知祭酒傳
家學

劉仲脩詩
以祭酒

獨愛中郎餘典刑東壁圖書欣有託南

溪風浪駭初經少微見比吾何敢洗眼僊槎候客
星

餘慶堂

五年霜戟照康莊萬里春風擁畫梁已覺并汾增
勝氣更從玉帛借餘光靈椿丹桂知難老玉節金
符豈易量剩着殘毫投辭客南堂兼是棣華堂

寄答劉生

西州消息到東山懷袖新詩百過看白壁明珠驚
照座朔雲寒雪入憑欄省郎共結交情厚野老還
欣禮數寬後日秋風一尊酒草堂應得駐金鞍

別董德卿

爛醉秋風四十場此回歌笑重難忘楊旌詞賦金
誰識陶令田園先已荒同甲弟兄雖異姓宦游州
郡即吾鄉懸知後日登高地判爲行人望太行

送端甫西行

瀛洲人物早知名車騎雍容一座傾美酒清歌良
有味綠波春草若爲情渭城朝雨三年別平地青
雲萬里程老我秦游舊魯約夢中僊掌已相迎

讀李狀元朝宗禪林記

李守濟州城破不屈節死贈鄉郡刺史
偶向禪林見舊文濟陽南望爲沾巾張巡許遠古

亦少烈日秋霜今更新十字豐碑誰國手百城降
虜盡王臣知君不做科名重元是中朝第一人

同嚴公子大用東園賞梅

東園官梅要洗粧青雲公子不相忘翰林風月三
千首樂府金釵十二行佳節屢從愁裏過老夫聊
發少年狂花行更比柳行好誰道并州是故鄉

中庸先生出示

先大夫教子詩及裴內翰擇之所述家
傳愛仰不足情見于辭

嚴訓常如天日照名家元自古今同只知楊秉餘

清節爭信熟玄有素風

獨行傳
第一人

通德里門傳故事安

平韻語到兒童青青留在懷賢樹愛殺曹南一畝

宮

賀中庸老再被

思綸

萬古千秋麗澤堂紫沈思詔姓名香治朝例有高
年敬神理終歸晚節昌東魯儒生傳舊學曹南方
志發幽光李春羔鴈秋風酒准擬年年薦壽觴

趙汲古南園

分得
平聲

林園近與六街隣塵漲都歸一水分魚樂定從濠
上得竹香偏向雨中聞接籬倒着容山簡老屋高

眠稱陸雲尊酒相陪有今日却慙詩壘不能軍

柳亭雨夕與高御史夜話

閑塞無緣笑語同偶然情話此從容青天蜀道不
得過山色歸心空自濃九日茱萸藍澗酒十年朝
馬景陽鍾三間老屋知何處惆悵雲間陸士龍

自藍田令入拜監察御史北渡後蘇
還保塞而困於無資者二十年矣

王峯魏文哀挽

風馭翩翩渺獨征幾人終始復哀榮祇緣大事存
遺藁重爲斯文惜主盟北斗太山初未減秋霜烈
日凜如生莫疑知己無從報直筆君看我進明

清明日改葬阿辛

掌上青紅記點粧今朝哀感重難忘金環去作誰
家夢綵勝空期某氏郎一瞥風花終過眼百年冰
藥若爲腸孟郊老作枯柴立可待吟詩哭杏殤

寄謝常君卿

百過新篇卷又披得君重恨十年遲文除嶺外初
無例詩學江西又一奇楊柳不隨春事老貞松唯
有歲寒知仙鄉白鳳瀛洲近洗眼雲霄看後期

送武誠之往漢陵

太原潘政瑞甫之
父此時爲貴妃

行李中春發晉溪離筵辭客賦新題青雲有路人

看老秋水無言物自齊
杜曲舊遊頻入夢
兵厨佳釀惜分携
因君爲向蓮峯道
不待移文我亦西

送劉子東遊

劉郎世舊出雄邊
生長幽并氣質全
陣馬風檣見豪舉
雪車冰柱得真傳
書空咄咄知誰解
擊缶嗚鳴頗自憐
後日東州飽歸載
且休多送酒家錢

甲寅九日同臨漳提領王明之鹿泉令
張奉先賈千戶令春李進之冀衡甫遊
龍泉寺僧願求詩二首

遠水寒煙接戍樓
黃花白酒浣羈愁
霜林染出雲

錦爛春色併歸風，露秋鄉社歲時容。客醉石牆名
姓爲僧留，登高舊說龍山好。從此龍泉是勝遊，
柿葉殷紅松葉青。黃花霜後獨鮮明，西風浩浩欲
吹帽。石溜泠泠堪濯纓，皇統貞元見題字。良辰美
景記升平，何人解得登臨意。城沒跡，雲鴈一聲

十日作

關樹蕭條返照明，并陘西北算歸程。青黃大似溝
中斷，文字空傳海內名。平地煙霄還如許，秋風茅
屋可憐生。重陽擬作登高賦，一片傷心畫不成。

贈答普安師

入座臺山景趣新
因君鄉國重情親
金芝三秀詩壇瑞
寶樹千花佛界春
聞道舊傳言外意
忘年今得眼中人
種蓮結社風流在
會向藍輿認後身

孝純究丘遷奉

張弟新舉弟二離間其玉雪可為因以字之

鬢毛衰颯面塵埃
孝子牽車古所哀
千里長河限南北
一丘寒土見蒿萊
遼東華表何人在
柳氏玄堂此日開
十月知君有新喜
小雛先與喚迎來

曹壽之平水之行

閑塞相望首重搔
相逢衰颯嘆顛毛
驪珠可忍輕彈雀
牂餌何緣得釣鰲
從昔丘園昌晚節
向來山

岳摠秋毫西風先有龍門約共舉一杯持兩鰲

追懷趙介叔

今古人門各一時燕南刺有桂林枝清風明月懷
玄度綠水紅蓮見杲之善政傳歸遺愛頌陰功留
在稱家兒哀歌不盡平生意空想翛然瘦鶴姿

追懷茂生石裕卿

人物休評第幾流依然豪俠數并州壯懷歌闕尊
爲破連句才多筆不休金馬只教聊避世玉犀誰
遣失封侯酒酣握手今無復惆悵西園是舊游

執鴈門劉克明

詩骨嶠然野鶴孤
兩年清坐記圓爐
金初宋李聞
遺事第靡波派見古儒已分幽人嗟古栢爭教孺
子莫生芻鳳山後日先賢傳再有劉宗祭酒無

贈答平陽仇舜臣

兩辱携詩過草堂
曹君師席有輝光
飛騰自是功名具
潦倒何堪翰墨場
滄海驪珠能幾見
鄴城龍劍不終藏
太行殘雪春風近
且趁梅花薦壽觴

詩益夫
門生也

賈潛東城中隱堂

智水仁山德有鄰
柳塘花塢靜無塵
家僮解誦閑

居賦田父事持社饗春安吉
總輪中隱士典刑真
見老成人明年恰入非熊運
共看青蒲最畫輪

約嚴侯汎舟

風物當年小洞庭西湖此日展
江亭詩貪勝絮題
難徧酒怯清秋醉易醒
白鳥無心自來去紅渠照
影亦娉婷仙舟共載平生事
未分枯槎是客星

送李同年德之歸洛西二首

千佛名經有幾人
棲遲零落轉情親
永平感集今
無復哀樂中年語
最真衣上緇塵元自化
鏡中白髮爲誰新
水南水北相逢在
剝醉醺醺十日春

亡奈流光冉冉何逢君聊得慰蹉跎飛黃老去空
奇骨拙燕歸來只舊窠舉世盡從愁裏過一尊獨
愛醉時歌洛中定有人相問休道今年白髮多

贈蕭漢傑

蕭漢傑大興人金國初嘗賜姓奧里氏

故時人又謂之奧里漢傑父覺居之飛

龍勝登科同知青州軍州事致仕有子

六人皆使官學獨漢傑不樂去聲遂作舉

子爲人慷慨有志膽好讀書古兵法及

陰陽孤虛祿命之術從軍一十年積官

從三品領虢州倅關陝總帥府提控佩
金符蓋自蕪城圖解之後關間南渡出
入行陣間瀕於死者屢矣鐵嶺之潰後
入陝州陝州亂群不逞輩繫漢傑獄中
漢傑乘昏暮破械而出懼爲追者及駕
浮臺亂黃流筋疲力涸僅達北岸爲失
侯故將者又二十年流離頓踣人所不
能而意氣都不少衰以人情觀之豈碌
碌者所可辨耶壬子冬與子相值於東
原問其世知其爲故人大鈞之同母也

問其日事則曰止以唐生李主之業游
時貴間耳因輿論余之行年而有契於
余心者私竊慨嘆以爲倚伏叵測哀與
樂相尋生也有涯而跼於憂畏浩浩乎
如乘舟而遇風波非知其亡可奈何而
安之其可以收利涉之功乎漢傑爲有
得矣其別也因爲長句以贈

射虎將軍右北平短衣憔悴宿長亭雷轟寶劍無
留迹火借青囊爲乞靈四壁不知貧作崇一瓢誰
識醉中醒相逢莫話精機石自省枯槎是客星

送曹幹臣

和林音驛日懷思
燕市歌徵有此時
老我真成鐵
爐步感君時送草堂
黃黃楊舊厄三年閏
赤驥非
無萬里姿平地煙霄付公等
不妨閑和鳳池詩

國醫王澤民詩卷

萬古君家父事兄
豈知褻俗有王卿
一篇華袞中
書筆滿紙清風月
旦評鴻鴈自分先後
序鶴鵠燕
有急難情闔門
雍睦君須記
方伎成名恐未平

祖唐臣毋挽章

白髮承平一夢過
怡然冠帔見慈和
肩輿燕喜今

無復手綫留殘恨更多含肉已甘非顏谷學仙何
敢望西河升堂結交平生事重爲王君廢蓼莪

丙辰九月二十六日挈家游龍泉

風色澄鮮稱野情居僧聞客喜相迎藤垂石磴雲
添潤泉漱山根玉有聲庭樹老於臨濟寺霜林渾
是漢家管明年此日知何處莫惜題詩記姓名

感寓

南楊北李關中老樂丈張兄病且貧叔夜呂安誰
命駕牧童田父實爲隣功名富貴知何物風雨塵
埃惜此身歌酒逢場整陶寫不應嫌我醉時真

李仁

御楊正卿集
與張緒文

存歿

梓老敬之
劉元景玄

行間楊趙提衡早老去辛剗入夢頻披上酒杯聊
自慰袖中詩卷欲誰親兩都秋色皆喬木一代名
家不數人汲冢遺編要完補可能虛負百年身

人日有懷愚齋張兄緯文

書來聊得慰懷思清鏡平明見白髭明月高樓燕
市酒梅花人日草堂詩風光沅轉何多態兒女青
紅又一時澗底孤松二千尺殷勤留看歲寒枝

趙元德御史兄七秩之壽


富貴浮雲世態新，典刑依舊老成人。
松身鶴骨詩千丈，玉澗冰清德有隣。
已卜新居近泉石，不應晚節傍風塵。
平頭七十從頭數，才是梅溪第一春。

張村杏花

丁巳二月初二日

昨日櫻唇絳蠟痕，今朝紅袖已迎門。
只應芳樹知人意，留著殘粧伴酒樽。
濃李尚須羞粉艷，寒梅空自怨黃昏。
詩家元白無今古，從此張村即趙村。

遺山先生文集卷第十



遺山先生文集卷第十一

五言絕句

洛陽高少府瀍陽後庵五首

溪上弄明月風露發新警
心空無一塵萬竹掃秋影
一水隨人意蔬畦復芋溝
風波河洛近莫放出山流
韭早春先綠松肥秋未黃
殷勤逸畦水終日爲君忙
地僻境逾靜林疎秋已分
清溪一片月脩竹四山雲
方外人長樂山中物自幽
百年梅福隱萬古謫仙游

內鄉襍詩

天吠桃源近鶯聲柳巷深
蒼苔留醉卧青竹伴幽尋

薛明府去思口號七首

能吏尋常見公廡第一難只從明府到人信有清官
畫諾由官長昂頭顧吏煩只從明府到判筆不傳神
麋鹿山中盡公厨破幾錢只從明府到獵戶得安眠
木索人何罪纍纍滿獄中只從明府到牢戶二年空
驛舍無歌酒清談了送迎即看明府去盡鼓有新聲
舊日逃亡屋鏃色色新即看明府去還作賣牛人
疾惡看平日天然御史材豪姦休鼓舞駭馬即西來

山居雜詩六首

瘦竹藤斜挂幽花草亂生林高風有態苔滑水無聲

石潤雲先動，橋平水漸過。
野陰添晚重，山意向秋多。
樹合秋聲滿，村荒暮景閑。
虹收仍白雨，雲動忽青山。
川迥楓林散，山深竹港幽。
疎煙沉去鳥，落日送歸牛。
漲落沙痕出，堤摧岸口斜。
斷橋堆聚沫，高樹間浮樓。
鷺影兼秋靜，蟬聲帶晚涼。
陂長留積水，川闊盡斜陽。

梁父吟扇頭

孔明箕踞坐大石上望月作梁父吟

梁碣萬古心，塊石入危坐。
青天一明月，孤唱誰與和。
南樓月夕望鳳山，有懷武鍊師子和。

相望不相見，山中君得知。
南樓今夜月，也到洗心池。
辛亥寒食

寒食年年好今年迥不同秋千與花影併在月明中

山中晚春

雲光金碧聚林煙綵翠新山花發較晚今年兩見春

得緯文兄書

鵲語喜復喜山城誰與娛青燈一盃酒千里故人書

乙巳九月二十八日作

關山小雪後絮帽北風前殘月如新月今年老去年

六言

定齋兄寫真

朱黃筆底三篋白黑眉中兩蒼盡作蕭然野服雲龍

蔽日驤驤

巨然秋山爲鄧州相公賦

筆端游戲三昧物外平生往還爲問阿師何在白雲
依舊青山

德和墨竹扇頭

靜裏離離新粉動時細細清香明月清風自在紅塵

白日何妨

離者新粉墨離
李長吉竹詩

曹得一扇頭

機中秦女仙去月底梅花晚開只見一枝疎影不知
何處香來

唐子達扇頭

溪光冷於冰山骨淨如玉白雲自老人自閑莫遣秋
風破茅屋

七言絕句

論詩三十首

丁丑作

漢語魏什父紛紜正體無人與細論誰是詩中疏
手暫教涇渭各清渾

曹劉坐嘯虎生風四海無人角兩雄可惜并州劉越
石不教橫槊建安中

鄴下風流在晉多壯懷猶見鉄壺歌風雲若恨張華

少溫李新聲奈爾何

鍾嶸評張華詩恨其
兒女情多風雲氣少

一語天然萬古新豪華落盡見真淳南窓白日羲皇

上未嘗翻明是晉人

柳惲晉之謝靈運
陶淵明唐之白居易

縱橫詩筆見高情何物能沈魂磊平老阮不狂誰會
得出門一笑大江橫

心畫心聲總失真文章仍復見爲人高情千古閑居
賦爭信安仁拜路塵

慷慨歌謠絕不傳寧廬一曲本天然中州萬古英雄

氣也到陰山敕勒川

沈宋橫馳翰墨場風流初不廢齊梁論功若准平吳

倒合着黃金鑄子昂

開靡誇多費覽觀陸文猶恨冗於潘心聲只要傳心

了布穀爛糊可是難

陸燕而潘靜
語見世說

排比鋪張特一途藩籬如此亦區區少陵自有連城

壁爭柰微之識碣砭

事見元稹
子美墓誌

眼處心生句自神暗中摸索總非真畫圖臨出秦川

景親到長安有幾人

望帝春心託杜鵑佳人錦瑟怨華年詩家總愛西崑

好獨恨無人作鄭箋

萬古文章有坦途縱橫誰似玉川盧真書不入今人

眼兒草從教鬼畫符

出處殊途聽所安山林何得賤衣冠華歆一擲金隨
重大是渠懷被眼護

筆底銀河落九天何曾顛悴飯山前世間東林西塗
手枉着書生待魯連

切切秋蟲萬古情燈前山鬼淚縱橫鑑湖春好無人
賦岸夾桃花錦浪生

切響浮聲發巧深研摩雖苦果何心浪翁水槩無宮

微自是雲山韶濩音

水槩次山事又其款乃由云停機
靜聽曲中意好是雲山韶濩音

東野窮愁死不休高天厚地一詩囚江山萬古潮陽

筆合在元龍百尺樓

萬古幽人在澗阿百年孤憤竟如何無人說與天隨

子春草輸贏校幾多

天隨子詩無多卷草在南榮會有新詩次第生推子不知名品上恐隨春草開輸贏

謝客風容映古今發源誰似柳州深朱絃一拂遺音

在却是當年寂寞心

窘步相仍死不前唱醕無復見前賢縱橫正有凌雲

筆俯仰隨人亦可憐

奇外無奇更出奇一波總動萬波隨只知詩到蘇黃

盡滄海橫流却是誰

曲學虛荒小說欺俳諧怒罵豈詩宜今人合笑古人

拙除却雅言都不知

有情芍藥含春淚無力薔薇臥晚枝拈出退之山石
句始知渠是女郎詩

亂後玄都失故基看花詩在只堪悲劉郎也是人間
客枉向春風怨兔葵

金入洪鍾不厭頻精其那計受纖塵蘇門果有忠臣
在肯放坡詩百態新

百年總覺古風迴元祐諸人次第求諱學金陵猶有
說竟將何罪廢歐梅

古雅難將子美觀精純全失義山真論詩寧下涪翁

拜未作江西社裏人

池塘春草謝家春萬古千秋五字新傳語閉門陳正
字可憐無補費精神

撼樹蚍蜉自覺狂書生技癢愛論量老來留得詩千
首却被何人校短長

文湖州草蟲爲劉使君賦

造物無心筆有神翩翩飛動百年新蟲魚瑣細君休
笑學會屠龍老却人

京都元夕

袞服華粧着處逢六街燈火鬧兒童長衫我亦何爲

者也在游人笑語中

西園

百草千花兩氣新
今朝陌上有游塵
皇州春色濃於酒
醉殺西園歌舞人

藍采和像

長板高歌本不狂
兒曹自爲百錢忙
幾時逢着藍衫老
同向春風舞一場

鴛鴦扇頭

雙宿雙飛百自由
人間無物比風流
若教解語終須問
有底愁來也白頭

杏花雜詩十三首

杏花牆外一枝橫，半面宮粧出曉晴。
看盡春風不迴首，寶兒元自太憨生。

露華浥浥泛晴光，睡足東風倚綠窓。
試遣紅粧映銀燭，湘桃爭合伴儂郎。

嬌嬌嫩嫩映酒紅，綈綈紅小不勝憐。
長年自笑情緣在，猶覺春風慰眼前。

暖日園林可散愁，每逢花處儘遲留。
青旗知是誰家酒，一片春風出樹頭。

紛紛紅紫不勝稠，爭得春光競出頭。
却是梨花高一

着隨宜梳洗儘風流

露浥清華粉自添隔溪遙見玉簾苔眼看桃李飄零
盡更揀繁枝揜帽簷

小橋南北夢幽尋殘醉膏腸不易禁一樹杏花春寂
寞惡風吹折五更心

西山漠漠有無中幾日園林幾樹紅燕子啣將春色
去錯交人恨五更風

屈指殘春有別期春風爭忍片紅飛若爲釀得千日
酒醉著東君不放歸

楚客離魂不易招野春平碧水迢迢垂楊也被多情

惱瘦損春風十萬條

小雨班班曉未勻
烟光水色盡難真
西園春物知多少
一樹垂楊惱殺人

魏紫姚黃有重名
洛陽車馬鬧清明
吹殘桃李風總定
可是東君別有情

紅粧翠蓋惜風流
春動香生不自由
莫向芸齋厭閑

冷小詩供作錦纏頭

錦纏頭三清之瑞露春動七情咀五色之靈芝香生九竅

出京

巫峽歸雲底處尋
高城渺渺暮煙沉
春風不剪垂楊
斷繫盡行人北望心

惠崇雁鴈三首

寒沙折苇靜相依故國春風早晚歸
意外羈棲誰畫得羽毛單薄稻梁微

鴈奴辛苦候寒更夢破黃蘆雪打聲
休道盡工心獨苦題詩人也白頭生

江湖牢落太愁人同是天涯萬里身
不似畫屏金孔雀離離花影淡生春

早起

北舍南鄰獨樂聲
袂衣晨起覺秋清
豆田欲熟朝朝雨
喚殺雙鳩不肯晴

書生

書生千古一藝腸蓋世功名不自償更笑登封武明
府兩盂白粥半生忙

銅雀臺瓦硯

愛惜鉛花洗又看畫欄桂樹雨聲寒千年不作鴛鴦
去喚得書生笑老瞞

步虛詞三首

瓊三首三
此時作

閨苑仙人白錦袍海山宮闕醉蟠桃三更月底鸞聲
急萬里風頭鶴背高

萬神朝罷出通明和氣歡聲滿玉京見說人間有新

異綠章封事謝升平

琪樹明霞碧落宮
歌音嫋嫋度冷風
人間聽得霓裳
慣猶恐鈞天是夢中

拙庵爲溫甫賦

毫端棘末幾人爭
愚智相懸賦分平
畢竟世間誰是
巧鬢毛愁白可憐生

風雨停舟圖

老木高風作意狂
青山和雨入微茫
畫圖喚起扁舟
夢一夜江聲撼客床

納涼張氏庄二首

小橋深竹午風便一道垂楊帶亂蟬山下行人遮日
去却從茅屋問瓜田

樹陰環合水縈回樹下行人坐綠苔絕似蓑蒙山下

路眼中唯欠繫舟嵬

蓑蒙繫舟皆鄉中山鄉人謂之繫舟嵬

送窮

日吉時良利動遷可能顏巷卜終焉主人不倦星奴
倦辛苦年年縛草鞋

楊柳

楊柳青青溝水沅鶯兒調舌弄嬌柔桃花記得題詩
客斜倚春風笑不休

梁縣道中

青山簇簇樹重重人在春雲浩蕩中也是杏花無意
況一枝臨水卧殘紅

自題寫真二首

山林日月老潛夫骨入窮泉未擬枯幽澗有冰含太
古無人和玉試洪鑪鍊鍊難沒泉

一派春煙澹不收漁家已許借扁舟山林且漫蹉跎
去莫問人間第幾流

再題

高談世事真何者多竊時名亦偶然山鹿野麋君自

看擬從何地著貂蟬

吳子英家靈照圖二首

缸入西江萬有空漚籬活計百錢功阿寒了却無生
話想得蕭然似巷中

抱犢山高記洛川寸腸西去似繩牽而今恰羨龐家
好兒女生來只眼前

時女嚴在廬氏
約歸寧未至

劉鄧州家聚鴨圖

沙浦空明洲景微枯荷折葦澹相依若爲化作江鷗
去拍拍隨君貼水飛

戊子正月晦日內鄉西城遊眺

雄蜂雌蝶爲花狂陌上遊人醉幾場前日少年今白髮却來閑處看春忙

長壽山居元夕

微茫燈火共荒村黃葉漫山雪擁門三十九年何限事只留孤影伴黃昏

聞仲澤丁內艱

升堂未幾訃音聞凶服衰羸日念君昨夜東南雷雨惡遙知號哭遶新墳

贈眼醫武濟川

世眼紛紛昧是非不應刮膜在金篦知君聖愛工夫

到且道心盲作麼醫

賦粹中師竹拂子

了却香嚴一繫緣滿梳華髮伴談玄誰知拂月披風
意已具鈴鍵未落前

題伊陽楊氏戲虎圖

大班哆笑口侵耳小班蓄縮如乞憐戲開真成兩効
敵發機誰在卞莊前

王子端內翰山水同屏山賦二詩

鄭虔三絕舊知名付與時人分重輕遼海東南天一
柱胷中誰比玉崢嶸

萬里承平一夢間風流人物與江山眼明今日題詩
處却見明昌玉笋班

右司正之家渭川千畝圖二首

官街塵土霧中天入眼荒寒一灑然大似終南山下
看北風和雪捲蒼煙

老眼蕭郎筆有神岩姿洲景盡天真情知一段幽閒
趣不必清談着晉人

同希顏欽叔玉華谷分韻得軍華二字二
首

並山一逕入秋雲草樹低迷劣可分開道無煩謝康

樂挽疆須得李將軍

時有虎害故補云

深山水木湛清華興到窮探亦未涯轉石猶能起雷

雨題詩自合動煙霞

轉石當曰

同希顏欽叔王華谷還會善寺即事二首

高風捲盡四山雲泉石煙霞得細分大是山靈設清
供惜無佳句荅殷勤

詩翁徹骨愛煙霞別似劉君住玉華鐵笛不曾從二

草頭巾久已挂三花

趙隱芝子端同年進士在城為猾吏所誣遂隱居今年八十餘自言胎仙成不久去世云

從鄧州相公覓酒時在鎮平

寒日山城雪四圍空齋孤坐意多遺江洲未覺風流

減可使陶潛望白衣

鎮平寄姪孫伯安筆

陸顧犀角掌中珠不見經年日念渠領取阿翁節管
筆試教學寫問安書

黃筌龜藏六圖爲張左丞賦

無心舒卷付皇天不幸剗腸亦偶然世上疑謀待君
決可能藏六便安全

鎮平書事

勸農冠蓋已歸休了却連懸百不憂可是諸人東老
子半窓紅日擁黃紬

自鎮平暫往秋林道中寄家

風雨塵埃了半生
西山歸去眼增明
浮雲夫婿今如此
莫遣迎門有嘆聲

超化

秋風嫋嫋入僧窓
盡得諸山草木香
却恨大梁三日醉
不來超化作重陽

又云擬借扁舟弄秋水自嫌塵土泥沙醜餘不記

山居二首

斜陽高樹挂晴虹
蕭蕭微涼雨氣中
一道鷺鷥花不斷
密香吹滿馬頭風

詩腸搜苦怯茶甌
信手拈書却枕頭
簷溜滴殘山院

靜碧花紅穗媚涼秋

寄女嚴三首

鶴崖魚窟路間關旬月無由一往還寒食歸寧見鄰

女舉家回首望西山

鶴崖魚窟在內鄉往盧氏道中

添丁學語巧於絃詩句無人爲口傳竹馬幾時迎阿
姝五更教誦木蘭篇

眼前兒女家關情不見經年百感并聞道全家解禪
理擬從香火問無生

自鄧州幕府暫歸秋林

升斗微官不療飢中林春雨蕨芽肥歸來應被青山

笑可惜緇塵染素衣

無題二首

七十鴛鴦五十絃酒薰花柳動春煙人間只道黃金
貴不問天公買少年
春風也解惜多才嫁與桃花不用媒死恨天台老劉
阮人間何戀却歸來

題省掾劉德潤家懸鸞圖并爲同舍郎劉
長卿記吳劉在方城先有碧簫之遇如美
蓉城事云

千劫情緣萬古期樓中蕭史姓名非洞天花落秋雲

冷腸斷青鸞獨自飛

希顏挽詩五首

官銜寥落在銘旌才命寧論重與輕不作漢家賢傳

去空勞明主識蕭生

蓋馬與漢旌紀寂冥
親書馬急傳中語

山立揚休七尺身紫髯落落照青春從教不入麒麟
畫猶是中朝第一人

人間無路問天公自古才難更阨窮日月不爲千載
計江山長惜萬夫雄

萬古文章有正傳驂騑爭道望君先傷心一入重泉
後再得斯人又幾年

一世龍門屬李膺待君提拂遂騰升千年荆棘龜趺
在會有人尋下馬陵

出鄧州

本無奇骨負功名取次誰教髀肉生未到白頭能幾
日六年留滯鄧州城

遇希顏故居四首

缺壺聲裏短歌行星斗闌干醉膽橫虎視鷹揚何處
在道邊孤冢可憐生

鶴蓋成陰著屐同一時人物酒盃中臣門如市心如
水世俗論軒量恐未公

暮去朝來萬化途
飛揚跋扈亦區區
劇談不盡平生意
能有精微入夢無

把臂論交分最深
三夫成虎古猶今
百年唯有區區在
地下總應識此心

雜著九首

萬期流轉不須更
物物觀來定有無
玉席紙衣全一盡
枉將白骨計榮枯

鳬短何如鶴有餘
非魚誰謂子知魚
一枝莫作鷓鴣看
水擊三千不羨渠

太虛空裏一遊塵
造物雖工未易貧
臧獲古來多鼎鼎

食可能夷叔是飢人

青蓋朝來帝座新豈知衛瓘是忠臣洛陽荊棘千年
後愁絕銅駝陌上人

六國孱王走下風神人鞭血海波紅無端一片云亭
石殺盡蒼生有底功

天上河源地上流黃金浮世等閑休埋愁不著重泉
底儘向人間種白頭

泗水龍歸海縣空朱三王八竟言功國基局上猪奴
戲可是乾坤闢兩雄

昨日東周今日秦咸陽煙火洛陽臺百年蟻穴蜂衙

裏笑煞崑崙頂上人

半紙虛名百戰身轉頭高塚卧麒麟
山間曾見漁樵說辛苦凌烟閣上人

戚夫人

鴻鵠冥冥四海飛戚夫人舞淚霑衣
無端恨殺商山老剛出山來管是非

題山谷小艷詩

法秀無端會熱譏笑談真作勸淫看
只消一句脩脩利李下何妨也整冠

家山歸夢圖三首

別却并州已六年眼中歸路直於弦春晴門巷桑榆
綠猶記騎驢掠社錢

繫舟南北暮雲平落日潯河一線明萬里秋風吹布
袖清輝亭上倚新晴

游騎北來塵滿城月明空照漢家營巷中正有家山
在一片傷心盡不成

四皓圖

身墮安車厚幣中白頭塵土浣西風當時且下山間
老羽翼區區有底功

雜著

老優慣著沐猴冠却笑傍人被眼謾造物若留殘喘
在我儂試舞你儂看

遺山先生文集卷第十一



遺山先生文集卷第十二

七言絕句

俳體雪香亭雜詠十五首

事在故汴宮
仁安殿而

滄海橫流萬國魚茫茫神理竟何如六經管得書生
下濶劍長鎗不信渠

洛陽城闕變灰煙暮號朝虞只眼前爲向杏園雙燕
道營巢何處過明年

落日青山一片愁大河東注不還流若爲長得熙春
在時上高層望宋州

醇和旁近洞房環碧瓦參差竹木開批奏內人輪上

直去年名姓在窓間

題和

天上三郎玉不如手中白雨趁花奴御屏零落宣和筆留得華清按樂圖

詩仙詩鬼不謾欺時事先教夢裏知禁苑又經人物

散荒涼臺榭水流遲

十年前商帥國器方城夢中得後二句為言如此

金縷歌詞金曲厄百年人事髡成絲重來未必春風在更為梨花住少時

楊柳隨風散綠絲桃花臨水弄妍姿無端種下青青竹恰到湘君淚盡時

琵琶心事曲中論曾笑明妃負漢恩明日天山山下

路不須回首望都門

爐薰溫溫帶輕陰翠竹高梧水殿深去去轆車雪三

尺畫羅休縷麝香金

泥金色如麝香宮中所尚

羅綺深宮二十年更持桃李向誰妍人生只合梁園死金水河頭好墓田

苦才多思是春風偏近驂人悵望中啼盡杜鵑枝上血海棠明日更應紅

暖日晴雲錦樹新風吹雨打旋成塵宮園深閉無人到自在流鶯哭暮春

萬戶千門盡有名眼中歷歷記經行賦家正有蕪城

筆一段傷心盡不成
暮雲樓閣古今情地老天荒恨未平
白髮累臣幾人在就中愁殺庾蘭成

春夕

數枝殘雪梅仍在
幾日東風柳已嬌
春酒價高無可典
小紅燈影莫相撩

梅花

一樹寒梅古寺邊
荒山草木動春妍
東家賴有詩人在
照影橫枝莫自憐

溪上

短布單衣一幅巾暫來閑處避紅塵低昂自看水中影好箇山間林下人

息軒楊祕監雪行圖

長路單衣怨僕僮無人說向息軒翁長安多少貂裘客偏畫書生著雪中

楊煥然生子四首

掌上明珠慰老懷愁顏我亦爲君開異時載酒楊雄宅知有迎門竹馬來

人家歡喜是生兒巷語街談總入詩我欲去爲湯餅客買羊沽酒約何時

半生辛苦坐耽書我笑先生老更迂生子但持門戶
了玄談何必似童烏

阿麟學語語牙牙七歲元郎髻已了更醉使君湯餅

局兒童他日記通家

阿麟張君
夢兒子

記夢

天上材官老不材從教兀兀走塵埃夢中望拜通明

殿曾見金書兩字來

戊子七月二十四日內鄉往廬氏宿走馬
平夜夢拜天帝像遂觀法駕導引盡幄

最前負弩三人中有金書小字題
裕之者夢中不知其為予也

啓母石

書載塗山世共知誰傳頑石使人疑可憐少室老突

兀也被人呼作阿姨

雜著四首

白髮劉郎老更痴人間那有後天期
茂陵石馬專相待種下蟠桃屬阿誰

白髮中官解道詩殷勤仍爲惜花枝
雪香亭上清明宴記得君王去歲時

六朝瓊樹掌中春迴首胡粧一面新
生羨石家金谷裏千年獨有墜樓人

燕語鶯啼百轉新長廊寂寂不逢人
東君去作誰家客花柳無情各自春

內鄉雜詩

行吟溪北復溪南
風日烘人酒易酣
無限春愁與誰
語
梅花嬌小杏花愁

眉二首

香墨燒殘水麝塵
內家新樣入輕勻
郭熙只爲吳山
老爭信窓間有小顰

石綠香煤淺淡間
多情長帶楚梅酸
小詩擬寫春愁
梯憶着分明下筆難

送窮

煎餅虛拋塩撒堆
滿城都道送窮迴
不如留取窮新

婦貴女何曾喚得來

三鄉時作

山林鍾鼎不相兼說着浮名夢亦嫌
救水盡歡吾豈敢老親自愛薺羹甜

出都

春閨斜月晚聞鶯信馬都門半醉醒
官柳青青莫回首短長亭是斷腸亭

癸巳五月三日北渡三首

道傍僵卧滿累囚過去旂車似水流
紅粉哭隨回鶻馬爲誰一步一迴頭

隨營木佛賤於柴大樂編鍾滿市排虜掠幾何君莫問大船渾載汴京來

白骨縱橫似亂麻幾年桑梓變龍沙只知河朔生靈盡破屋疎煙却數家

桑梓其鄉語龍沙其鄉語

登珂山寺三首

澹澹長空白鳥迴江山都入妙高臺六鰲只解翻溟渤不駕東南日觀來

太山在東南而此山不之見

悠悠誰了未生前一落泥塗又幾年堪笑長清郭明府再來仍被葛藤纏

長清郭明府自省風世是此寺此丘及作寺碑宛然第沙語也

白日紅塵往復還深居那得似禪關出門應被山僧

笑終得雲林半日閑

夢中作

夢人請賦四禽語其一泥滑滑也

春泥滑滑滿春山
嫩媿幽禽喚客還
安得便乘雙翼去
綠陰清晝伴君閑

奉訓子京禪師見贈之什三首

南風穩送北歸舡
留得虛名一指禪
松少詩僧幾人在
因君迴望一凄然

舊遊重憶故人詩
一點青燈兩鬢絲
不似戒壇明月

夜杏花香裏唱歌時

往在松山時陪馮內翰雷御史
游戒壇詩中所道蓋當時事也

兵塵千里邈相望
亂後相逢話更長
若見山堂憑借

問幾時同宿贊公房

杏花

桃李前頭一樹春
絳唇深注蠟猶新
只嫌愁笑無人
管開簇枯枝不肯勻

聊城寒食

輕陰何負探花期
白髮於春自不宜
城外杏園人去
盡煮茶聲裏獨支頤

姨母隴西君諱日作三首

竹馬青衫小小郎
阿姨懷袖阿嬾香
一龕白骨黃河
隔遙望梁門哭斷腸

病起拈針眼未花團藥兒女運司樹今年得在應猶
健更好從頭說外家

寶鏡煌煌照九州埋藏曾及見諸劉鄧城今日無雷

煥紫氣誰當辨斗牛

陽曲劉氏家大寶鏡能照天地四方以前如休咎其家埋地中人不見也明昌泰和中

北方共勸導父子欲卜之一日先以棉幕障中庭乃揭開門戶甚嚴又招鏡出光燿燿然一室盡明如初日之照鏡中見北來兵騎殺戮無數皆三方鄰無所睹因大駭曰不可不可即里之姨母時伏床下得窺鏡馬兵火後此家唯一兒子在姨母能指鏡處存否則不知也故予詩及之

宿神霄北菴臺中作

素月流空散紫煙座中人物半神仙麗川往事渾如
夢信手題詩一泫然

夜雪

三更殘醉未全醒
夢裏嬌兒索乳聲
茅屋不知門外雪
黃紬衾煖紙窗明

冠氏趙庄賦杏花四首

一樹生紅錦不如乳兒粉抹紫
檐榆花中誰有張萱筆
畫作宮池百子圖

文杏堂前千樹紅
雲舒霞捲漲春風
荒村此日腸堪斷
回首梁園是夢中

錦樹烘春爛不收
看花人自爲花愁
荒蹊明日知誰到
憑仗詩翁爲少留

東風誰道太狂生
次第開花却有情
聞道紀園千樹

錦一尊猶及醉清明

自趙庄歸冠氏二首

春華澹澹晚寒輕
野草搖風半白青
誰識杏花牆外
客舊曾家近麗川亭

杏園紅過雪披離
楊柳無風綠線齊
寒食人家在原
野乳鴉牆外盡情啼

戲贈白髮二首

鏡中昨日又明朝
破屋春深雪未消
摘下數莖聊自
笑貴人頭上不相饒

問愁何怨復何讐
直要青春便白頭
拚却鏡中渾似

雪且看渠待幾時休

戲題醉仙人圖

醉鄉初不恨東西禁日湯年一理齊門外山禽喚沽
酒胡蘆今後大家提醍醐蘆沽羹
語也

濟南雜詩十首

兒時曾過濟南城暗算存亡只自驚四十二年彈指
過只疑行處是前生

匡山聞有讀書堂行過山前笑一場可惜世間無李
白今人多少賀知章

華山真是碧芙渠湖水湖光玉不如六月行人汗如

雨西城橋下見游魚

吳兒洲渚是神僊
菴盡溪光碧玉泉
別有洞天君不見
鵲山寒食泰和年

石刻燒殘讌集辭
雄樓傑觀想當時
只應畫戟清香地
多欠常郎五字詩

斫來官樹午陰輕
湖畔游人怕晚晴
一夜靈泉菴上宿
四山風露覺秋生

白煙消盡凍雲凝
山月飛來夜氣澄
且向波間看玉塔
不須橋畔覓金繩

入秋雲物便淒迷
一道湖光樹影齊
詩在鵲山煙雨

裏王家圖上舊曾題

王清卿家有
鶴山烟雨圖

荷葉荷花爛熳秋鷺鷥飛近釣魚舟北城佳處經行
徧留着南山更一游

看山看水自由身着處題詩發興新日日扁舟藕花
裏有心長作濟南人

題解飛卿山水卷

平生魚鳥最相親夢寐煙霞卜四鄰羨殺濟南山水
好幾時真作卷中人

趙士表山林暮雪圖爲高良卿賦二首

颼颼林響四山風雪後人家閉戶中應被火爐頭上

說水邊清般兩詩翁

黃塵遮斷山間夢白髮重尋書裏詩好似玉溪溪上路醉和王老喚船時

倫鎮道中見槐花

名場奔走競官榮一紙除書悞半生笑向槐花問前事爲君忙了竟何成

題劉才卿湖石扇頭

幽磻雲疑雨未乾曲池疎竹共荒寒扇頭喚起西園夢好似熙春閣下看

聞歌懷京師舊游

樓前誰唱綠腰催
千里梁園首重迴
記得杜家亭子
上信之欽用共聽來

鄭先覺幽禽照水扇頭

臨水華枝淡淡春
水光華影兩無塵
風流一枕西園
夢惆悵幽禽是故人

龍泉寺四首

懸麻白雨映層崖
過盡行雲晚照開
可是登臨動高
興馬頭新自太行來
泉石煙霞自一家
殘僧随分了生涯
雞鳴山下題詩
客曾到靈巖不用誇

河邊殺癩尚能飛無角無鱗自一齊甲子紛紛更兇

藏壁間休笑阜昌題

寺北齊時建又多劉豫阜昌中石刻并題名

逸渠寒溜夜潺潺說有蛟龍在石間可惜九天霖雨
手一泓泉水伴僧閑

李進之迂軒二首

白髮歸來世事新書生風味是清貧
欹斜歷落從人笑潦倒麤疎我自真

舉世營營共一途要來閑處費工夫
入門且莫分賓主不但君迂我更迂

出鎮州

汾水歸心日夜流
孤雲飛處是松楸
無端行近還鄉路
却傍西山入相州

過邯鄲四絕

富貴榮華一嘆嗟
依然夢裏說茗華
千年幾度山河改
空指遺臺是趙家

人事存亡不易知
及時娛樂恨君遲
後人共指藁臺笑
三尺堯堦竟屬誰

川原落落曙光開
四顧河山亦壯哉
前日少年今白髮
只應孤塔記曾來

死去生來不一身
定知誰妄復誰真
邯鄲今日題詩處

客猶是黃梁夢裏人

楊秘監馬圖

大青小青天馬姿
楊侯房星非畫師
忽見奚官記前事
東華馳道晚涼時

竹溪夢遊圖

意外荒寒下筆親
經營慘淡似詩人
何時萬頃風煙裏
白髮刀騷一幅巾

藥正卿餉酒

宿醒未解渴生塵
驚見王弘餉酒人
獨恨文書困佳客
不來同醉五更春

王都尉山水

平林漠漠數峯閑
詩在岩姿隱顯間
自是秦樓畫眉手
不能辛苦作荆關

贈絕藝杜生

迢迢離思父哀絃
非撥非彈有別傳
解作江南斷腸曲
新聲休數李龜年

趙大年秋溪戲鴨二首

寒沙折葦浙江彎
詩在波痕滅沒間
前日扁舟人老矣
却從圖畫羨君閑

畫家朱粉不到處
淡墨自覺天機深
賣酒壚邊見崔

白玉孫真有五湖心

米元章畫史趙昌王友直白但可為酒家遮牆壁耳

自題二首

共笑詩人太瘦生誰從慘淡得經營千秋萬古迴文錦只許蘇娘讀得成

千首新詩百首文藝羹不糝日欣欣鏡中自照心語口後世何須楊子雲

北歸經朝歌感寓三首

南來山勢漸坡陀蕩蕩川涂接大河馬上哦詩無好語聊從白塔記朝歌

黃屋何曾土作階禍基休指九層臺書生不見千年

後枉爲君王泣玉杯

墨翟區區不近情迴車曾此避虛名采薇唯有西山
老不逐時人信武成

內黃道中楚王廟荆公有誰合軍中稱亞
父却須推讓內黃兒之句因爲范增解
嘲

一怒屠城一說留書生剛爲范增羞軍中老子閑何
事付與兒曹調沐猴

題蘇氏寶章

二老風流有典刑諸郎蘭玉映堦庭峨眉寶氣千年

在未數陳家聚德星

張公忠義似顏平原欠公冲書似林西
湖故字畫有不期合而合者最後數帖

所謂蘇氏三虎
叔黨為最怒耳

劉氏明遠庵三首

豪氣元龍百尺樓功名場上早抽頭
路人不識閑居士袖手雍容活兩州

世間無物礙虛空宴坐經行一體同
老眼不應隨鏡轉江山元只在胷中

落落雲間晚照開上方別有妙高臺
栽花種柳明年了拄杖敲門日日来

題李庭訓所藏雅集圖二首

萬古文章有至公百年奎壁照河東衣冠忽見明昌
筆更覺升平是夢中

景星丹鳳一千年合着丹青與世傳誰畫風流王李

郝大河南望淚如川

王謂仲澤李謂
長源郝謂仲純

南關二首

風裏秋蓬不自由一生幾度過隆州無情團拍闌前
水流盡朱顏到白頭

路轉川迴失繫舟更教兩驛過徐溝多情團拍闌前

水却共清汾一處流

是日自徐溝宿南關

馬坊吟大師清真道院三首

水際茅齋星散居白雲開伴五溪魚茂林脩竹山如
畫蘸碧軒中恐不如

枯蒲折葦障清彎十里風荷指顧間安得西湖展江
手亂鋪雲錦浸青山

靜中入境兩備然我亦因君有靜緣已約青山來枕
上水亭風樹看明年

惠崇獐猿圖

月嘯煙呼本不群筆頭同是一溪雲野情山態令人
羨世路機關不似君

寄史同年二首

情話通霄慰別離殷勤釀酒趁花期沁南只道梅花
早猶較歸程十日遲
相君許送買山錢晚歲鄰居定有緣一樹梅花一尊
酒知君東望亦凄然

宋周臣生子三首

試手君家助喜詩秋風丹桂長新枝昂霄聳壑他年
見木月同宮記此時

木月同宮五星家謂人以此時生者長必貴

玉季金昆世共賢天將文筆付家傳清新未要梅花

賦射虎留看第二篇

卿先生宋齊川以射虎詩著名

雛鳳來時鶴卵成兩兒前後不多爭阿寧解語應須

道猶是渠家百日兄

乞酒示皇甫季貞

醉頭慵舉睡昏昏
夢裏青旗雪擁門
枕上一杯風味好
糟床何處得茶渾

李白騎驢圖

八表神游下筆難
畫師曾次自酸寒
風流五鳳樓前客
枉作襄陽雪裏看

許由擲瓢圖

不知黃屋不知堯
喧寂何心計一瓢
我是許由初不爾
只將盛酒杖頭挑

九月晦

松楸千里動悲哀
說道迴家早晚迴
九月忽驚今日
盡滿城風散紙錢灰

雜著

燒殘芻狗不能神
一色貂裘繡帽新
好箇路傍官堠
子經年端坐看行人

送窮

送君君去欲何之
暫去還來也不辭
但媿苦無相贈
物柳缸輕似去年時

即事

四長東州貢姓名阿茶能誦木蘭行元家近日添新

喜掌上寧兒玉刻成

寧兒叔開小字阿茶第四女字叔開

侯相公所藏雲溪圖曾命賦詩三首但記

其一云祖道東門未有涯田君方駕入宮

車祗應千古狼溪路人說山中宰相家相

公以體重不任步趨詔許駕小車至朝殿

外門故予詩及之北渡後往東平路經雲

溪因爲之賦

黃山圖子翰林詩千里東州有所思前日相公門下

客國亡家破獨來時

陳德元竹石二首

一片春雲雨未乾
兩枝新綠倚高寒
瘦龍不見金書字
試就宣和石譜看

萬石綱舟出太湖
九州膏血一時枯
阿誰種下中原禍
猶自昂藏入畫圖

同漕司諸人賦紅梨花二首

梨花曾比太真妃
別有風流一段奇
白雪爲肌玉爲骨
淡粧濃抹總相宜

瓊枝玉蘂靜年芳
知是何人與點粧
可道海棠羞欲死
能紅能白更能香

吳子賢樗菴二首

人道樗形百醜全
我知道物向君偏
世間正有明堂
柱偃蹇風霜得幾年

廣莫初無匠石過
一丘一壑柰君何
世間正有明堂
柱春草輸羸校幾多

太一蓮舟圖三首爲濟源奉先老師賦

老師吾
宗盟

泠泠風外到仙臞
琢玉羊欣定不如
六合空明一蓮

葉更須遮眼要文書

仙人在蓮
葉上看書

仙人寧得此娑娑
亡柰丹青校猾何
我與太虛同一

體也無蓮葉也無波

泰一青藜出漢年明窓開卷一欣然憑君莫問題詩
客不是韓駒第二篇

遊天壇雜詩十三首

芳樹陰陰鳥語譁綠雲晴雪映紅霞青山可是堪人
恨藏著中岩十里花

漫山白白與紅紅小樹低簾看不供總道檀花香氣
好就中偏愛玉瓏鬆

花魁有玉瓏鬆

只願長城沒徹頭豈知蒸土更堪憂秦人若見千年

後抱杵臨洮老死休

避秦溝

溪童相對采椿芽，指似陽坡說種瓜。
想是近山營馬，少青林深處有人家。

僊貓聲在洞中聞，憑杖兒童一問君。
同向燕家舐丹

鼎不隨雞犬上青雲。

仙貓洞是白兒子叔儀呼貓應者
土人傳燕家雞犬升天貓獨不去

諸峯羅列擁朝臺，落日行雲一望開。
絕似太山山上，看分明齊嶺是徂徠。

空翠霏煙海浪深，鰲頭鵬背半浮沉。
不知脚底山多，少還盡平生未足心。

湍聲洶洶落懸崖，見說蛟龍擎石開。
安得天瓢一翻，倒躡雲平下看風雷。

時旱甚
故云

僊壇倒影鳳麟洲一道雲光插素秋也是天公閑不
得海東移着海西頭

道民終不忘天台姓字依然在蜜崖爲間松臺千歲

鶴白雲何處不歸來

近歲盧氏蜜崖人迹不及處有題字云道
民天台司馬承禎過松臺即白雲老壑地

僊人龍蹻王爲鞭石穴留書世不傳弱水蓬萊三萬

里青山今古幾何年

近年人有得司馬先生石穴
所藏冊經予獲觀于山陽

風期身後復身前一讀丹華似有緣八表神遊吾豈

敢或能搖筆賦垂天

擬着茅齋北斗平殘年細讀洗心經詩成應被盧仝

笑曾見青山養伯齡

盧仝送伯齡出山云伯齡不厭山山不養
伯齡予以早當出山故自戲云北斗平在

天壇
之後

初發潞州

潞州住久似并州
身去心留不自由
白塔亭亭三十里
漳河東畔幾迴頭

雜詩六首道中作

鼠肝蟲臂復何辭
坎止流行亦有時
已被吳中喚喚
父却來河朔作炎兒

隆州兵騎往來衝
客路灰郊更向東
大似天教浣塵土
數程都在水聲中

懸崖飛瀑駭初經
白玉雙龍擊迅霆
却恨暑天行過

速不曾赤腳踏清冷

黃華北下馬陵南佛屋燒殘有石龕想是故鄉行欲
近粥糜渾覺水泉甘

莊休通蔽玄相妨鄉社情親豈易忘司命果能還舊
觀髑髏端合羨侯王

鄉閭白日照青天徒步歸來亦可憐袖裏新詩一千
首不愁錦繡累山川

遺山先生文集卷第十二

遺山先生文集卷第十三

七言絕句

初挈家還讀書山雜詩四首

并州一別三千里
滄海橫流二十年
休道不蒙稽古力
幾家兒女待安全

天門筆勢到閑閑
相國文章玉笋班
從此晉陽方

志上繫舟山是讀書山

繫舟先大夫讀書之所閑閑公改為元子讀書山又大參楊公叔玉課先墓銘

眼中華屋記生存
舊事無人可共論
老樹婆娑三百尺
青衫還見讀書孫

乞得田園自在身
不成還更入紅塵
只愁六月河

堤上高柳清風睡殺人

賦餅中雜花七首

予絕愛未開杏花故未篇自戲

老柳驚看節物新今年更與酒盃親
東山一道花如繡從此他鄉不是春

香中人道睡香濃誰信丁香臭味同一樹百枝千萬結更應薰染費春工

生紅點點弄嬌妍半折花房更可憐
傳語春風好將護莫教容易作銀錢

紅抹蘭膏綠染衣綠嬌紅小兩相宜
華邊剩有清香在木石癡兒自不知

素艷來從月姊家，溫風淑氣發清華。
人間自有交枝玉，天上休開六出花。

昨日桃華錦片新，兔葵今日到殘春。
佗枝留得稀疎朵，比似全開更惱人。

古銅瓶子滿芳枝，裁剪春風入小詩。
看看海棠如有語，杏花也到退房時。

贈羅友卿三首

一般花木各榮枯，篋庫區區亦仕途。
前日江東羅給事，只今城裏范萊蕪。

不離城市得幽棲，未要坊名改碧鷄。
種下五株桃

樹子本無心學浣花溪

閑中日月病中身寂寞相求有幾人
莫恠門前可羅雀詩家所得是清貧

又解嘲二首

鴈後花前日日閑
頗思尊酒慰愁顏
憑君細數東州客
誰在花花綠綠間

詩卷親來酒醖醪
朝吟竹隱暮南湖
袖中新句知多少
坡谷前頭敢道無

爲衍聖孔公題張公佐湘江春早圖二首
張自書云涂水張公佐畫時年八十

一先大夫嘗題公佐畫有雲靜洞庭秋
寺月雨昏湘浦夜舡燈之句因及之

郭熙畫筆老益壯未比井州九十翁想是江南春
夢裏水村曾見酒旗風

黃陵祠下雨如繩老筆題詩想舊曾今日圖間見
晴景依然愁絕夜舡燈

渾源望湖川見百葉杏花二首

四月山泉凍未開東君繞爲挽春迴多情丹杏知
人意留着雙華待我來

兒時憶向西溪廟丹杏曾看百葉花今日山中見

雙朶自憐鶴，悴老天涯。

陵川西溪二仙翁有
百葉者兩株在數前

代州門外南樓二首

東洛西秦往復迴，幾番風雨與塵埃。
家山最與南樓近，三十三年恰再來。

汀樹微茫岸草青，潯河四月水泠泠。
鳳山可是生來巧，堪與南樓作臥屏。

杜生絕藝

杜生絕藝兩絃彈，穆護砂詞不等閑。
莫恠曲終雙淚落，數聲全似古陽關。

以玉連環爲呂仲賢壽

玉環何意兩相連環取無窮玉取堅願得主人如
此物呂翁他日作回僊

德華小女五歲能誦予詩數首以此詩
爲贈

牙牙嬌語總堪誇學念新詩似小茶好箇通家女
兄弟海棠紅點紫蘭芽

唐人以茶爲
小女美稱

劉壽之買南中山水畫障上有朱文公
元晦淳熙甲辰中春所題五言得於太
原酒家

蜀山青翠楚山蒼愛玩除教寶繪堂且道中州誰

具眼晦菴詩挂酒家牆

跋紫微劉尊師所畫山水橫披四首

劉尊師
八十六

溪橋獨步

納納溪橋逗晚風水村山關往來通馬蹄踏遍黃
塵路畫裏初逢避俗翁
宵次江山老更奇太初元氣入淋漓僊翁不是人
間客俗筆休將比郭熙

江亭會飲

瓦盆濁酒憶同傾鄉社豐年有笑聲世外華胥誰
復夢且從圖畫看升平

秋江待渡

筆頭雲景性中天誰似僊舟有靜緣只合此間添
此老脫巾和月弄江煙

東山四首

半欲天陰半欲晴層巒疊嶂各分明去年風雪無
多景看盡東山是此行

自笑平生被眼謾看山只向畫中看天公老筆無
今古枉着千金買范寬

錦里春光風馬牛鳥飛不到太湖秋一丘一壑都
堪老且具神山煙景休

馬水橫陳聖阜前，滹沱陂堰遠相連。
魚多只說牛家匯，何處秋風有釣舡。
牛家匯在神山下

曉起

鬢毛衰颯病凌兢，暫入紅塵倦不勝。
學似玉山推客了，八年流落醉騰騰。
予病數至是八年故用韓致堯此句

追錄乙未八月十七日莘縣夢中所得
夢裏哦詩信口成，分明濟水道中行。
夢迴真到哦詩處，蒲馬西風雲月清。

春歸

野杏溪桃三兩枝，春歸也作送春詩。
東君自愛長

安好能住山城得幾時

感興四首

夢中驚見白頭新信口成篇却自神天上近來詩

價重一聯直欲換青春

後二句夢中所得

詩印高提教外禪幾人針芥得心傳并州未是風
流減五百年中一樂天

廓達靈光見太初眼中無復野狐書詩家閑換知
多少一鑰拈來便有餘

好句端如繅綺琴靜中窺見古人心陽春不比黃
華曲未要千人作賞音

從孫顯卿覓平定小山

雲縠熙春萬玉峯
網紅迴首太湖空
一拳秀碧煙霞了
早晚東山入袖中

發南樓度鴈門關二首

鷄聲未動發南樓
澗水隨人向北流
欲望讀書山遠近
鴈門關上懶迴頭

稜磳石磴倚高梯
穹谷無人綠樹齊
總爲古來征戍苦
宿雲常傍塞垣低

墨竹扇頭

嫩香新粉玉交加
小筆風流自一家
只欠雪溪王

處士醉來肝肺出枯槎

王希古乞言

支幹空虛不採貧素衣空染洛陽塵一龜早晚搢
來了袖手風簾閱市人

龍門公墨竹風煙夕翠二首

渭川東望水雲寬雨潤煙濃下筆難今日龍門圖
上看蕭郎只合老荒寒

煙指露葉捲秋山揮灑縱橫意自閒莫問筆頭龍
未化看看霖雨滿人間

從希顏覓篤靜香二首並錄

綠洋奇品賽濃梅
求憶薰爐試淺灰
尤物也知人愛惜
簾篩風動只縈回

自倚詩情合得消
暮寒新火覺無聊
懸知受用無多在
試往新詩乞斷歌

戲贈柳花

誰擘輕綿亂眼飄
不教翠細綴長條
只愁更作浮萍了
風轉波衝去轉遙

喬夫人墨竹二首

萬葉千梢下筆難
一枝新綠儘高寒
不知霧閣雲窗晚
幾就扶疎月影看

只待驚雷起，蟄龍忽從女手散。春風渭川雲水三
千頃，悟在香巖一擊中。

夫人恭洞
下禪首省

醉貓圖二首何尊師畫宣和內府物

密遶癡坐費工夫，側輒橫眠却自如。料得仙師曾
細看，牡丹花下日斜初。
飲罷鷄蘇樂有餘，花陰真是小華胥。但教殺鼠如
丘了，四脚揀天一任渠。

自題中州集後五首

鄴下曹劉氣儘豪，江東諸謝韻尤高。若從華實評
詩品，未便吳儂得錦袍。

陶謝風流到百家半山老眼淨無花北人不拾江
西唾未要曾郎借齒牙

萬古騷人嘔肺肝乾坤清氣得來難詩家亦有長
沙帖莫作宣和閣本看

文章得失寸心知千古朱絃屬子期愛殺溪南辛
老子相從何止十年遲

平世何曾有裨官亂來史筆亦燒殘百年遺藁天
留在抱向空山掩淚看

講武城

作計十年復萬年似嫌蒸土不能堅祇今講武人

何在衰柳殘楊有亂蟬

藥山道中二首

石岸人家玉一灣
樹林水鳥靜中閑
此中未是無佳句
只欠詩人一往還

西風砧杵日相催
着破征衣整未迴
白鴈已銜霜信過
青林閑送雨聲來

善應寺五首

平崗回合盡桑麻
百汊清泉兩岸花
更得青山作重復
武林何處覓仙家

石潭高樹映寒藤
閑有沙鷗靜有僧
總愛山陽竹

林好七賢來了更誰曾

夕陽人影卧平橋倦客登臨不自矜且放游魚覓
歸宿爭教白鷺逞風標

山中魚鳥夙相親問舍求田有主人自讀舊題還

自笑七年鞍馬只紅塵

前題善應寺壁有紅塵鞍馬幾時休之句又七年矣

困不成眠百感生田家燈火夜深明無因洗耳風
沙底枉費潺潺落枕聲

摘瓜圖二首樗軒家物

四摘空留抱蔓詩阿婆真作木腸兒履霜只說琴
心苦不見房陵道上時

高鳥長憂挂網羅如菴日月坐消磨憑君莫話前
朝事比似黃臺摘更多

如菴集四公所居

黃華峪十絕句

岱崧王屋舊經過自倚宵中勝槩多獨欠太行高
絕處青天白日看山河

樹經凍雨半青黃山入高秋老更蒼且就同遊盡
佳客不妨五日未重陽

紅葉黃花風露清比來春色不多爭秋山却也堪
人眼白與高歡作錦城

絕壁孤雲子細看雲間龍穴想高寒碧澗寸寸橫

秋色空對山靈說到難

唐人到難篇有碧湖之下寸寸秋色之句見文粹

玉立千峯畫不如天公自有范寬圖問山要着黃

華老千尺珠簾得似無

前輩聞山詩有雨使早邊周處士子端應不號黃華之句處士指周先生德卿

團團石甕琢青瑤仰面看雲覺動搖誰着天瓢灑

飛雨半空翻轉玉龍腰

萬古飛沍瀉不供枉教噴薄困魚龍謫仙剩有銀

河句不道香爐更一峯

天漢何因有蚌胎無窮冰雹落懸崖只愁馳背獮

獠錦翻倒龍宮復此來

落峽飛流散不收湍聲洶洶動高秋也應嫌被紅

塵浣才近山門便狀流

乞得三泉住不成風沙鞍馬負平生故山定已移
文了又被黃華識姓名

七賢堂

水上盤陀不見人煙中白露玉無塵竹林未恨風

流咸負殺共城麴米春

是日有鉤名
河獨動水連

峽口食鰻魚有感

無奈微雲踈雨何孟公詩律費研磨憑君莫愛襄
陽好縮項鰻魚刺鯁多

太簡之畫松風圖為脩端卿賦二首

董元老筆鬱盤盤萬壑蒼雲復此看絕似鳳凰山
下路秋風無際海波寒

新亭相泣血沾襟一日神州見陸沉好就崆峒山
叟問醉眠春晝果何心

秋江待渡橫披

物外琴尊合往還爭教俗駕點溪山畫師果識閑
中趣只作橫舟落照間

贈荅要襄叔二首

長洲連日遠相迎展讀新詩眼倍明鄧下舊人多
念我感君兼有故鄉情

文擬邛侯下筆難韜春一讀不知寒名家未覺風
流減洗眼青雲看阿端

袁叔之先人擬下邳侯傳作實韜春以賦火塔又其兒子小手端平者方就學

贈脩端卿張去華韓君傑三人六首

姓字舊熟相知新三子皆我眼中人洛西荒山有
此客酒光灑灑梅花春

去華手中倒捫捫亦要筆力挽千鈞知君辦作南
山豹霧雨七日蔚成文

掃地焚香樂有餘情知怏怏米監書枉教棄擲泥
塗了綵髮脩卽玉不如

古來馬隊非講肆孺生頗似周生勤舉家都無擔

石栗老氣仍有垂天雲

中庸胡公隔天壤

寶臣近日常死

大木失望工師來明堂老

手李明庶我知此公無棄材

本李頎陽吉甫

乳虎守穴子可探斫頭不屈貪所甘異時三客俱

煇煇人倫東國吾無慙

秋江晚發圖

百轉羊腸挽不前
旂車轆轤共流年
畫圖美發偏
舟好萬里清江萬里天

題山亭會飲圖二首

女兒樵人塞上詞

劉景溪

溪南老子坐中詩
因君喚

起山亭夢好似三鄉共醉時

曾將心事許烟霞酒盞書囊便是家前日山亭亭
上客而今鞍馬老風沙

洛陽衛良臣以星圖見貺漫賦三詩爲謝
敗筆成立死不神侯門書卷欲誰親鰥鰥魚目漫
漫夜明到明星老却人

參旂亦自遇災年橫被狐星射右肩牽牛只有槽
機石送與天公折聘錢

西虎東龍總伏雌老妻却是可憐兒星圖何物堪
相報借用盧仝月蝕詩

題鷺鷥敗荷扇頭

荷經凍雨綠全枯
葦到窮秋影亦疎
爲問風標兩公子
此中能有幾多魚

西山樓爲王仲理賦二首

天日清明四望開
樓中舒嘯亦悠哉
闌干十萬人
家裏只有青山入眼來

拄笏西山老騎曹
朝來爽氣與秋高
休將人物輕題品
湖海元龍也未豪

樂天不能忘情圖二首

得便宜是落便宜
木石癡兒自不知
就使此情忘

得了可能長在老頭皮

芙蓉脂肉紫霞漿別是仙家煖老方不枉柳枝撩
下得忘情一馬亦何妨

燕省掾屬張亨通舉釋菜之盛仁卿以
詩美之亦賦二詩

一奠區區入詠歌請看文治竟如何李侯落筆非
無意告朔羊存得已多

一日新儀見泮宮共驚綿蕞有遺風化州亦可燕
中比只枉今無百彥通

采菊圖二首

信口成篇底用才淵明此意亦悠哉枉教詩景分
留在百繞斜川覓不來

夢寐煙霞卜四隣爭教晚節傍風塵詩成應被南
山笑誰是東籬采菊人

無塵亭二首

霧廓雲開病未能波流草靡亦何曾胸中自有西
風翳身外休論有髮僧

日日門前車馬喧玉壺冰簟酒如川亭中剩有題

詩客獨欠雲間李謫仙

時仁卿尚
未到燕

李廣道鴈真二首

華髮蕭蕭玉鍊顏一篇秋水想高閒須知八表神
游客不在披裘擁絮間

擁絮披裘動數千肉身那得盡飛僊玄門此老留
教在滄海橫流未必然

錢過鹿煙溪獨釣圖二首

鞍馬風沙萬里身眼明驚見楚江春綠蓑衣底玄
真子不解吟詩亦可人

小景風流二百年典刑來自米家舡詩人無復承
平舊重爲遺音一慨然

畫學米元章楚山清曉故有上句

蒼崖遠渚圖二首

深谷高林自一天紅塵無路近風煙兩掇茅屋平生了况是清溪有釣舡
竹帛功名一筆無殘年那復計榮枯青山未得携家去惆悵題詩是畫圖

三士醉樂圖

依樣胡盧畫不成三家兒女日交兵瓦盆一醉糊塗了比似高談却較爭

鄉郡雜詩五首

余家自五代以後自汝州遷平定宋未嘗平定遷忻故大字中以平定爲鄉郡

百年喬木鬱蒼蒼耆老風流趙與楊爲向榆關使君道郡中合有二賢堂

楊吏部之美阜落人關關曾守此郡

神仙官府在瀛洲何意閑閑得此留莫笑山城小
於斗他州誰有湧雲樓

樓開閑
外建

一溝流水幾橋橫岸上人家種柳成來歲春風一
千樹綠煙和雨暗重城

新堂縹渺接飛樓雲錦過遺霜樹秋若道使君無
妙思冠山移得近城頭

故鄉飛鳥亦裴回更覓何鄉養不才見說陽泉好
春色野夫乘興欲東來

宗人明道老師澹軒二首

潞人澹社有來源濟水分流到澹軒莫問軒中賓

與主一家同是潞州元

澹中無地着醎酸老口年多不受謾
流外已曾增一董不妨傳法到黃冠

題商夢卿家晦道堂圖二首

松亭竹閣數家村通德仍餘舊里門
喬木未須論

巨室青衫今有讀書孫

一作青衫誰有讀書孫

東國人門幾百年素風終到此公傳
卷中甚欲題詩句慚愧常家祖德篇

商正叔隴山行役圖二首

隴坂經行十過春也隨風土變真淳
吳山沂水不

必畫留在秦音已可人

夢中陳迹畫中詩前日行人髮已絲我亦寒亭往
來客因君還寄出閑詩

急軒秋江捕魚圖三首

擲網牽罾太俗生煙波名利不多爭綠蓑衣底玄
真子可是詩翁畫不成

擊筭喧天網截河得魚何啻一罾多漁郎不作明
年計奈此纖鱗細甲何

正始風流一百年竹谿衣鉢有真傳玉堂人物今
安在紙尾題詩一槩然

東平李漢卿草蟲卷二首

蟻穴蜂衙筆有靈，就中秋蟪蛄閑情。知君夢到南華境，紅穗碧花風露清。

過眼千金一嘯輕，畫家元有老書生。草蟲莫道空

形似，正欲爾曹鳴不平。

李漢卿九視錢幣如糞土，責人求畫或大罵而去，故不與世合。

郭熙溪山秋晚二首

煙中草木水中山，筆到天機意態閒。九十仙翁自

遊戲，不應辛苦作荆關。

雲樹微茫石崦開，吳兒洲渚不塵埃。憑君記取題

詩處，杖履適從鉅谷來。

七賢寒林圖

萬古騷人有賞音
盡家滿意與幽尋
題詩記得崧前事
絕似馮雷入少林

右丞文獻公著色鹿圖

野鹿標枝氣象閑
老皇頻歲赦秋山
不妨右相丹青筆
時到霜林紫翠間

李仲華端流高樹圖二首

細密功夫足自神
經營慘澹欲誰親
却應林影端聲外
猶欠吳山小筆春

小景風流恰入時
留題紙尾竟何辭
不因脫兔投

林了何處而今更有詩

癸巳正月之變逆黨中有欲謀害已者賴仲華力爲營護得辭故篇末有及

益都宣撫田侯器之燕子圖詩傳本已亥

秋七月予得於馮壩宋文通家會侯之

子仲新自燕中來隨以歸之仲新謂予

言兵間故物一失無所復望乃今從吾

子得之煥若神明頓還舊觀似非偶然

者方謁時賢以嗣前作幸吾子發其端

因賦三詩丙午春三月河東元某謹題

紅絨還驚掌上看十年音息海晏又漫渠家王謝堂

前慣暗認曹劉可是難

古錦詩囊半陸沉吳楓句好入江深世間妾婦爭

相妬禽鳥區區却賞音

首句謂怨家扶
李長吉詩類中

才氣田侯絕世奇山丘零落更堪悲休驚燕子詩
留在化鶴歸來未可知

前高山雜詩七首

夢寐煙霞卜四隣眼明今日出紅塵山中景趣君
休問谷口泉聲已可人

山經地志摠難憑鄉社流傳太俗生前後兩高從
我改合教松海作新名

蚊聚蛙喧有不聞已甘麋鹿與同群胷中所得知

多少半是青松半白雲

天池一雨洗氛埃全晉堂堂四望開不上朝元峯
北頂真成不到此山來

世上初無物外緣人間却有洞中天如何長伴王
居士買盡青山不用錢

白驢前日鳳山迴爲愛朝元復此來却憶廣陵劉
老子醉吟應在釣魚臺

白首同歸未省曾青山獨往竟誰能莫嫌麋鹿無
情識比似人間少愛憎

楚山清曉圖

雨潤煙濃十二峯雲間合有楚王宮
遙知別後西川夢一抹春愁淺淡中

題石裕鄉郎中所居四詠

寓樂堂

此心安處是真歸念念今知故習非
一首新詩一盃酒五陵裘馬自輕肥

德恒齋

養心如虎亦良勤血戰紛華老冊勲
百草千花過春雨白衣蒼狗看浮雲

雪巖

貞松勁栢四時春
霽月光風一色新
置屋懸崖儘
堪老
層冰千里只愁人

聾齋

弓刀陌上未知還
心寄漁郎笠簪間
名作聾齋疑
未盡
崕山衣鉢在遺山

贈李子範家兒子

神理乘除不偶然
只疑陽報向君偏
試評掌上明珠
價幾倍
諸家覓藥錢

跋文獻公張果老圖

耆舊能談相國賢
功名欲占冷巖前
清風萬古猶

應在未用仙公甲子年

三鄉雜詩三首

夢寐滄洲爛熳游西風安得釣魚舟
薄雲樓閣尤烘暑細雨林塘已帶秋

尖新秋意晚晴中六尺筇枝滿袖風
草舍斷橋通暗綠竹搖殘照漏疎紅

溪南老子坐詩窮窮到簞瓢更屢空
五鳳樓頭無手段碧鷄坊外有家風

鈞州道中

野陰莽蒼日將夕歲律崢嶸嶺風有聲從昔南山歌

短褐何時北闕請長纓

遺山先生文集卷第十三



遺山先生文集卷第十四

七言絕句

榆社硤口村早發

瘦馬長途懶着鞭
客懷牢落五更天
幾時不屬鷄聲管
曉徹東窓日影偏

十月二十日雪

和氣休論歲欲豐
且看蕪穢一時空
臨高賞雪人何限
誰在瓊瑤世界中

同兒輩賦未開海棠二首

翠葉輕籠豆顆勻
煙脂濃抹蠟痕新
殷勤留著花



梢露滴下生紅可惜春

枝間新綠一重重小蕾深藏數點紅愛惜芳心莫
輕吐且教桃李鬧春風

哭曹徵君子玉二首

去歲沉言到處疑聞君哭我不勝悲今年我在君
先沒淚盡荒城君得知

遠墳三匝去無因千里冰霜半病身斗酒隻鷄孤
舊約素車白馬屬何人

二十女日早發安主道中雨水水

玉樹瑤林世界寬水冰真作雨花看青青也被糊

塗盡松栢何曾保歲寒

書貽第三女珎

珠圓翠繞三花樹李白桃紅一捻春
看取元家第三女他年真作魏夫人

隱秀君山水爲范庭玉賦

萬壑風煙入座寒六銖仙帔想駢驚
多少金闕畫眉手吳山繞得鏡中看

送子微二首

老年鞍馬不勝勞更問孤裘與緼袍
到了龍門有何好伊川清淺石棧高

古來何物是經綸一片青山了此身
亂後洛陽花木盡不妨開作水南人

楊秘監馬圖

天開誰省識真龍金粟堆前草色空
忽見畫圖疑是夢東華馳道麝香驄

岳山道中

野禾成穗石田黃山木無風雨氣涼
流水平岡儘堪盡數家村落更斜陽

雪行圖

太一仙舟雲錦重新即走馬杏園紅
騎驢衝殺吟

詩客到處相逢是雪中

寄杜莘老三首

夢裏雲山一卧屏先生畫筆果通靈不妨行藥長
安市總是前生許道寧

一片青山共白雲春林煙景入晴曛祝君老眼明
於鏡豪末清妍子細分

盃酒殷勤興不孤更教懷袖得新圖綠囊自是君
家物醫得煙霞痼疾無

已酉四月十七日度石嶺

四海虛名直幾錢世間何限好林泉無情石嶺關

頭路行去行來又十年

劉君用可庵二首

末節繁文費討論經生規矩是專門惡惡不可惡
惡可笑穀田家老瓦盆

着脚繩橋已足憂邯鄲匍匐更堪羞惡惡不可惡
惡可大步寬行老死休惡青鳥

耀卿西山歸隱三首

馬卿爲耀卿張君寓
真未幾被召北上

靜裏簞瓢不厭空北窓元自有清風傳若只道無
人識已落君王物色中

馬卿似與物爲春難狀靈臺下筆親預拂青山一

片石異時真是卷中人
冠劍雲臺大縣侯
富春漁釣一羊裘
山林鍾鼎無
心了誰是人間第一流

雪岸鳴鵲

離離殘雪點荒藁
更看幽禽慘淡中
突殺畫簾雙
燕子秋千紅
索海棠風

東丹騎射

意氣曾看小字詩
畫圖今又識雄姿
血毛不見南山虎
想得弦聲列石時

虛名

虛名不直一錢輕
喚得嗷嗷百謗生
可惜客兒頭上髮
也隨春草闌輸靡

投書圖二首

一束空書不療飢
浮沉隨水恰相宜
留蒙藥楮輕拋却
却是洪喬見事遲

屈作書郵未肯心
百函隨水聽浮沉
虛名底用寒溫問
却是洪喬最賞音

題劉威卿小字難素冊後二首

伎道精微得處難
書林頭白一儒冠
陰功厚薄君休問
只就蠅頭細字看

齒牙餘論足輝光東國人倫趙與楊曾是兩翁門
下客殘年袖手亦無妨

龐都運山水

門闌喜色到崔盧文賦聲名遍兩都重爲溪山感
疇昔風流還有此翁無

歸義僧山水卷

崧少經行二十春野棗山鹿盡情親而今身落京
塵底畫出林泉亦可人

武善夫桃源圖二章

物外煙霞卜四隣武陵不是避秦人軟紅香土君

休羨千樹桃花滿意春

金罍趁趁六月寒桃花春夢隔征鞍青山歸計何時辦畫卷空留馬上看

巢雲曙雪圖武元直筆明昌名士題詠風流入物見承平半向巢雲有姓名畫手休輕武元直宵中誰比玉崢嶸

書扇贈李湛然

江楓搖落海門秋江水無風月半樓未要吳儂誇勝槩已從詩境得天游

普照范鍊師寫真三首

嚮日神仙看地行只今煙駕想雲程石梁畫出西
泚寺無復鏗然曳杖聲

傾蓋論交了歲寒眼中人物似君難流波意在誰
真識未絕朱弦已發彈

鶴骨松姿又一奇化身千億更無疑人間只說乘
風了靚面相呈却是誰

祖唐臣所藏樗軒畫冊二首

綠淨紅香夢已空草黃沙白思無窮波間野鴨渾
無賴長着詩人慘澹中敗荷野鴨

牧笛無聲畫意工水村煙景綠楊風題詩憶得樗

軒老更覺升平是夢中風柳牧牛

答意

雪屋燈青客枕孤眼中了了見歸途山間兒女應
相望十月初旬得到無

走筆題十老會請疏

痛飲形骸百不成天教鄉社送餘生病夫近日添
新喜十老圖中有姓名

七夕

天街弈弈素光移雲錦機閤漏箭遲誰與乘槎問
銀漢可無風浪借佳期

避兵陽曲北山之羊谷題石龕

冥鴻正恐絳疑網脫兔不忘投茂林世故驅人真
有力天公困我豈無心

壬子寒食

兒女青紅笑語譁秋千環索響嘔啞今年好箇明
寒食五樹來禽恰放花

馬雲卿畫紙衣道者像

太古清風匝地來紙衣長往亦悠哉鐵牛力負黃
河岸生被曹山挽鼻迴

過威州鎬厲王故居

天道循環只眼前果誰烈焰與寒煙種瓜四摘渾
閑事抱蔓無人更可憐

真味齋

雀飯寒蟄老此身高人那計甌生塵味無味處君
知否道着琴書已失真

歸義興侍者溪山蕭寺橫軸

石磴雲松百八盤東峯日上海波寒老來丘壑風

流減却就禪房覓畫看

雲漢此畫甚有泰山神刑因
記東峯看日出時故有上句

喬夫人彩繡仙人圖

綵服仙童畫不如直疑萊子戲庭除青紅未是春

風巧一頌根花更有餘

出山像

不見恒星莫漫驚日頭從此向西生只知大事因緣了依舊雲門望太平

胡壽之待月軒三首

一幅清風竹寫生月華霜白紙如水天公老筆無今古枉却坡詩說右丞

愛竹髯叅發巧新能教一影具形神千門萬戶清光裏袖手東窓有幾人

形似何曾有定名每從游戲得天成墨君解語應

須道猶欠風琴一再行

論詩三首

坎井鳴蛙自一天江山放眼更超然
情知春草池塘句不到柴煙糞火邊

詩勝搜苦白頭生故紙塵昏枉乞靈
不信驪珠難得試看金翅擘滄溟

暈碧裁紅點綴句一回拈出一回新
鴛鴦繡了從教看莫把金針度與人

超禪師晦寂庵

無波古井靜中天三尺藤床坐欲穿
一語調君君

莫笑妙高峯頂更超然

自題寫真

東塗西抹竊時名一線微官誤半生
不畫幼與岩穴裏野麋山鹿欲何成

贈寫真田生三章

人物翩翩羨少年書中穎悟亦天然
燕南只道丹青好素擲泥塗自可憐

萬態千形畫裏看人人眉目與衣冠
情知不是裴中令一片靈臺狀亦難

市井公卿萬不同依然見解一兒童
張顛草聖雄

千古却在孫娘劍器中作遊不同

贈高君用君並從弟

杏苑仙郎合探花
虛傳佳句滿京華
丁寧王謝堂前燕
文采風流有故家

周才卿拙庵

詩筆看君有悟門
春風過水略無痕
蒼名未便遮藏得
拙裏元來大巧存

郭大方自適軒

自適還曾自適無
半生枯寂坐禪居
馬卿若也知人意
只畫梁家舉按圖

風柳鳴蟬

輕明雙翼曉風前一曲哀箏續斷絃移向別枝誰
畫得只留殘響客愁邊

晴景圖

白日青天下筆難要從明潤細尋看藏山只道雲
煙好畫史而今盡熟謾

僧寺阻雨

山氣森岑入葛衣砧聲偏與客心期僧窓連夜瀟
瀟雨又較歸程幾日遲

金山

攢青疊翠幾何般玉鏡脩眉十二環
常着一峯煙雨裏苦才多思是金山

王子文琴齋

天上秋風月底霜求風一曲鬢絲長
相如四壁消何物直要文君典鸛鷀

覃彥清飛雨亭橫披

百道懸流注夜光畫中亭榭亦清涼
何人與問長安客赤日黃塵有底忙

讀漢書

室方隆棟非難構水到頽波豈易迴
豐沛帝鄉多

將相莫從與運論人材

內相楊文獻公哀挽三章效白少傅體
征南諫疏無多語大度高皇有至仁
留得青囊一丸藥異時猶可活斯民

中臺啓事山吏部東閣詞臣何水曹松栢蒲蒲一
丘土龍門依舊泰山高

姓名三字金甌重事業千年片簡青
試向雲間望光彩看從何地現文星

石勒問道圖

輕比韓彭作李陽高僧久已笑君狂
中原果有劉

文叔肯說鈴聲替戾岡

花光梅

草聖前頭一樹春
豪華落盡只天真
寫生今向君家見
疑是花光有兩身

舊與趙景溫

浮雲流水易西東
回首梁園似夢中
一別十年今又別
酒尊能得幾廻同

夏山風雨

條澹經營有許功
吳僧誰得嗣宗風
情知一雨收晴了
更沒塵沙到坐中

春雲淡冶

一抹平林素練橫
數堆寒碧白煙生
春雲可是多姿態
五字常如畫不成

雪谷早行圖二章

雪擁雲橫下筆難
爭教萬景入荒寒
詩翁自有無聲句
畫裏憑君細覓看

畫到天機古亦難
遺山詩境更高寒
貞元朝士今誰在
莫厭明窓百過看

胡叟楚山清曉

剪得吳松一片秋
江山小筆也風流
卷中未有題

詩客留得才情趙倚樓

辛亥九月未見菊

黃菊霜華日日添也應有意醉陶潛鬢毛不屬秋
風管更揀繁枝挿帽簷

荅俊書記學詩

詩爲禪客添花錦禪是詩家切玉刀心地待渠明
白了百篇吾不惜眉毛

夜宿山中

月華人影共徘徊未算歸程夢已迴澗水悲鳴易
愁絕長松休送雨聲來

臺山雜詠十六首 甲寅六月

登臨風有故鄉緣試手清涼第一篇知被錢郎笑
寒乞不將錦繡裹山川

西北天低五頂高茫茫松海露靈鰲太行直上猶
千里井底殘山柱叫號

萬壑千崑位置雄偶從天巧見神功湍溪已作風
雷惡更在雲山氣象中

顛風作力掃陰霾白日青天四望開好箇臺山真
面目爭教坡老不曾來

山雲吞吐翠微中淡綠深青一萬重此景祇應天

上有豈知身在妙高峯

山上離宮魏故基黃金佛閣到今疑異時人讀清涼傳應記諸孫賦黍離

一國春風帝子家綠雲晴雪間紅霞香綿穩藉僧溪草蜀錦驚看佛鉢花

沉沉龍穴貯雲煙百草千花雨露偏佛土休將人境比誰家隨步得金蓮

變羅綿界寶光雲雲際同瞻化現身解脫文殊俱有說是中知有小孩人

真向華嚴見化城翻嫌金屑翳雙明惡惡不可惡

惡可未要雲門望太平

摠爲毗耶口不開龍宮華藏頓塵埃對談石在維
摩在玆重曼殊更一來

咄嗟檀施滿金田遠客游臺動數千大地嗷嗷困
炎暑山中多少地行僊

石罅飛泉水齒牙一盃龍焙雪生花車塵馬足長
橋水汲得中冷未要誇

凜凜長松卧澗阿提壺悲嘯撫寒柯萬牛不道立
山重細路沿雲杳爾何

熱惱消除佛作緣山頭冰雪過先天法王悲智無

窮盡更看清涼遍大千

靈蛇不與世相關時復蜿蜒水石間何處天瓢待
霖雨一龕香火梵仙山

跨牛圖

才子唐人冠服作哦
詩米牛後帶琴書

畫出升平古意同江村渺渺綠楊風看來總是哦
詩客遠勝騎驢着雪中

東駕張珪似
是摹古人本

贈湛澄之四章

眼花看碧漸成朱兀兀陶陶樂有餘柳岸醉僧堪
一笑強教分別竟何如

兒女團樂麗行姿澆籬活計苦無多布囊歸去詩

千首猶欠庭珪墨一螺

十年不見山堂老賴有澄之在眼中
揔道木庵枯
淡好東風花柳各青紅

散聖風流有別傳漆瞳一照出人天
石門故事君知否
好佐涪翁學刺舡

乙卯二月二十一日歸自汴梁二十五
日夜久旱而雨偶記內鄉一詩追錄
於此今三十年矣

桑條沾潤麥溝青
軋軋耕車鬧晚晴
老眼不隨花柳轉
一犁春事最關情

三門集津圖

南北爭教限大江吳家纔了又陳亡畫工只說三
門險不記茅津一帶航

乙卯端四日感懷

衰年那與世相關苦被詩魔不放閑好箇舊家長
樂老無才無德只知頑

山村風雨扇頭

摠爲詩翁發與新五教畫筆亦通神莫嫌風雨無
多景截斷黃塵亦可人

跋蕭帥驚鷺敗荷扇頭徐榮之畫

蕭蕭煙景帶霜華
公子風標浪自誇
可道浣花詩境好
鵲鵲鵲滿晴沙

袁顯之扇頭

雙鷺聯拳只辨愁
枯荷折蒂更窮秋
風沉綠影紅香底
好箇鴛鴦百自由

贈司天王子正二首

慣見河邊織女機
枯槎八月未成歸
樓邊零落今如此
枉却星翁比少微

天容海色本澄清
萬古東方有啟明
七十七年強健在
下方林下看升平

工部趙侍卽下世日作

鶴骨翛然卧石床，情知合眼卽仙鄉。
安時處順吾儒事，枉却南華託坐忘。

跋耶律浩然山水卷

六月三泉松桂寒，西風早晚送歸鞍。
無因料理黃塵了，只得青山紙上看。

真燕二首

杏梁雙宿復雙飛，海國爭教隻影歸。
想得秋風漸涼冷，謝家兒女亦依依。

污潔難將一類推，舊家紅綫可無疑。
豚魚自是詩

家語輕擬庭闈恐未宜

楊松監雪谷早行圖

息軒畫筆老龍眠雪谷冰橋自一天六月高樓汗
如雨豈知方外有詩僊

杜莘老夏日汾亭橫軸

杜侯老筆老民意黃閣清風有故家庸俗紛紛小
兒女枉教塵土浣煙霞

武元直秋江罷釣

暮山明月晚溪雲今古仙九此地分醉後狂歌問
漁叟殘年何計得隨君

張孝遠江行八詠圖 奉使時所見

楚江平浸楚山流
放眼江山得意秋
一寸霜毫九雲夢
合教羈醉岳陽樓

題馮潛綏之碩人在澗橫軸 明先生畫

見說雲霄意氣豪
幾回攬鏡惜顛毛
不爭畫得林泉好
轉使山人索價高

題邢公達寒梅凍雀圖

褐衣相媚不勝情
只許乾暉畫得成
却被詩人笑寒乞
一枝風雪可憐生

秀隱君山水

烏鞵踏破軟紅塵未信溪山下筆親圖上風煙看
蕭洒畫家亦有魏夫人

同梅溪賦秋日海棠二章

錦水休驚散彩霞換根元自有靈砂瓊枝不逐秋
風老自是人間日易斜

翠袖紅粧又一新秋風秋露發清真丹青寫入梅
溪筆桃李從今不算春

梁氏先人手書

玄蚪飛跳九天門秦火驚看片紙存著舊風流知
未減青衫還見讀書孫

薊北杜國寶以真定教官李進之所譖
大父中憲公及其先人帥府從事行
狀見示用題三絕其後

摠道清流解致君白袍唐日已紛紛科名屈殺漁
陽老章甫何人不惠文

兒戲將軍百不知枉將壁壘付安危論功纔得盡
山令堂上奇兵果是誰

堂掾談經見蚤成諸郎難弟復難兄長留北海文
章在千古雲麾有姓名

贈管子野高士三章

僊翁高弟獨君優
曾次清明辨九流
我是愚溪一
愚叟不妨同醉
訾家洲

月旦今誰許
與陳乍賢乍
佞日紛紛
爲有燕頤非
吾事
一片靈臺欲付君

虛名玉表或礪中
薄命何堪與共功
東國人倫要
真識好將傳與黑頭公

戲相師

珥貂簪筆起鉏犁
何必人人慣伏羣
曾次九流君
自了看來唯少醉
如泥

留贈丹陽王鍊師三章

信得人間比夢間一卮芳酒且開顏當時笑伴今
誰在詩客淒涼飯潁山

爛醉玄都有舊期百年人事不勝悲桃花一簇開
無主留着東風與兔葵

弊盡貂裘白髮新京華旅食記前身僊翁相見休
相笑同是邯鄲枕上人

遺山先生文集卷第十四

還山先生文集卷第十五

章宗皇帝鐵券行引

臣嘗考唐史所載鐵券之說有二其一則將相有社稷之功者賜之其一則許藩鎮以自新者也唐自安史之亂之後盜據河朔若魏博若幽燕若鎮冀根結盤互一寇死一寇生天子不問有司不訶者數十年其制御之術可考也溫言善辭以開慰之高爵厚祿以尊寵之甚者又以待社稷臣之禮而禮之也辨理曲直洗滌怨惡質之於天地而示必信申之以丹鐵而圖不朽當是時武尅不剛君

臣相與爲一切之計幸賊之不吾梗雖所求有過
於此者將奔走而奉之故所謂丹書之信特迫於
不得已焉而與之耳道陵朝有以田氏所藏唐賜
蒲鎮鐵券來上者上爲製七言長詩以破其說名
曰鐵券行臣幸獲觀焉自聖人以書契代結繩之
政大朴雖散天理之真淳者猶在人也治稍下衰
而誓誥興信不足有不信夏后作誓而民始叛殷
人作誥而下益惑蓋自結繩而爲書契自書契而
爲誓誥利害相摩機械相直君父而臣子也君有
不得於其臣臣有不得於其君天理之存者曾不

毫髮況又自誓誥而爲鐵券其欲使人不叛且感
亦難矣故施之藩鎮不可也黃河泰山之盟不能
抹韓彭於旋踵之頃赤心白日之語又安可保唐
室於威令復振之後乎施於功臣亦不可也君不
得於其臣而與之爲不直臣不得於其君而受之
爲不義不直不義幾何其不以功臣爲藩鎮也大
哉孔子之言曰天何言哉四時行焉百物生焉知
乎此則知聖人所以及豚魚者爲不在彼也臣竊
伏觀章宗皇帝以仁聖之姿淵懿之智緝熙光明
之學正心誠意脩身治天下二十年之間大信之

所孚股肱大臣之責興臺皂隸之賤皆不言而喻
不約而隨不契而合不膠而固其視前世誓誥之
繁固已貫三光而洞九泉矣況於恃片鐵以爲固
者乎宜其播之於号令發之於歌詩慨然自得於
大道破裂之後祛千載之惑爲萬世之戒也如此
有詔下臣爲作篇引謹昧死百拜而言曰聖人之
公之信皆天也臣何足以知之若夫雲漢之昭回
日星之炳曜編之詩書而無愧質之鬼神而不疑
者臣愚不自度量尚庶幾自託於不腐云臣謹引

秦王擒竇建德降王世充露布

已上二篇正大

元年五月應律科程文餘二篇光
武中興頌大司農箴亡不及錄

臣聞天地之大無不容王者所以悉臣而悉主雷
霆之擊無不滅神兵所以萬舉而萬全其有怙姦
自終同惡相濟雖合從連衡而自爲得計而禁暴
誅亂者理有固然輔車之勢未成連頸之刑已及
陳餘之輔趙歇竟成泝水之亡公孫之得隗囂何
殊咸門之酷明鑒不遠覆轍相尋我國家統接軒
符亂除秦跡斷鰲足以立四極射旄頭而靖八荒
南征北怨而俱荷耒耨西被東漸而無思不服獨
茲狂狡猶爾跳梁竇建德王世克者闔筵下材會

迷小醜要顧不足以膏斧鉞名姓不足以污簡書
僭号位以自居意兵刑之莫及狐鼠不神於晝出
鷹鳩當化於陽和敢爲犄角之謀自隅照臨之造
魚肉兆姓塗炭二方稔惡貫以旣盈諒靈誅之莫
追五侯共憤期分項羽之尸四塚旣成待葬蚩尤
之骨臣與諸將等致行天討動稟睿謀謂虢旣滅
則虜自亡故燕可先而齊當後肅將禁旅進次東
都賊旣身來義當面喻人有請師之舉天開悔禍
之期今不自歸後將無及計即從於馴伏乃更肆
於憑陵不虞當轍之難遽有背城之後臣等先登

進擊深入合攻戰聲騰洛水之波怒氣動邙山之
色紛接戈而敵野殷流血之成川健將既獻餘衆
皆潰世充則堅壁自固恃求援之方來建德則掃
境赴期曾胥亡之不悟臣等鼓已捷之勇迎自送
之師破竹未比乎發機建瓴莫喻其乘勢武牢方
啓突騎直前諸將引陣以當其衝微臣卷甲以出
其後鱣鯢自警蟻虱相悲以彼氣之旣歸當我軍
之方銳亂難復整徒誇軍屬於鵲山勢不久存果
見豆亡於牛谷臣以旣擒夏賊尋詣洛師示之已
獲之俘縱其所遣之使世充外謀已敗內勢又窮

知無地而可逃乃詣軍而自縛一卒不損二盜克
平其東都吏民等霽政久罹王靈甫及金鼓動發
生之氣旌旗導長養之風莫不動地懽呼戴天感
泣廓妖氛而一掃混文軌而大同升平之期自今
以始茲蓋伏遇皇帝陛下沉幾先物神武應期從
容高拱乎九重之中纖悉周知於萬里之外日將
旦而群陰伏顧小竊之何施天不言而四時行宜
雋功之丕應臣某等謬司戎律初乏將材仰憑折
筭之神俯遂請纓之志七旬來格微勞深愧於禹
征萬壽無疆善頌敢忘於武拜

擬賀登寶位表

祀下五題正大元年
奉都堂鈞旨作

中國之有至仁無思不服聖人之得大寶咸與維
新凡在照臨舉深慶抃中謝竊以社稷隆神器之
重父子處人倫之先付與既公衆庶斯定我國家
光宅天下丕冒海隅世祚承平古無倫擬先皇帝
揔持權柄弘濟艱難安強成道德之威信順得天
人之助大功甫集明命有歸欽惟皇帝陛下孝弟
通於神明忠厚及於草木聖神文武克享皇天之
心獄訟謳歌皆曰吾君之子百年享國初得正傳
三后在天更無遺恨大定明昌之治增光宜及於

此時周宣夏后之功專美豈容於他日風雲嘉會
日月中興臣等夙被生成重叨際會接千歲之統
既欣歷數之有歸上萬年之觴行慶版國之盡復

擬立東宮詔

惟王建國篤爲長世之謀惟國立儲茂正萬邦之
本位号定而莫不以爲悅典禮崇而莫敢以爲私
眷予上嗣之良優有中興之略內則視膳問安之
禮備外則尊道讓齒之義隆藹然仁孝之稱粹矣
溫文之表朕自紹休於大統猶虛位於東朝乃考
蓍龜之占乃稽方冊之寶夏后與子天人之望攸

歸周家尚親廟社之尊斯在載消穀旦爰闢青宮
下以副四海之心上以對兩宮之訓某可立爲皇
太子於戲文昭武穆夙詒燕翼之謀震長鬚明本
有承華之象尚因主鬯之重嗣啓迓衡之期

擬除樞密使制

在天垂象璣衡通紫極之嚴稽古象賢有密極洪
樞之峻故非智辯無窮則不足以語成敗安危之
要非威望素重則不足以馭梟俊強悍之臣敷求
天下之奇才以屬國家之大計誕告於衆予得其
人具官某沉鷺有謀矜嚴不撓達用兵之善志厲

許國之精忠戎陣有年膚公屢奏出奇應變森然
武庫之雄厭難折衝隱若長城之固屬機庭之虛
職咨群牧以擇賢才氣無雙士皆樂屬李廣策慮
幅億時則有若陳湯是用假以本兵之權置諸右
府之長於戲漢有汲長孺邪謀竄於淮南唐相李
文饒威令行於河朔蓋屈人貴乎不戰而銷患在
於亡形予將以中興而責成尔其以上策而自任
尚懷遠略無及近功

擬御史大夫議樞密使表

憲府備員積有妨賢之畏樞庭謀帥遽膺制勝之

求拊陋質以何堪對寵光而知懼中謝臣聞受祿
過量忠臣恥其素餐因能任官明主不以私授蓋
物勝於權則衡爲之殆馬竭其力則御速於顛臣
雖至愚敢忘斯義伏念臣智靈弗競器蘊尤疎初
無落落過人之材徒有區區自信之志存更中外
無補事功竊憂大謫之方來敢謂異恩之橫被而
况樞極通帝位之紀宥府嚴師律之謀周設六官
司馬聯於冢宰漢分三府太尉列於中台故必文
武智能之臣乃付腹心爪牙之任人歌宣后豈無
吉甫之憲邦天啓高皇宜得留侯而籌幄顧以非

才而叨擢在於公議而謂何伏望皇帝陛下大道
曲全至明傳照察臣心之有愧濶臣力之弗勝追
還誤恩妙東良輔退而勞力足昭名器之至公因
是得人旋致朝廷之增重

擬除司農卿制

田政維天下之大綱古有播百穀之命農臣分戶
曹之外務今爲治六府之官况假以部使者之權
位於中執法之次自非智數足以豐財賦風采足
以動縉紳則何以察吏治之否臧寬貨源之通塞
曠若予采僉曰汝諧具官其志大而氣剛智明而

才邵遇事不滯若然新發之鋒挺身而前奪乎後
彫之節自預時髦之選浸階華貫之游蔚爲名臣
簡在朕聽是用進以稽臣之貳委茲邦計之繁朕
惟西北用兵以來朝廷多事之際斂散之術旣廢
罪功之辨不明官必仰給於創罷之民民或重困
於侵轍之吏蓋基本急於燮養而綱紀貴乎設張
朕方以一道之事而責成尔得以三載之功而自
效於戲生之有道則財恒足率之以正則令必行
劉晏之輕重相權算不忘於馬上范滂之澄清自
任志已見於車中罔俾斯人專美前世

遺山先生文集卷第十五

遺山先生文集卷第十六

平章政事壽國張文貞公神道碑

故相壽國張公之孫好退謂某言先大父之薨叅知政事高公子約爲神道碑石已具遺貞祐之亂不克立好退南渡二十年乃還鄉里思卒前事而高公之文於時事有嫌不敢復議惟我先人以書生起家仕宦至宰相身存踐履之實國有經綸之業雖流風未遠而人代旣遷徵良吏則墜簡已亡懷舊俗則高年垂盡瞻言丘壠旌紀寂寥好退無所以肖不能奉揚微烈負黷蒙累無以自處誠

得吾子辱以第二碑賜之則瞑目爲無憾矣敢百
拜以請其竊自念言不腆之文領無足以紀公之
美且不能繼於高公之文之後固宜以不敏辭所
以不敢終辭者蓋金朝官制大臣有上下四府之
目自尚書令而下左右丞相平章政事二人爲宰
相尚書左右丞叅知政事二人爲執政官凡在此
位者內屬外戚與國人有戰伐之功預腹心之謀
者爲多潢霽之人以門閥見推者次之叅用進士
則又次之其所謂進士者特以示公道繫人望焉
爾軒輊之權既分踈密之情亦異孤立之迹處乎

危疑之間難入之言奪於衆多之口以常情度之
謂必以苟容爲得計循默爲知體矣然而持區區
之忠以盡心於所事如石右丞琚董右丞師中胥
莘公鼎之流慨然以名臣自任者亦時有之惟公
歷仕四朝再秉鈞軸不難於佗人之所難不徇於
世俗之所徇忠信篤實足以自結人主名德雅望
足以師表百僚敦龐耆艾足以填國家而撫百姓
故百年以來談良相者莫不以公爲稱首夫善化
一鄉智効一官人且喜聞而樂道之不欲使之隨
世磨滅有如我公乃不得以著金石傳永久秉筆

之士將不有仕其責者乎謹按儀同三司平章政
事壽國文貞公諱萬公字良輔姓張氏唐名臣公
謹之後唐末有自東海徙汶上者後又徙東阿遂
爲東阿人曾祖諱晞行善好施鄉人歸之宣政末
常出財佐軍二子得補國子助教用公貴贈銀青
榮祿大夫清河郡侯妣劉氏清河郡太夫人祖諱
詢孝弟力田家用不匱贈金紫光祿大夫清河郡
公妣崔氏清河郡太夫人考諱弥學篤於學問尚
書爲專門之業初應鄉試權本經第一後罷經義
科以詞賦取士復預薦書已而嘆曰丈夫寧老於

童子彫蟲之技耶吾不復出矣常銘其左右云欲
求子孫先當積孝欲求聰明先當積學世以爲名
言累贈崇進壽國公妣王氏壽國太夫人生四子
公其第四子也崇進公嘗夢至一大官府署曰張
萬相公之室已而公生因以名焉公幼穎悟號稱
博聞強記弱冠登正隆二年詞賦進士第釋褐穎
順軍新鄭縣主簿丁崇進公憂服除調沂州費縣
主簿正隆政衰盜賊群起公有策禦之盜爲衰止
邑人賴焉大定四年調遼陽府路辰谿鹽司判官
課窳超淄川長山令去官之日百姓爲之立祠十

五年克尚書省令史考滿遷河北西路轉運司都
勾判官歲餘改大理司直十九年遷武寧軍節度
副使二十一年召爲尚書省右司都事朝廷知公
始將大用矣未幾攝同知登聞檢院事奏對稱旨
乃其受焉再遷侍御史不數月改右司員外郎即
中敷奏詳明不爲緣飾世宗嘉賞之碩謂侍臣曰
張萬公純直人也俄遷刑部侍郎章宗即位詔以
遺留使於宋使還會創設提刑司首命公爲河南
路提刑使不暮年御史臺奏課爲凡路之最擢拜
御史中丞時明昌元年也元妃李氏有寵上欲立

爲右臺諫以爲不可交攻之監察御史宗端脩右拾遺路鐸翰林脩撰趙秉文皆得罪去一日上遣中使密訪公吾欲立后何所不可而臺諫乃不相容卿以爲如何公言此大事明日當面奏及對因爲上言國朝立后非貴種不預選擇元妃本出太府監戶細微之極豈得母天下上默不言明日出公爲彰德軍節度使兼應州管内觀察使其後立后議寢上思公言召爲大興府尹二年九月拜叅知政事以太夫人年過八十表乞就養不許未幾復申前請乃授山東西路兵馬都總管兼判東平

府事以便親歲餘復以親老爲言乃聽歸侍六年
起爲河中府尹時屬軍興調度百出公爲之平物
價寬民力比它州所費省者什六七承安三年正
月上以太夫人之故移公濟南尹河中之人爲建
去思堂畫像事之九月丁內艱卒哭詔以明年正
月朝京師起復授平章政事超資善大夫封壽國
公主兵者言比歲征伐多至敗衄凡以軍事所給
之地不足自贍至有不免飢寒者所以無鬪志願
括民田之冒稅者分給之則戰自倍矣朝臣議已
定公獨上章極諫其不可者五大略以爲軍旅之

後瘡痍未復百姓拊摩之不暇何可重擾一也通
檢未久田有定籍括之必不能盡適足以增猾吏
之敝長告訐之風二也浮費侈用不可勝計推之
以養軍可歛不及民而足無待於奪民之田三也
兵士失於選擇強弱不別而使之同田而共食振
厲者無以盡其力而疲勞者得以容其姦四也奪
民而與軍得軍心而失天下心其禍有不勝言者五
也必不得已乞已冒地之已括者召民靜之以所
入贍軍則軍有坐獲之利而民無被奪之怨矣不
從即以萊病不任職乞罷賜告兩月且以尚醫調

護之泰和元年六月連章請老遷榮祿大夫且以公第四子某四赴庭試當同進士出身詔充閣門祗候又改筆硯局承應尋賜進士第所以優禮公者佗相莫與爲比二年章拜上有旨卿頻上章告老寧以言事不見從或與同列者有差別故耶何求去之數也公奏言臣誠衰老當避賢者路無佗意也三年正月章拜上不允加銀青榮祿大夫三月歷舉朝賢之可代已者求去甚力上爲感動中使宣旨朕初即位首命卿入政府繼遷相位以卿習於典故處事詳雅春秋雖高而神明未衰故且

以機務相勞今去意既堅不得不屈朕以從卿耳
明日入辭詔以金紫光祿大夫致仕公退居上所
以待之者不少嘉朝廷有大利害則遣使者就訪
之六年南鄙用兵上以山東重地須大臣鎮撫之
手詔起公判濟南府山東東西路宣撫使便宜行
事公爲之布教條問民所疾苦貸逋賦以寬流亡
假閒田以業單貧戍邊郡者戒之以守疆場毋敢
妄動益州郡者戒之以省符牒毋敢妄擾經畫既
定即移文有司乞還鄉里上優詔許之仍加崇進
以榮其歸七年冬十月寢疾一日令具湯沐洒掃

庭內曰吾將逝矣命子益執筆書遺戒子孫以
貴薄尚儉而已尋薨春秋七十有四上聞之震悼
輟視朝賻贈加等祭葬皆用詔書從事有司攷行
謚曰文貞仍贈開府儀同三司以八年二月舉公
之柩葬於青太里北原之先塋壽國夫人劉氏祔
焉大安元年詔繪公像於衍慶宮配享章宗廟庭
公資朴直不自表襮自少日便能以沉默自養平
居不妄言笑事親孝待昆弟有禮與人交不苟合
太夫人喜家居留官下者未嘗以每一書示至公
必望拜庭下欷歔流涕而後發左右皆爲感動夫

人前歿章宗欲有所賜再拜謝不敢當絮居終身
兩童子自隨侍婢不得至其前閒居鄉縣與父老
游敦布衣之好初不以名位自居仕宦五十年在
州縣則治化清淨不事科罰而人有畏愛之實在
朝廷則切於論列有不便於民者必委曲道之雖
理若訐直而辭氣容貌不失其爲大臣之體大定
之治近古所未有紀綱法度備具周密公在相位
謹奉行而重改作得守文之體故能不勳聲氣而
天下陰受其賜古所謂日計不足月計有餘者於
茲見之故嘗論公平生所言者不勝載而繫於廢

與存亡者有二事焉一立后二括田立后難於從而章宗從之括田不難於從而竟不聽其後武夫悍卒倚國威以爲重山東河朔上腴之田民有耕之數世者亦以冒占奪之兵日益驕民日益困養成癰疽計日而潰貞祐之亂盜賊滿野向之倚國威以爲重者人視之以爲血讐骨惡必報而後已一顧眄之頃皆狼狽俱於鋒鏑之下雖赤子不能免蓋立后之事在庭之臣皆以爲不可獨上以爲可故公之言易爲力括田之事上下皆以爲可而公獨以爲不可故難爲功以一言之不相入其禍果

有不可勝言者是不獨在公爲遺恨異世相望亦
當有太息而流涕者嗚呼豈非天耶銘曰

留侯授書三往雞鳴濟北有期廼祠嘉平神物不
亡時出効靈穀城之張帝傳載生帝傳維何文貞
壽公未訥之剛朴魯之忠以靜而應以介而通悃
悃無華安事勇功卽署擢長憲臺進貳相業之良
興陵所試大定之治講若畫一公如曹叅守而勿
失守而勿失民以寧謐賜則陰受跡容致詰皇天
生之曷不成之孝孫受之曷不究之在昔所難在
聽思聰烏群於前孰知雌雄兵以農戰國從本固

皮之不存毛將安傳一言之微却可以興作法於貪敝將曷勝悔罔後及忠無前寤我思古人愛而莫助黃山之陽喬木蒼蒼公墓有碑千載涕滂

王黃華墓碑

泰和壬戌冬內翰王公卒於京師道陵雅知公家無餘財將無以爲葬也詔有司賻錢八十萬以給襄事求生平詩文藏之秘閣未幾以御製詩賜其家其引云王遵古朕之故人也乃子庭筠復以才選直禁林者首尾十年今茲云亡玉堂東觀無復斯人矣其家以遺文未上尋繹之文良用愴然而

其詩有天材超邁無慙琬琰之句蓋公門間人品
器識文藝一時名卿材大夫少有出其右者上意
亦恨其得之晚而用之者百未一試也故殷重嗟
惜之如此公諱庭筠字子端姓王氏家諱載其三
十二代祖烈太原祁人避漢末之亂徙居遼東曹
公特徵不應隱居終身其後遼東亦亂子孫散處
東夷十七代孫文林仕高麗爲西部將歿於王事
又八世曰樂德居渤海以孝聞遼太祖平渤海封
其子爲東丹王都遼陽樂德之曾孫繼遠仕爲翰
林學士因遷家遼陽繼遠孫中作使咸飭避大林

延之難遷漁陽咸飭孫六宅使恩州刺史叔寧遷
白霄六宅生永壽居韓州遼天慶中遷蓋州之熊
岳縣遂占籍焉永壽之長子政事金朝官至金吾
衛上將軍建州保靜軍節度使保靜之中子遵古
字元仲正隆五年進士仕爲中大夫翰林直學士
文行兼脩潛心伊洛之學言論皆可紀述明昌應
詔有昔人君子之目子孫以昔人名所居之山而
君子名其泉所爲志也中大夫四子庭至庭堅次
耶公太師南陽郡王張公浩之外孫生未暮視書
識十七字六歲聞父兄誦書能通大義七歲學詩

十一歲賦全題讀書五行俱下日記五千餘言泳
郡王公儵然風岸孤峻少所許可一見公以國士
許之弱冠擢大定十六年甲科釋褐承事郎恩州
軍事判官臨政即有能官之舉郡民鄒四者謀爲
不執事覺逮捕千餘人而鄒四者竄匿不能得朝
廷遣大理司直王仲軻與公治其獄公以計獲鄒
四分別註誤坐預謀者十二人而已再調館陶主
簿公蚤有重名天下士夫想聞風采謂當一日九
遷乃今碌碌常選限於賢愚同滯之域簿書期會
隨俗俯仰殊不自聊秩甫滿單車徑去卜居隆慮

周覽山川以謂西山橫截千里隱然如臥龍起硤
砢天平黃華至魯般門龍之首脊肋尾皆具而黃
華蔚然涵濃秀之氣山有慈明覺仁二寺上下相
去不半里所西抵鏡臺直鷄翅洪之懸流幽林穹
谷萬景全集一水一石皆崑閬間物碩視塵世殆
不可一日居也乃置家相下買田隆慮借二寺爲
栖息之地時往嘯詠若將終身焉晉人庾袞隱居
義陽僅見於傳記黃華雖勝絕而近代無所知名
至於高賢題詠亦罕及之自公來居以黃華山主
自號茲山因之槃出太行之上人境俱勝於公見

之山居前後十年得悉力經史務爲無所不聞旁
及釋老家尤所精讀學益博志節益高而名益重
明昌初用薦者以書畫局都監召俄授應奉翰林
文字同知制誥遷翰林脩撰坐爲言事者所累出
爲鄭州防禦判官承安初繼丁內外艱衰毀骨立
幾至不起四年起復應奉翰林文字泰和元年復
翰林脩撰扈從秋山應制賦詩至三十餘首寵眷
優異蓋將大用暮年罹此不幸春秋五十有二寶
二年十月之十日也官止丞務郎緋衣銀魚夫人
張氏亦太師女孫子男三人萬安萬孫萬吉皆早

卒女三人長曰從淨幼爲女官公沒後以能詩召
見特加敬異次曰琳秀入侍掖庭李女幼在室公
既無子以弟庭淡之次子萬慶爲之後以蔭補官
至行尚書省左右司郎中文章字畫能世其家孫
某曾孫某尚幼公儀觀秀偉善談笑俯仰可觀外
視若簡貴人初不敢與之接一見之後和氣津津
溢於顏間殷勤慰籍如恐不及少有可取極口稱
道他日雖百負之亦不恨也從之游者如韓溫肅
路元亨張晉卿李公度所引見者如閑閑趙公內
翰馮公屏山李公皆爲文章鉅公下者猶不失爲

名士世以知人許之爲文能道所歆言如文殊院
斷琴飛來積雪賦又漢昭烈廟碑文等辭理兼備
居然有臺閣體裁暮年詩律深嚴七言長篇尤以
險韻爲工方之少作如出兩手可爲知者道也有
叢辨十卷文集四十卷傳於世世之書法皆師二
王魯直元章号爲得法元章得其氣而魯直得其
韻氣之勝者失之奮迅韻之勝者流爲柔媚而公
則得於氣韻之間百年以來公與黃山閑閑兩趙
公人俱以名家許之畫鑒既高又嘗被旨與舅氏
宣徽公汝霖品第秘府書畫因集所見及士大夫

家藏前賢墨蹟古法帖所無者摹刻之号雪溪堂
帖一十卷至於筆墨游戲則山水有入品之妙墨
竹殆天機所到文湖州以下不論也每作一幅必
以千文爲號不肯輕以予人閑閑有上公詩云李
白一杯人影月鄭虔三絕畫詩書馮內翰挽章云
詩名摩詰畫絕世人品右軍書入神人以爲寶錄
云癸丑夏六月某客燕中萬慶爲言先公之歿四
十餘年矣南北喪亂初無歸願之望衰年乃得灑
掃墳墓丘木已老而旌紀寂寥某死不得瞑目矣
今屬筆於子幸有以惠顧之某不敏自初學語先

夫人教誦公五言志學以來知慕公名德蓋嘗夢
寐見之雖不迨指授至於不昧之文亦從公沾丐
得之已嘗不自揆度爲先正壽國文貞張公閑閑
趙公內相文獻楊公碑矣有如我公乃不得著金
石傳永久碩安所逃責乎乃勉爲論次之而係以
銘銘曰

山立兮楊休元精兮當中冠名士兮中朝何隱隱
兮隆隆明昌天開文治昭融婉孌龍姿孰雲之從
望公脩門劒珮從容行人會盟常伯秩宗間燕論
思哀職弥縫願曷任弗勝而鉛槧是供生材實難

間氣所鍾有物妬之隨以禍攻白駒忽其過隙乃
歆歷九關而上通詩至夔州而僊文以潮陽而雄
假公歲千寧阮以窮研摩於韓杜之後宜愈困而
愈工養吾棟而先代果奚貴乎楠松謂公不遇耶
獨簡在乎淵衷謂公爲遇耶方積紫之爲功畀鉉
基而奪之而無庸計夫乖逢馬鬣兮蒿蓬摧熊嶽
兮天之東望倒景兮不及抱明月兮長終澤畔行
吟俯水伯之幽宮裴回故都而不忍訣駕孤憤於
迴風謫傳長沙竊賊內訌邈前席之不再俄占書
之告凶貴大患若身兮羌今昔之攸同我作銘詩

并以慰公使不幸而爲屈賈其何以釋玄壤之遺
恫

沁州刺史李君神道碑

君諱輯字濟川姓李氏系出隴西唐末其遠祖官
汴渠石晉之亂流寓遼之北京是爲大定府金朝
取遼有昭信校尉諱福者避亂雲中生子孝直爲
汴京行臺令史仕至明威將軍宛丘令即君之考
也宛丘嘗尉淄川樂其風土遂爲淄川人路孟州
宣叔撰墓碑述先世之德備矣君年十六以蔭補
轉運司押遼官時正隆南征在所寇盜充斥及歲

終受代間關還侍下人以其年甫成童而能自樹
立甚嗟惜之九三歷酒官遷忠武校尉君幼學穎
悟雖已在仕籍所以爲舉子計者不少輟三赴省
試皆入優等嘗以所業見鄭內翰景純景純大爲
辨異謂君言吾子必名世吾鄉爲不乏人矣俄登
大定十九年詞賦進士第換承務郎調歷城主簿
改積石州軍事判官積石邊郡荒渾雜居君撫治
有方人甚安之遷范陽令召補尚書省令史章宗
以原王領省事愛君占對詳明審當每啓事退目
送者久之終更留再考未幾除吏部主事陝右早

甚詔君乘傳問民所疾苦君至關輔馳奏百姓苦
饑當議有以賑貸之未報即開倉賑貧所全活不勝
計朝廷以爲知權不罪也改太府監丞兼職常四
五朝舉旣著蓋將大用矣明昌三年以歲歉流乏
者多故田野不開詔君克山東東西路勸農副使
君遍歷郡縣勸課備至世官有墮窳者率真決之
徭役害農務者以便宜罷之是歲山東爲之有秋
使還授中都路轉運副使京都承平日久經費十倍
大定間一時府庫充實君有力焉丞相軍北行轉
運司例以正負督餽餽同列方以從軍爲憂而君


自請爲宰相重君之行爲改檄他負五年召授沁
州刺史兼知軍事陛見之日有詔朕比欲以郡守
命卿有司以卿資淺未當得卿朕識卿舊故有此
授卿宜悉力爲民以稱朕意政成卽召卿矣朝貴
重君材其行也祖道都門冠蓋塞路是夕太夫人
張氏無疾而歿乃扶護還鄉里君天性純至初赴
積石太夫人以六盤路險登頓殊甚山外高寒非
老人所堪故留居鄉里君在官一年卽以長告歸
侍年過五十每遠遠庭闈惻然有孺子之慕至是
哀感過甚殆無以自存食飲淡薄且不以時進比

葬柴毀骨立竟用是得疾以某年月日春秋五十有五終於服次隨以某日奉君之柩柩于某原之先塋執紼之人傾動州里行路爲之悽愴其誠考之所感如此君自就學即以和雅自將究丘檢官剛嚴君從容諫止以故多從寬厚歷中外餘十五年廡正敬慎超出倫等又其行已之所以移於官者也其登科時御題易無體同年生六十人自甲選張行簡至黃士表賦學家謂人人可以魁天下程卷皆錄本以傳凡仕宰相數人刺史節度殆過其半人以此前世龍虎榜至論孝弟忠敬尚以君

爲稱首云先娶沂州蒲氏再娶錦州張氏武安軍
節度使臨海老人子雲之女再娶宛平王氏忻州
刺史子正之女皆封某郡君子男二人長國瑞試
補禮部令史再任南陽縣令以惠愛見稱次子國
維興定五年進士歷符離葉令淳正古雅爲時聞
人女二人長適山東東路總管判官徒單喜僧次
適南京廣盈倉副使趙思孫男女皆尚幼銘曰
處爲儒先出曰吏師明昌名臣道陵所咨至性薰
然既厚其資於濟事也權於及民也慈永錫爾類
從古有辭人子養親易失者時舍飴弄孫爲樂不

賢聖善所宜神豈我私誰爲隙駒忽其嶮巖碩瞻
玄堂泣涕漣漣及母下泉尚慰我思孰物之尸孰
命之司曷畀之者全而不以寃施伐石西山勸我
銘詩是惟純孝李君之墓過者式之

遺山先生文集十六卷終



遺山先生文集卷第十七

碑銘表誌碣

閑閑公墓銘

唐文三變至五季衰陋極矣由五季而爲遼宋由遼宋而爲國朝文之廢興可考也宋有古文有詞賦有明經柳棣歐蘇諸人斬伐俗學力百而功倍起天聖迄元祐而後唐文振然似是而非空虛而無用者又復見於宣政之季矣遼則以科舉爲儒學之極致假貸剽竊牽合補綴視五季又下衰唐文奄奄如敗北之氣沒世不復亦無以議爲也國

初因遼宋之舊以詞賦經義取士預此選者選曹
以爲貴科榮路所在人爭走之傳注則金陵之餘
波聲律則劉鄭之末光固已占高爵而釣厚祿至
於經爲通儒文爲名家良未暇也又翰林蔡公正
甫出於大學大丞相之世業接見宇文濟陽吳深
州之風流唐宋文派乃得正傳然後諸儒得而和
之蓋自宋以後百年遼以來三百年若党承旨世
傑王內翰子端周三司德卿楊禮部之羨王廷州
從之李右司之純雷御史希顏不可不謂之豪傑
之士若夫不溺於時俗不泊於利祿慨然以道德仁

義性命禍福之學自任沉潛乎六經縱容乎百家
幼而壯壯而老怡然渙然之死而後已者惟我閑
閑公一人公諱秉文字周臣姓趙氏閑閑其自号
也世爲磁州滏陽人祖諱某用公貴贈正議大夫
上輕車都尉天水郡伯考諱某贈中奉大夫上護
軍天水郡侯李右司諱其墓述先世以來詳矣公
幼穎悟讀書若夙習弱冠登大定二十五年進士
第調安塞簿以課最遷鄆郎令再遷唐山丁郡侯
憂用薦者及提刑廉舉起復充南京路轉運司都
勾判官丁太夫人某氏憂又用薦者起復應奉翰

林文字同知制誥上書論宰相胥持國當罷宗室
守貞可大用又言刑獄征伐國之大政自古未有
君以爲可大臣以爲不可而可行者坐譴訕免官
未幾起爲同知岢嵐軍州事轉北京轉運司度支
判官承安五年冬十月陰晦連日宰相萬公入對
上顧謂萬公言卿昨言天日晦冥亦猶人君用人
邪正不分者極有理趙秉文曩以言事降授聞其
人有才具又且敢言朕非棄不用直以北邊軍興
姑試之耳泰和二年改戶部主事遷翰林脩撰考
滿留再任衛紹王大安初北兵入邊召公與待制

趙資道論邊備公言今大軍聚宣德宣德城小列營其外夏暑雨器械弛敗人且病迨秋敵至我不利矣可遣臨潢一軍擣其虛則山西之圍可解兵法所謂出其不意攻其所必救者也王不能用其秋宣德以敗聞十月出爲寧遼州刺史二年改平定州前政苛於用刑盜賊無大小皆梏殺之聞赦將至先梏賊死乃拜赦而盜愈繁公爲政每從寬厚不旬月盜賊屏跡終任無犯者歲飢出俸粟爲豪民倡以賑貧乏賴以全活者甚衆及受代老幼攀送戀戀不忍訣已出郭復遽留之再三乃得去

入爲兵部郎中兼翰林脩撰俄提點司天臺崇慶
二年春太白經天公上奏歲八月當有人更王之
變當國者以爲妖言置章不通及期王出居衛邸
如公言俄轉翰林直學士貞祐初公言時事三一
遷都二導河三封建大略謂中國無古北之險則
燕爲近邊車駕幸山東爲便山東天下富強處也
且有海道可通遼東接上京宋有國時河水常由
曹濮開滑大名東平滄景會獨流入于海今改而
南由徐邳水行處下視堤北二三丈有建瓴之便
可使行視故堤稍脩築之河復故道則山東河南

合敵兵雖入可阻以爲固矣三代封建外裔不能
得中國之利秦罷諸侯而郡縣之無虜禍而有不
及其之禍喻如秦銷鋒鏑今民間不得戡弓矢是
也墮名城今腹內州軍不置樓櫓是也在承平日
若無患及其弊則天下有土崩之勢秦之勝廣漢
之張魯唐之安史皆是也房琯因祿山之亂請出
諸王分置諸道祿山聞之曰天下不可得矣今就
不能復三代之故亦宜分王子弟置諸道節度則
是山東有大河之險有維城之固而無燕近塞之
憂舉而三者得矣明年上書請爲朝廷守殘破

一州上以公宿儒當在左右不宜補外不許四年
除翰林侍講學士明年轉侍讀興定中拜禮部尚
書兼前職同脩國史知集賢院事又明年知貢舉
坐爲同官所累奪一官致仕有旨以卿嘗告老今
遂之也公家居上所以禮遇公者不少衰時遣中
使問卿精神何如往年不數日復起爲禮部尚書
兼官如故入謝上曰卿春秋雖高以文章故須復
用卿公亦以身受厚恩無以自効願爲天子開忠
言廣聖慮每進見從容爲上言人主當儉勤慎兵
刑所以祈天永命者上嘉納焉今天子即位公再

以年乞身改翰林學士脩國史公以上嗣德在初
當日親經史以自裨益進無逸直解貞觀政要申
鑒各一通開興改元北兵由漢中道襲荆襄京師
戒嚴上命公爲赦文以布宣悔悟哀痛之意公指
事陳義辭情俱盡城下之後國家所以感人心作
士氣者公與有力焉時公已老日以時事爲憂雖
食息頃不能忘每聞一事可便民一士可擢用大
則奏章小則爲當路者言殷勤鄭重不能自己竟
用是得疾以夏五月十有二日春秋七十有四終
於私第之正寢時軍國多故賻祭不及大夫士相

弔閭閻細民亦知有邦國殄瘁之歎越二日權殯
開陽門外二百步有待也積官至資善大夫勲上
護軍爵天水郡侯食邑一千戶實封一百戶先娶
劉氏再娶郭氏並封天水郡侯夫人前公卒子男
一人名似待闕御史臺掾女三人長劉出也嫁汝
州推官高可約次嫁衛州行部郎中石玠季嫁肯
知管差除令史張履三婿皆名進士也所著易藁
說十卷中庸說一卷揚子發微一卷太玄箋贊六
卷文中子類說一卷南華略釋一卷列子補注一
卷刪集論語孟子解各一十卷生平文章號澄水

集者前後三十卷資暇錄十五卷公究觀佛老之
說而皆極其指歸嘗著論以爲害於世者其教耳
又其徒樂從公游公亦嘗爲之作文章若碑誌詩
頌甚多晚年錄生平詩文凡涉於二家者不在也
大槩公之文出於義理之學故長於辨折極所欲
言而止不以繩墨自拘七言長詩筆勢縱放不拘
一律律詩壯麗小詩精絕多以近體爲之至五言
則沉鬱頓挫似阮嗣宗真淳古淡似陶淵明以它
文較之或不近也字畫則有魏晉以來風調而草
書尤驚絕殆天機所到非學能至今宣徽卿使

河湟夏人多問公及王子端起居狀朝廷因以公
報聘已而輟不行其爲當時所重如此公之葬也
孤子似以好問公門下士未逮銘因考公平生而
竊有所嘆焉道之博可一人而足所以弘之則非
一人之功也唐昌黎公宋歐陽公身爲大儒繫道
之廢興亦有皇甫張曾蘇諸人輔翼之而後挾小
辨者無異談公至誠樂易與人交不立崖岸主盟
吾道將四十年未嘗以大名自居仕五朝官六卿
自奉如寒士而不知富貴爲何物生河朔鞍馬間
不本于教育不階於講習紹聖學之絕業行世俗

所背馳之域乃無一人推尊之此文章字畫在公
爲餘事自以徒費日力者人知貴之而不知貴其
道歟桓譚有言凡人賤近貴遠親見楊子雲故輕
其書若使更聞賢善爲所稱道其傳世無疑譚之
言今信矣然則若公者其亦有所待乎銘曰

道統中絕力任權御一判藩籬倒置冠履公起
河朔天以經付挺身頽波爲世砥柱優柔而永
饗飫而超春風舞雩如望超步心與理叶默以
言寓發道大全初莫我助大夜而且大夢而寤
乾端坤倪軒豁呈露致知力行開物成務在德

通志卷之七
爲柄在治爲具吾道非耶而以文遇足已無待
待義不懼憂國愛君華首弥固歲書名山京師
其副後禮樂興當表公墓

朝散大夫同知東平府事胡公神道碑
公諱景松字彦高姓胡氏其先威州人曾祖智避
靖康之亂遷武安遂占籍焉祖益家累鉅其父
課之讀書涉獵經史工於書翰輕財好施不責報
償秋冬之交量以布絮散寒者仍作糜粥以食之
歲以爲常趙魏間稱積德者莫不以胡氏爲稱首
去正隆南征以良家子從軍載國子監書以歸因

之起萬卷堂延致儒士門不絕賓儒素起宗實兆
於此後以第四子浩官五品贈宣武將軍考仲溶
嗜讀書不以世務縈懷大定初兩赴廷試不中即
以詩酒自娛竟用是得疾甫三十而歿用公貴贈
朝列大夫安定縣子公幼有至性十歲喪父哀毀
成疾嘗泣謂其母孔氏言吾父不幸早世兒雖當
學以成吾父之志孔夫人有賢行所以作成其子
者爲甚力故公十五知屬文弱冠有聲場屋間年
三十擢大定二十五年詞賦甲科釋褐海州軍事
判官用提刑司廉舉特旨陞即墨令縣治瀕海土

堯而俗惡公清介自律人莫敢犯一新珥筆之舊
縣界多世官侵愁細民累政以爲苦及是有以牧
馬傷民田者公深治而痛繩之強暴爲之怙然初
縣廨在古城之隅爲妖狐所據狐晝伏夜出變化
狡獪或爲獄卒縱遣囚繫或爲官妓盜驛傳被襍
媚惑男女有迷亂至死者民無如之何反以香火
奉之餘五十年矣公下車問知所以然願謂同僚
官舍所以居賢今令不得居而狐得據之耶時屋
空已久頽圯殊甚即命完葺之明日即聽事理務
抵暮張燭而坐夜參半狐鳴後園中一唱百和少

頃群集周匝廷內中一大狐據地而吼如欲搏噬
然卒伍散走接死無所公安坐不爲動而狐亦不
敢前良久稍稍引退如是者三日遂不復來後十
餘日傳一女奴歌謠跳躍狂若寐語公以朱嘗迫
逐之置奴釵間奴即知人明日尉自巡邏還遭群
狐數百由縣東南而去狐禍遂絕縣民以公爲神
刻石頌德李右司之純之文也秩未滿用提刑司
薦遷河南府推官姬師送強寇十數輩尹以下謂
此寇爲民害久亟散除之公疑縣所送者皆平民
爲緩其獄尹怒強出囚於市且以稍緩讓公公執

議之次忽有馳報嫗師獲正賊者尹慚謝即日上書薦之就除太原推官未赴召爲大興推官時道陵新即大位留意庶獄勅尚書省吾往判大興獄犴填滿推官雖小職尤難其人可選文臣公平審慎者充宰相以公爲能故有此授公益職不三月以獄空聞詔錫宴以寵之俄改上京等路提刑司判官秩滿以稱職超授西京路轉運副使丁內艱服除爲國子監丞兼戶部員外郎未幾改同知遼東路轉運使事本路稅額以牛頭徵者積數百萬石多有名無實無所從出而重爲主典者之累公

躬自閱實無有欺抑者凡椿配之數悉從蠲貸在
所倉官坐傷耗而礙銓調者率以新官代之旬月
入爲刑部員外郎東平大名同時有告人謀反者
朝廷以戶部員外郎蘇某鞠獄大名而東平則以
公決之蘇法吏專事撈掠囚不勝慘毒皆自誣服
株連者以千數公至東平有司供獄具至有蜎籠
大匱之屬公歎曰斷獄以情奚以此爲哉引告者
諦審之十日而後其情得告者搏頰自恨言所以
誣罔者獄旣具止反坐此人而已東平尹率其屬
勞公曰非使者忠愛三千人之命誰當續之百姓

焚香拜送連延百餘里馬爲不得前及奏上道陵
喜曰胡景崧處置稱朕意矣大名之獄獨無冤乎
隨以它使者覆之蘇竟以罪去而公之朝譽由是
益隆泰和六年以選爲上京東京等路按察司簽
事陞辭以例言三事然皆天下之大計非例所當
言者其一天子之職在擇相相得人則垂拱而治可
也其二今皇嗣未立宜肅正六宮以廣繼嗣之路
時元妃李氏專寵其宗有威福之漸外臣有寅緣
至宰相者故公爲上言如此不報改同知鎮西軍
節度使事屬歲旱公禱而雨明年郡國蝗中使四

出掩捕獨公所治近城三十里無有也樓煩報蝗
入縣境公馳至禱於右土祠言罪在守令幸無毒
平民願畱之際蝗去無留者衛紹王大安初擢坊
州刺史公老於吏事布宣教條恩威並著旬月之
後但臥治而已俄改解州刺史坊人攀送垂泣而
去踰年遷同知東平府路兵馬都總管事以崇慶
二年五月日遣疾春秋五十有九卒於雒陽之傳
舍積官朝散大夫上護軍安定郡開國伯食邑七
百戶後幾日塋於其所之先塋娶馬氏封安定郡
君婦德母儀中表以爲法後公幾年卒子男三人

長曰德珪正大四年進士儒林郎富平縣主簿次
德珪早卒次德琳以公廕爲禮曹掾文二人長適
刑臺焦日新封中山縣君次適洎川楊振文封弘
農縣君孫男三人祗適祗承祗畏公美丰儀善談
論臨事剛嚴人莫敢犯至於推誠接物則慈祥愷
悌唯恐不及族屬餘百口同居迨公四世公如睦
之小大無間言從弟義幼孤賴公教督繼擢高第
舊制文資官例提舉學校故公所在必課諸生學
委曲周至終始如一前後三知貢舉凡置在優等
者皆奇俊宏傑之士士論以得人許之歲丙午某

過彰德德珪方爲府從事謂某言先人棄養將三
十年貞祐之亂倉皇南渡願瞻先塋有旌紀寂寞
之感追今北歸先夫人之柩從柩有日誠得吾子
銘而志之以俟百世之下不肖孤死不恨矣敢百
拜以請某不敏嘗問公於曹徵君子玉子玉公鄉
里知公爲詳以爲公無他過人但能克孝弟之性
而已古有之事親孝故忠可移於君君家理故治
可移於官又曰孝弟之至通於神明信斯言也公
可以無媿矣銘其可辭其銘曰

地天而人泰山微塵不以元氣網維之奚取于

耻焉之身元氣維何由孝而仁智効一官大或
秉鈞民吾同胞忍弗愛其親惟悉聰明而致忠
愛故所過者化而存者神上下同流何有乎獸
伏而鳥馴問牛及馬不足以謂之能柱後惠文
不足以謂之循我思胡公煖然而春鬱彼佳城
志以貞珉千年而見白日尚知爲秦和之名臣

寄庵先生墓碑

道陵承安中賊臣胡沙虎尹大興先生爲府推官
虎方誦事中貴竊弄威柄內則以姦佞固主恩外
則鼓動聲勢以劫制天下同列有一事不相叶一

語不相入者不陷之死地則排諸遠方故時人視之猶蛇虎鬼魅疾走遠避之不暇先生直前徑行初不爲死生禍福計每以公事相可否至絲髮不少貸又摘其陰事數十條將發之私謂所親言此人口無所不能言手無所不能爲政恐寧我負人終成噬主之狗虎篡者也平居頤指氣使無不如意乃今爲一書生所軒輊積不能平乃先以非罪誣染之凡可以中傷者無不至先生守之益堅坑之者愈力如是二年既無可撼搖乃奏之上前謂先生於種人有奴視之傲類上雅見知諧爲不得

行蓋自永安迄至寧之弑前後二十年朝臣非無
剛稜疾惡不畏強禦之士然敢與此賊角者唯先
生與尚書左丞張公行中二人而已先生諱某字
平父姓李氏系出唐明皇帝歷五季宋末之亂譜
謀散失無可攷案靖康初先生之祖玘自濟南齊
河避亂鎮州僑寓一名醫家遂傳其學生子拯徙
居藥城仍食先業資樂易多伎能所居置病寮過
客及貧無以爲資者來謁醫湯劑廉粥必躬親之
病既平又量爲道塗之費以給之賦詩飲酒談玄
講道優游以壽終後用先生貴贈奉訓大夫先生

即奉訓君之第二子也年十五奉訓君仍以家學授之學既成一日診一病者而心有所疑乃悔曰吾寧當以人命試吾術即於是改讀律已而又以法家少思與前療病無異也即盡棄故學一意讀六經學爲文章二十得解任府庠移籍太學試補河北東路提刑司書史登明昌二年詞賦進士第釋褐臺城丞吏畏民愛雖老於從政者莫與爲比縣舊多盜先生治之有方皆相率爲平民以政迹陞遼東宜風令改薊州盧龍丁太夫人張氏憂起復潞州涉縣令縣乏水去城十五里所汲澗泉以

供飲雖浣濯之餘不敢遺棄入用是多病先生行
視西山得美泉度地之高卑將引致之先以便宜
白於州然後籍丁爲渠民樂於赴功不兩旬而成
近郭數千家坐獲膏潤之利鄉大夫洎其父老相
與立石用誌於他邦入爲尚書省令史終更宰相
議留再考先生力以疾辭授大興府推官轉河北
東路轉運司都勾判官不一歲遷遼東路鹽使舊
例使副判官分辦歲額而通比增虧考滿坐爲同
官所累降太常博士兼祕書省校書郎至寧元年
春遷同知靜難軍節度使事時西北兵已動先生

以邠城頽圯爲憂謀之州將爲浚築計不合欲聞
之朝俄改同知許昌軍節度使事比到許下聞夏
人入寇邠已陷官屬虜而西矣秋八月改山東西
路兵馬副都總管東平府治中制下三日賊虎弒
逆自署太師尚書令澤王專制除拜先生即日以
疾告徑歸陽翟築屋潁水之上名之曰寄庵因以
爲號先生通悟多智學有原本明於析理而勇於
赴義中值大變知世事無可爲故一切以蒙晦自
居潁湛里杜將二十年興定元光之間先生益已
老矣某歲某月日春秋六十有七終於隱所先生

喜作詩律切精嚴似其為人雅爲王內翰子端周
負外德卿趙禮部周臣李右司之純之所激賞字
畫得於蘇黃之間盡入神品賞識至到當世推爲
第一所在求謁者縑素填積隨日月先後償之謂
之畫債至於星歷占卜釋部道流稗官雜家無不
臻妙弦歌慕契在它人以一技自名者皆其餘事
也臨終預尅死期戒家人勿遽哭果如期而逝家
人哭不禁良久開目云戒汝勿哭令我心識散亂
言訖復瞑其明了又如此先娶里中郝氏再娶索
城劉氏三娶河間王氏有道敏修之女未娶大興

崔氏異州倅曼卿之妹子男三人澈方山抽分案
治官劉出也次曰治自幼有文章重名正大中收
世科徵事郎長陵主簿王出也次曰滋崔出也女
二人皆嫁士族壬寅某月孤子治自陽翟護先生
之柩歸塋於欒城某原之先塋塋有日再拜涕泗
謂門下士元某言先人諸孤唯治僅存其輩流離
不得以時歸柩獲罪神明無所於死唯先人不大
用於世故事業無聞若夫才德之懿問學之博志
節之堅鑒裁之公則不可不白見於後今表墓有
石吾子盍以所聞見者爲我書之某竊自念言自

南渡以來登先生之門者十年先生不鄙其愚幼
不肖與之考論文藝商略古昔人物之流品世務
之終至問無不言言無不盡開示期許皆非愚幼
不肖所當得者今得屬辭此事以相茲役顧以不
獲爲恨其何敢辭唯是駑劣老矣無聞其何以究
闡精微信示久遠雖義不可辭而又有不敢不辭
者因起拜謝不敢當治重以大誼要責以爲得先
人所知者多矣孰若吾子之深與先人相從者多
矣孰與吾子之厚治不謀若實治之尤謀之或遠
尤將誰在於是不得終辭謹論次其事如右又系

之以銘銘曰

君子時中立不倚偏經緯萬方以心爲摧嗟維
先生中學之傳得之無息之久守以不磨之堅
承安玩威魚脫於淵虎守天門四顧垂延擊伏
主臣且百且千曾是下僚敢相周旋虎奮其須
赤手往編恃義與存豈樂自捐禍逮至寧初服
歸田憤請討之無所寧與賊而同天人卻也而
我前人安也而我獨遷行無理遠止不義寒嗟
維先生其畀也全材不一能我則百焉量測則
閎籌計則賢藥石可以活國舟楫可以濟川抱

利器而莫之試竟匡坐而窮年一室圖書我歌
我絃處順安常無憾下泉伐石西山表先生之
阡孰能為世砥柱如是之卓然

朝列大夫同知河間府事張公墓表

泰和初元妃李氏干預時政兄弟同在禁近聲勢
焰焰鼓動海內臺諫多以爲言公時爲監察御史
上書切諫至有妾上僭后夫人失位之語引援古
今陳說成敗皆君臣之間所難言者朝議譴之佗
御史有與公齊名者其後畏禍不終名節掃地而
公守河間得所以死而死身滅而名益著至今言

奉和名臣者唯公可以當之公諱公著字庭俊姓
張氏初名宁以夢兆改焉世爲太原陽曲人曾大
父某知宋將亂隱居不仕大父祐好讀書尤長於
術數卜筮東山之大石谷自言却後三十年吾宗
當有文達者已而果然考諱某資稟寬綏輕財好
施以詩書慕酒自適後用公貴封朝列大夫生三
子公其季也初自童州朝列君教之學長游府庠
即有能賦聲尋擢明昌二年進士第釋褐平遙丞
歷洛郊雲川二縣令補尚書省令史考滿留知管
差除以親老不就授都轉運司戶籍判官無幾何

拜監察御史元妃兄黃門喜兒嘗以水田事私請
於公公以正義責之喜兒惶懼而退虎賊尹大興
固寵負恃恣爲不法朝臣無敢言者公倡諸御史
發其姦章十餘上章宗言胡沙虎定何罪但跋扈
耳卿等不相容乃如此耶公同中丞孟鑄言聖明
之朝豈容有跋扈將軍乎上爲之動容張仲淹以
趨附宰相起家不十年至太興尹公薄其爲人衆
辱之明日而仲淹死時人以爲慚憤致卒云扈從
秋山車駕所經居民爲近侍所擾無所於訴公屏
騎從著大席帽行園中杖大奴十數人權貴爲之

欽手或相警云大席帽者至矣其威望如此泰和
四年以稱職遷同知震武軍節度使事丁太夫人
郭氏憂起復都轉運副使改簽南京路按察司事
搏擊豪右發擿姦伏威惠並舉天下想聞風采遂
有公輔之望衛紹王大安初授管州刺史暮年改
景州兼漕運使丁朝列君憂起復陝西西路按察
轉運副使宣宗貞祐二年改同知河北東路兵馬
都總管兼河間府事特詔馳驛赴鎮不踰月河間
受攻總管不能軍城遂陷公方在應辦局聞之大
駭率城中壯士近千人督戰歿於陣中寶十一月

二十六日也得年五十有一夫人李氏再娶曹氏
俱封清河縣君子男一人綽以廕補官女四人皆
嫁士族男孫三人曰革曰賁曰恒公天性孝友爲
宗族鄉黨所知歷三縣兩州當官剛果明於剖析
吏畏民愛有古能吏之風太原民羅小七夜殺數
人而考驗無迹三推不能決朝命委公鞠之一問
得情人以爲神明之政在所敦獎儒學留意風教
舊俗爲之一變起文廟于所居安生里社延致名
儒課子弟授業二姪經緯皆有聲場屋間繼擢上
第張氏遂爲河東文章宗鄉人至今榮之孤子綽

以某年月日葬公於某所之先塋禮也歲癸卯秋
九月某客燕中縉以世舊之故徵銘於某曰自木
冠南渡二十年之間無復歸顧之望叔父墓木已
拱而旌紀寂寥不肖負累蒙累死無以自贖誠得
吾子譔述以著金石傳永久則瞑目無恨矣敢百
拜以請某復之曰先大夫履正奉公惟義所在死
生禍福無所顧藉天下大夫士飽聞而厭道之果
得挂名表誌自託不腐鄉里晚生預有榮焉敢不
唯命是聽乃退而論次之而系之以銘銘曰

平易而仁卓魯之近民發姦擊強趙張三王之

所以神此在公爲一節固已無望於時之人若夫確固而不移質直而無文直前徑行唯義所存有言責則致其忠有官守則致其身名節凜然獨爲不二心之臣聞公之風益知鄙夫之不可以事君

遺山先生文集卷第十七



遺山先生文集卷第十八

碑銘表誌碣

內相文獻楊公神道碑銘

自孔子考四科及中人下上之次故孟軻氏於樂
正于亦有二之中四之下之說蓋人之品不齊而
論人之目亦不一有一鄉之士有一國之士有天
下之士有一代之士分限所在不能以強人而人
亦不能躐等而取之也維金朝大定已還文治旣
洽教育亦至名氏之舊與鄉里之彥率由科舉之
選父兄之淵源師友之講習義理益明利祿益輕



一變五代遼季衰陋之俗迄貞祐南渡名卿材大
夫布滿臺閣若胥羊公和之之通明張左相信甫
之朴直張太保敬甫兩趙禮部周臣庭玉馮亳州
叔獻王延州從之李都司之純之儒學王尚書充
之李都運有之兩楊戶部正夫叔玉李坊州執剛
之吏能張大理晉卿之平恕商右司平叔之雅量
許司諫道真陳留副正叔之直言極諫康司農伯
祿雷御史希顏之剛稜疾惡累葉得人於茲為盛
若夫才量之充實道念之醇正政術之簡裁言論
之詳盡粹之以天人之學富之以師表之業則我

內相文獻楊公其人矣識者以爲中國之大平治
之久河岳炳靈實生人傑非衆行傳大之器如公
者曷足以當之降材爾雅取稱斯允商略前後擬
倫名勝惟其視千古而無媿是以首一代而絕出
然則元光正大以來大夫士推公爲中朝第一而
不以百年計之者知公爲未盡歟公諱雲翼字之
爰楊氏其先贊皇之檀山人六代祖忠客樂平遂
占籍焉曾祖處士君青嗜讀書而不事科舉嘗誨
其子孫言聖人之道無它至誠而已誠者何不自
欺之謂也益誠之一物存諸已則忠加諸人則恕

是道也出於人心誰獨無之然今山野小人有能
行而世之才智士大夫或有愧焉吾百不及人獨
此事不敢不勉耳若等能從吾言真吾子孫也祖
郁用公貴贈正議大夫祖妣宋氏追封弘農郡大
君考恒累贈中奉大夫妣李氏弘農郡太夫人公
資顥悟初學語輒畫地作字殆能記他生之習者
八歲知屬對日誦數千言弱冠登明昌五年經義
第一甲第一人進士第詞賦亦中乙科特授丞務
郎應奉翰林文字考滿留再任丞安四年出為陝
西東路兵馬都總管判官決獄寬平大為總管賢

宗室長壽所知泰和元年召為太學博士丁內艱服除授太常寺丞兼翰林修撰六年南鄴用兵以本官從左丞揆軍駐汴梁明年授上京東京等路按察司僉事初宰相奏是職章宗先已識公即可其奏曰得之矣乃見咨以當世之務稱官及陞辟諭之曰卿至官下有所建明當專達毋枉執事者又明年改上京臨潢等路按察司僉事兼本路轉運副使大安元年翰林學士承旨張行簡薦公才學優膽精於術數召授提點司天臺兼翰林脩撰俄兼禮部郎中崇慶元年以病得請歸鄉里貞祐

二年有司例上官簿宣宗閱之記公姓名起授前
職兼吏部郎中三年超禮部侍郎兼提點司天臺
充賜宋國歲元國信副使四年西北兵由鄜延內
侵潼關失守朝議以兵部尚書蒲察阿里不孫為
副元帥以禦之公奏阿里不孫言浮於實必誤大
事不聽兵交而敗卒如所料六年遷翰林侍讀學
士同脩國史禮部司天兼職如故有旨官制入三
品者例外除以卿遇事敢言議論忠到故特留之
以便諮訪卿宜悉吾意也時右丞相高琪當國昵
信小人多變舊章擢貨提舉王三錫奏請擢油高

琪主之甚力詔集百官議其事權戶部尚書宗顏
天寵輩百餘人司輦贊可公獨引趙秉文時哉等
三數人排其議謂果行此事是以天下通行之貨
為推貨私家常用之物為禁物自古不行之法為
良法竊為聖朝不取也議遂格高琪怒公為異竟
以事譴公公不之卹也興定二年擢拜禮部尚書
兼知集賢院事三年築京師子城役兵民數万夏
秋之交病者相枕藉公提舉醫藥飲食躬自調護
多所全濟城成進官一階四年改吏部尚書且有
後命卿之間望舊矣今以選曹授卿宜振廟綱紀

盡革前弊朕之待卿當不止此耳公莅政裁畫有
方凡軍興以來入粟補官及以戰功遷授者事定
之後有司苛為程式或小有不合一切罷去公奏
從寬收錄旬月政成不動聲氣而姦吏為之縮手
朝譽歸焉九月上召戶部尚書高雙及翰林學士
趙秉文於內殿皆賜之坐問以講和之策或以力
戰為言上俯首不樂者久之公徐以孟子事大事
小之說解之且曰今日奚計哉使生靈息肩則社
稷之福也今日奚計哉上色乃和十一月改御史
中丞宗室承立權衆知政事行尚書省事於京兆

事有不法者大臣以為言詔公就鞠之獄成廷奏
曰承立所坐皆細事不足以累大臣然臣聞之向
西北二敵合兵來侵平涼以西數州皆陷承立坐
擁強兵瞻望不進鄜延帥臣完顏合達者以孤城
當敵衝且能敗其前鋒合達之功如此承立之罪
如彼願陛下明其功罪而賞罰之則天下知所以
勸懲矣自餘小失何足追咎承立由是免官而合
達遂極機務五年以疾求解後為禮部尚書兼翰
林侍讀學士六年四月改翰林學士元祐二年復
申前請宣宗不得已許焉哀宗即位圖任舊人首

命公攝太常卿正大元年復翰林學士某月詔集
百官議所以省費者公以為省費事小一戶部若
司農官足以辦似不足議樞密院專制軍政蔑視
尚書省尚書出政之地政無大小當聽其綱領付
外施行今軍旅之事宰相或不得預聞欲使軍民
利病兩不相蔽得乎故獨以此應詔二月復為禮
部尚書兼侍讀明年設益政院於內廷取老成宿
德充院官極天下之選得六人而公為選首名為
經筵實內相也每召見公獨得賜坐且呼學士而
不名也初命講尚書公為言帝王之學不必如經

生舉子分章折句但知為國大綱足矣因舉任賢
去邪與治同道典亂同事有言逆於汝心有言遜
於汝志等數條一以正心誠意言之敷繹詳明上
聽忘倦尋進萬年龜鏡錄聖孝聖學之類凡二十
篇公見朝士廷議之際多不盡所欲言上下依違
寢以成俗一日經筵畢因言人臣事君之道有二
有所謂事君之禮有所謂事君之義禮不敢齒君
之路馬蹴其芻者有罰入君門則趨見君之几杖
則起君命召不俟駕而行受命不宿於家是皆事
君之禮人臣所當盡者也然國家之利害生民之

休戚一在敷陳之間則向所謂禮者特虛器耳君曰可而有否獻其否以成其可君曰否而有可獻其可以替其否危言正論期於益國補民而已言有不從雖引裾折檻斷鞅輟輪有不恤焉者當是時也若姑徇事君之虛禮而不知事君之大義阿合取容國家何賴焉上變色曰非卿朕不聞此矣公自興定元光間病風痺至是稍愈上親問療之之術對曰無他但治心耳此心和平則邪氣不干豈獨治身至于治國亦然人君必先正其心然後可以正朝廷正百官遠近萬民莫不一於正矣上矍

然知其為醫諫也十一月夏人和議成遣其徽猷閣學士李弁來議玄市及振危急者數事數往返不能決弁求大臣面論之朝廷以公往議乃定四年知禮部貢舉以考試勞心進疾明年八月之七日薨於私第之正寢春秋五十有九累官資善大夫勲上護軍爵弘農郡侯謚曰文獻娶某郡呂氏封弘農郡夫人子男二人長曰樸前公卒次曰恕擢正大四年經義進士第女一人適某族初公娶胥氏左丞通敏公之孫平章政事惠簡公之女以事姑嘗有後言即日弃去不以相家子為難待二

弟仲翼叔翼備極友愛家貲悉推與之至百負之而不恨嘗語人言昆弟之間若以昆弟待之則容有不可堪忍之事但當以父母待之耳或以為疑公曉之曰父母吾不得而見之矣得見兄弟非父母而何此念一生雖百世同居可也一姊適李氏既寡挈孤幼來歸公處之官下在律疎屬及外親留任所滿百日則徙他郡避嫌公言之朝獨得不徙撫導二甥卒為名士其長夷簡者登上第公天資雅重自律為甚嚴而其待人者寬以約交分一定死生禍福不少變為天官為春官為翰林為奉

常文章與開闢公齊名世号揚趙高文大冊多出
其手典貢舉三十年門生半天下而於獎借後進
初不以儒宗自居所以教誘之者率君子長者之
事益其所未盡而勉其所可致告言至戒或寓於
欵曲周密之間異時想聞風采若龍門之峻朗出
天外及一被接納則又恨造之之晚也平居無事
左右圖史澹默無所營及當官而行或論列上前
慨然以天下事自任知無不言言無不盡確乎有
不可奪之節古所謂君子有三變者於公見之貞
祐以後主兵者不能外禦大敵而取償於朱故頻

歲南伐有沮其兵者不謂之與宋為地則疑與之
有謀進士至宰相於他事無不言獨論南伐則一
語不敢及公為太學博士泰和初建言便謂宋不
可伐國家之慮不在於未得淮南之前而在於既
得淮南之後蓋淮南平則江之北盡為戰地進而
爭利於舟楫之間我之勁弓良馬有不得騁者矣
彼若扼江為屯潛師於淮以斷饒道或決水以渚
淮南之地則我軍何以善其後乎及時全倡議南
伐宣宗以問朝臣公言朝臣多諛辭天下有治有
亂今但言治而不言亂國勢有強有弱今但言強

而不言弱兵家有勝有負今但言勝而不言負此
議論之所以偏也臣請兩言之庶幾見利害之全
夫將有事於宋者非貪其土地然第恐西北有警而
南又綴之則三面受敵耳故欲我師乘時勢先動
圖宋人今冬不能來或不致來此戰勝之利也就
如所料其利猶未可必彼江之南其地尚遠且有
巴蜀為之輔雖無淮南豈不能集數萬之衆伺西
北有警而綴我耶戰而勝且如此有如不勝其害
可勝言哉且我以騎當步理可万全臣尚謂恐有
不勝者今日之事勢與泰和不同故耳蓋泰和以

冬征而今以夏此天時不同也冬則水脉涸而平
陸多夏則水脉盛而泥淖多此地利不同也秦和
舉天下全力至於紆軍亦駭之為前鋒今能之乎
此人事不同也議者徒見秦和取勝之易而不知
今日之難且以夏人觀之向日弓箭手之在西邊
者一遇勑敵則搏而戰袒而射彼已喪氣奔北之
不暇乃今陷吾城而虜其守臣敗吾軍而禽其主
將曩則畏我如彼今則侮我如此夏人既非前日
奈何待宋人獨如前日哉願陛下思其勝之之利
又思敗之之害無悅甘言無貽後悔可也章奏不

報是秋公主貢舉且取高帝以天下為度命題以
諷焉時全一軍尋敗於淮上幾有隻輪不返之禍
宣宗責諸將言當使我何面目見揚雲翼耶河朔
民何涇等十有一人為遊騎所迫泗河而南有司
論罪當死公上章營救之曰法所重私渡者防姦
備也今平民為敵所迫奔入於河為追死之計耳
豈有他哉使吾民不死於敵而死於法爾後唯有
從敵而已宣宗悟盡釋之哀宗以河南兩電詔公
審理冤獄而不及陝西公言天地人通為一體今
人一支受病則四體為之不安豈可專治受病之

處而置其餘不問乎朝廷是之詔吏部郎中楊居仁審冤陝西公之重人命慎于兵刑者類如此所著文集若干卷校大金禮儀若干卷續通鑑若干卷周禮辨一篇左氏莊列賦各一篇提點司天臺二十年雖老於其業積日累月不能了之事公一語破約衆無異辭有以太一新歷上進者尚書省檄公衆訂摘其不合者二十餘條曆家稱焉德陵以庚寅日啓土司天生陳舜舉言國音屬商金在庚為絕宜用乙酉金王日言詔公決之公言上行年辛卯乙酉雖為金王終與行年相克諱名不諱

姓姓所同也名所獨也且五行之說在漢人猶以
為不經前世如呂才一行皆神於術數尚辨以為
不可用本朝部姓焉可必其於五音何屬乎卒從
公議有五星聚并辨一篇天象賦一篇句股機要
象數雜說積年雜說皆藏於祕府孤子恕奉公之
柩將塋於某原之先塋涕泗百拜謂門下士元好
問言先公孝弟忠信始於事親中於事君終於兼
善天下者翰林修撰王應事狀具在墓當有碑敢
質之以為請好問謝不敢當恕以大義見責曰先
公平生以國士待吾子乃不得論次遺烈以見於

後世乎好問度不可以終辭再拜曰謹受教乃為
件右之且系之以銘其銘曰

天稟之厚百可施曾門之傳儼若思菁莪樂育
併以資大器備具無磷緇山甫吉甫其廢而魯
無君子焉取斯貞祐南駕傾朝支忿兵橫出紛
僵尸丁男後苦輸膏脂公獨上前陳苦辭同仁
一視父母慈越肥秦瘠小智私兩淮民命我所
司忍令矛端舞嬰兒崑崙神泉後米芝危國可
活民不疵如公豈無匡復策天聲尚久實為之
孺子可教猶帝師惜哉不遭隆準時東隅之日

今崦嵫碩瞻喬木為齋咨峴山墮渙方在茲零
落何必西州詩

嘉議大夫陝西東路轉運使剛敏王公
神道碑銘

歲己酉冬十月故戶部尚書王公之子元慶涕泗
謂某言先公棄諸孤養餘三十年矣惟是轉徙南
北無歸祔之望乃今始克襄事墓當有碑碑例有
銘今屬筆於子使不肖孤獲免於有不稱之罪則
瞑目為無憾矣敢百拜以請某以為先大夫有功
吾晉鄉里晚生與受其賜今史冊散逸既無以傳

信名卿鉅公立功立事之迹不隨世磨滅者繁金石是賴誠得屬辭比事以相茲役雖文字暗陋其敢不勉謹按御史張天綱所譔行事之狀而論次之公諱擴字充之族王氏世為定州永平人曾大父某大父某仕為縣功曹國初籍新附之民昇以符契使復舊業歸附後時或先服後叛者則別籍次第拘僇將及永平功曹輒焚其籍以滅迹所活無慮數千人令歎曰陰德在汝矣因改服儒業五子皆教之宦學三子繼登上第而仕亦達功曹得贈儒林郎妣兩高氏太原縣太君邦用公之父也

仕至同知安國軍節度使事妣劉氏楊氏俱用公
貴加贈太原郡太夫人公孩幼嗜學甫冠從鄉賦
即有聲時輩無不推伏擢明昌五年甲科釋褐鄧
州錄事朝廷更定律令留公不遣再調懷安令廉
舉徐州觀察判官召補尚書省令史考滿授同知
德州防禦使事以山東旱命馳驛赴官遂專賑貸
東平諸郡公所至推次乏絕人受實惠豪猾不得
賁緣為姦肆州饑尤甚公輒例外稟之平章政事
壽國張公宣撫濟南以德博多盜檄公總諸郡兵
討捕群盜悉平泰和五年兵曠納劔外五州內屬

公以選為順化軍節度副使未至州反為宋陝西
安撫司奏公為經歷官俄改真定府判官八年三
月擢拜監察御史是夏旱甚詔出諸御史分理冤
獄異時審讞者專以未減為事雖殺人者之罪亦
貸出之公謂同官言生人之冤固所當審地下之
冤將置不問乎因力革前弊時議皆稱其平使還
言初設三司不便大略謂三司之設民間竊議當
以刻剝為事臣愚以為刻剝固所無而浮動之言
可畏耳大定間一曹望之為戶部天下倉廩府庫
皆實百姓無愁歎之聲存乎其人不在改官稱也

今三司所掌卽戶部前日之事官屬又皆戶部舊員掾屬亦戶曹舊吏豈有愚於戶部而智於三司者唯當復戶部之舊無駭民聽可也西北路三司簽事張煒以規措陷沒縣官錢詔公鞠之公比勘失濫錢幣草米例以百萬計皆權要假貸之數先以金幣諸物賂遺黃門李新喜至是并按之煒懼不免倚同舍之舊私有所請公麾之曰故舊義重朝綱當自我壞耶乃列奏煒內結閣壘外連權貴姦職狼籍罪在不赦詔就委公徵理之佗所糾彈凡十餘章大抵明綱紀正風俗之事優詔褒諭特

遷兩階大安三年授同知橫海軍節度使事貞祐
初改簽河東北路按察司事二年太原受兵賴公
保完宜撫司上其功進太中大夫本路按察副使
兼同知轉運使事明年七月召為行宮尚書戶部
侍郎尋擢河南路都轉運使南渡以來庶務草創
皆倚公而辦不數月綱紀大小截然一新朝譽歸
焉河北苗道瀾求封爵宰相高琪持不可議以它
辭却之宣宗親問公當如何公奏曰帝王以天下
為度何可逆詐我雖欲勿許彼恃威令不能及將
何所不為不若因而封之此高祖所以將韓信也

宣宗顧謂高琪曰王擴與我意合其亟行之太府
監歐里白以御膳羊瘦瘠被詰問曰跪奏御羊瘦
瘠轉運使不加意而然上復問公卿先朝舊人孰
為知禮朕知之舊矣太府之言乃如是誠有之乎
公進曰大駕初到人心未苦安宜省費以示儉德
比以一羊肥瘠紛紛不已以至庭辨天下知者以
為有司不職而不知者將以陛下日以自奉為急
耳其於聖德將無少損乎上忻然曰卿言是矣細
事再不必言公一日以事入省適高琪自閱御羊
及校計鵜鵠水食公問之故高琪言聖上焦勞過

甚全藉饒羞資養精力安敢不備肥好公折之曰
膳夫之事何至宰相親臨高琪默然不能對心甚
恨之是後每以事相可否而公都不降下冬十月
潼關破高琪積不平奏公為刑部尚書領關陝軍
儲軍至鄭州而還高琪奏公復行公方集官吏騎
卒省符趣行急於星火踰月召還即付刑曹以受
命不即行為罪有司希高琪旨當以軍法後至入
絞刑奏上宣宗曰十日軍還十三方差王擴行何
得如此定罪其審議之踰月高琪又執前奏上知
公無罪而重違宰相意止於褫一階未幾有旨特

起公遣領隴州防禦使行六部侍郎規運秦鞏軍
諸別詔慰撫良厚時興定元年之九月也公至軍
中復奏疏云古者內政寓軍令周井田漢屯田唐
租庸調皆其法也今之軍士見屯者無慮數十萬
衆而家口又數倍於軍彼皆落薄失次無所營為
唯有張口待哺而已歲入有限日給無窮久不改
圖徒使農民重困而軍戶亦不得安帖臣愚以為
不若計軍戶丁數口量給地畝使失業之人皆獲
地著既有恒產孰不為自養之計深汰冗軍悉歸
耕獲授田初年給口糧之半明年各有收歛可一

切減罷略以一百萬口計之歲省米三百六萬斛
既豐委積又免轉輸之勞遇戰士出征或防秋之
役量增升斗使餬口有餘如此則農民止輸正租
餽饌自足此業已定中興之本正矣踰月宣權陝
西西路轉運使二年五月遷陝西東路轉運使依
前行六部尚書公自以時運不偶年六十三即以
謝事為請尋遷嘉議大夫致仕先患疽發背至是
增劇以閏三月十有五日薨於私第之正寢越三
日權殯於長安南慈恩寺太常政行謚曰剛敏兩
娶濟陽丁氏皆前公卒贈太原郡夫人再娶趙氏

封如所贈子男三人元慶其長仕為歸德行六部
郎中次未名而卒次元亨業進士趙出也女五人
長適鹽使司管勾何其次適監韓城酒賈仲源次適
同知鎮戎軍州事蒲鮮石魯刺次適同知鈞州軍
州事蕪策潭令張泰亨次幼在室公學業富瞻嘗
四赴廷試每舉進士未嘗不為考官臨事有幹局
雖在細務亦無不經意在京兆漕司前政喬公子
實趙公子文號為稱職公表表自見舉動有法掾
屬奔走從事無敢後者評者謂子實寬緩欲為不
忍欺子文周密欲為不能欺皆未必能然獨王公

之不敢欺為有徵云在太原日言時病有四一將
不知兵二兵不素教三事不豫立四用人違所長
又陳河東利害汰冗兵禁游墮節浮費惜民力等
二十事而守禦之策為多識者謂公策慮備億洞
見事幾雖軍中老臣宿將料敵制勝且不能纖悉
周密如此在所皆可行不特河東而已為人體兒
嚴正氣量宏博自然有公輔之望至今言名卿材
大夫者公必一二及焉某既忝右公平生嘗試妄
論之生材非難獲用為難獲用非難盡其材為尤
難大定明昌間文治為盛教養既久人物輩出公

生於其時稟賦之美固已絕人遠甚加之內承父兄之教而外漸師友之訓故能卓然成就如此至於為御史為外臺屬典財賦於危急存亡之際才力恢恢迎刃而解宣宗雅知公薏歷戶曹即擢三品蓋有意大用矣公亦慨然以天下大計自任期於不負所學誠使之垂紳正笏坐於廟堂之上設施之際必有大過人者直道不容竟為彊臣所摧折蓋蔽賢之禍孫劉輩實當之非獨公為不幸也元虞元亨以某年某月奉公之柩柩於某原之先塋其銘曰

剛以作彊敏以赴功伊誰是名文武王公文武
維何維間氣之雄揚于王庭靡職不供登使者
車乘御史駉搏擊所加姦冗為空公寧經生儒
雅從容外臺賜環入計租庸以給京師以饒河
潼我從事獨賢一奮薄躬論列上前大計兵農
毆游末而授田汰冗食而選鋒是謂元氣之彊
而四體之克成周既東正塗旣窮扼天關以九
虎矢頗牧于禁中往在北門身為金墉有來梯
輶不利仰攻孰曰傾朝復支而不於棟隆六卿
地官位望維崇唯利器百而試者一故在公為

不逢忠臣不和和臣不忠名譽寧失我豈彼同
衣冠堂堂珪璋顯顯山立揚休顏岱嵩而不吾
壓凜乎其有漢名卿之風

通奉大夫禮部尚書趙公神道碑

貞祐甲戌車駕遷南都武元立國至是百年矣自
中州被兵朝廷大政雖以戰守為急而大綱小紀
典則具在武備文事不容偏廢若禮樂若祠祭若
曆象若宴饗若學校若選舉凡隸於春官氏者率
奉行如故事故大宗伯之任尤難其人時則有若
太子太保張公敬甫洎其仲尚書右丞信甫內翰

開開趙公周臣內相揚公之義迭膺是選四賢之
後而公繼之二十年之間典章文物粲然可觀繁
數公是賴竊謂養士之功猶種樹猶作室培植厚
則庇廕之利傳堂構勤則維持之功固周家之作
新民漢氏之旁求儒雅數世之後人有士子之行
家食名氏之舊王室下衰而喬木故在僑札蔚為
時棟陳許坐鎮雅俗名德相望視全盛為無媿是
知列國大夫流風善政固已發源於菁莪樂育之
日三國人物高出近古者猶興廉舉孝餘波之所
及也語有之魯無君子者斯焉取斯敢以是論公

公諱思文字度至姓趙氏世為永平人曾大父諱
通潛德弗耀姓李氏大父諱傑贈正議大夫天水
郡伯妣張氏封天水郡君考蕃明法決科仕至乾
州奉天縣令官奉直大夫用公貴超贈通奉大夫
天水郡侯妣李氏追封天水郡太夫人初公名璜
弟去非名玗奉天君夜夢道士書今名且云二南
有不次之喜寤而解之曰二南云者吾兩男子之
謂乎乃命改焉公天資穎悟弱冠有賦聲未幾偕
去非擢明昌五年進士第鄉里榮之號凌龍趙家
釋褐德順州軍事判官俄丁外艱服除調鳳翔府

錄事判官權號略縣事縣近邊歲儲粟數萬斛農
人轉輸苦於停滯公區處有方纔旬月而畢再調
魏州司候轉萊州觀察判官泰和八年召補尚書
省令史留再考陞安化軍節度副使兼密州觀察
副使屬中夏被兵河朔州郡相次陷沒危疑之際
新節度到軍士聞傳敵人遠間者來白公欲赦之
公訶之曰信如所疑赦之亦無益儻出於朝命他
日公輩何以自解耶衆悟皆惶遽而退旣而兵及
城下公率壯士數千赴之力盡而陷公自謂徒死
無益乃易衣服變姓名挈二子贊克剛北走時燕

都受圖唯順州堅守公冒險入馬順州守王晦薦
於朝詔授禮部員外郎兼大理司直仍進官兩階
朝廷知公始於此矣二年都城不守公潛跡隘巷
以課童子學為業明年冬路稍通徒步還鄉里西
山經略使苗道潤求平主將李琛同受恢復之寄
而內實相圖琛一日謂公言公朝臣能為我持表
奏辨曲直乎公遭離喪亂心在宗國恨無路可達
聞琛言欣然諾之以三年二月達汴梁丞相高琪
當國素不喜文士循常例擬公寶昌軍節度副使
宣宗不說曰愚文再歸國忠孝可尚例授之何以

示勸特授太府監丞興定二年三月陞同知西安
軍節度使事兼行六部郎中皇太子控制樞密院
以公知登聞鼓院充經歷官通安北堡陷經略使
石虎罪應死公以事在赦前不宜失信為請皇太
子曰已遣人赦之矣已而悔之用是待公加厚四
年三月除右司諫兼治書侍御史公在樞府久熟
知時弊乃拜章言四事大槩謂當豐委積汰冗兵
減軍士家口之妄費者樞密副使駙馬都尉阿海
怒公言兵事公不卹也無幾被誣下吏天子知其
寃有詔勿問五年正月出知魏州軍州事魏州刺

史號屯戍所在刺史領軍馬例不注文資上知公
材特命馬及赴官父老郊迎歡呼動地公賦詩有
昔日參軍今刺史當時健卒亦衰翁之句州人刻
石州宅值歲旱公步禱山神祠應期而雨歲以大
熟陝右兵交州近關有訛言關失守者居民不知
所謂狼狽散走公止之曰關至陝敵越之則必有
先聲何得遽至於此乃械言者於市果如公言民
賴以安六年五月召為吏部郎中用薦者兼翰林
修撰陝西旱甚詔公審理冤獄布宣上意多所平
反澍雨為之霑浹初河朔擾攘之際餽餉不給官

募人出粟佐軍補監當官彰德民孫其姓者嘗輸
白米三千斛以路梗未經赴選南巡之後執文書
訴於吏曹法家例以日月曠久無從考按報罷公
獨曰國家用兵之時以調度不足業已許人進納
特從權耳乃今吝一官不之畀是誣人也他日或
有需爵之命誰當信之孫竟用公言得補朝議稱
馬元光改元陞同知南京路都轉運使事十二月
宣廟升遐以公為國簿儀仗使正大元年移同知
中京留守事四年正月改同知開封府事甲戌以
來河禁嚴密遂有彼疆此界之限郡人王義者家

貧無以自養嘗往林州耕稼林州陷久矣義書與
家人比舍竊見之遂以義家謀叛告義家人被繫
知府麻斤出至以化內外議刑罪當死公持不可
乃上奏云大河南北皆吾境也民吾民也車駕南
渡整為巡幸之計廟堂日圖興復初無疆界之分
南北之限此人果以不幸滅族是使南避之民舉
無歸顧之望矣臣竊以為不可上省奏大悅即命
赦之且以義為定例有醉人倡言歸十八謀反歸
京師富民麻斤出資苛刻胥吏輩承其意諷使鞠
之公曰醉者語於何不有此必為富家厭其丐貸

先被麾斥因酒以泄其憤耳明日詰之果然止以
非所冒言杖醉者時人以明恕稱之五年八月改汝
州防禦使司候趙玉貪冒無厭百姓苦之公繫之
獄郡人狀其罪者日以十數例是在法罪應死以
官故仍減為庶人闔境稱快狂子李生不知何
從來去州西南十許里擅自立祠鑿大池祠前給
云濟瀆清源王行廟感衆售利愚民賽香紙供土
木者擔負塞路城中為之罷市公察其姦檄梁縣
令張節往問之李伏罪廟未畢而毀之七年正月
擢授金安軍節度使未赴改集慶軍節度使兼亳

州管內觀察使毫大郡重兵所宿軍士陵轢居民
前政不能制公以靜鎮之軍中私相謂言節度今
上控制樞府時首領官也我曹不可輕犯迄赴召
無一人恣橫者公凡三領郡在所以寬厚為化裁
決訴訟不事苛細理有不可耐者時亦窮治之然
終不以得情而為喜也故吏畏而愛民愛而畏藹
然有古良民吏之風報政之後庭宇清閑日延賓
客論文把酒與相娛樂間作詩樂府傳達京師群
公為之屬和文采風流照映一時至有神仙官府
之目前世江西道院蓋不足道也八年三月入拜

禮部尚書十月慈聖皇太后上仙公稜亢園陵使
一時儀禮多所判定天興改元京師戒嚴兼攝戶
部尚書夏四月望隆德殿起居秋八月上下舍業
皆公發之不幸遘疾以其年九月之四日春秋六
十有八薨於某里第越三日權殯某所官通奉大
夫勲某封天水郡侯食邑一千戶實封一百戶先
娶賈氏尚書左丞亨甫之女姪再娶王氏行六部
尚書充之之女第再娶李氏中京推官華國之女
第皆追封天水郡侯夫人再娶孫氏太子太師振
之之女封如三夫人子男三人賈所出贊尚書省


令史克剛奉職克基行中書省左右司員外郎女
一人孫出也適監察御史劉公雲卿之子郁早以
文筆知名男孫四人贊之子繼祖克剛之子通祖
顯祖克基之子紹祖皆未仕女孫三人克剛一適
戶部曹公景蕭之孫懷諒二幼在室公孝弟忠信
出於天性推其餘以及宗族交朋無不得其懽心
揚歷中外將三十年屢以課最聞而未嘗有答贖
之玷宰相進除目及公名宣宗必曰趙思文君子
人也其見知如此屢典貢舉所得多名士被黜者
亦無怨言為文不事彫飾詩律精深而氣質渾厚

讀者謂其宜至大用有耐辱居士集二十卷傳於
時後公歿十有二年孤子贊偕夫人孫氏扶護北
歸以二月丙申柩於永平縣某鄉里先塋之次禮
也諸孤以王內翰百一所撰誌銘見示且以神道
碑銘為請好問甫從官學即聞高誼南宮獻賦誤
為楊浚所賞桓府參軍重辱褚哀之間輒叙東國
人倫之舊以寓西州華屋之感恨知之者未盡推
之者未至何媿辭之有焉其銘曰

高門之仁舞雩之春儒雅以歸吏事奚智數之
足云貞松後彫良王不焚忠信而結主知允矣

貞良之臣君子謙謙恭人溫溫完名始終世所
見聞異代而得良史尚有攷於金石之遺文

遺山先生文集卷第十八



遼山先生文集卷第十九

碑銘表誌碣

內翰王公墓表

歲癸卯夏四月辛未內翰王公遜化於泰山初公以汴梁破歸鎮陽間居無事每欲一登泰山為神明之觀然因循未暇也今年春渾源劉都文李當以事如東平乃言於公之子恕請御公而東公始命駕馬東平嚴侯榮公之來率賓客衆佐置酒高會公亦喜此州衣冠禮樂有齊魯之舊為留十餘日乃至奉符府從事上谷劉翊子忠以嚴侯命從

公游偕郡諸生五六人以行公春秋雖高而濟勝之具故在及迴馬嶺褰裳就道碩揖岩岫欣然忘倦迺邁至黃峴峰憇於萃義亭之左顧謂同游言汨沒塵土中一生不意晚年乃造仙府誠得終老此山志願畢矣乃約子忠先歸而遣其子恕前行視夷儉因就大石上齋足而坐良久瞑目若假寐然從者怪其移時不寤迫視之而公已逝矣支體柔軟顏色不少變子忠諸人且悲且駭以為黃冠衲子終世修靜業其坐脫立化未必能爾謂公非仙去可乎即馳報州將扶昇而還安置於郡北之

岱嶽觀又明日孤子恕奉喪西歸嚴侯特以衆議
張澄仲經護送焉識者謂泰山為天壤間一巨物
其神之尊且雄有不可誣者齊景公伐宋夢有隨
而詬之者當時以為師過山下不祭而然秦始皇
帝鞭笞六合志得而意滿欲以封禪夸萬世乃為
大風雨之所匿薄萬乘且然況其下者乎若夫天
門日觀邈若世外霞景靈異水木清潤宜有闕衍
博大之真人往來乎其間前人謂草堂之靈迴俗
駕而謝逋客者非寓言也惟公名德雅望為天下
大老版蕩之後大夫士求活草間往往倚公以為

重至於鄙朴固陋挾兔園策而授童子學者亦皆
想聞風采爭先睹之為快謂不為山之靈所貪慕
吾不信也夫人以境適境亦用人勝故古今以人
境相值為難謝安之海道東還李白之匡山歸老
雅志未遂零落中涂杜陵見於感詠而羊曇為之
慟哭以今較之公可以無恨矣恕既還鄉里以六
月辛未舉公之柩葬於新興里之某原柩先塋也
冬十月好閏拜公墓下恕持門生某人撰公行事
之狀以銘為請乃泣下而銘之公諱若虛字從之
姓王氏橐城人自先世以農為業考諱靖質直尚

義樂於周急鄉人有訟多就決之後用公貴贈朝
散大夫妣石氏太原縣太君考妣俱以上壽終公
即朝散君之第二子也幼穎悟若夙昔在文字間
者鎮人以文章德行稱者褚公茂先而後有周先
生德卿德卿公舅行自齠齔間識公為偉器教督
周至盡傳所學及官四方又託之名士劉正甫使
卒業焉弱冠擢承安二年經義進士甲科俄丁朝
散君憂服除調郿州錄事治化清靜有老成之風
歷管城門山二縣令門山之政尤為縣民所安秩
滿老幼攀送數日乃得行用薦者入為國史院編

修官稍遷應奉翰林文字同知制誥奉使夏國還授同知泗州軍州事留為著作佐郎表宗正大初章宗宣宗寶錄成遷平涼府判官未幾召為左司諫正大末以資歷轉延州刺史不拜超翰林侍制遂為直學士天興初冬十二月車駕東狩明年春正月京城西面元帥崔立劫殺宰相迭拔行營辟小巖詣請為立建功德碑以都堂命名公為文喋血之際翟奕輩恃勢作威頤指如意人或少忤則橫遭讒搆立見屠滅公自分必死私謂好問言今召我作碑不從則死作之則名節掃地貽笑將來

不若死之為愈也雖然我姑以理論之乃謂奕輩
言丞相功德碑當指何事為言奕輩怒曰丞相以
京城降城中人百萬皆有生路非功德乎公又言
學士代五言功德碑謂之代王言可乎且丞相既
以城降則朝官皆出丞相之門自古豈有門下人
為主帥誦功德而為後人所信者問荅之次舜情
間暇奕輩不能奪竟脅太學生託以京城父老意
而為之公之執義不回者蓋如此京城大掠之後
微服北歸以至游泰山浮湛里杜者十餘年得壽
七十娶某郡趙氏封太原郡夫人子男一人即恕

也女一人嫁為士人妻所著文編稱慵夫者若干
卷導南遺老者若干卷傳於世公資稟醇正且有
師承之素故於事親待昆弟及與朋友交者無不
盡學無不通而不為章句所困頗譏宋儒經學以
旁牽遠引為夸而史學以採顧幽隱為功謂天下
自有公是言破即足何必嗷嗷如是其論道之行
與否云戰國諸子之雜說寓言漢儒之繁文末節
近世士大夫參之以禪機玄學欲聖賢之實不隱
難矣經解不善張九成史例不取宋子京詩不愛
黃魯直著論評之凡數百條世以劉子玄史通比

之為人強記默識誦古詩至萬餘首他文稱是文
以歐蘇為正脉詩學白樂天作雖不多而頗能似
之東史筆十五年新進入館日有記錄之課書吏
以呈宰相必問王學士曾點竄否又善持論李右
司之純以辨傳名天下杯酒淋漓談辭鋒起公能
三數語窒之唯有嘆服而已高琪當國崇獎吏道
從政者承望風旨以撈掠立威門人張仲傑為縣
公書喻之曰民之憔悴久矣既不能拯又忍加暴
乎君子有德政而無異政史傳循吏而不傳能吏
寧得罪於人無獲罪於天可也此書傳世多有慙

公者朝臣論列所見不能一公從容決之屢置榼
偃至楊吏部之羨楊大叅叔王亦推服焉雅負人
倫之學黑白善惡皆了然於胸中值真識者始二
言之朝議以公於中外繁劇至於坐廟堂進退百
官者無不堪任特以投閒置散不自銜鬻故百不
一試耳典貢舉二十年門生半天下而不立厓岸
雖小書生登其門亦殷重之滑稽無窮談笑尤有
味而以雅重自持朋會間春風和氣周浹四坐使
人愛之而不忘也自公攷文章人物公論遂絕人
哭之者云却後幾何時當復有如公者乎嗚呼哀

哉其銘曰

其求心也磨而不磷其及民也靜而無譁慕樂
天之高而不憚逃挾東方之雄而不辨夸老儒
便便留書五車我知天下之至理寧當貴其多
小廉拘拘規以匿瑕而不知用其和翕集群賢
從我嘯歌春風時雨之沾浹枯枿為華嗟惟公
乎孰當測其渾飄然而來其必於瀚海而鯨波
汎然而游亦何計乎東觀之與鑿坡太山天門
有物禁訶蓋仙聖之所庐而今得以為家然則
為瑞人神士者其翕忽變化固如是耶

內翰馮公神道碑銘

所責於君子者三曰氣曰量曰品有所克之謂氣
有所受之謂量氣與量備材行不與存焉本乎材
行氣量而絕出乎材行氣量之上之謂品品之所
在不風岸而峻不表襮而智不名位而重不耆艾
而尊是故為天地之義器造物者新固之不輕以
予人閱百千萬人之衆歷數十百年之久乃一二
見之同乎其時非無孤倚偉傑之士從容於禮文
之域角逐乎功名之會惟其俗不可以為雅而劣
不可以為勝故自視缺然陳太丘事業無聞而名

重天下房次律坐鎮邪俗而舉世以王佐許之施
之當時未必適用然千載而下有為之歛衽者非
品何以得之元光正大以來天下大夫士論公平
生者蓋如此公姓馮氏諱璧字叔獻別字天粹其
先定州中山人也曾大父居泗贈承務郎大父仲
尹天眷初以進士起家仕為中議大夫同知山東
西路轉運使事考子翼正隆初進士中順大夫同
知臨海軍節度使事改葬真定縣三橋里之南原
子孫遂為縣人郎內翰景純路孟州宣叔述世德
之舊備矣公幼穎悟不几始解語中議君置之膝

上戲問未嘗見之物而能以近似者名之中議君
喜曰吾孫文性見之於此矣弱冠補太學生賦聲藉
甚諸人無能出其右者承安二年中經義乙科制
策復入優等調荅州軍事判官宰相以公學問該
洽奏留校秘書丁繼母張夫人憂去官服闋再調
遼濱主簿縣有和采粟之未給價者餘十萬斛散
貯民居而以富戶掌之中有腐敗者則責償於民
歲旣久官吏叢棄為姦民殊以為苦公白於漕司
即日還之民一境稱快丁臨海君憂四年調鄆州
錄事明年王師伐蜀刑部檄充軍前檢察帥府以

書檄委之章廟欲招降吳曦詔先以文告曉之然
後用兵公檄蜀旣以上意諭之矣蜀人守散關不
下我軍得奇道突出關背殺獲甚衆公為叅佐言
彼軍拒守而并禍其民無乃與詔書相戾乎主帥
聞而憾之擠公招兩當潰卒公即日率鳳州已降
官屬淡剛李果偕行道逢軍士所得子女金帛牛
馬皆奪付剛使歸之其家軍則以違制決遣之比
到兩當軍民三萬餘衆鼓舞迎勞公以朝旨慰遣
之其還也帥始以公為賢奏遷一官五年借注東
阿丞召補尚書省令史用宰相宗室承暉薦援應

奉翰林文字同知制誥兼韓王府記室參軍俄以
大學博士兼前職至寧初賊臣弒逆隨以子渭婚
假去官真祐初宣宗幸汴梁公時避兵東方從單
父渡河詣行在所宰相奏復前職被樞密院徵行
視河防條上津渡屯戍之策二年同知貢舉事竟
詔公乘傳講究陝西守禦方略三年遷翰林修撰
山東河朔軍六十餘萬口率不逞輩竄名其間詔
公攝監察御史汰逐之公與同官立式軍戶僑寓
民家者主人具丁口上之官冒增偽代主客同坐
總領撒各門冒券四百餘口劾案以聞詔杖殺之

故使節所至爭自首滅幾及於半復進一官初監
察御史本溫被命汰宗室從坦軍於孟州軍謀為
變本溫懼不知所為尋有旨北軍沈思忠以下四
將屯衛州餘衆果叛入太行本溫益懼宿留孟州
樞密院奏公代本溫竟其事公至衛召四將喻以
上意思忠等挾叛者請公還奏之公責以大義辭
直氣壯將士慚服不半日就汰者三千人六月改
大理丞詔與臺官行開中劾奏姦賊之尤者商州
防禦使宗室重福諫議大夫石者而下十數人陝
西行臺以夏寇之警奏事定理問詔公還朝貴自

是側目矣興定初京畿春旱詔禮部尚書楊雲翼
暨公審理在京刑獄事竟而兩人以為無寃民之
應七月遷南京路轉運副使三年春上以宋人利
吾北難歲幣不入者累年假公安遠大將軍兵部
侍郎充國信副使副呂子羽詳問宋人拒於淮上
使者不得行明年行臺兵南伐當由壽春涉淮抵
滁揚詔京東總帥紇石烈志攻盱眙切繫浮梁以
備臺兵之還志小字牙古太強臣之尤難制者也
臺兵且南志以盱眙不易攻旋領精騎由滁州略
宣化縱兵大掠故臺兵所至悉為志軍所殘原野

蕭條無後人迹宋人堅壁不戰遂迤邐而東擬取
道泗州宋後也重兵盱眙沿淮戰艦如櫛我軍乃
汴淮西上僅由壽春而歸行臺奏志故遠元授節度
以故無功詔公佩金符勅之公馳入志軍奪金符
易以他帥攝志入獄獄之外軍士譁譟以吾帥無
罪為言公怒責志曰元帥欲以兵抗制使邪帥臣
待罪之禮恐不如此使者當還奏之獄不必竟也
志伏地請死公言兵法進退自專有失機會以致
覆敗者斬即用所擬聞時議壯之再授翰林修撰
十月改禮部員外郎權右司諫治書侍御史詔問時

務所當先者公上六事大率言減冗食備選鋒緩
疑似以慎刑擇公廉以檢吏屯戍革脞削之弊權
貴嚴請託之科又言山東地方數千里齊魏燕趙
皆在其中士馬強富豪傑輩出耕蠶足以衣食天
下形勢足以控制四方彼疆此界且在所必爭况
本吾版圖中物迺置之度外乎國家所以無東意
者不過謂財力單屈有所不暇或謂前日已嘗出
兵而事竟不成故置而不論耳臣以為不然兵出
無功固不可因噎而廢食生聚教育蓋有馴致之
道必先富強而後進取陛下亦安能鬱鬱久居於

此乎又條自治之策四謂別賢佞信賞罰聽覽以
通下情貶損以謹天戒又論賢不肖渾敦曰崇慶
初西南路招討使九斤請先事用兵仍乞詔夏人
為犄角計執政者沮撓之策為不行不旋踵而有
縱敵之禍大丞相承暉正色立朝凜然社稷之鎮
而姦人忌之擠守都城人臣而死社稷在承暉為
無恨然宗室賢相安危之所繫焉者而以姦人之
謀使之無益而死天下為國家惜之耳臣嘗謂賢
不肖之不分久矣夫惡惡著則賢不肖別賢不肖
別則天下可運之掌於恢復乎何有詔以東方鐵謹

盜賊竝起以御史中丞百家為宣慰使監察御史
道達從行道達發求城令簿賊跡百家與令有連
付令有司而釋簿不之問燕語之際又許桑佐克
忠等臺官公皆劾之百家竟得罪去初謀者告歸
德行樞密院言河朔叛軍有竊謀南渡者行院事
知府胡土門都水監使毛花輦易其言不為備一
日紅袖數百聯筏逕渡殘下邑而去朝廷命公鞠
之公以二將託疾營私聞冠而弛備且來不戰去
不追在法皆當斬或以為言二將皆寵臣而都水
者貲累巨萬若求援禁迹必從輕典公徒結怨權

賁果何益耶公嘆曰睢陽行關東藩重兵所宿門
庭之寇且不能禦有大於此者復何望乎有法而
已吾不知其他即以所擬者聞四年遷刑部郎中
關中旱詔公與吏部侍郎畏忻審理冤獄時河中
帥阿虎帶及僚屬十數人皆以棄城罪當死繫同
州獄待報同州官承望風旨問公何以處之公為
言故相賈公益譴判河中聞絳陽受兵恣軍旅之
鉦鼓旗幟連延數十里敵聞絳至解圍去僚屬請
於公公不守河中而絳絳陽設兵至城下何以待
之公言諸君未之思耳吾絳絳陽所以守河中也

諸人皆謝諸人不及河中在今日尤為重地朝議
擬為駐蹕處也本根不固則河南陝右有胥亡之
憂以渠宗室勲貴故使鎮之平居無事以預備為
言竭民膏血為浚築計剽騎終及解梁乃以金城
之險為不足守遷焚蕩而去駭迫老幼填塞枕藉
爭舟而上者千百而一哭聲竟天流尸蔽川而下
煩冤之民無所於訴此而不誅三及法無所用矣
吾常恨南渡倉卒賈公之功不蒙顯異然則不經
之失可使後見於今乎竟以無冤上之冬十月出
為歸德治中未幾改同知保靜軍節度使事又改

同知集慶軍節度使事於是公之年甲子周矣自
衛紹王專尚吏道繼以高琪當國朝士鮮有不被
其折辱者公憂畏敬慎不忽遺細微故自釋褐至
今卅三十年而公私無咎贖之玷然其撫四方者
亦倦矣到官不踰月即上章請老進通議大夫一
官致仕徑歸松山愛龍潭山水有終焉之志結茅
竝王峯下旁有長松十餘名之曰松菴因以為號
自少日留意攝生倪仰拙信通昔不少倦是以神
明不衰飲食起居處豐儉之間臺閣舊游門生故
吏問遺山中者不絕非若一節之士逃匿於空虛

之境以瞻悴枯槁而為高也明窓几危坐終日
琴尊硯席翦然無塵埃客至廢書清談雅論俗事
不挂口或與之徜徉泉石間飲酒賦詩悠然自得
嘗畫管幼安濯足圖以寄意其趣尚略可見也
所釀酒名松醪東坡所謂歎幽姿之獨高者惟公
能盡之客有以京國名酒來與之校者味殊不可
近正如與深山草衣木食人語覺傭兒販夫塵土
氣為不可嚮也山多蘭每中春作華山僧野客人
持數本詣公以香韻高絕者為勝少劣則有罰謂
之關蘭關蘭松醪遂為山中故事正大壬辰河南

破乃北歸以庚子七月十有四日終於家春秋七十有九某日孤子渭奉公之柩柩於臨海君墓之側若干步夫人趙氏汝州刺史周卿之孫兵亂中暨三女俱失之渭南京右廂機察孫運安尚幼公資高朗儀觀峻整燕居未嘗有惰容子弟化之童幼皆以孝謹稱母李氏為臨海所絕公奉之於外家而事張夫人唯謹嫌疑之地能使內外無間言公歿悉以圖書第宅讓諸弟獨護養小弱弟填與同甘苦族弟理七歲失怙恃而貲產殊厚公慮為奴輩所侵籍於有司護理之官下及長乃付之理

迄於有成其與人交也先難而後固似疎而實親
雖幼同硯席者亦皆嚴憚之左丞董公紹祖奉使
江左得公詩餞行喜見顏間詩四韻每誦一句輒
為一舉觴李右司之純談笑此世為不足玩見公
必為之懷然王延州從之公於鑒裁為海內稱首
敬公名德至不敢以同年生數之學長於春秋詩
筆清峻似其為人字畫楚楚有魏晉間風氣雅為
禮部開闢公所激賞制詰典麗當代少見其比尺
牘又其專門之學風流醞藉不減前世宋景文往
在京師渾源雷淵太原王涯河中李獻能龍山冀

禹錫從公問學其人皆天下之選而好問與焉自
辛卯壬辰以來不三四年而吾五人惟不肖在耳
故湄以謨述墓碑莫好問為宜尚憶公還鎮陽過
好問冠氏時方為中賜所苦然語及舊事則徃徃
色揚而神躍以公初挂冠時校之其神情故未減
也意天錫公難老使後生望見眉宇以知百年以
來文章鉅公敦龐耆艾故家遺俗蓋如此私竊慨
嘆使公得時行道褒衣大冠坐于廟堂託六尺之
孤寄百里之命招之不來麾之不去何必戒古人
朝廷用遠其長顧每以城旦責見役卒使之不遇

而去雖淮陽非公所簿孫劉輩有不得不任其責者耳嗚呼公已矣渭所以屬筆者其可辭哉乃為論次之銘曰

維公之生厚有基

陽剛在中鯁自持

巖巖青峙峻以奇

塵表朗出莫可梯

白筆一奮雷風馳

眈眈虎如毛髮威

奔走魍魎號狐狸

元精降材匪一機

三光九泉絕等夷

大君裁成相所宜

望公廟堂佩安危

聲氣不動山四維

冠之惠文其敢卑

九鼎大呂棄若遺

負而趨者先所窺

鳳兮德衰天實爲

正有來者吾何追

竝王之麓草木腓

兩崖出泉懸素霓

朝猿與吟暮鶴飛

不飲不食玉雪飢

幼安東遷人代非

館流濯足尚廢幾

渾河北原公所歸

墓形馬鬣大茂齊

龜石有銘告無期

公名萬年我前知

國子祭酒權刑部尚書內翰馮君神道

碑銘

歲壬辰夏四月辛丑京城受兵刑部君逃難倉猝

遂與家人相失明日事定君之子源吉輩求訪百
至卒其微服而北也乃渡河物色之於大名於東
平於平陽於太原大興大定間三數年之久歷萬
餘里之遠間關險阻飢凍困踣瀕於死者屢矣然
亦竟無所見乙己冬好問遇大名始以所聞告君
之季子亨蓋君旣為騎兵所得欲擁而北行人有
見之者謂君癖情慷慨義不受辱竟自投城旁近
井中亨乃發喪行服又將以故事奉君衣冠葬於
某所以好問嘗得幸於君涕泗百拜以碑銘見請
謹為次第之君諱延登字子駿姓馮氏世為吉州

吉鄉人曾大父世安以醫名河東鄉里推其陰德
及物謂子孫當有起其家者大父成易醫而農父
時頗知讀書且好與羽人禪客游後用君貴贈資
善大夫始平郡侯姓柳氏始平郡太夫人生二子
君其仲也幼穎悟不凡初入小學輒云吾家生我
將不復耕鋤矣少長從鄉先生作舉子即有聲場
屋間年二十三登章宗永安二年詞賦進士第解
褐臨真主簿再調德順州軍事判官泰和元年知
懷寧寨事部使者舉庶能轉寧邊縣令衛紹王大
安元年秋七月霜害稼民無所於糴官為發粟賑

貧君躬自區處全活不勝計刺史淦陽趙公周臣
慨然以良民吏許之三年丁內艱宣宗貞祐二年
起復補尚書省令史知管差除五年授河中府判
官兼行尚書省左右司員外郎興定五年充國史
院編修官考試開封進士改太常博士未幾出為
平涼路行尚書省左右司員外郎元光初遷鞏昌
軍節度副使員外郎如故明年十月召為吏部郎
中兼翰林修撰俄以知登聞鼓院兼修撰奉使夏
國就充接送伴使哀宗即位正大元年超翰林待
制同修國史兼鼓院事三年考試宋詞科尋被詔

審理寃滯七月出為京兆行尚書省左右司員外
郎五年授睢州刺史兼行大名府治中尋改京兆
府路司農少卿七年復翰林待制充御前讀卷官
仍試朱詞十二月遷國子祭酒借注翰林學士承
旨禁祿大夫充國信使以八年春奉國書見於旣
縣之御營有有旨問汝識鳳翔帥否對曰識之又
問何若人曰能辦事者也又問汝能招之使降即
賞汝死不則殺汝矣曰臣奉書請和招降豈使者
事乎招降亦死還朝亦死不若今日即死之為愈
也明日復問昨所問汝曾思之否對如前問至再

三君執義不回又明日乃諭旨云汝罪應死但古
無殺使者理耳君須髯甚偉乃難去遷之豐州壬
辰河南破車駕駐鄴州有旨發還三月入京哀宗撫
慰久之復殺酒歷禮吏二部侍郎權刑部尚書明
年遭變得年五十有八積官資善大夫勅上護軍
封始平郡侯食邑千戶食實封一百戶娶同郡樊
氏同官縣令邦憲之女封始平郡侯夫人後君兩月
卒子男三人皆用蔭補源廣威將軍嵩州軍資庫
監吉廣威將軍睢州軍事判官亨忠願校尉遙授
盧寶縣尉二女長嫁盱眙昭元帥府經歷官張健次

嫁監湖城稅蘭公輔男孫三人曰魏孫衆奴千奴
女孫二人長適進士徐升其幼在室君資謹厚寡
於言笑外若平易而臨事有執持死生禍福不少
變初入官遂有能名懷寧先無廟學君為伐縣中
長生柳取以為材廟甫成有芝十八莖生大成殿
梁間時人異焉在寧遠日學詩於閑閑公從是詩
律大進綴密工巧切時輩少見其比及入翰苑一
日直宮省殿上急召草官誥三篇君援筆立就文
不加點壽國高公大加賞異曰學士才藻如此而
汝礪不能盡知慙負多矣因命錄所業以獻君諾

之而不之奉也或以為言丞相求君文甚懇何自
閉之深也君曰仕宦窮達在我而已何至假人耶
吉鄉別業有溪水當其門故君以橫溪翁自號有
橫溪集若干卷行於世平生以易為業及安置豐
州止以易一編自隨日夕研究大有所得既歸集
前人章句為一書目曰學易記藏於家竊謂君於
生死之際剛決如此殆有得於易之所謂知命者
非耶系之以銘曰

日吉兮時良鬱佳城兮君所藏仁者之勇兮決
以剛身已滅兮名益光何以命之兮北方之強

天厚之報兮獲且昌世侯伯兮歲墓嘗橫溪兮
洋洋植豐碑兮墓旁魂歸來兮安故鄉滯滯盜
壚兮亦何望

遺山先生文集卷第十九

卷之四

蓮山先生文集卷第二十

碑銘表誌碣

順安縣令趙公墓碑

公諱雄飛字真卿姓趙氏世爲博之高唐人曾大父某大父極皆潛德不耀鄉里以善人稱之父忠信資稟通悟喜接近儒士及公生愛其風骨有起家之望正隆末寇盜蠭起公方在襁褓舉家藏匿林莽間懼爲盜所迹祝兒勿啼啼則累我竟以不啼免難宗黨異焉童州入學記誦出佗兒上稍從鄉先生受賦業未三十四赴殿廷擢承安二年乙科

釋褐長垣主簿縣瀕大河時新被水害廬舍漂沒
城壁頽圯公日以拯災爲事公廨已毀僑寓編民
家上漏下濕若不可一日居者公泰然安之而不
以煩民也初水壞廟學先聖十哲像遷開封縣
之青岡安集稍定首建新學躬率吏民迎奉以歸
其審於先後緩急類如此縣民佃鎮防軍田既淤
墊有未嘗投種者營卒恃勢徵租不少貸民無所
於訴任其凌轢有奪之牛者公捕繫之白按察司
嚴督主兵者視實種畝如干收入幾何輸之詎租
者不得遲佃戶以安流散來歸者十倍其初士子

即廟學柱碑頌之再任南樂簿適令闕公攝縣務
南樂剽邑民頑事殷号爲難理署事之初有惡子
号合五十者以公書生易之詰縣廷自陳云民以
受杖自拌敢以獻公諭之曰國法加有罪者汝無
罪杖之何名惡子又謂公爲懦也乃公爲橫恣無
所顧籍不數日以故毆被訟公械之市三日切責
之科決無所增而其受痛至移晷之火惡子慚恨
自斂迄終更境內免被無復犯者躬教諸子學不
聽外出每患經史不備妨於指授或言文士李夏
卿家文籍甚富假借用之宜無不從公曰夏卿藏書

我寧不知然渠家閩縣首戶子雖曾同場屋今部
民矣與之交通可乎是後邑子有來請益者亦謝
違之誠者以爲治官有業與農功亡異農夫噉牛
曝背寒耕熟耘知有盡地利而已終不以逢年爲
幸也惟其治田不鹵莽故田亦不鹵莽報之公早
有時譽聞老師宿學論議爲多總佐二縣仕之初
筵乃能以任重道遠自力若將死而後已者其弘
毅爲可見矣卒之吏畏而愛民愛而畏藹然有良
吏之風猶之於農其不以逢年爲幸者歟秩滿遷
鮑州順安令挈家北赴過廣寧愛其山水清美且

去爪時尚早也姑留寓馬不幸遽疾以泰和四年十二月之八日春秋四十有七終於寓舍積官至某卽娶解氏習於儒素之訓二女姪恩過所生拊孤者以爲難能後公二年卒子男四人長曰安上初應進士舉晚乃學道次安常早卒次安世貞祐二年詞賦進士無愧先達而能謙嘿自將正大中臺省交薦拜監察御史時論以剛柔適中歸之北渡後破召授叅議京兆宣撫使司事改佐河平軍儲次安國以蔭補監涇陽稅司卒女三人長適鄆陵醋務監馮鵬舉次未笄而夭男孫四人曰邁餘

早卒安世既通貴得贈公中大夫輕車都尉天水
郡開國伯夫人天水郡太君初廣寧受兵安上等
崎嶇百死中扶護東還藁葬於縣北大李莊之某
原是後伯仲季偕沒獨安世流寓河南汴梁既下
猶復振食異縣蓋四十年後始用今年七月日改
卜舉公洎夫人之柩柩於先塋之次禮也安世既
襄事訪某於鎮陽涕泗百拜請曰先大夫之葬棺
槨衣衾不能無悔顧已無及矣今墓已樹木寂
無旌紀其何以贖有而不彰之罪乎高聘君哀安
世不天既銘誌石矣聞之諸公謂吾子紀述國來

名卿賢大夫言行以傳不朽不勝區區之情敢以
墓碑爲託某再拜曰固所願也乃爲之銘曰

受質堅白無磷緇持心權衡平設施古難其人
公如斯行可士矩政吏師百未一試遽奪之彼
罵耄老誰所資碑石有銘無媿辭罔羅放失會
有時幽光發越兮神匪私

資善大夫吏部尚書張公神道碑銘

并引

歲乙巳二月十有九日甲申葬我吏部尚書張公
於輔岩縣將相鄉新安里東南原之新塋禮也孤

子知剛涕泗謂某言先公之葬永年王磐狀其行
東明王鸚誌其墓既卒事矣神道有碑碑當有銘
州里大夫士屬筆於子敢百拜以請某以爲自貞
祐南駕初設大司農分領地官之政而假之以部
使者之任以勸耕稼以平賦役以督墮窳以糾姦
慝內振外肅百廢具舉傾朝復支公以碩材雅望
首膺是選始貳其長終揔其務剛稜之所摧折深
識之所獎拔材量之所興造利澤之所惠養閭閻
細民亦皆飽聞而厭道之至於論列上前謂國家
兵力非前日之比以守則有餘以戰則不足大敵

在此何暇遠事江淮又五代以來都汴梁非用武之國特恃大河爲固耳然唐取梁遼取晉國朝取宋河其果足恃乎閩中有金城天府之險按秦之舊進可以圖恢復而退不失其爲自疆不都閩中則猶當駐蹕河朔繫海內之心故莫若都河中河中中夏腹心負背全秦控制三鎮屯軍中條之麓建行臺河南根本既穩國勢乃張今不都閩中而又弃河中不知他日汴梁孰爲國家守者凡此三者我天下大計繫於危急存亡者爲甚切公發先事之機雋詭辭之義故雖同列或不得與知史筆散

亡故老耄盡不著之金石以示永久後世徵廢興
論成敗殆將有秦無人之嘆竊爲宗國羞之是以
慨然論次之而不敢辭公諱某字公理世爲蕩陰
陽邑里人曾大父某妣石氏大父某贈正奉大夫
清河郡伯妣尚氏追封清河郡太君考某累贈資
善大夫清河郡侯妣李氏清河郡太夫人公幼穎
悟六歲知讀書十二能背誦五經二十八登泰和
二年調賦進士第釋褐徐州錄事判官丁資善君
憂服除調許州郾城主簿縣有逋賦二十万配之
平民公白按察司悉除之民力以紓再調壽張主

簿時北鄙用兵科役無適從公差次物力爲鼠尾
簿按而用之保社有号召散戶有由帖揭榜於通
衢翁民以所當出交舉互見同出一手吏不得因
緣爲姦自是爲縣者皆取法焉縣境多營屯世襲
官主兵挾勢橫恣令佐莫敢與之抗兵人歐縣民
民訴之縣縣不決申送軍中謂之就被論官司民
大苦之一日閭者告百夫長夜破門鑰挾兩伎以
出公謂夜破門鑰盜也遣吏捕還榜掠至百數且
械繫之明日千夫長與其屬哀請不已約此後不
復犯平民乃釋之訖公任終更無一人敢橫者調

林慮令貞祐初辟舉法行除數熟今未機改丞豪
右歛迹御史行縣吏抱官文書候檢覆御史先知
公麾吏去曰張君治縣尚有未盡耶召爲尚書省
今史熟熟民千數詣闕乞留平章政事濮王以聞
德陵欲賜可宰相高琪以朝省尤須得人爲

奏詔以旨諭民民乃歸轉知管差除房俄提控吏
部銓選選法積弊公爲之更定周密備具迄正大
末仍遵用之興定三年超陝西東路轉運副使宰
相華公行臺閔中群公爲左右司郎中時臺務填
委日不暇給公所以處之者常若有餘朝璽歸焉

汾晉陷沒公建言河東郡縣業已爲敵有誠能就
所存官屬選有才望如郭文振胡天作張開之等
略依古制封建之使自爲戰守計亦國家禦敵之大
計也是後益封九公蓋自公發之尋以母老丐歸
養卜居渭南五年閏中受兵公避地華州之南山
行臺檄公爲沿山軍馬都提控不給一卒聽自招
募公移檄諸縣得民兵五千他州盜賊徧野惟公
号令所及帖然如平時路有遺物亦無敢拾也明
年敵退辭軍務京兆取公所練卒隸帳下皆倚爲
選鋒是秋兵復至行臺檄公以前職保箭谷砦兵

伏器用取具倉卒敵人未攻公獎厲士衆親當矢石比歲終潼關迄鳳翔山六十餘柵相繼陷沒獨箭谷保完老幼賴公以全者三十万人元光二年詔復河中行臺驛召公詣軍前行尚書省六部事兵亂之後百姓逃匿山谷無以供餽饋公躬歷山谷延見父老翁以朝廷用兵之意勸出所有以佐軍辭情感激人樂爲用迄河中之復軍食不乏公之力爲多行臺以樊澤籍阿外留屯阿外土人取城日嘗爲內應恃其功輕客軍軍分兩黨故二帥亦不相能行臺憂之奏公爲帥府經歷官公至晚

樊籍以大義且告之蘄蘭之事二帥佩服公言更
爲輯睦城父陷而復帥府以威刑劫之用法殊慘
新民重足而立公爲言國有常憲何至如此凡科
禁過甚者悉除去之民大感悅如受更生之賜正
大元年公被召兵民惜公之去戀戀不忍訣老幼
遮道馬爲之前至沅涕相唁云張使君去吾屬
能久於此乎及入見授京東路司農少卿總二路
事都水使者冒河禁貿易曹單間致貲鉅万且虛
增兵籍盜取縣官錢米賂遺權貴公爲不道連章
發其姦卒廢爲民士論快之伊陽民楊鐸郾城猾

吏韓祖謙舞陽捕盜提控劉汝楫以殺人繫獄法官納賂宿留不爲決以俟末減公廉得之嘆曰若輩漏網則千金之子果不死於市矣乃奏其罪竟致法右司郎中平陽公府騎兵十餘人以事至葛伯若免卒高敏輩利其鞍馬衣仗掩殺之誑招撫使高倫謂是敵兵之偵伺者倫不知其詐以殺聞官後事敗指倫爲首謀倫迫於籌筵自誣伏家人訟其寃尚書省付有司諦審之倫無異辭家人復抱登聞院鼓以訴有司再評倫自伏如初獄將決公終以爲疑及奏上問公公奏言倫雖自款伏而

其家訴敏輩殺人之日倫適飲酒河南追報至始
比歸以次第推倫何得爲首惡罪疑惟輕忠厚之
至且歲早已久願緩倫死以察天意上亦以爲然
遣中使赦倫省中械破而兩大作中使還奏容服
霑濕上爲之喜見顏間同判睦親府事殿前都點
檢撒合輦上所倚信聲勢焰焰權過將相其姊妙
洲爲女官依託營建挾勢歛財以侵愁州縣至後
衛士爲前導而以皇姑自名爲有司所劾上以弟
故欲勿問公力辨以爲不可竟勒妙洲返初服出
撒合輦中京貞祐以後武臣以戰功徃徃至將帥

置貲既多而不相統攝公建言乞以都尉易將帥之號上從其計爲置建威折衝寧遠安平等十都尉各以勝兵萬人配之超戶部侍郎提按軍前行六部事四年丁太夫人憂甫卒哭特旨起復宰相奏擬公京南路司農卿上曰吾欲得張某朝夕相見勿令外補宰相以三路調度京南當什六司農寄託尤重欲暫輟之以往耳上從之故有此授及陞辭上喻之曰以知卿可大用所以授此者以卿能鎮靜故耳公爲政內寬而外嚴雖急於督責官更有犯未嘗輕肆斥逐如上意焉五年暨同官朝

京師上弊論良厚且詔劉大有輩當以張某矜
式尋授戶部侍郎踰月改刑部侍郎不十日又
改陝西西路司農卿七年上念公久外疊遣中使
驛召之仍詔邠州帥護送諭以道路所從出六月
至京師授以右諫議大夫兼戶部侍郎遂赴潼關
軍明年正月軍潰於陽翟公間關至闕下爲上言
平章政事百撒奸邪誤國雖已遣逐而典刑未正
無以服中外心樞密副使合喜將軍中年垂與恒
山軍合而瞻望不進恒山用是失利合喜狼狽中
盡失軍士乞斬之以謝天下上悟旋發合喜爲

民十二月授吏部尚書車駕東狩慷慨請從行不
許未幾汴京送款公柴車北歸結廬洹水之上不
以世務縈懷左右圖書以亂思遺老而已癸卯正
月十有九日春秋六十有八終於所居累官資善
大夫勲上護軍爵清河郡開國侯食邑千戶實封
百戶娶同郡齊氏封清河郡夫人前公五月卒
子男二人長知剛舉進士次知柔早卒孫一人延
祖尚幼公臨事有幹局自歷州縣即能敦風化立
公道定契券以睦兵民布恩信以息寇斂發奸賍
以械府吏募疆悍以輟丁男此他人之所難能在

公特小者耳既爲朝廷所知爲郎官爲大農當官而行無毫末顧望義之所在必至而後已其於憂國愛君蓋不食息頃忘也君農司十年事以苟且爲耻所立條畫力省功倍無有能變易者在京南日課民區種栽地桑蠶視成否若父兄之於子弟慙以農里之言而勉之公上之奉軍興之際簿領填委米鹽之鱗雜朱墨之糾紛先後緩急亦心計而手授之方其培植國本經度邦賦丞掾細務宜不屑爲之然其克勤小物乃如此人謂公有不可曉者廉介自持而器量闊博風岸峻整似不可

梯接而應於物者粹以溫少長鄉校而有素宦之
風從容儒雅而有應敵之略此言論事業之所以
出人意表歟平生事親孝事長敬與人交死生禍
福不少變冀禹錫李大節受知於公年少入仕踈
於自檢坐爲文吏所陷并不復用人知其寃而莫
有爲辨之者公獨曰驥不以一蹇而廢千里況美
士乎言之宰相乞爲昭雪不報乃上書申理之二
子竟得復叙後爲中朝名勝士論以公爲知人所
著詩文箋奏簡重典雅稱其爲人爲集若干卷藏
於家嘗論公大夫士仕於中國全盛時立功立事易於取

稱故太定明昌間多名臣天下士固不可盡誣設
使易全盛而爲季末起坐哺而應急遽是猶拯溺
以規行之雅而料敵以清談之誤吾恐黃相國之
功名減於潁川治軍之日矣古有之亂則智士馳
驚而不足治則中材高枕而有餘信斯言也茲世
之士其無幸歟銘曰

農政名卿臺務望郎職思其憂公極所長南駕
而都百壘爲防乃積乃倉暨彼累糧百冗全來
倚公設張嗷嗷創創罷望我小康採寒袴襦療飢
膏梁愛育本基繫公慈祥孰求豫章公材明堂

孰濟巨川公任舟航盜賊黥髡龍起雲驟何儻
景同翻而不於興王相古先民繫於苞桑豈無
與邦之言天久矣其廢商屹頽波之砥柱又安
得遡橫貴而獨障文武備具之謂成夙夜匪懈
之謂莊克勤小物之謂敏不畏疆禦之謂剛公
是所存奚必太常鬱鬱佳城維公之藏勒我銘
詩發其幽光千秋兮萬古耿故國兮難忘

通奉大夫鈞州刺史行尚書省叅議張

君神道碑銘并引

保靜一軍北當沂海滕充濟單之衝南控淮楚重

兵之所宿大河而南竄爲重鎮興定二年詔以元帥右都監趙石烈志開府此州不終歲復有摠統東道諸帥之命志由親衛起身以小字牙吾塔行宋人訛傳又以盧國瑞目之其所統兵屯戍之外隸帳下者步五千騎二千而已爲人強悍驚猛操縱叵測用兵知變化徃徃間與古合自二年泗州乘勝席卷之後靈壁土山龜山蒙城五河九岡前後殺獲莫可勝計先聲所及宋人爲之膽落兩淮之間名姓可以止啼署字可以怖瘡勲伐旣高知朝議倚以爲重乃高自標置日有跋扈之漸朝廷

亦無如之何使者銜王命或被省檄計事東方凜
凜危懼如遇大敵應對之際橫被陵轢殆一食頃
不可與居而君乃以幕屬與之從事者十有三年
計舉世敢與之抗者唯君一人君始以諸生仕臺
閣衣冠顏貌見者以爲懦而不武志初亦甚易之
及與之議軍務凡獨任冒臆妄有執持君必爲之
委曲開諭不動聲氣穢悍化而柔良既久乃更親
愛外有手足之託而內有骨肉之義志雖高亢偃
蹇卒能免於顛滅之禍者君之力爲多遽伯玉爲
顏闔說養虎人以為莊周氏之寓言以君之事觀

之世乃真有養虎者至於時其飽饑達其怒心虎
之與人異類而媚信斯言也君其有道者與君諱
汝翼字李雲族張氏世爲河內人曾王父甲王父
琳皆隱德弗耀父郁字文甫章宗明昌初詔州里
舉才能德行之士自河中教授曲沃主簿遷狄道
令後用君貴累贈通奉大夫清河郡侯母馬氏清
河郡太夫人君其第四子也天資穎悟童牀中以
善屬句稱弱冠擢泰和三年經義進士第釋褐河
陽簿丁外艱服除調獸次丞復以內艱去職衛紹
王崇慶二年任西寧主簿西寧近接夏境頻被侵

劫君問民所疾苦政從寬簡民甚安之宣宗貞祐
二年夏寇來攻縣中兵力單寡城爲所陷君乘亂
而出有司以不守議罪父老詣州稱枉遂獲申明
四年召爲尚書省令史興定二年考滿授同知泗
州防禦使事軍前行戶工部事俄改行部爲規措
所就充規措使州將移剌羊哥以宋兵脆弱不足
爲慮日與將佐燕飲君獨不預五年正月宋人乘
不備取西城遂據之時君與羊哥在東城羊哥聞
變計無所出謀弃城而遁君戒鹿吏毋敢給州將
馬且躬自巡城衆賴以安已而保靜軍來援碭山

從宜張惠出奔宋兵乃棄城而遁州人德君爲立
生祠尋改震壁軍前規措使充便宜招帥府經歷
官元光元年改充唐鄧裕帥府經歷官保靜失君
軍事廢不治志凡七上奏乃聽君還且擢拜祕書
少監兼行戶部郎中二年邠州從宜納合六哥劫
殺行省事忙古剛以州降宋詔摠府率東方兵攻
取之檄城中兵民有能誅六哥反正者官賞有差
脅從之人一切勿問攻數十日軍士死傷甚衆而
城中無應者又數日宋裨將高顯梟六哥首來降
而餘黨堅守如故志與朝官之在軍中者怒曰此

州從賊叛國賊既死自當開門納軍然且旅拒如此不盡阮之何以示威君進曰平民從叛本非獲已竟有何罪況嘗許首惡之外不戮一人必欲阮之朝廷將不以爲失信乎若重以恩詔開示出三日不降某請身任其責志以下皆是其言射書敦諭州人知禍福所在相繼出降爾後竟無一人被誣誤者詔書褒美遷同知保靜軍節度使事哀宗正大五年志移鎮關陝時關中游騎充斥老幼扣關者亡慮數十万志以關東人心易搖重爲避兵者所警則或有意意外之變欲稟命于朝然後納之

君進曰陝西老幼投死無所獨以關東爲生路今
坐視不救任爲兵人所魚肉豈朝廷倚公存活生
靈之意乎志曰不然敵人百計窺關無從而入間
有挾詐雜老幼而東者誰當任之吾所以待朝命
者不過三二日命即下寨而後行蓋未晚也君復
進曰帥府設經歷官主帥所行得預商略帥若專
輒而參佐曲意從之設此官焉用假有挾詐而東
爲意外之變者某以百口保之志不能奪即命開
關西民由是免禍中使者以聞詔諭之云牙吾塔
資性素剛非卿不能勸導卿爲參佐而主張大事

如此朕甚嘉之當益盡乃心勉建功業朕不汝忘也
也摠府軍還鎮改趙領同知鎮南軍節度使事七年
志行尚書省事於陝西君以目疾求解留君歸
德天興元年歸德受兵摠帥赤蓋元凱起爲經歷
官明年春正月車駕幸歸德改吏部郎中經歷如
故未幾徐州帥樂安郡王王德全不稟朝命授君
戶工部侍郎充徐州帥府參議官且諭之曰卿昔
佐牙吾塔甚有能名今知王德全與卿有連屈卿
往佐之德全雖鄙野亦當從卿言無貽朕東顧之
憂也及尚書左丞完顏仲德以策誅德全乃用便

直授君行省叅議兼同知武寧軍節度使事遙領
鈞州刺史進階通奉大夫冬十月州爲沛縣人鹿
琮所破擁官吏北渡君用憂憤感疾以明年甲午
春二月之十七日春秋六十卒於沛之旅舍翌日
蒿殯於歌風臺之下後十有三年孤子翔等舉君
旌襯歸柩於山陽南徐潤之先塋禮也君娶朱氏
河北西路鹽鐵判官汴梁名進士文伯之女第封
清河郡夫人前公七年卒子男二人長曰翔武義
將軍遙領鄭州防禦判官次曰浚武義將軍遙領
河內縣令女一人適汴京東水門副使邊汝礪男

孫二人長曰奉世次曰延世女孫一人幼在室主
子冬十月朔次奉京東行省員外郎王君禧伯所
撰家傳以神道碑銘爲請三請益堅某不得以不
敏辭乃爲論次之君向多可輯弗著著所以活万
人者其銘曰

柏松青青風水攸寧張君之阡樂石有銘倂品
唯君仁信篤誠一說解紛千室更生瘳零之春
風潤物無聲有簫韶之克諧無水火之必爭彼
舉頭而城隍尾而旌方弭耳而帖伏何磔裂之
敢萌有方無方孰爲權衡使有諸已者而未之

定矣暇及於暴人之所行惟天下之至柔馳騁天下之至剛吾然後知黃老家之言爲有徵

資善大夫集慶軍節度使蒲察公神道碑

銘并引

公諱元衡字君平姓蒲察氏以小字某行世爲某路貴族國初遷種人屯戍中州遂爲真定人祖諱昔兀乃贈鎮國上將軍考諱福山親衛出身官鎮國上將軍臨洮路康樂知寨公則康樂之弟子也康樂愛公風骨不凡度能起家使應童子舉年十一登科移籍大學弱冠擢泰和三年策論進士第

釋褐永年縣丞繼歷三縣佐皆有能名召爲左三部檢法司正公資稟仁厚臨政本於惠養不以鞭箠蓄立威及君議獄之地忠愛欵曲未減者爲多法家稱焉真祐初從行沐都拜監察御史累遷左司諫朝廷知公蓋將大用矣未幾授慶陽府治中權府事部民妻有與外人私者民捕獲之手刃其妻詣官自陳公釋而不問一時能官者以知義許之入爲刑部郎中正大二年被詔審理冤獄時所在獄旣填滿官吏習於柄臣弄威之後知有無辜而彼繫者亦莫敢言公徧歷郡邑躬自臨問非情有

不可耐者一切以詔旨出之所活不啻千人四年遷戶部侍郎詔以鄭州軍卒謀反命與防禦使臨淄郡王張惠鞠之辭連二偏將一遣領陳州防禦使王一息州刺史李公以理論卒言汝以小怨置人造逆之地就使人誑誤而死能代汝否神理不可誣寃報何時而已耶卒感悟盡吐情實公以聞二人得不坐五年授京西路大司農卿兼采訪提舉刑獄事公老於從政仁信愈篤不動聲氣而感惠並舉公議藹然有公輔之望七年改集慶軍節度使亳州管内觀察使未赴遘疾以某年月日

春秋五十有二薨於私第之正寢去河南破不一
年耳積官資善大夫彭城郡開國侯夫人王氏燕
郡大族封彭城郡侯夫人家致整潔有內助之功
中表歸之年七十二後公二十年而卒子男一人
桓端護衛懷遠大將軍男孫二人榮祖慶祖皆尚
幼桓端以某年月日舉公之柩葬於其所之先塋
夫人附焉既葬之幾年某過東平恒端以碑銘爲
請平時以公怕恂過讓不爲鍛鍊之風所移嘗緇
慕之故不復以固陋辭乃爲銘曰

廷平之于大理之徐議獄闕疏至可以漏吞舟

之魚于嗟公乎其斯人之徒歟大安權移變亂
維初傳翼虎臣恣為誅鋏一羽死而一虎出封豕
與俱公適其時職司刑書乘御史駟登使者車
惻惻無諱閑雅甚都周旋於柱後惠文之間溫
其褐寬之儒平反幾何月計有餘方血肉狼籍
而有治古之駒虞禍慘河陰或倖或俘不爲國
殤即亡國之大夫天獨厚公得歸公于黃壚湯
旱焚如一旣者後枯孰乘孰除吾知神理之不
誣于嗟公乎

資善大夫武寧軍節度使夾谷公神道

碑銘

貞佑初大駕南巡公以省掾扈行事出倉卒乃留
幼子今先鋒使斜烈於平州之撫寧朔南分裂父
子相失者餘二十年先鋒既長立能自奮發立功
名仕宦貴顯歲癸巳汴梁下乃奉朝命迎公
北歸公已老而身見代謝愴焉有去國之感顧瞻
裴回不能自已生平植節堅苦食蔬糲不厭既君
民間倍自貶損先鋒有至性夫人殷氏尤盡婦道
日具甘脆百方奉公而公所以自持者不少變一
室蕭然使日夕裁足而已人事覲餉瓜果菜茹之細

亦峻拒而疾麾之如御史執法之在前後惟恐其
汚已也時貴慕公名有謁見者教外白不得通白
我亡國之大夫耳尚何言哉初自聊城居宣德惟
渾源魏內翰邦彥以簡重得登公門與之考論文
藝自餘雖鄰舍有不得見其面者蓋嘗論公君臣
之義於名教爲尤重名教者天地之大經而古今
之恒典惟天下之至誠爲能守故人臣之於君者
有天道焉有父道焉大分一正義均同體吉凶禍
福不以回其慮廢興存亡不以奪其節任重道遠
死而後已猶之父有罔極之慕而天無可逃之理

微子之過舊都包胥之哭秦廷王蠋布衣義不北面於燕樂毅終其身不敢謀趙之徒諫非誠何以當之是故誠之所在即名教之所在有不期合而合焉者語有之善人吾不得而見之矣得見有恒者斯可矣居今之時行古之道若公者吾不知其去古人爲遠近然則不以名教處之其可乎公諱土刺字大用姓夾谷氏世爲合嶺路人曾大父息虎起天會初嘗以王爵握兵柄史牒載其功詳矣大父僕千驃騎尉上將軍娶完顏氏父阿海驃騎尉上將軍澄州刺史娶阿勒根氏贈金源郡夫人

生五子公其第二子也弱冠始知讀書三舉策論
進士以泰和三年登科歷撫寧海濱簿員祐初被
召道出平州平州道被兵州將請公克軍中彈壓
以功陞一階入補省掾終更除武寧軍節度副使
五年用樞密院薦充京東總帥府經歷司主帥牙
古大資驚狼恃功自高奴視叅佐徃徃置之死地
從事輩畏之惟意所嚮噤不出一語公直前徑行
無所顧籍論事之際極所欲言者而止少不見聽
則移戾不爲出帥悔悟或詣公謝之其秉志抗
直如此興定初宋人步騎數萬侵泗州聲勢甚張

公爲畫策潛軍趨靈壁出其不意殺獲甚衆以功遷兩階四年召爲戶部員外郎轉刑部尋遷郎中元光初設三路司農分治戶部以公剛稜疾惡材任刺舉授京南路少卿兼郎中未幾以稱職聞是後公雖改他官言政者猶以少卿名之正大初擢裕州刺史改睢州是歲大蝗公境獨無有秋旱甚禱之而雨識者以爲善政之報三年召爲戶部郎中初置申州輟公爲刺史明年城洛陽授同知中京留守兼同知金昌府事留守移刺瑗雅敬公事無巨細諮之而後行俄改汝州防禦使洛陽之民惜

公之行祖道填咽度旬日不得發公以形迹自嫌
竟由他路而去未經歲改陳州公老於從政先聲
所暨有識相賀州有東平宣銳軍餘百輩率以戰
功得官有至四品者恃勢作威備極凶悍前後不
能制一葛知府者尤不法公捕得之檄送本管一
郡帖然考城胥吏所聚結黨爲社有大刀之目祀
持令佐連起詔獄細民雖被侵愁而無所於訴公
籍其姓名置之廳事自是無一人敢犯者尋上章
請者御史張特立樂葵上書言陳州防禦使土刺
剛直廉介有古良吏之風今雖年及其黽勉王事

強仕之人有不能及者比聞以例告老而有司亦以例許之貪賢之道誠有所未盡特望重加拔擢以觀自竭之效書奏落致仕超授同知開封府事明昌以來錫厲王衛紹王族屬皆終身禁錮男女幽閉絕婚嫁之望公建言二宅僇辱既久賤同匹庶孰有詭謀誰與同惡宜釋其宿忿弘以大度使之各就人道遂生化之性夫國君不可以讐匹夫讐之則通國皆懼匹夫且然况骨肉乎語雖不即從其後天興初元之赦皆聽自便蓋自公發之云六年授武寧軍節度使徐州管内觀察使兼提舉

河防使詔旨衆論道所以遷擢之故且命乘傳赴
鎮桃園行樞密院事幹魯倉官王邦昌囊橐爲姦
盜官糧二万斛公按問得實悉從徵理轉漕爲之
少寬踰年竟以棄病不任得請北渡後五年以戊
戌年二月晦春秋七十有三終於家積官資善大
夫金源郡開國侯歿後三月權殯宣德州東南天
王寺壬寅三月壬申奉公之柩葬於永興縣王家
堡之西北原從弟平章政事華國公畢蘭出及其
子奉職六十一皆葬墓次蓋子孫去先塋久不能
歸柩故改卜於此前夫人與敦氏贈金源郡夫人

繼室蒲速烈氏亦封金源郡夫人子男三人德興
輔國上將軍早卒次斜烈○宣授先鋒使佩金符
總統質子軍次万僧女一人嫁爲世襲官妻早卒
男孫三人留住拔突七十二女孫二人秦奴元奴
皆尚幼妹二人永喜輔國上將軍次中山皆弟明
威將軍老哥之子妹孫二人阿憐壽童從孫一人
八十二奉職之子從妹女一人平章公之女蓋公
收養之者將葬五路万戶郝丑和尚以行狀來請
曰吾子往在省寺宜知武寧之詳先鋒與我結弟兄
之義公之葬猶葬吾父也幸辱以神道碑賜之予

素善郝侯義不可辭乃用所以知公者著之篇而
系之以銘銘曰

清慎以自持介特而不詭隨相被築室天寶厚
其基溫乎召杜之慈凜乎趙張之威民不忍忘
吏不敢欺真識幾希願以能官爲見知風雨如
晦鷄鳴有期滄海橫流鰲足不歇幅巾布衣陋
巷棲遲吾寧汨濁流之泥吾寧啜鋪餘之醕周
粟京坻采薇以療飢尚友千載匪義迹其焉追
燕雲之郊丘壠索索使九原而可作非公吾誰

與歸

遺山先生文集卷第二十







